



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 889:1 8° (A-trykket)





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 889:1 8° (A-trykket)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 889:1 8° (A-trykket)



Early European Books, Copyright © 2009 ProQuest LLC.

Images reproduced by courtesy of the Royal Library, Copenhagen.

LN 889:1 8° (A-trykket)

PASTOR.

2

Unterrichtunge / Wie ein
Pfarherr vnd Seelsorger in lehr/
leben / vnd allem wandel sich Christlich
verhalten soll / Beschrieben durch

Nicolaum Hemming.



Zu ende dieses Büchleins findestu 37.
Propositiones von rechter weise vnd art
eines waren vnd rechtschaffenen
Gottesdiensts.

Leipzig.

Cum Priuilegio ad annos decem.

LN 866

M



Kay Høegs Samling
1970.

Der
digen
Herrn
de Supe
in Ech
Bru
se



beinande
stigem ger
flaaget den
chenzucht
lein von re
andern fr
geschicht

Dem Ehrwirdigen vnd Wolgelarten
herrn Magistro Exconi Asmund
do Superintendenten der kirchen
in Schönlandt / meinem lieben
Bruder in Christo / wünd-
schet Nicolaus Hem-
mingius

Gnade vnd friede in
Christo Ihesu vnserm
Herren vnd Seligma-
cher. Lieber Bruder in
Christo / Als wir in ver-
gangner Sommerzeit
beyeinander waren / haben wir mit trüb-
seligem gemüte offimals bedacht vnd be-
klaget den fall vnd zerrüttunge der Kir-
chenzucht / welches klagen zwar nicht al-
lein von vns / sondern auch von gar vielen
andern frommen gottfürchtigen leuten
geschicht vnd gehöret wirdt. Denn es kan
A ij nicht

Vorrede.

nicht fehlen/ das/ wenn frome Christliche
herren zu rücke / vnd an die schöne Disci-
plin der alten kirchen gedencken/ sich nicht
höchlich betrüben solten / sonderlich wenn
sie sehen/ das die verderbte vnartige sitten
der jetzigen welt/ einen grossen vnterscheid
haben / vnd gar nicht zuuergleichen sein
mit der dapfferkeit / frömmigkeit vnd gotts-
seligkeit der Apostolischen Kirchen / vnd
derer so balde auff die zeit der lieben Apo-
steln gefolget sind.

Vnd wiewol viel frome gelerte leutte
sich offtmals vnterstanden / die alte löbli-
che Kirchenzucht widerumb einzuführen
vnd in schwang zubringen / sind doch irer
wenig gewesen / die solches rechtschaffen/
vnd mit gutter bescheidenheit haben ange-
griffen. Denn irer viel sind gar zu streng
gewesen/etliche etwas zunachlessig/etliche
aber gar zu aberglaubisch. Daher nach-
mals die vnzeliche vnd viel Secten der
Münche entsprungen / daher sind auch
komen die Einsidler in iren Einöden vnd
Welden / daher sind gemacht worden die
manchfeltigen Stende / Regel vnd Or-
den/

Vorrede.

den/ dardurch endlich vnd all mehlich die
reine Lehre verfinstert vnd verloschen/ vnd
an stat der reinen lautern bornquellen/ vn-
flettige trübe vnd stinckende grubē mensch-
licher gebotten vnd sayungen sind gegrab-
ben vnd getruncken worden.

Auff das aber solcher betrug vnd gau-
ckelspiel bey dem gemeinen volck ein anse-
hen hette / vnd hoch geachtet würde / ha-
ben die Mönche allerley geschwinde liste
vnd gleissenden schein erdacht. Denn sie
haben ire erdichte Regel vnd Mönchische
Fabelwerck wissen zuschmucken mit dem
schein der gerechtigkeit/ notwendigkeit vnd
gottesdienstes / das ist / sie haben gelehret/
vnd fürgeben/ als solten ire Regel/ kappen
vnd platten den Menschen für Gott ge-
recht machen/ zur seligkeit nötig sein / vnd
vnserm Herrgott als ein besonder Gottes-
dienst höchlich gefallen. Vñ solches zwar
ist nicht beschē one sonderer hohe schmach
des Sons Gottes/ vnd mit vnseeligem ver-
derbnis vieler Seelen.

Wiewol aber zu dieser vnser zeit solche
schreckliche verdamlliche irthumb von vie-

A iij

len

Vorrede.

len gelerten vnd Gottfürchtige Leuten ge-
strafft worden/vnter welchen die fürnem-
ste / vnd zu ewigen zeiten bey allen vnsern
nachkommen bittlich zu loben sind die hoche-
leuchte Gottselige mennder D. Martinus
Luther vñ Philippus Melancthon/welche
alle beyde/die wol zum höchsten/vnd bis
an jr ende sich beflissen / die reine Lehr her-
für zubringen/vnd ein rechte kirchenzucht
widerumb anzurichten / haben sie gleich-
wol die verderbte sitten vnd eingerissene
bosheit der leute/ neben der Lehre nicht ver-
mocht zu endern / darüber ich vnd andere
viel mehr sie zum offtermal hab hören kla-
gen.

Als wir nun lieber Bruder/ solches ei-
ner gegen dem andern beflagten / gedach-
ten wir zu gleich ettlicher Kirchen / welche
jetziger zeit eine zimliche kirchenzucht /
gleich als aus frembder handt/wider in ire
eigene gewalt bracht/ vnd angerichtet ha-
ben / vnd solches zwar ist geschehen nicht
ohne grosse mühe / vnd besondere ge-
schicklichkeit der Pastoren vnd Seelsor-
gern / so diesen erwenten Kirchen / ersili-
chen

Vorrede.

chen vnd im anfang reiner Euangelischer
Lehre vorgestanden haben. Denn solche
Pastores/ weil sie selbst heilig vnd vnstref-
lich lebeten/ kondten sie mit irem wort vnd
predigten desto leichter raum vnd stat fin-
den bey den Leuten / inen lauts Göttliches
worts zu gehorsamen vnd zu folgen. Denn
es ist keine bessere vnd krefftigere weise zu
lehren / denn das die Lehre mit dem leben/
vnd das Exempel mit der Regel vberein-
stimme. Die Regel erinnert vns/ was wir
thun vnd lassen sollen. Wenn das Exem-
pel / welches gleich wie eine lebendige con-
tractur vnd bild ist/ darzu kompt/ so be-
fleibet vnd hafftet die Lehre viel besser/ vnd
beweget auch die hertzen hefftiger. Diese
zwey stücke / nemlich / die Regel vnd das
Exempel/ nach dem sie an etlichen fromen
Pastoren vntadelich vnd rechtschaffen be-
funden worden / ist ire Christliche Ober-
keit dardurch bewegt worden / beneben sol-
chen Pastoren fleis anzuwenden/ ein rech-
te vnd löbliche Kirchenzucht / welche zum
theil gefallen / widerumb anzurichten.
Vnd darmit solche auffgerichte Disciplin
A iiii desto

Vorrede.

besto lenger vnd bestendiger sein möchte/
sind fromme Gottsfürchtige vnd versten-
dige menner bestellet vnd verordnet wor-
den / welche ein ernstlichs einsichens auff
den wandel vnd leben der Pastorn haben/
die auch alle zucht befördern / vnd hinfort
anrichten sollen.

Solchen seligen Stande gönne ich die-
sen obbemelten Kirchen ganz gerne / vnd
bitte den getrewen ewigen Gott / auff das
sie von tag zu tag zunemen / wachsen vnd
gestärket werden in aller erkandnis / leh-
re vnd verstande / das sie prüfen mögen
was das beste sey / auff das sie lauter vnd
vnanstößig sein / erfüllet mit fruchten der
gerechtigkeit / die durch Ihesum Christum
geschehen / zur ehre vnd lobе Gottes / vnd
das ihr lehre vnd leben also mit einander
vberein stimme / das nicht eines dem an-
dern vnehnlich sey / das nicht jemand's ge-
ergert werde. Denn wo Lehr vñ leben nicht
vberein stimmen / wird der Lehrer mit sei-
ner mühe gar wenig ausrichten / wie denn
der Poet recht gesaget hat :

Wenn

den / das si
sehen / vnd
Aber wie ge
weniger / v
nicht unter
ruchlosen
als für ein
hie wil de
den Kirch
büren / de
thun / vñ
bedenken /
ist / denn
auch viel se
das man i
klagen für
sind mit hi
mittels we
noch ganz
gung gutte
ren gottseli
darnider ge
halten noch
sind mit te
eufferliche

Vorrede.

cken / das sie wachen / vorn an der spizen
stehen / vnd wider den feind streiten sollen.
Aber wie gesagt / dieser dinge achtet man
weniger / vrsach / sie seind leiblichen augen
nicht unterworffen / vnd werden von den
ruchlosen vnd Epicurischen leuten gleich
als für ein nichtigen tandt gehalten. Aber
hie wil den Bechtern der Stat / das ist /
den Kirchendienern vnd Seelsorgern ge-
büren / das sie die geistlichen augen auff-
thun / vnd gemeiner Christenheit schaden
bedencken / welcher schaden zwar grösser
ist / denn das man in mit Worten erzele /
auch viel schwerer vnd vntreglicher / denn
das man in genugsam beweinen oder be-
klagen könne. Die Mawren der Stat /
sind mit hülffe göttlicher gnaden / vnd vor-
mittels weiser Regenten getrewen rahts /
noch ganz vnd vnuorseret / aber die befesti-
gung gutter sitten / vnd die zierde der wa-
ren gottseligkeit / sind zum mehrern theil
darnider gefallen. Die heuser sind feuers
halben noch vnuorseret / aber die hertzen
sind mit tödtlicher brunst enkündet. Die
eusserliche leibliche güter sind in irem ge-
warfsam

Vorrede.

warfamt vnd sicher/aber die innerliche güt-
ter des gemüts werden geraubt vnd ge-
plündert. Die gütter vnd sîze bleiben vn-
uerlezt/aber den sîz des himlischen Jeru-
salems greiffe man mit gewalt an. Des
leibs stercke nimpt zu / aber der seelen ster-
cke nimpt ab. Matronen vnd Jungfraw-
en sind für der Kriegsleute vnrechter ge-
walt wol sicher / aber ire herzen vnd sinne
sind von der lustseuche bezwungē vnd ein-
genommen. Es werden weder Edle / noch
vnedle/weder Bürger noch Bawren/vn-
ter das elende joch des Türcken gefenglich
wegfüret/oder geplaget. Aber/ das noch
viel greulicher vnd schrecklicher ist/ eben so
viel lastern vnd vntuzenden sie vnterworf-
fen sein/ gleich von so viel Herren vnd Ty-
rannen werden sie geengstiget vnd getrun-
gen. Wie denn hieruon Augustinus recht
redet / vnd spricht: Ein böser / ob er gleich
die vberhandt hat vnd herrschet / dennoch
ist er ein knecht/vnd zwar nicht eines eini-
gen knecht/ sondern das noch vntreglicher
ist/er ist so vieler Herren knecht/ als er la-
ster an jm hat. Denn die laster herrschen
vber

Vorrede.

ober in / vnd er / als ein knecht / ist denselbi-
gen gehorsam. Diese jetzt erwente scheden
sind grösser vnd greulicher denn aller fein-
de einfall vnd verwüstunge. Ja gewislich
sind sie viel schrecklicher vñ erger / dieweil
sie nicht dem leibe / sondern dem gemüte /
nicht den gütern / sondern der Seelen se-
ligkeit schedlich sein. Lieber / wem wirt man
hie die schuldt geben / wem wirdt man dis
vbel zuschreiben? Ob wol solches nicht bil-
lich den Pfarherrn alleine mag zugeschrie-
ben werden / Jedoch sind irer nicht wenig /
die hieran schuld haben. Denn wenn sie
(nach dem rath des Propheten / ja nach
dem befehl Gottes) ire stimme erhuben wie
ein Posaune / vnd die laster / welche in vol-
lem schwang gehē / ernstlich straffien / auch
mit geistlichen waffen gerüstet / sich wider
solche geistliche feinde mutiglich legeten vñ
wehreten / so würden one zweiffel die gut-
ten sitten in der Welt nicht also zerrüttet /
es würde viel fürwils / vngehorsams / vnd
vntugendt vnter wegen bleiben. Es mei-
nen irer viel / sie wollen entschuldiget sein /
wenn sie in gemeinen öffentlichen predig-
ten

Vorrede.

ten sich manchmal wider die laster legen/
vnd dieselbige in gemein straffen/ Welchs
zwar gleich so viel ist / als wenn sich einer
für einen streitbaren Kriegsmann aufge-
ben/vnd doch gleichwol/ wens zur schlacht
gerhiete /oder kempffens gölte/ dem feinde
nicht vnter augen gehē/oder Ritterlich wi-
der in fechten wölte. Den so man die laster
nur in gemein straffet / so gehen oft die /
die den grösten vnd gröbsten lastern vnter-
worffen sein daruon / vnnnd wischen das
Maul / gleich als gieng sie es nichts an /
daruon man gepredigt hat. Welcher aber
offentlich vnd vnter augen die laster rüret/
als nēlich/ Tyranny/vnzucht / vngerech-
tigkeit/vnbilliche gewalt vñ freuel/ fressen
vnd sauffen / verleumbdunge / zeuberey /
Teuffels künste/Item/ ansehunge der per-
sonen in Gerichten / vnd dergleichen welt-
breuchige grobe Sünden. Wer diese La-
ster ernstlich straffet / sage ich / der ist ein
rechter Kempffer/der greiffet des Teuffels
Reich rechtschaffen an / treibet vnd veria-
get die feinde auß dem Leger des Reichs
Christi. Also that Helias / Nathan / Je-
remias/

remias
Wir haben
und alle re
Worts /
armen be
keit höher
Welt hat
je eigen l
fahr sche
von sich
Herrn Je
wecket /
ten für ein
Gott dem
chen Chri
Gottes die
Verrehten
der todten
den verreh
geringe für
Ampt das
Als wir
vñ derglei
je begert
vnd lehre

Vorrede.

remias/Petrus/Paulus/Ambrosius/etc.
Also haben gethan die Propheten/Apostel
vnd alle rechtschaffene getrewe Diener des
Worts / welche jeder vnd aller zeit ihrer
armen befohlenen Scheslein seelen selig-
keit höher vnd grösser achteten / denn aller
Welt huld vnd gunst / gut vnd habe / oder
ir eigen leib vnd leben. Wer hie einige ge-
fahr scheucht oder fleucht / seine Behre
von sich wirfft / vñ aus dem Heerleger des
Herrn Jesu Christi abtrünnig wird / vnd
weicht / wird billich gehalten vnd geschol-
ten für einen faulen / forchtsamen / gegen
Gott dem Vatter vnd anckbaren / der kir-
chen Christi abgesagten / aller Religion/
Gottesdiensts vnd Gottseligkeit ergsten
Verrehter / welcher in der aufferstehung
der todten seinen lohn empfangen wird / mit
dem verrehter Juda / welcher grössere sor-
ge truge für seinen Beuttel / denn für das
Amt das im Christus befohlen hatte.

Als wir nun / liebster Bruder / solches
vñ dergleichen mit einander redeten / habe
ir begeret / das ich etliche vermanungen/
vnd lehre aus Gottes wort zusammen zie-
hen

Vorrede.

hen wölte/ in welchen eine gründliche Kir-
chenzucht gelchret vnd begriffen würde /
mit welchen ein frommer Pfarherr sich
vnd seine Pfarfinder nützlich regiern vnd
vnterrichten möge. Vnd wiewol ich solchs
mir schwer sein/ vermerckte / vnd derhal-
ben lieber solches euch auferlegen wölten/
Zedoch weil jr euch entschuldiget/ das von
wegen der grossen vielfaltigen mühe / vnd
stetiger Visitation ewrer befohlenen Kir-
chen/ euch solches nicht zuthun were / vnd
aber solches zuunterstehen mich offimals
gebetten/ hab ich entlich solcher bitte raum
vnd statt geben/ vnd zugesagt/ mich hierin-
ne willig befinden zulassen.

So habt jr nun da meinen Pastorem /
welchen ich öffentlich in Truck geben/ sein
glück zuuersuchen/ vñ zu dulden alles was
ime von bösen vnd fromen zugemutet vnd
auferleget werden mag. Werden viel-
leicht fromme Pastores vnd Seelsorger
hieraus einen nutz schaffen / vnd sich ver-
bessern / sollen sie billich solches euch zu-
schreiben vnd dancken / sonderlich weil jr
mir hierzu rath vnd that gegeben habt.
Nach

Nach den v
nich mehr e
laß/ frage
solchen Cod
lestlich
Gott / den
Christi/ do
fürchtige-
bescheren-
tiglichen
gen in im
ken/ mund
bis wir en
begnadet/ d
liches ange
lers Jhesu
Ewigkeit.

Vorrede.

Nach den vnnutzen Momis / welchen
nichts mehr gefellet / denn jr eigen thun vñ
lassen / frage ich gar nichts / vñ wenn gleich
solchen Codris der Bauch zerrisse.

Letztlich / bitte ich den getrewen ewigen
Gott / den Vater vnsers HErrn Ihesu
Christi / das er seiner Kirchen fromme Gott-
fürchtige getrewe Seelsorger vnd Hirten
bescheren wölle / vnd vns alle sampt einmü-
tiglichen verbinden / das wir eins sein mö-
gen in ime / in loben vnd preisen / mit her-
zen / munde / zungen / vnd allem wandel /
bis wir endlich mit ewiger vnsterblichkeit
begnadet / den herrlichen glantz vnd Gött-
liches angesicht vnsers Erzhirten vñ Mit-
lers Ihesu Christi mögen anschawen von
Ewigkeit zu Ewigkeit / Amen.

Zu Kopenhagen / auff den
zwelfften tag Martij / des
1562. Jars.

2. Timoth. 2.



Befleissige dich Gotte zu erzeigen einen rechts
schaffenen vnd vnstrefflichen Arbeiter
der da recht theile das Wort
der warheit.

Gebet.

D H E R R Jesu Christe/mein ge-
treuer Erghirt vnd oberster Seelsorger/
dich ruffe ich an/ der du allein dein Leben
für deine Schefflein gelassen/ auff das
du sie aus dem Rachen des Beerwolfes/ welches
ist der Teuffel/ rieffest/ vnd errettigest/ du alleine
hast deine Schefflein auff deinen achseln in deinen
Schaffstal getragen/ du heilest sie mit dem heilich-
gen Geist/vnd weidest sie mit der heilsamen Weide
des ewigen Lebens. Dich bitte ich ganz demü-
tiglich/das du mir deinem vnwürdigen Diener/mit
deiner Göttlichen gnaden beystehen wollest/vnd mir
zu diesem meinem schreiben/ aus den reinen quel-
len vnd beständigem grunde deines Worts/ solche
ding eingeben/vnd zufließen lassdest/die da dienlich
sein mögen zu nützlicher vnterrichtung aller derer/
welchen du deine Schefflein zu weiden befohlen
hast/welchen auch du/den namen/der dir alleine bil-
lich gebüret/ vnd gegeben wird/ mitgetheilet hast/
nemlich/das sie Hirten deiner Schefflein genennet
werden/ deine Wort vnd stimme alleine zu lehren/
vnd von sich hören zulassen/Vnd wie die Schefflein
solche stim allein erkennen/ also kennen auch sie dich
alleine/ vnd folgen dir als ihrem Erghirten nach.
Denn in dir einigem vnd alleihe/ sind alle getreue
rechtschaffene Pastores eines sinnes vnd Geistes/
Den sie füren alle einerley wort vnd stimme/ durch
welche du dir deine Schefflein zusamen ruffest vnd
bringest/vnd sie auff deinen schönen lieblichen Wis-
sen weidest/auch sie mit heilsamen woltschmecken-
den wassern ganz miltiglich trenckest vñ erquickest.

B Auff

Auff das ich nun deinen Dienern / welche du
Hirten nennen ledest / eine Gottselige rechtschaffene
weise alles ihres lebens / handels vnd wandels für-
schreiben möge / wollestu / lieber Gott / mir beyste-
hen / vnd mir deine gnade verleihen / auff das ich mit
vnd neben ihnen allen / nach solcher fürgeschriebener
weise / selbst leben / vnd mich verhalten möge / bis ich
endlich nach volbrachtem lauff meines lebens / dir /
der du bist ein Bischoff unserer Seelen / meinen
Geist den du mir gegeben / auffgebe vnd befehle.
Dir getrewem Erghirten unser Seelen / vnd war-
hafftigen Gott / mit dem Vater / vnd heiligem Gei-
ste / sey lob / ehre / pretz / segen vnd weisheit /
danck sagunge / krafft / macht / vnd stercke /
von ewigkeit zu ewigkeit /

A M E N.

Unters

Unterr
Vnser
vnser

D

ben / vnd /
stücken be-
belanget /
Ampt.

Was
hierzu dre
bleibe / vn-
solchs ist b-
alleine. Zu
nen Hause
zum dritte
wandel / n-
menschen f-
solches ist
schen.

**Unterrichtunge / Wie ein
Pfarherr in lehr vnd leben sich
vnstrefflich verhalten soll.**



Je beste weise vnd art
darnach ein Pfarherr/
das ist / ein Seelsorger
vnd Prediger / der ord-
entlicher weise die
Schefflein Christi zu
werden beruffen ist / les-

ben / vnd sich halten sol / wird in zweyen
stücken begriffen / derer eines die Person
belanget / das ander aber betrifft sein
Ampt.

Was die Person belanget / so gehören
hierzv drey ding. Erstlich / das er daheim
bleibe / vnd daselbst stille vñ einsam lebe/
solchs ist bewust vnserm lieben Herr Gott
alleine. Zum andern / das er seinem eige-
nen Hause vnd Gesinde wol fürstehe.
Zum dritten / das das eusserliche leben vñ
wandel / welches er für den Augen der
menschen füret / rechtschaffen sey / Denn
solches sihet beyde Gott vnd die Men-
schen.

B ij Was

Was das Ampt belanget/ sol hierin
ne die rechte ordentliche weise zu weiden/
mit iren stücken vñ vmbstenden betrach
tet werden.

Wollen derhalben in diesem vnserm
vnterricht/ vier stücke für vns nemen.

Erstlich / vom einsamen vnd sonder
lichem leben eines Pfarherrn.

Zum andern / wie ein Pfarherr sein
Haus vnd Gesinde regieren soll.

Zum dritten/ wie ein Pfarherr eusser
lich für der Welt wandeln solle.

Zum vierden/ vom Ampt eines Pfar
herrn/ oder von rechter weise die Scheff
lein Christi zu weiden.

Von diesen vier stücken / die Person
vnd Ampt eines Seelsorgers betreffen
de/ wil ich ordentlich nach einander/ wie
ichs jetzt gesetzt/ handeln/ vnd von einem
jeden in sonderheit klare vnd verstendige
Regeln fürscreiben / welchen / so ein
Pfarherr folgen wirdt/ wirdt er nicht als
leine in diesem zeitlichen Leben/ der selbi
gen reichlich geniessen / sondern auch im
zukünfftigem vnd ewigem Leben / wirdt
er die vnuerwelckliche Krone / ihme von
seinem Erzhirten verheissen / darvon
bringen vnd empfangen.

Vom

Vom erst
von son
men

In
für
Glich

an keinen
alleine /
verberge
welches

Bote vnd
vnd wisse.

les auch de
gen Men

ter feind.
des Men

vntreimig
Teuffel gr

lat vnd v
hasset die r

gleich wie
vnd derhal

der Sathe
sterns / an
fallen.

Deh

Vom ersten stücke/welches
ist von sonderlichem vnd einsa-
men leben eines Pfarherrn.

In Hirte der Scheflein Christi sol
für allen dingen erstlich vñ ernst-
lich bedencken / das er niergends
an keinem orte oder winckel / er sey gleich
alleine / selbander / oder bey vielen / sich
verbergen könne / oder etwas fürnemen/
welches sein Erzhirte Christus / dessen
Bote vnd Diener er ist / nicht allezeit sehe
vnd wisse. So sihet vnd weis solches als
les auch der Sathan/Christi vñ des gan-
zen Menschlichen geschlechts abgesag-
ter feindt. Christus hat die reinigkeith
des Menschen lieb / vnd hasset allerley
vnreinigkeith / Dargegen aber hat der
Teuffel grossen gefallen an allerley vn-
flat vnd vnreinigkeith der Menschen/vnd
hasset die reinigkeith vnd keuscheith. Denn
gleich wie Christus das Liecht selbs ist /
vnd derhalben das Liecht liebet / Also ist
der Sathan ein Herr vnd Fürst der Fin-
sternis / an welchen er lust hat vnd ge-
fallen.

Derhalben du / der du bist ein Hirte
B ij Christi

Castro
mens est
te mit m
vorn

Christi / vnd hast ihm gehuldet vnd ges-
schworen. Du seyest gleich wer du wols-
lest / sihe dich für das du nicht mit deines
Herren widerwertigem feinde / dem du
erstlich in der Tauff / vnd hernach nach
erforderunge tragendes Ampts abge-
saget hast / spielest oder schimpffest /
der meinunge / als könne oder möge ver-
borgen bleiben / dasjenige / das du heims-
lich / oder in deinem Hause thust. Ja du
solt dich viel mehr besleissigen vnd be-
mühen zu gefallen vnd zu wilfahrendeis-
nem Herren / dem du gehuldet vnd ges-
schworen hast / ja des Knecht vnd Die-
ner du bist. Tu ist im aber nichts liebers
noch gefelligers / denn reinigheit des Ge-
mütes vnd des Leibes. Vnd widerumb
ist im nichts so sehr zu wider / als ein vnrei-
nes Gemüte oder Hertze. Vnd von dieser
vrsachen wegen befihlet Paulus seinem
Pastori Timotheo / das er rein sein solle /
da er spricht / Halte dich selber keusch /
1. Timoth. 5.

Vnd ob wol solche reinigheit vnd
keuscheit beide bey Pfarherrn vnd Pfar-
Kindern soll erfunden werden / als eine tu-
gendt vnd sonderliche zierde / welche aus
der krafft des bluts Christi vnseres ober-
sten

sein litten be-
sach / soll / der
widerstand
abwaschen
soll doch ein
ist so mehr
andere dar
zu reinigen se
rein sein / v
dern Han
machet si
vnrein. E
da er seine
Ephesier
acht auff di
welchem A
das ein Pfa
höchsten b
rein vnd v
Was i
hat vnd v
mein gesag
weis für mi
lich sehe / w
an einem P
den sehe.
Da nu
reinigheit f

sten Hirten herkommen vnd sich verur-
sachen soll/denn wir alle/so rechtschaffes-
nen Glauben haben / sind gereiniget vnd
abgewaschen mit dem Blut Christi. So
soll doch ein Pfarherr nur deshalb sich
desto mehr hierzu befleissigen/ dieweil er
andere durch vñ mit seinem Ampte hier-
zu reitzen soll. Denn es mus die Handt
rein sein/ welche den vnflat von einer an-
dern Handt waschen wil / wo nicht / so
machet sie mit ihrem Kot die andere auch
vnrein. Sagt derhalben Paulus recht/
da er seinen Jünger Timotheum / der
Ephesier Pfarherrn vnterrichtet/ Habe
acht auff dich selbs/ 1. Timoth. 4. Mit
welchem Wort vnd Gebot er anzeiget/
das ein Pfarherr sich sonderlich vnd zum
höchsten befleissigen solle / das er sich
rein vnd vnbesfleckt behalte.

Was ich bisher von sollcher reinig-
keit vnd vnschuld eines Pfarherrn in ge-
mein gesagt habe / wil ich nu auch stück-
weis für mich nemen/ auff das man kler-
lich sehe / worinnen solche reinigkeith / die
an einem Pfarherrn soll befunden wer-
den/stehe.

Da nu Paulus von seinem Pastore
reinigkeith foddert / wil er ohne zweiffel/

B iij das

das auch das gemüt rein sein solle / vnd
der leib keusch / vñ das der ganze Mensch
sich als eine newe Creatur / in warer heil-
igkeit Gott vnterwerffe / vnd ergebe.

So viel aber das Gemüt belanget /
begreiffst es folgende stücke in sich. Das
erste ist Mens / das ist / sinnen. Das ander
ist Cogitatio / gedanken. Das dritte
Affectus / die affecten vñ begirden. Das
vierde Voluntas / der wille. Das fünffte
Studium / das fürhaben oder fürnemen.
Diese stücke sind von natur vnter einan-
der also vereiniget / das entweder reinig-
keit oder unreinigkeit / von einem in das
ander sich flechten vñ fließen. Den gleich
als wen die sinnen oder das gemüte befle-
cket ist / so werden auch die Gedanken /
Affecten / Wille / vnd alles fürhaben be-
flecket. Also auch / wenn das Gemüte rein
ist / so bleibet auch das andere rein. Das
aber solche stücke desto ehe vnd besser ge-
züchtiget / vnd im Zaum mögen gehal-
ten werden / mus man achtunge haben /
wardurch solche stücken verunreiniget
oder gereiniget werden. Wollen derhal-
ben vom ersten vnd fürnembsten stücke
erstlich handeln.

Bernhardus spricht: Mens bona pre-
ciosa

ciola possesio
gemüts ist ein
lus / nicht / d
eligen ge
Zem also sp
meist beid
uden Lph
tigers hier
den wande
welcher v
entfrembt
Gott ist d
nen ist d
welcher n
vnzucht / v
keit / sampt
Paulus klei
gen die sich
ben / eitel si
hertz ein B
den alle di
nachten / d
mein Wa
kommen.
Es begre
müt oder S
lich / den v
Mensch an

ciosa possessio. Ein gut vnd vnbesleckt
gemüte ist ein köstlich Kleinot. Aber Pau-
lus spricht / das der Gottlosen vnd Vn-
glaubigen gemüte eitel vnd besleckt sey.
Dem also spricht er zum Tito am 2. Vn-
reine ist beide jr Sinn vnd Gewissen. Vñ
zu den Ephes. 4. redet er etwas weitlenff-
tigers hiernon / da er spricht : Die Hei-
den wandeln in der eitelkeit ires Sinnes/
welcher verstandt verfinstert ist/ vñ sind
entfrembdet von dem Leben / das aus
Gott ist/durch die vnwissenheit/so in ih-
nen ist/durch die blindtheit ires Herten/
welche ruchlos sind/vnd ergeben sich der
vnzucht / vnd treiben allerley vnreinig-
keit / sampt dem Geitze. Wie bezeuget
Paulus klerlich/das aller Menschen her-
zen die sich noch nicht zu Gott bekert ha-
ben/eitel sind vñ vnnütze. Weil denn das
Hertz ein Born vnd Quelle ist / aus wel-
chem alle ding herfließen/ist leichtlich zu
erachten / das aus ein vnreinen Born/
vnrein Wasser oder Flüsse müssen her-
kommen.

Es begreiffet aber das wörtlein/Ge-
müt oder Sinn/dreyerley in sich. Erst-
lich / den verstandt / mit welchem der
Mensch ein ding anschawet vnd bedens-

B v cker.

cket. Hieher gehöret die behaltunge vnd
das gemercke / welches einem die propo-
sitiones gibt vnd antregt. Darnach be-
greiffst es in sich / den verstandt / der nicht
allein specularit / vnd bedencet / sondern
auch sich vbet / vnd etwas ins werck se-
zet / Hieher gehöret Conscientia / das
Gewissen / welches die Assumptiones ge-
birt / vñ von sich gibt. Letzlich begreiffst
es auch in sich / den verstandt / welcher
von einem ding kan iudiciren vnd rich-
ten / Dis ist des Menschen iudicium / vr-
theil vnd gutdüncken / welches aus der
me / was es proponirt vnd annimpt / et-
was schlenst / vnd darauff beruhet.

Wenn aber nun / wie Paulus sagt / das
Gemüt oder Hertz eitel vnd beflecket ist /
Lieber wie werden denn des Menschen
Conclusiones vñd Schlusreden sein ?
werden sie nicht eitel sein vnd beflecket ?
Das kan trawen nicht sein / das man aus
einem trüben Born / lauter vnd rein
Wasser schöpfen kömte. Soll derhalben
ein fromer Pastor hie zusehen / welche
solche angeerbte des gemüts eitelkeit /
oder befleckunge sey / vnd woher es die
reimigkeits bekommen solle / dardurch sein
gemüt geendert vnd ausgefegget werde /
das

das also anse
Borne rein v
der heilige
in Buch De
zaget mit v
durch das g
schen beflec
des gemüts
vier stücke
vnd irrige
halben in
wenn es m
solte. für
gedanken /
zunehmungen
welchiget vor
in die Sünd
Wiewol
Gemüte / al
vñd etwas g
denn wir es
ganz sein an
flecket werde
einer nicht re
falschen wab
weil sie in al
Gottes Wo
flecken vñd

das also aus einem sauberem vnd reinem
Borne/rein vnd klar Wasser herfließe.

Der heilige Maximus in seinem drit-
ten Buch De charitate / am 34. Capit.
zeigt mit folgenden Worten an / wor-
durch das Gemüt oder Sinne des Men-
schen befleckt werden. Die unreinigkeit
des Gemütes / spricht er / stehet in diesen
vier stücken. Erstlich / wenn ein falscher
vnd irriger wahn / irgends eines dinges
halben in ihm stecket vñ wonet. Darnach /
wenn es nicht weis / was es billich wissen
solte. Für das dritte / wenn es von den
gedanken / welche den Affecten vñ böser
zuneigungen zu sehr ergeben seint / vber-
weldiget wird. Für das vierde / wenn es
in die Sünde williget.

Wiewol aber das Wörtlein / Mens,
Gemüte / alhie von dem heiligen Maxi-
mo etwas gemeiners gebraucht wird /
denn wir es brauchen / so zeigt er doch
gantz seint an / wardurch das Gemüt be-
fleckt werde / nemlich hierdurch / wenn
einer nicht weis was recht sey / vnd einen
falschen wahn gefasset hat. Diese laster /
weil sie in allen Menschen / so nicht in
Gottes Wort recht vnterrichtet seint /
stecken vnd befunden werden / vermanet
Paulus

Paulus Rom. 12. seine gienbige Chris-
ten / das sie nicht dieser Welt sich gleich
stellen wollen / sondern sich verendern /
durch die vernewerunge ires sinnes / auff
das sie prüfen mögen / welches da sey der
gute / der wolgefellige / vnd der volkom-
mene Gottes wille.

Hie erfordert Paulus einen neuen
Sinn / vnd zeigt an / warumb er solches
thue / nemlich darumb / weil niemands
ohne die vernewerung / das ist / ohne rei-
nigunge seines sinnes / prüfen könne / wel-
ches der gute / wolgefellige / vnd volko-
mene Gottes wille sey. So stehet nu
einem fromen Pastori zu / sich ernstlich
zubefleissen / auff das er seinen unreinen
sinnen absage / vnd sich verendere durch
die ernewerunge seines sinnes.

Woher kompt aber solche verendes-
rung? Oder wie kan aus einem unreinem
sinne ein reiner sinn werden?

Gottes Wort ist der aller reinsteste vnd
klaresten Brun / wenn der Mensch hier
von trincket / vnd seines Wassers recht
brauchet / so weschet er allerley unreinig-
keit des gemütes abe / es erleuchtet den
verstand vnd die gedanken des Men-
schen / regieret ihn in allem handel vnd
wandel /

wandel / verle
recht / schliet
geheffen.
sich / Da
und erquick
des herren i
bern weise.
richtig / v
bot des he
die augen.
Dein wort
ein Liecht
nu Gottes
seligmachen
annimt / d
gereinigt d
stehen / v
recht vber
Dierail
vnd vbinge
wunich vn
sorget Chris
lachtet vnd
Pastor nach
ligen Dauid
erlangere /
war vnd m
Denn also

wandel / verleihet ihm einen verstande
recht zu schliessen vnd zu richten in seinen
geschessenen. Das Geseze des Herren /
spricht David / Psalm. 18. ist one wandel /
vnd erquicket die Seele / Das zeugnis
des Herren ist gewis / vnd machet die als
bern weise. Die befehl des Herren sind
richtig / vnd erfreuen das hertz. Die ges
bot des Herrn sind lauter / vñ erleuchten
die augen. Vnd im 119. Psalm / spricht er:
Dein wort ist meiner füsse leuchte / vnd
ein Licht auff meinem wege. Wenn man
nu Gottes wort liest / vnd die Himlische
seligmachende lehr im glauben fasset vñ
annimpt / da werden alsdenn die sinnen
gereinigt / das man das Wort recht ver
stehen / vnd was man recht verstehet /
recht vben vnd brauchen könne.

Dieweil aber all vnser studiren / lesen
vnd vbunge lauter vergeblich ding ist /
wo nicht vnser oberster Pastor vñ Seel
sorger Christus vns mit seinem geiste er
leuchtet vnd beystehet / so sol ein fromer
Pastor nachfolgen dem exempel des hei
ligen Dauids / welcher mit seinem Gebet
erlangete / das ihm sonst vnmüglich
war / vnd in seinen krefftten nicht stunde.
Denn also betet er / Psalm. 25. **H E R R**
zeige

zeige mir deine wege/vñ lehre mich deine
steige. Leite mich in deiner warheit/vnd
lehre mich/denn du bist der Gott der mir
hilffte/teglich harre ich dein.

Auff das nu eines Pastoris oder Seel-
sorgers sinne vnd hertz rein sey/ist zu wiss-
sen/das drey stücke hierzu gehören/nem-
lich/Büssen/lesen vnd beten. Die Buße
bringet ihm zu wegen/das die unreinigi-
keit vnd befleckunge/so noch in ihm vber-
rig/ihm nicht zugerechnet wird. Ste-
tiges lesen/dienet im wider allerley dun-
ckel vnd verfinsterunge. Das Gebet er-
langet die gnedige hülff vnd hand Gots
tes/durch welche die sinnen zum lernen
vnd studiren zugerichtet werden.

Vnd nach dem unsere Forfaren/das
solches sich also halte/vermercket/haben
sie guthertziger meinunge geordnet/
das man etliche gewisse Lektionen aus
den Propheten vnd Psalmen in der Kir-
chen behalten vnd vben solte/Sonder-
lich aber die/welche zur Lehre vnd vn-
terrichtunge am meisten dienlich/vnd
die Herzen der Menschen zum Gebet
vnd warer andacht reitzen vnd trieben.
Da aber solche andacht vnd Christlicher
fleis allgemach begonte zu fallen/vnd
abzu-

abzunehmen/Sihe da entsethet das Bepf
liche gesetz / von notwendigkeit solcher
vbungen / vnd ward hinan geslicket der
wahn eines sonderlichen Gottesdiensts/
vnd wurden die Priester vnd Geistlichen
gezwungen / teglich / frue / zu mittage / vñ
abends / eine gewisse anzal der Psalmen /
zu beten vnd zu singen. Welche dann sol
chen Bepflichen Satzungen nach / sich
gehorsamlich verhielten / haben vermei
net / als das sie mit solchem Wercke vn
serm Herrgott ein sonderlichen wolges
felligen Gottesdienst theten / vnd etwas
im abuerdienet hetten. Widerumb / die
solches nicht thaten / meineten / sie hetten
eine Todsünde begangen. Vnd solches
ist am meisten dazumal geschehen / da
schon die reine Lehr mit Menschen sas
zungen vbermenget vñ verfinstert war.

Wiewol aber solcher vnwilliger vnd
aberglaubiger Gottesdienst / vnd das
singen der Psalmen / welchs nur von zeit
liches genießes wegen geschah / vñ zum
theil durch Gottlose / zum theil durch
vnuerstendige leute volbracht worden /
von fromen Lerern der Kirchen billich
verworffen / vnd gestrafft worden ist /
So were es doch gleichwol nütz vñ gut /
das

das man die alte Christliche gewonheit
vnd Kirchenzucht herfür suchete / vnd
behielte. Denn sie hat mehr nuzes vnd
fromens in sich / denn der gemeine hauffe
dencket. Denn es wird dem Menschen
durch die gewonheit des singens / die hei
lige Schrifft nicht allein gemeiner / vnd
durch stetige vbung / zuuerstehen leicht
ter / do anders ein Gottfürchtiges hertz
fürhanden ist / Sondern es wird auch der
Glaube / das Gebet vñ anruffunge / Hoff
nung / Liebe / vnd andere Christliche tu
gende erwecket vñ gestercket / also / das
die sinnen vnd gemüter / derer die ohne
aberglauben vnd mit verstande sich hier
innen vben / gereiniget vñ gebessert wer
den.

Basilius Magnus hat in seinen Kir
chen geordnet / das die Psalmen / einen
Vers vmb den andern / gesungen wur
den / vñ einer dem andern gleich antwor
tete / vñ solchs geschach nicht / einen Got
tesdienst damit auffzurichten / sondern
von zucht vnd wolstands wegen. Denn
der heilige Basilus hat es dafür geach
tet / das man die Psalmen also leichtli
cher köndte fassen / vnd auswendig ler
nen / Item / das durch solche abwechse
lunge

lunge der Verse
andem singet
die dinger des
die solche ge
inthalben ka
mit unsern
seines vo
wollen wir
nicht zu wi
sein soll.

Ist der
wundersch
len fromme
gang geme
Basilus M
eine gemeine
Denn er heil
den der Se
er balde / w
inquicket er
vnd die 2
Seelen der
welseltiger
bedet er auff
immer mögl
Weil dem
grossen nutz
ermene ich

lunge der Verss/da man einen vmb den
andern singet/vberdrus vermitteln/ vnd
die Singer desto lustiger würden. Weil
aber solche gewonheit zu singen/nicht al/
lenthalben kan gehalten werden/ wollen
wir vnsern Pastorem mit solchem Ges
etz keines weges verbunden haben. Doch
wollen wir ihm ein rath geben / der ihm
nicht zu wider / sondern nützlich vnd gut
sein soll.

Ist derhalben dis mein rath / Ich
wünsche vnd begere/das der Psalter als
len frommen Pastorn vnd Seelsorgern/
ganz gemein vnd bekandt sein möchte.
Basilus Magnus nennet den Psalter
eine gemeine Speiskamer guter Lehren.
Denn er heilet/spricht er/ die alten wun
den der Seelen/vnd die newen verbindet
er balde/was schwach vnd kranck ist/das
erquicket er / was gesund ist / das erhelt
er/vnd die Affecten / durch welche die
Seelen der menschen hie in diesem leben
vielseltiger weise angefochten werden/
hebet er auff / vnd wehret ihnen / so viel
jimmer möglich / etc.

Weil denn die Psalmen so trefflichen
grossen nutz mit sich bringen / rathe vnd
ermane ich einen jeglichen fromen Psar
C herrn/

herrn / das er jme die Psalmen sonder-
lich lasse befohlen sein / vñ dieselbigen gar
fleissig lese / vnd solches zwar volgender
weise.

Die funffzehen Psalmen / welche man
Psalms graduum nennet / sollen jme für
allen andern gantz be-kandt sein / vnd die-
selben sol er also lesen / das er sie alle Wo-
chen ein mal zum ende bringe.

Den 25. Psalm / welcher ansehet:
Nach dir Herr verlanget mich / etc. Vnd
den 51. Psalm. Gott sey mir gnedig nach
deiner güte / sol er alle morgen einen vmb
den andern beten.

Nach gehaltenem Mittagsmal / soll
er teglich beten den 147. Psalm / welches
anfang ist: Lobet den Herren / denn vn-
sern Gott loben / das ist ein köstlich ding /
solch lob ist lieblich vnd schön.

Nach der Abendmalzeit neme er für
sich den 23. Psalm: Der Herr ist mein
Hirte / mir wird nichts mangeln.

Zu seinem Abendt gebet / neme er den
130. Psalm: Aus der tieffen ruffe ich zu
dir / etc.

An Feyertagen / den 119. Psalm:
Woldenen / die ohne Wandel einher ges-
hen / etc.

Wleis

Bleiben also noch 129. Psalmen hinder
stellig/welche er ordenlich nacheinander
für sich nemen sol/also/das er dieselbigen
in idem Monat ein mal zum ende füre.

Vnd wiewol viel vñ mancherley ver-
siones vnd Text der Psalmen gefunden
werden/so wil ich doch meinem Pastori
befohlen haben/die Version D. Georgij
Maioris/denn diese ist gar hell vnd klar/
mit kurzen guten scholiis beschrieben/
welche an stat eines Cōments/das ist ei-
ner guter auslegung mögen angenommen
vñ gebraucht werden. Dis ist mein raht
von den Psalmen/wie man dieselbige les-
sen sol/wem es geliebt mag solchen folge.

Über das/so mus ein rechtschaffner
Pfarherr sich fleissig vben in den Epis-
keln Pauli/zum Römern/Galatern/Es-
phesern/Timotheum/vñ Titum. Item/
im Euangelio Johannis/vnd seiner ers-
ten Epistel. Solche ist benante des
newen Testaments Bücher/wolte ich/
das ein Pfarherr dieselbige ordentlich
nach einander für die hand neme/vnd le-
se/also/das er teglich/vnd zum wenig-
sten ein Capitel lese/vnd hinaus füre.
Jedoch wil ich nicht/das er darumb
die andern Schrifften des newen Testas-

C ij ments

ments nicht lesen solte / sondern das jzt
gedachte Schrifften ihm sonderlich sol
len leufftig vnd bekand sein.

Das alte Testament belangende / wil
ich / das er für allen andern lese das erste
Buch Mosi / die Sprüche Salomons /
den Propheten Jesaiam / vñ Danielen.
Vnd solches soll er thun eben auff die
weise / wie mit den Büchern des newen
Testaments gemeldet worden. Die an
dern Bücher des alten vnd newen Testa
ments sollen bey weiliger vnd bequemer
zeit auch gelesen werden / also / das sie in
einem oder zweyen Jaren vngesefhrlich
zu ende bracht werden.

Solcher fleis vnd ordnung im lesen /
leutert vnd reiniget nicht allein die sin
nen / sondern bringet einen reichen merck
lichen nutz allen denen / so diesem meinem
rathe vnd anleitung folgen.

Bis anher habe ich angezeigt / wie
man die Bücher der heiligen Schrift le
sen / vnd nutzbarlich in denselben studirn
solle. Sehe es für gut an / hinfürder ein
bericht zuthun von den Commentarien
vnd auslegungen der heiligen Schrift /
welche von den Lehrern der Kirchen
beschrieben worden sind.

Wiewol

Wiewol ich
Pater / ehe d
der vnd he
wilde / wol
ament vnd
ich doch gle
lich / das er
das ist / d
offemals
hierinnen
genugsam
diren. De
sich fleißig
nicht vmb
oder anmem
samer weise
man zu be
ankere / au
zu neme.
den dinge
manfft vnt
gesehen / S
nötiger in
Kirchen / n
menschliche
vnd den bra
geschwindi
der h. Ber
triffet.

Wiewol ich aber gern wolte / das mein
Pastor / ehe dann er eines solchen herrli-
chen vnd heiligen Ampts sich vnter-
wünde / wol vnterrichtet were im Fun-
dament vnd grunde seiner Lehre / Achte
ich doch gleichwol für heilsam vnd nutz-
lich / das er das ganze Corpus doctrinæ,
das ist / den grund Christlicher Lehre
offtemals repetire vnd widerhole. Denn
hierinnen kan keiner sein lebenslang nicht
genugsam / oder zu viel lernen oder stu-
diren. Denn wie Cicero sagt / mus man
sich fleissig hüten vñ vorsehen / das man
nicht vnbekante ding für bekante halte
oder anneme / vñ denselbigen vnbedacht-
samer weise beysal gebe / sondern / das
man zu betrachtunge eines dinges fleis-
ankere / auch zeit vnd weile gnugsam dar-
zu neme. Hat nu Cicero solches in leibli-
chen dingen / vnd denen / so der Ver-
nunft vnterworffen sind / für nötig an-
gesehen / So ist warlich solches noch viel
nötiger in der Lehre der Christlichen
Kirchen / welcher Glaube die Grenzen
menschlicher vernunft / die gewonheit
vnd den brauch der Natur / vnd allerley
geschwindigkeit oder erfahrungen / wie
der H. Bernhardus bezeuget / weit vber-
triffet.

C iij Soll

Soll derhalben ein rechter Seelsor-
ger vnd Pastor/ime ein vollkommenen
vnd gründlichen begriff der Lehre für-
nehmen / vnd denselben zum offtermal
vberlesen / studiren / lernen / vnd mer-
cken / vnd gleich als eine Richtschnur
vnd Regel gegen andere Lehre halten/
auff das er nichts anneme noch billiche/
so der heiligen Schrifft zu wider ist/ auch
nichts verwerffe / oder für ungereimpt
halte/ das in Gottes Wort hell vnd klar
gelehret ist / Sondern mit dem Erqua-
ter Abraham / Gott seinem **HERREN**
zueigene das Lob der Gerechtigkeit vnd
Wahrheit / ob auch gleich alle Natur
vnd Vernunft/deme so aus den Schriff-
ten der Propheten vnd Aposteln geleh-
ret wird/zu wider sein würden.

Vnd wiewol vieler Hochgelerter vnd
frommer Leute Schrifften vorhanden
sein / in welchen ein vollkommener Be-
griff der Lehre verfasst ist/ wil ich doch
meinem Pastori sonderlich befohlen ha-
ben / das Corpus Doctrinae / des Ehr-
würdigen vnd heiligen Mannes / Herrn
Philippi Melanthonis. Denn in diesem
Buch

Buch ist nicht
selbstständig /
sondern
mit anderen
Schriften
verbunden.
Hier
sind die an-
forderungen
alle sammt
in diesen
Gottseligen
vnd Trost-
büchern /
Lehren
gelehrt. Vn-
ter
Pfaffen
terrichtun-
gen / vnd
er mehr
so gleich
in Scriben
füget vnd
wie
haben / an
Schriften
hoch vnd
wichtig

Buch ist nichts dunkels / nichts zweifels
felhaftigs / nichts falsches oder verker
tes / sondern es ist alles fein klar vnd ges
wis erbarvet / vnd gegründet auff die
Schriften der Propheten vnd Apost
keln. Hierzu soll ein Pastor auch brau
chen die andere Commentarien vnd Er
klärungen des Herren Philippi / welche
allesamt er fleissig lesen soll. Denn
in diesen Schriften findet man mehr
Gottseligkeit / Lehre / Unterrichtung
vnd Trost / denn vielleicht in vieler der
Alten / Lateinischen / vnd Griechischen
Lehrern Schriften vnd grossen Bü
chern. Wenn derhalben ein einfeltiger
Pfarrherr / dem ich hie solche meine Un
terrichtung fürschräbe / hiemit zu frie
den / vnd sich benügen lassen wird / wird
er mehr studieren vnd ausrichten / denn
so er gleich in vieler beide newer vnd al
ter Scribenten Bücher sich hefftig eng
stiget vnd bemühet.

Hie will ich aber nichts entzogen
haben / anderer Hochgelerter Leute
Schriften vnd Bücher / welche ich
hoch vnd werth halte / vnd zu lesen nicht
vntüchtig achte. Nicht aber / das sie

C iiii allen

allen vnd jeglichen tüchtig vñ nütz sein/
sondern fürnemlich denen / welche ein
bestendig vnd scharff iudicium haben/
vnd die von wegen der Kirchen geschaff
te hierzu zeit vnd weile haben können.
Denn mit diesem meinem Büchlein / wil
ich nur den einfeltigen Pastorn / welche
mit geschafften offtmals beladen / rath/
lich vnd behülfflich sein. Denn womitei
ner teglich vmbgehet / desselben dinges
gewonet er auch / vñd vergiffets nicht
leichtlich / wie Seneca saget / Des mens
schen gemüt vergisset derer dinge lang
sam / an welchen es lange gelernet hat.

Dis sey gesagt von der reinigung des
gemütes oder sinnes / welcher eine quelle
ist aller anderer handel vnd wercke. Sol
cher sinn (auff das ichs kurz zusamen
fasse) ist befleckt durch die böse vnd ver
derbte Natur / vñ ist eitel worden / Mus
derhalben / nach der Lehre Pauli / geen
dert / vernewret / vnd gereiniget werden /
durch das blut Christi / vnd durch steti
ge busse / fleissiges studiren / vnd andech
tig gebete / darmit es endlich von tag zu
tage / vnd so lang wir hie in diesem leben
sein / je lenger vñ mehr gereiniget vnd er
newert

newert werde
seelichen L
für Sinn nüt
nicht all
enden sein
Christum v
unsere ang
vneinigke
sondern di
teglich rei
Das an
gehörende
sen sagt D
ursprung h
Das sollen
wissen / das
ursprung h
kommen von
sel/etliche
men her di
am / durch
zu volk
Gottselig v
mstrüchlich
Vom Teuff
vnd schodli
Menschen
Judas ged

newert werde. Denn so lange wir diesen
sterblichen Leib an vns haben / wird vn-
ser Sinn nimmermehr so rein werden /
das nicht allezeit etwas zu reinigen vor-
handen sein werde. Sollen derhalben
Christum vnsern Heiland bitten / das er
vnser angeborne vnd stets anhangende
vnreinigkeit vns nicht zurechnen wolle /
sondern durch sein Wort vnd Geist vns
teglich reinigen vnd vernewen.

Das ander / zum gemüt des Menschen
gehörende / sind die gedanken. Von dies-
sen sagt Damascenus / das sie dreyerley
vrsprung haben / Denn also spricht er:
Das sollen wir zwar vor allen dingen
wissen / das vnser gedanken dreyerley
vrsprung haben. Denn etliche gedanken
kommen von Gott her / etliche vom Teuf-
fel / etliche von vns selbst. Von Gott ko-
men her die heilsame vnd selige gedan-
cken / durch welche er die Menschen reis-
set zu volbringunge der dinge / die da
Gottselig vnd heilsam sein / nach dem
austrücklichen befehl vnd gebot Gottes.
Vom Teuffel kommen her die verderbliche
vnd schedliche gedanken / welche den
Menschen führen zum verdammis. Das
Judas gedencket den Herren zunerrah-

C v ten/

ten/ solche gedancken kamen vom Teufel her. Denn also stehet klerlich geschriben/ Joh. 13. Nach dem Abendessen/ da schon der Teuffel hatte dem Juda Simonis Ischarioth ins hertze gegeben/ das er in verriehte. Vnd abermals spricht die Schrift: Vnd nach dem bitten fuhr der Sathan in in. Dis bezeuget auch Petrus/ Acto. 5. da er mit dem Anania redet/ Warumb/ spricht er/ hastu denn solches in deinem Hertzen fürgenomen? Warumb hat der Sathan dein Hertz erfüllet/ das du dem heiligen Geiste lögest? Von uns aber komen die gedancken her/ wenn wir die ding die wir fürhaben vnd thun/ oder gethan oder gehört haben/ beherzigen vnd denselben nachdencken. Die erste art der gedancken/ ist nützlich vnd heilsam/ die andere vñ letzte art/ ist schedlich. Denn gleich wie der Rauch die Bienen vertreibt/ also wo man den bösen gedancken zu viel einrennet/ vertreiben sie die gnade des heiligen Geistes. Es ist nicht ein geringes/ bösen gedancckē raum vnd stat geben. Es lest sich ansehen/ als sey es eine geringe Sünde/ Achte es aber wie du wilt/ wenn du sie nicht meidest/ bringen sie dich ins verderbnis/ vnd vnüberwind

überwindlich
aller noch
dennere S
nigen/ w
in/ welche
danken/ v
erfange
zugesagen
nachgegel
gen hat/
nen gedan
Ehebruch
Gleich wie
kleinen scha
nicht achtet
des sein mü
dem gemüt
wenn man
Gemütes
grössere Si
man dem vl
nd klein ist.
Auff da
noch eine be
Gedancken
wollen wir
Gedancken
den.

überwindliche scheiden. Denn es komen
allezeit noch grössere Sünden hinzu/ wel
che vnser Seelen antasten / vnd vber
weldigē / wenn wir nicht die dinge meis
den/ welche vns klein oder gering sein bes
düncfen / wie wir offtmals in teglicher
erfarunge befinden. Es hat sich offtmal
zugetragen/ das der/ so dem zorne zu viel
nachgegeben / einen Todtschlag begang
en hat / Oder das einer / der den vnreis
nen gedancfen zu viel nachhenget / in
Ehebruch vnd vnkeuscheit gerathen ist.
Gleich wie nu die Leute / wenn sie einen
kleinen schaden oder wündlein am Leibe
nicht achten / offtmals darüber des To
des sein müssen. Also gehets auch zu mit
dem gemüte oder Sinnen des menschen/
wenn man einen geringen Schaden des
Gemütes nicht achtet / so fellet man in
grössere Sünd vnd Laster. Darumb sol
man dem vbel wehren / weils noch newe
vnd klein ist.

Auff das wir aber vnserm Pastori
noch eine bessere Arzney wider die böse
Gedancfen vnd Luffell geben mögen /
wollen wir von vrsach vnd weise solcher
Gedancfen/ ettwas weitlenfftigers re
den.

S. Bern

S. Bernhardus machet dreyerley art
der gedancken/die von vns herkommen.

Etliche/ spricht er/ sind gar müßige/
vnnötige gedancken/ die zu nichts tüch-
tig sein/oder gehören. Solcher gedan-
cken kan sich das gemüt ja so balde ent-
schlagen/als sie herkommen. Vnd diese art
solcher vnnützen gedancken/ vergleicht
er dem koth/ aber doch einem schlechten
koth/das ist/ der nicht anklebet/ auch
nicht stincket/wo er anders nicht in die
lengte verharret.

Etliche/ spricht er weiter/ sind heßti-
ge vnd starcke gedancken/ die da hart vñ
feste ankleben/als nemlich die/so zur not-
turfft der Natur gehören. Diese art ver-
gleicht Bernhardus auch dem koth/
nicht aber einem schlechten/ sondern ei-
nem vnreinen/schleimichten/ doch nicht
stinckendem koth/wenn er das mass der
Natur nicht vbertrifft.

Etliche aber/ spricht er/ sind vnreine
vnd stinckende gedancken. Diese dritte
art vergleicht er einem anklebenden/
starcken/ gar vnreinem vnd stinckendem
koth. Vnd vermanet/ das ein Mensch
solchen gedancken keinerley weise raum
oder statt geben wolle. Denn sie besle-
cken

die Seele
wunderb
Solcher
aus der
ich
nach einand
das man si
schlagen v
zeiten kom
gemeldet
den sinnen
zeiten aber
Natur vnd
Dis sind die
dancken.
Weil man
brechen nicht
wo man nicht
machen we
wunderheit
Der Teuff
in des ganzen
setzet den Di
lich nach zu
aber in irem
inenschlich
Lehre/bald

den die Seele / vnd führen den Menschen
ins verderbnis.

Solcher schedlicher gedancken / wel-
che aus der Erbsünde iren vrsprung ha-
ben / wil ich etliche sonderliche vrsachen
nach einander erzelen / vnd anzeigen / auff
das man sich derselbigen desto bas ent-
schlagen vnd erwehren möge. Denn zu
zeiten komen solche gedancken (wie vor-
gemeldet) vom Teuffel her / zuzeiten von
den sinnen / zuzeiten vom gedechtnis / zu
zeiten aber verursachen sie sich von der
Natur vnd Complexion des Menschen.
Dis sind die vier vrsachen der bösen ge-
dancken.

Weil man aber die laster / oder eiten ge-
brechen nicht auffheben noch heilen kan /
wo man nicht iren vrsprung / wurzel vñ
vrsachen weis / wil ich von einer jden art
in sonderheit reden.

Der Teuffel / der ein abgesagter feind
ist des gantzen menschlichen geschlechts /
stellet den Dienern des Euangelij sonder-
lich nach / zuzeiten in der Lehre / zuzeiten
aber in irem leben vnd wandel / vnd gibt
ihnen schedliche gedancken ein / bald in der
Lehre / bald im leben.

Wenn

Wenn er der Lehre nachstellet / vnd
solche gedanken eingibt / die mit dem
Fundament vnd Grunde des Glaubens
streiten / sol er wissen / das dreyerley mit-
tel sey / solche gedanken zu vberwinden
vnd zu dempffen. Erstlich sol er solchen
gedanken entgegen halten / das wort/
die gewalt / vñ die warheit Gottes. Denn
alles was sich in solchen gedanken reget
vñ legt wider die Artickel vnseres Glaus-
bens / dasselbige mus man mit Gottes
wort dempffen vnd vnterdrucken. Dar-
nach sol er ihnen entgegen halten den Cons-
sens vñ einhellige stimme der algemeinen
Christlichen Kirchen / das ist / die zeug-
nis / bekræfftigung / vnd Exempel der lie-
ben Heiligen Gottes. Vber das / sol er al-
lezeit in solchem kampff wider die argen
gedankē / sich fleissig wehren / mit einem
andechtigen / innerlichem / vnd ernstem
Gebete. Es werden die Gottfürchtigen
oftmals angefochten mit den gedanken
von der aufferstehung der Todten / Aber
solche gedanken sol man dempffen / vber-
winden / vñ zu ruck schlagen mit Gottes
wort / welches austrucklich lehret / vñ ei-
gentlich beweiset / das Gott gemislich
bey jm beschlossen habe die todten aus der
Erden

Erden zuruffe
vñ vnsern
vñ Dem er
das thun
al bey sich
vñ wien
der / die ein
Gottfürch
anbegin de
nung gese
der auffer
solche ged
noch sehr
bessers den
ja der Sath
oder betrug
erfischung
solcher we
ger gerüst
gedanken
vñ vnser
die gedan
men / vñ die
gegendigen
vñ zu hand
den gemüte
dam vnser
vñs erwas

Erden zuruffen / vñ auff zuerwecken / Vñ
diesem vnserm Gotte / ist nichts vnmög-
lich / Denn er kan thun was er wil / er wil
aber das thun vñ ausrichten / das er ein-
mal bey sich fürgenomen hat vñ beschlos-
sen. Vñ wen man hieher zeucht vñ bedenk-
et / die einhellige stimme vñ lehre aller
Gottsfürchtigen menschen / welche von
anbegin der welt her alliren trost vñ hoff-
nung gesetzt haben auff den glauben von
der auferstehung der todten / so werden
solche gedanken durch das wort Gottes
noch sehrer gedempft. Wie ist auch nichts
bessers den ein andechtigs gebet / auf das
ja der Sathan mit keinerley Sophisterey
oder betrug vns vñ glauben an die auff-
erstehunge / abwende oder verführe. Mit
solcher wehre sol ein Pastor vñ Seelsor-
ger gerüst sein / zu widerstehen den bösen
gedanken / welche one mittel vom Teuf-
fel iren vrsprung haben vñ herkommen.

Die gedanken so von den sünden herk-
men / sind die / welche von den obiectis vñ
gegendingen / die vnsern sünden fürfallen
vñ zu handen komen / sich verursachen vñ
dem gemüte eingebildet werden / oder die
da in vns entstehen vñ werden / so oft als
vns etwas fürkompt / dardurch vnser
gemüt

gemüt zu den gedanken gereizet wird :
Als zum Exempel / da der König Dauid
die Bersabeam sihet nacket / vnd sich am
wasser waschen / wird sein gemüt bewe-
get / vnd dencket ihm nach / wie er sie be-
kome / vnd beschlasse / 2. Samuel. ii.

Zieher gehöret das S. Augustinus an
einem ort saget / das der todt durch die
fünff sinnen / gleich als durch fenster / zu
vnsrer Seelen steige. Wie war vnd recht
er hier an sage / lehret vñ beweist (leider)
die erfahrung an vielen.

Derhalben wil ich von solchen fünff
fenstern ordentlich nach einander reden /
vñ zu gleich auch lehren aus der schrift /
wie ein fromer Seelsorger dieselbige fen-
ster solle zuschliessen / vnd mit guter für-
sichtigkeit verwaren / auff das der böse
feind nicht durch dieselbige zu ihnen ein-
krieche / vnd bey ime wohne.

Das erste fenster ist das Gesichte / die-
ses hat eine besondere krafft für allen an-
dern. Daher kompts / das Christus selbs
spricht / Matth. am 6. Das Auge ist des
Leibes liecht / Wenn dein Auge einfeltig
ist / so wird der ganze Leib liecht sein /
Wenn aber dein Auge ein Schalck ist / so
wird dein ganzer Leib finster sein. Vnd
Syrach

Syrach am 3
ein vnters
ist vnters
vnters / wo
am alt Sp
oculis, D
das hertz.
Augustini
Vorbote e
Eua sahe
war anzu
den bekom
vnd durch
gemüt ein
Bersabeam
ser sahe / den
schlafen v
fremde
liebe gegen
gedencket
von dem
der eine ge
durch solch
naget ward
zu schwache
Lieber
für vnters
kan auff

Syrach am 31. spricht : Gedencke das
ein vntrewes auge neidisch ist (denn was
ist neidischer weder ein solch auge?) Vnd
weinet / wo es einen sibet essen. Auch ist
es ein alt Sprichwort : Animus habitat
in oculis, Das ist / Die augen verrathen
das hertz. Hieher gehöret der Spruch
Augustini / Ein vnzüchtig Auge ist ein
Vorbote eines vnzüchtigen Gemütes.
Eua sahe / das der Apffel ganz lustig
war anzusehen / balde gedacht sie / wie sie
den bekomen / vnd dauon essen möchte /
vnd durch die augen ist die begirde in ihr
gemüt eingeschlichen. Als Dauid die
Bersabeam mit bloßen beinen am Was-
ser sahe / dencket er balde / wie er sie be-
schlafen möchte. Samson / als er eine
frembde Jungfraw ansahe / ward er in
liebe gegen sie entzündet. S. Augustinus
gedencket des Exempels im Terentio /
von dem Jungen gesellen Cherea / wel-
cher eine gemalte Taffel anschawete / vñ
durch solch anschawen zur vnzucht ge-
reizet ward / also / das er eine Jungfraw
zu schwächen fürname.

Lieber / wie soll man denn dieses Fen-
ster verwaren oder verschliessen? Man
kan auff mancherley weise verwaren/
D Das

das nicht der Todt durch dasselbige zu
vns steige.

1 Erstlich / sol einer bedencen das ver-
bott Gottes / denn wo einer der Gottses-
ligkeit nachdencket / lesset er jme das ver-
bot Gottes sonderlich angelegen sein.

Proverb. am 23. Sihe den Wein nicht
an / das er so rot ist / vnd im glase so schön
stehet / er gehet glat ein / aber darnach
beist er wie eine Schlange.

Syrach 9. Wende dein Angesichte
von schönen frawen / vnd sihe nicht nach
der gestalt anderer Weiber.

Psalm. 119. Wende meine augen ab /
das sie nicht sehen nach vnnützer Lehre.

S. Ambrosius spricht / Wenn du an-
derer Leute Kleinot / Geschmuck / Gold
vnd Silber ansiehst / vnd begereest solche
an dich zu bringen / so ist der Tod schon
durch ein fenster zu dir eingestigen / Der-
halb sage ich / schlene es recht zu.

2 Darnach sol man dis fenster zuschlies-
sen mit den Exempeln der lieben Heiligs-
gen. Hiob. 31. Ich hab einen Bund ge-
macht / spricht Hiob / mit meinen augen /
das ich nicht achte auff eine Jungfraw.
Moses / Joseph / Daniel / vnd viel andere
mehr / haben dis Fenster mit liebe der
Keusch

Keuschheit / als
se verungeltet
mündsch
Vn- selbst
darmit e
auscham
Ober da
mit betra
Denn wer
grosse no
bringen /
ten vnd
versehen
Endlich
allen dinge
gelegenheit
chen möge
etwas für
dardurch
gereizet v
nem and
hen / welch
vor vnser
Das and
schmachlen
schwinge v
fenster ein
aufgeweck

Keuscheit/als mit einem starcken schloß
se verrigelt vnd bewaret. Ist derhalben
mein wunsch vnd meinunge/ das mein
Pastor selbst ein from kensches Weib ha
be/ damit er nicht durch anderer Wei
ber anschawen sich in not bringe. 15.

Über das/ sol er dis fenster zstopffen 3.
mit betrachtunge der grossen gefahr.
Denn wer da verstehet/ was vbel vnd
grosse noth die böse Begir den mit sich
bringen/der wird sich desto fleissiger hüt
ten vnd fürsehen/ auff das er nicht vn
uersehener weise falle vnd sündige.

Endlich vñ zum letzten/ sol er sich für 4
allen dingen befleissigen/ das er allerley
gelegenheit die in zu sündigen verursa
chen mügen/ fliehe vñ meide/ vnd wenn im
etwas für fellet/ oder zu handen kömpt/
dardurch das gemüt vnd die gedanken
gereizet vnd beweget werden/ sol er mit
einem andechtigen Gebete zu Got flie
hen/ welcher vns nicht lesset versuchen
vber vnser vermögen.

Das ander fenster ist das Gehör/ wenn 16.
schmeichlerey/ heuchelei/ lieblosen/ vn
züchtige vnd schampare lieder durch dis
fenster eingehen/ so werden die gedanken
aufgeweckt/ vñ vergiften das hertz. Wie

D ij der

der Prophet spricht: Sie haben Harffen/
Paucken / Pfeiffen / vnd Wein in ihrem
wollen / vnd sehen nicht auff das werck
des Herren.

Ambrosius spricht / Der Todt kömpt
auch zu dir / durch das fenster der Ohren /
wenn du zuhörest vnd gleybest dem / der
mit dir redet. Soll derhalben auch dis
fenster verwart vnd zugeschlossen wer-
den von einem fromen Pastore / vnd von
einem iglichen Gottfürchtigen Mens-
chen / auff das sie nicht zu fall bracht wer-
den.

In den Sprichwörtern am 1. spricht
Salomon: Mein Kindt / wenn dich bö-
se Buben locken / so folge nicht.

Syrach am 28. Verzeuue deine Ohren
mit Dornen / auff das du nicht zuhörest
der falschen zungen.

Das dritte fenster / ist der Geruch.

Das vierde fenster / ist der Geschmack.

Das fünffte fenster / ist das Fühlen vnd
Empfinden.

Von diesen letzten entstehet weniger
gefahr / denn von den zweyen ersten / Es
were denn / das ein Pastor ihm den Ge-
schmack wolte lassen zu sehr gelieben /
Darnon aber wil ich sagen / wenn ich von
dem

dem eusserlichen Wandel eines Seelsor-
gers handeln werde.

Die gedancken so vom gedechtnis her-
komen / sind die / wenn wir vns erinnern /
der dinge / die wir vorzeiten / entweder
selbs begangen / oder gehört / oder gese-
hen haben. Die gedechtnis solcher dinge /
macht erstlich nur schlechte bloße gedan-
cken im gemüte / vnd wenn solche gedan-
cken eine zeitlang im gemüte verharren /
machen sie einen Affect / regunge / vnd
begirde / Wenn du solcher begirde etwas
nachgibst / gewinnet sie die oberhand wi-
der den Willen / vnd reisset den Willen
mit sich zu seinem fürnemen / also / das du
den Willen / der dir gebieten sol vnd wil /
vergebens zernest / vnd zu rücke haltest.
Wenn derhalben solche gedancken aus
dem Gedechtnis dir fürfallen / so schla-
ge sie nur aus dem Sinne / vnd wende
dich zu was anders vnd bessers / auff das
sie nicht bey dir behafften vnd bleiben.

Die gedancken so von der Complexion
vnd Natur des Menschen herkommen /
sind mancherley. Denn andere gedan-
cken hat ein Melancholicus / andere ein
Phlegmaticus / andere ein Cholericus / an-
dere ein Sanguineus. Vnter welcher com-

D iij plexion

plexion sich mit ein Pfarherr befindet/vñ
seine gebrechen fület/ sol er denselbigen
fürsichtiglichen/ vnd beyzeit abhelffen/
darmit sie nicht vberhand nemen. Wenn
einer weis/das er ein Cholericus sey/vnd
derhalben hitzig für der Stirn/ vnd zornig/
der sol seiner Natur den zaum nicht
lassen/ sondern jr widerstehen/ vnd sie
dempffen/etc. Also sol gehandelt wer
den auch mit den andern.

*es age, fu
tus cris.* Ich habe bisher gesagt von den bösen
gedancken/vñ etliche mittel angezeigt/
durch welche man derselben loss wird.
Vnd ist das die meinunge/das man sich
der bösen gedancken auffhalten vñ weh
ren solle/mit lesen/singen/beten/arbei
ten/müssiggang fliehen/ vnd derglei
chen. Weil wir aber nichts denn böse
gedancken bey vns haben/wie solches
Paulus bezeuget/ 2. Cor. 3. Nicht das
wir tüchtig sein/rath zu finden von vns
selber/als von vns selber/etc. So sol ein
fromer Pastor/sich wider solche/nach
höchstem vermögen auffhalten vñ weh
ren/sonderlich aber mit dem Gebete/in
welchem er vnsern Herrgott ernstlich
anruffen vñ bitten sol/das er im heilsame
vnd nützliche gedancken eingeben wolle.

Dem

Dem Gott
Zerschaff
in woll
da derer v
aget. Vnd
Natur/m
get werde
bigen noch
ire fußst
das solch
sich oft
engen v
wie einer
Gleich m
faden ang
wegen wid
weiner fl
ymb des
Affecten
sich in be
mpor sch
nlebende
widerumb
gezogen.
Welich
mir fügen
amagen/t
che nemet

Pflichter befinden
let / solt den
vnd derer abh
berhand nemen
ein Cholericus
für der Stimm
Natur den zue
r widerstehen
Also sol gehand
n andern.
er gesagt von den
die mittel angen
derselben loß
unge / das man
auffhalten vñ we
ngen / beten / oder
ehen / vnd dergl
et nichts dem
haben / wie solt
Cor. 3. Tut
ch zu finden was
elber / etc. Sol
wider solch
auffhalten vñ
mit dem Gebot
herrgott ernst
das er im heil
n eingeben wolle
Dem

Denn Gott alleine ist / der ein neues
Hertz schafft.

Nu wollen wir von den Affecten re-
den / derer vrsachen wir jzt haben ange-
zeigt. Vnd weil solche aus menschlicher
Natur / nicht gentslich können ausgefess-
get werden / sondern allezeit von densel-
bigen noch so viel vbrig bleibt / das man
ire fußstapffen sehen mag / geschicht es /
das solche böse Affecten vnd neigungen
sich offtmals an den lieben Heiligen er-
eugen vnd sehen lassen / Vnd gehet zu /
wie einer aus den Vetern gesagt hat:
Gleich wie ein Sperling / der mit einem
faden angebunden ist / von des fadens
wegen wider auff die Erden fallen mus /
wenn er fliegen wil / also ist auch gethan
vmb des Menschen gemüte / so von den
Affecten noch nicht entlediget / wenn es
sich in betrachtunge Himlischer dinge
empor schwingen wil / wird es durch die
anklebende Affecten verhindert / vnd
widerumb auff irrdische dinge herunter
gezogen.

Weil ich den von den Affecten zu lernen
mir fürgenomen habe / wil ich erslich
anzeigen / wie sie getheilet werden. Etli-
che nemet man Affectus corporales, das
D iij sind

sind solche regungen vnd neigungen in
dem Menschen / die sich vom Leibe her
verursachen / Etliche nennet man Affe-
ctus animales / das sind solche begirten
vnd neigungen / die von eusserlichen din-
gen her / iren vrsprung haben. Von dieser
zweyerley art der Affecten / wil ich nach
einander handeln.

v3.

Der leiblichen Affecten Mutter / ist
die Philautia / das ist (wie sie von den ge-
lerten beschrieben wird) eine vnmes-
sige vnd blinde liebe sein selbst / vñ sagen recht
daran / das solcher dunckel vnd eigene lie-
be aller Laster eine Mutter sey / welche
erselich von sich gebiret folgende fruch-
te vnd kinder / nemlich / Frass / Geiz / vnd
Ehrsucht / Vnd wissen sich solche kinder
zubeschöner / mit dem wort / Leibes not-
turfft. Von solchen entspringet nach-
mals eine grosse anzal allerley laster vnd
Sünden. Denn die Philautia / in dem da
sie sich beschönet / vnd fñrgibt / als müsse
sie den Leib versorgen vnd regiren / brin-
get zu wegen / das der Mensch algemach
in wollust vnd vnmesigkeit sich versen-
cket. Solche verderbliche seuche eigener
liebe / soll ein Seelsorger / so viel im im-
mer möglich / dempffen / auff das nicht
die

die Seele da
feuer gefür
Paulus / i. C
das ich n
als verwe
Also sibi
für grosse
bringe. D
ernstlich
tern leben
gen / vnd
Das
sein selbs
zwar dem
len ganz
und sprich
euch / das
werden m
sorgen de
schiel vñ
Das an
bedliche
S. Paulu
den er ma
Gott aber
gut verles
men Seel
hüten de

die Seele dardurch in das ewige hellische
feuer gefürt werde. Ich beteube/spricht
Paulus/1. Cor. 9. meinen Leib/vnd zeme
in/das ich nicht den andern predige/vnd
selbs verwerfflich werde.

Also sihestu / mein lieber Pastor/ was
für grosse gefahr die Philautia mit sich
bringe. Derhalben man wider solche gar
ernstlich streiten mus / mit einem nüch-
tern leben / mit einem genugsamen Her-
zen/vnd mit warer demut.

Das erste laster / so aus eigener liebe
sein selbs / kömpt / ist fresserey / welche
zwar dem Leibe wolthut/ aber der See-
len gantz schedlich vnd gefehrlich. Dar-
umb spricht Christus Luc. am 21. Hütet
euch / das ewre Herzen nicht beschweret
werden mit fressen vnd sauffen/ vnd mit
sorgen der narunge/ vnd kome dieser tag
schnel vber euch.

Das ander laster ist der Geitz / ein gar
schedlicher gast allen denen / so in lieben.
S. Paulus nennet in eine Abgötterey /
denn er machet/das sich der Mensch von
Gott abwendet / vnd auff sein geld vnd
gut verlesset. Wil derhalben einem fro-
men Seelsorger gebüren / sich fleissig zu
hüten/das er nicht mit solchem tödlichen
D v giffte

giffte sich verunreinige/ vnd seiner Seelen seligkeit sich beraube.

Was soll denn ein Seelsorger für arznei brauchen wider solche schedliche seuche? Wir wollen das ende besehen / von welches wegen sich der Mensch beflisset geld vnd gut geiziglich zuerwerben. Vnd ist solches dreyerley.

Das erste ende darumb sich ein mensch gut zu erwerben vnterstehet / ist die liebe der Wollust. Das ander ist / die begirde nach eitelere ehre. Das dritte ist / das er gedencet der Armut / darfür er sich besorget / vorzukomen.

Ein der sich auff wollust ergibt / hat den Reichthumb ohne zweiffel lieb / auff das er durch hülffe desselbigē der wollust desto bas auswarten / vñ pflegen könne.

Ein Ehrgeiziger vnd Ruhmretiger Mensch / trachtet nach geld vnd golde / auff das er durch hülffe vnd besitzunge desselbigen herrlich / gros / vnd ansehenlich werde für andern.

Ein Mensch der sich fürchtet für Armut / samlet im gut / mit recht vnd mit vnrecht / verschleust vnd bewaret dasselbigē mit grosser vnruhe vñ sorge / dencket stets auff künfftigen hunger / alter /
schwa

schwacheit / elende / vnd andere gebrech-
lichkeiten. Vnd ob vielleicht derer dinge
eines im möchte begehen / so setzet er
mehr hoffnung vnd vertrauen auff sol-
chen Abgott im Kasten / denn auff Gott
im Himmel / der alles erschaffen hat / vnd
erhelt / ja der auch für die aller gering-
sten vnd verachteten Thierlein forget /
vnd sie speiset.

Dis sind die endschafften / derer hal-
ben ein geizig Hertz sich zum höchsten
pfleget zu bemühen. Wenn nu ein fromer
Seelsörger / wollust / ehrgeizigkeit / vnd
fürcht der Armut aus dem Sinne schla-
gen kan / wirds im ganz leicht werden /
dem Geitz abzusagen. Wollen derwegen
wider solche gebrechen ordentliche mit-
tel anzeigen.

Was mittel oder arznei sol man ge-
brauchen wider die anfechtung der wol-
lust? Erstlich sol ein fromer Seelsörger
solche schensliche / verderbliche Sen-
che halten gegen die hohe Dignitet vnd
würdigkeit des Menschen / der mit dem
thewren Blut Christi gereiniget / vnd
erlöset / vnd nu zum Tempel des leben-
digen Gottes worden ist. Es haben
die Heidenische Philosophi gesaget /
das

*Voluptas
esca malorum*

*virtutes
pastoris*

das vnter den Leuten keine schedlicher
seuche sey/denn die Wollust. Schliessen
derhalben / das solche nicht den Mens-
schen/sondern den vnuernunfftigen thier-
ren zuuergunten sey. Lieber/was stehet
nu vbeler/oder was ist doch vnbillichers/
denn das einer sein reines heiliges Kleid/
welches er in der Tauffe angezogen / be-
flecke vnd verunreinige? Was ist doch
vnfletigers / denn den Tempel Gottes
mit solchem Teuffels gestanck erfüllen?
Ein fromer Pastor / soll im allezeit lassen
gelieben/Glauben/Liebe/Gedult/Mess-
sigkeit/Vernunfft/Gerechtigkeit/vnd
andere lobliche tugenden mehr. Lieber
sage mir/was soll doch in einer ehrlichen
versamlunge fromer ehrliebenden Jung-
frauen machen oder suchen / die schend-
liche ehreruogene Zure die Wollust?
Plato hat recht gesagt: Voluptas esca
malorum/das ist/die Wollust ist ein fut-
ter vnd beforderung alle vbel. Aber
viel warhafftiger ist das gesagt / das dis
gegenwertige vnser leben / des Teuffels
Fischneze oder garn sey/bedecket mit
schendtlicher / abschewlicher Wollust /
gleich als mit einer speise/vnd wer diesel-
be anbeisset vnd verschlinget / der wird
in

in den Abgru-
Schem zu
Wollst an
bort/ sihe an
hochmunge.
vnd vnflutig
mehr / den
angest nach
angest / so b
der hunger
Ir ende ist
re / vnd bel
lieber Past
so wirft di
lich können
mit dem be
zur wollust
den fleisich
siggang fi
heimen se
In be
für fi
In me
Das e
Disher
gerd / dar
gut zu erla
neben ang
werde.

in den Abgrundt der Hellen gezogen.

Sihe nu zu / lieber Bruder / was die
Wollust an jr selbs sey / sihe was an jr
hange / sihe auff jr ende / vnd schreckliche
belohnunge. An sich selbs ist sie greulich
vnd vnflätig / an jr henger schande vnd
vnehr / den Menschen hungert vnd ver-
langet nach jr / vnd wenn er sie gleich er-
langet / so balde sie fürüber ist / findet sich
der hunger wider / vnd wird nimmer sat /
Jr ende ist / ein böse gewissen / ewige straf
fe / vnd hellisch ferner. Dieses wollestu
lieber Pastor bedencken / bedenckestu es /
so wirstu dieser schedlichen seuche leicht-
lich können absagen / vnd entgehen / doch
mit dem bescheide / das du die dinge / so
zur wollust reitzen / meidest / vnd darne-
ben fleissig betest / fastest / lesest / vn müß-
siggang fliehest / wie solches folgende
Reimen fein kürzlich anzeigen.

In beten vnd lesen vbe dich /
Für frass vnd faulheit hute dich /
In messigkeit halt deinen Leib /
Das er keusch / rein / vnd heilig bleib.

Bisher hab ich von der ersten vrsach
gered / darumb ein geitziges hertz gelt vn
gut zu erlangen sich befleissiget / vn dar-
neben angezeigt / wie man des geitzes los
werde. Das

*poena Vo
luptatis.*

Cupiditas glæ Das ander ende / dahin ein geiziges
hertz gerichtet ist / ist die vergebliche vñ
eitele ehrsucht. Diese / dieweil sie stracks
wider den Christlichen glauben streitet /
sol sie billich von allen fromen / Gott /
fürchtigen hertzen veracht / vñ nicht an-
ders gehalten werden / denn als ein stin-
ckender koth / ja als der aller schedlichste
vñ tödlichste giffte des leidigen Teuffels.
Denn die begierde nach eiteler ehre / vnd
Christliche demut / können nicht zugleich
beyeinander wonen.

Solche eitele Ehre vergleicht S.
Bernhardus einem Basilischken / Denn
also spricht er: Was wollen wir von dem
Basilischko sagen? Er ist wunderlicher
vnd schrecklicher denn alle andere giffti-
ge Thier / denn man spricht / das er den
Menschen nur allein mit dem Gesicht
vergifft vñ tödtet. Ist mir recht / so ist
solchs die eitele ehre. Sehet zu / spricht er
das jr ewre gute werck nicht allein thut /
für den menschen / das jr von denselbigen
gesehen werdet. Als wolt er sagen / Hü-
tet euch für den augen des Basilischken.
Wem sagt man aber / das der Basilischke
schadet? Dem / der den Basilischken nicht
gesehen hat. Sonst / wo du in zum ersten
siehest /

sihest / so kan er (wie man saget) dir
nichts schaden / sondern er schadet im selb
ber vnd stirbet. Also helt es sich auch lie
ben Brüder / vmb die Ehrgeizigkeit /
wer sie nicht sehen wil / wer blind / nach
lessig / vnd trege ist / sich gegen jr gleich
rühmen vnd entblößen wil / den erwir
get sie. Derhalben sihe zu / das du sie selb
best zum ersten ersehest / sie eben prüfen /
vnd erkennen lernest / wie nichtig / ver
gänglich / eitel vnd vnünze sie sey. Wenn
du mit solcher masse den Basilischen
anschawest / so stirbet er. Ja / es wird
dich die eitele Ehre / vnd stinckende hof
fart nicht tödten / sondern sie wird getö
tet / wird zu staub vnd aschen / ja ganz
vnd gar zu nichten werden. In diesen
worten redet Bernhardus sehr wol vnd
geschicklich von der Ehrgeizigkeit / vnd
malet sie recht ab mit iren gebürlichen
farben / an welchen man sihet ire schande
vnd schaden.

Zieher gehört auch der spruch des Pro
pheten Jeremie / da er spricht: Dein trotz
vnd deines hertzen hochmut hat dich be
trogen. Vñ der Apost. Pet. spricht in der
1. Epist. 5. cap. Gott widerstehet den hof
fertigen / aber den demütigē gibt er gnad.
Vnd

Vnd Christus im Euangelio an man-
chem orte: Wer sich erhöhet / der wird
ernidriget werden.

Diese vnd dergleichen schöne Lehre
vnd Sprüche / sollen billich einen Pasto-
rem im zaum halten / das er sich die Ehr-
geitzigkeit nicht einnehmen / vñ den *Lass*
Lass Dünckel nicht beissen / oder wol gar sich
„ fressen lasse / wie man solches teglich an
„ irer vielen (pfuy der schande) vnd son-
„ derlich an den Nouitijs vnd vngelernten
„ tropffen befindet. Wil aber diese gute
„ heilsame Lehre an einem stolzen Pfaf-
„ fen nichts schaffen oder ausrichten / So
„ dencke er / vnd greiffe in seinen eigenen
„ busen / bedencke seine eigene schwachheit /
„ mangel vnd gebrechen / Er soll nicht ein
„ Heuchler vnd Hypocrita werden / vber
„ vnd in seiner lehre / das er gedenccken wol-
„ te / wenn er andere lehret / oder lehren kan /
„ so bedürffe er für sein Person keines ler-
„ nens / oder lehrens / oder man dörffe in
„ nicht straffen / vnd im seinen mangel an-
„ zeigen / Er soll auch bedencken die künff-
tige straffe Gottes / daruon Paulus re-
det zum Röm. am 2. Denckestu aber O
Mensch / der du richtest die / so vbel
thun / vnd thust gleich dasselbige / das du
dem

dem vrrheil
Lass das gan-
ne Pastori-
egel der
nleilige /
offtomen
darwider
in vnd ge-
der stind
Vorbote
lich so he-
andeckti-
an den S-
erhöhet /
wie Mar-
hoffertig
Zum de-
Mensch
dis die vr-
not oder
kompt he-
Denn wer
sicheren w-
rigezeit zu
wie vnbill-
für den L-
gang vñ
herr Ch-

dem vrtheil Gottes entrinnen werdest.
Lifs das ganz Capitel / es dienet wol ei-
nem Pastori. Er sol auch ansehen die Ex-
empel der lieben Altueter / welche dis
vnfletige / schedliche wildes Thier nicht
auffkommen lieffen / sondern sie kempfften
darwider / vnd erwürgtens. Er soll wiß-
sen vnd gedencen / das dis thier / nemlich
der stinckende Ehrgeitz / des Teuffels
Vorbote vñ des Todes Diener sey. End-
lich so habe er zuflucht zu einem ernst-
andechtigen gebete / vnd dencke jeder zeit
an den Spruch Christi: Wer sich selbst
erhöhet / der soll ernidriget werden / Vnd
wie Maria singet: Er zurstrewet die
hoffertig sind / in ires Herten sinne.

Zum dritten / Warumb ein geiziger
Mensch nach geld vnd gut strebet / ist
dis die vrsach / das er gedencet künfftige
not oder armut abzuwenden / Solches
kompt her vom zweiffel des Hertzens /
Denn wenn der Mensch hiermit ange-
fochten wird / gedencet er sich auff künf-
tige zeit zu schicken vñ zuuersorgen. Ach
wie vnbillich ifts aber / also engstighen
für den Leib sorgen / vnd der Seelen so
ganz vnd gar vergessen. Unser lieber
Herr Christus verdampt den zweiffel /
E vnd

vnd die vnnütze sorge / vnd du / der du
Christum vertreten / vñ sein Stathalter
sein wilt / ledest dich den zweifel vberwel-
digen vnd zwingen / das du Gelt vnd
Gut suchest durch recht vnd durch vn-
recht. Verachtestu hiermit nicht offens-
barlich den befehl deines Herren Christi?
Trittestu nicht offenbarlich seine verheis-
sungen mit füßen? Das gebot Christi
lantet also: Ir solt nicht sorgen vñ sagen/
Was werden wir essen? was werden wir
trincken? womit werden wir vns kleiden?
Vnd ferner spricht Christus: Trachtet
am ersten nach dem Reich Gottes / vnd
nach seiner Gerechtigkeit / das ist / nach
Gottes gerechtigkeit / etc. Hierzu setzet er
seine verheissunge / vnd spricht / Sehet
die Vögel vnter dem Himmel an / sie ses-
en nicht / sie erndten nicht / sie samlen
nicht in die Schewren / vnd ewer Him-
lischer Vater neret sie doch. Seid jr denn
nicht viel mehr denn sie. Ewer Himme-
lischer Vater weis / das jr des alles be-
dürfft. Dis ist auch eine verheissunge/
So wird euch solchs alles zufallen.

Sol derhalben ein frommer Diener
Gottes den befehl seines lieben Erzhir-
ten

ten Christi
vnd demselb
spricht er /
adnische
seinen Z
dem schiet
B. B.
sen / Dier
bezeuget
non / da
Denn de
hunger
Gut.
Geizig
gemein
reicher ei
sich für
bey seine
ne / Das
schweret
muth / se
sie nicht
dem als
in der sch
der helffe
Dien
das ge
gleich

ten Christi billich zu Herzen nemen /
vnd demselben folgen : Sorget nicht /
spricht er / für den andern Morgen /
Heidnische sorge vnd zweiffel / lasse er
in seinem Herzen nicht einwurzeln / son-
dern schliesse gewislich / das in sein lieber
HERR Christus nicht werde verlass-
sen / Diemeil die Schrift selbst solches
bezeuget / vnd saget / Niemand lebet da-
von / das er viel güter hat / Luc. am 12.
Denn der Geizige leidet gemeiniglich
hunger vnd kummer bey seinem grossen
Gutt.

Geizige menschen verlassen sich auch
gemeiniglich auff jr Gutt / also / das je
reicher einer ist / je weniger fürchtet er
sich für irgent einer gefahr / ja er wird
bey seinem Mammon so trozig vnd kü-
ne / das er auch nicht für dem Tode sich
schewet. Daher kompt der Reichen
muth / stoltz / vnd verkertes Hertz / das
sie nicht anders meinen noch gedencen /
denn als hetten sie Gott im Rasten / vñ
in der scheunen versperret vñ gefangen /
der helffen müsse / wenn sie wollen.

Derhalben lehret Christus / Luc. 12.
das gegenspiel vnd spricht / Das / ob
gleich jemand sehr reich were / also / das

Es ij es jme

Anarcs
Beseim
thes für
worten

es jme an nirgend einem zeitlichen gute
mangelte/ so lebet er doch nicht von we-
gen solcher güter / Er hat nicht das Le-
ben von seinem vberflüssigem Reich-
thumb/denn das er lebet oder gesund ist/
das hat er Gott zu dancken / vnd nicht
dem Reichthumb/welcher Reichthumb
jn auch nicht ein augenblick lang bey sei-
nem leben erhalten kan. Sondern Gott
der Herr / der dem Menschen das leben
gibt / kan es lenger geben/ erhalten / vnd
nemen/wie vñ wenn es jm gefellet. War-
zu dienet es denn / sich also engstighen
auff den Mamon ergeben / wie du sol-
ches an vielen Leuten sihest / die weder
tag noch nacht keine ruhe haben.

So dencke nu mein lieber Pastor / an
den befehl deines obersten Pastoris vnd
Erzhirten Christi/da er spricht : Sehet
zu/ vnd hütet euch für dem geitze. Lass
deinen zweiffel fahren / vnd wisse / das
dein Herr Christus nicht lügenhaftig/
sondern warhaftig sey.

Solches sind die endliche vrsachen /
warumb die Leute dem gelde vnd gute
also hefftig nachstreben/nemlich/ das sie
in wollust leben / ehre für der Welt ha-
ben / vñ der künfftigen armut entfliehen
mögen.

mögen. Wer
desselben Her-
leinlich befe-
den
Die Kom-
liche / dar-
nemlich
herzen rü-
werden j-
nicht mit
beladen se-
solche di-
Geiste sol-
vnd das
manden E-
streserweck-
wachsen/
dasselbig
Dis sey
her Phila-
eigener L-
welchen a-
herkommen.
ney weder
welchendi-
vermeint
Da fol-
cten die

mögen. Wer solche ding nichts achtet/
desselben Hertz wird vom Geitz nicht
leichtlich besessen/oder eingenomen wer-
den.

Wie Kompts aber / das benante drey
stücke / daruon vns die heilige Schrifft
so ernstlich abmanet / nicht vieler Leute
Hertzen rüret / oder beweget. Denn es
werden irer gar wenig erfunden / die
nicht mit solchen dingen bestricket vnd
beladen sein: Vnser süchtiges fleisch hat
solche ding lieb / vnd je weniger es dem
Geiste folget / je mehr wird es entzündet /
vnd das Hertz verblendet. Derhalben sol
man den Geist / vnd die gaben des Geis-
tes erwecken / auff das sie von tag zu tag
wachsen / das fleisch dempffen / vnd jnen
dasselbige vnterthemig machen.

Dis sey kürzlich gesagt von dem Las-
ter Philautia genant / das ist / von selbs
eigener Liebe / vnd jren Töchtern / von
welchen allerley laster vnd vntugenden
herkomen. Item / vom mittel vnd Arz-
ney wider solchen schedlichen gift / durch
welchen die vnfürsichtigen beslecket vnd
verunreiniget werden.

Nu folget die Lehre von den Affe-
cten / die man nennet / Animales affectus,
E iij welche

welche sich von eusserlichen dingen her
verursachen / von solchen wil ich auch
kürtzlich handeln.

Was der zorn für ein böser Affect
sey / ist genugsam bewust. Vnd hat dreys
erley Geschlechter. Die erste art des zorns
nennet man Bilem / das ist / die Gall. Die
andere nennet man Iracundiam / lang
wirigkeit des zorns oder vnrwillens. Die
dritte heisset Infensio / das ist / feinds
schafft vnd vngunst.

Die Gall leufft dem Menschen bald
vnd leichtlich vber / aber sie lesset sich
widerumb leichtlich dempffen / das ist /
mancher hat eine solche Natur an sich /
das er leichtlich / vnd von eines geringen
dings wegen sich lest entrüsten oder er
zürnen / aber er ist balde wider zu stillen /
vnd wird gutes mutes.

Die ander art / Iracundia / ist eine
langwirige regung oder entrüstung
des Gemütes / vnd kömpt her aus be
trachtung vnd erinnerung des em
pfangenen leides oder schadens / Vnd je
mehr der Mensch sich der erlidenen vn
billigkeit erinnert / je mehr vnd hefti
ger solcher zorniger vnmuth sich in ime
entzündet /

entzündet / we
so / daser sich
etw / sondern
geheimlic
Die dritt
schafft vnd
aus ganz b
rüstunge d
zeit gelege
ne sachen
sich durf
oder mag.

Diese dre
darumb / d
wie vnd we
des zorns i
es sol ein fr
hendel / S
lassen gefa
vnd ja dar
der zürnen
len tragen.
weil sie böse
sol sich ein
te art des z
zwar in fro
einwurzelt

entzündet/wechset vnd zünimpt/doch als
so / das er sich nicht öffentlich lest mer-
cken / sondern ducket vnd drucket sich
gantz heimlich bey den Menschen.

Die dritte art / welches ist Feind-
schafft vnd heimlicher Grolle / kompt
aus gantz hefftiger bewegung oder ent-
rüstunge des Gemütes / welches jeder
zeit gelegenheit vnd vrsachen suchet / sei-
ne sachen mit gewalt zuuerfechten / vnd
sich durstiglich zu rechnen / wo es kan
oder mag.

Diese dreyerley art des zorns setze ich
darumb / das ein Pastor sehe vnd lerne/
wie vnd wenn er zürnen sol. Die erste art
des zorns ist offtmals von nöten / Denn
es sol ein frommer Seelsorger vnbilliche-
hendel / Sünden vnd vntugend jm nicht
lassen gefallen / nicht derselben lachen /
vnd ja darzu sagen / sondern er sol darwi-
der zürnen / vnd ein hertzliches misgefal-
len tragen. Was die ander art belanget /
weil sie böse / vnrecht vñ vnchristlich ist /
sol sich ein Pastor dafür hüten. Die drit-
te art des zorns ist die aller ergste / welche
zwar in fromen vñ heiligen hertzen nicht
einwurzelt noch befunderet wird / denn sie

¶ iij streits

streitet wider die Christliche lindigkeit/
liebe/vnd gedult. Derhalben wil ich/das
ein frommer Gottsfürchtiger Pastor ge-
dencke an den Spruch Pythagoræ: Ol-
la vestigium cinere turbato. Da das töpf-
fen gestanden hat/das decke mit Aschen
zu/das ist/ Man soll kein gemerck noch
zeichen des zorns hinder sich lassen/son-
dern so balde der vnmuth vberhin ist/sol
man vnbilligkeit vnd zorn vergessen.
Item/an den Spruch Pauli zum Ephes.
am 4. Lasset die Sonne nicht vber ewi-
gem zorn vntergehen. Da wil Paulus/
das wir auch nicht vber nacht sollen zorn
behalten.

Dieweiles aber in dieser schwachen ver-
derbten Natur/nicht one zorn kan abge-
hen/so wird es einem Pastori nutz vñ gut
sein/das er dem Rath Pauli vñ Dauids
folge/da sie sagen: Zürnet vnd sündiget
nicht/das ist/ Ob sich ja vnter euch wür-
de zutrage/das jr miteinander zürnet/so
gebt dem zorn doch nicht raum/haltet in
im zaume/auff das er nicht ins werck ge-
setzet werde/oder bey euch einwurzele
vnd bleibe.

Auff das aber nu ein Pastor/so von
jemandes beleidigt/oder erzürnet wird/
solches

solches desto
geschloffen
bedencke er so
erflich/
nd offemals
ladigt vnd e
wol vmb ve
erlanget ha
Zum an
nicht verg
beleidiget
vergebung
langen/W
Schuldiger
bezeuget.
Zum drit
selbst ein W
Leute auch
ben billich
sich willig
zu halten
Zum vier
wenn er sich
tig bewegen
thue/vnd d
nicht sehen
recht oder

solches desto füglichlicher thun / vnd allen
geschöpfsten zorn möge sincken lassen / so
bedencke er folgende Lehre.

Erstlich / so gedencke er / wie mannich **AB.**
vnd offemals / er seinen lieben Gott be-
leidigt vnd erzürnet habe / vñ doch gleich
wol vmb vergebung gebeten / vnd die
erlanget habe.

Zum andern / so bedencke er / wo man
nicht vergibt / dem der vns erzürnet vnd
beleidiget hat / so kan man auch keine
vergebung der Sünden bey Gott er-
langen / Wie solches die gleichnis vom
Schuldiger / Matth. am 18. genugsam
bezeuget.

Zum dritten / soll er dencken / das er
selbst ein Mensch sey / vnd könne andere
Leute auch beleidigen / das im derhal-
ben billich zustehen vnd gebühren wölle /
sich willig vnd günstig gegen den Leu-
ten zu halten.

Zum vierden / sol er betrachten / das /
wenn er sich in zorn entrüstet / vñ zu heff-
tig bewegen leffet / er im selbst schaden
thue / vnd das gemüt verwirre / das es
nicht sehen / fühlen oder erkennen kan / was
recht oder vnrecht sey.

E v Zum

Zum fünfften / sol er erwegen das vn-
glück / welches offtmals aus dem zorn
kömpt / Ein zornig Mann (spricht Sa-
lomon / Proverb. 15.) richtet hader an /
Ein gedultiger aber stillt den zank.

Zum sechsten / sol er wissen / das es gar
eine löbliche tugent sey / den zorn stillen.
Daher spricht Ambrosius / Es ist köst-
lich vnd gut / die bewegung des Gemü-
tes mit bedacht stillen / es wird auch
nicht für eine geringe Tugend geachtet /
dem zorn wehren / vnd dem vnmuth also
fürkomen / das er nichts vnbescheidens
fürneme oder thue.

Zum siebenden / sol er sehen auff den
Schaden / der auff den zorn erfolget.
Durch den zorn / spricht Gregorius / ver-
leuret ein Mensch seine Weisheit vnd
verstand / also das er nicht weis / wie er
ein ding ansahen oder enden solle / Durch
den zorn wird die krafft des heiligen Gei-
stes geschwechet vnd ausgetrieben / wel-
cher sonst ruhet bey den sanfftmutigen
vnd friedsamten. Denn weil der zorn den
Menschen vnrugig machet / so hindert
vnd verschleust er die wonunge dem heil-
igen Geist.

Was

Was ich b
von dem zorn
nicht von de
einem Götze
sünden wer
aus gebrech
für gehalten
Christliche
meinunge
wird für e
zorn so an
kömpt / ze
schen alle
der zorn / so
kömpt / der
allerley vbel
exempel hat
an Paulo /
heiligen /
Sünde ge
Hier mus
nicht seine
schein einer
selbst betrie
Pastor sich
welchem er
Gott oder
der beschaff

Was ich bisher vom zorn gered / sol
von dem zorn / der aus vngedult / vnd
nicht von dem löblichen zorn / der aus
einem Göttlichen euer herkömpt / ver-
standen werden. Denn jener kömpt her
aus gebrechlichkeit / vnd wird für ein la-
ster gehalten / aber dieser / nemlich / der
Christliche euer / kömpt aus guter wol-
meinunge vnd rechtem verstande / vnd
wird für eine Tugend gerechnet. Der
zorn so aus boshafftigem gebrechen her-
kömpt / zerstört vnd verblindet im mens-
chen alle Sinne vnd Gedancken / Aber
der zorn / so aus einem billichen euer her-
kömpt / der zürnet vnd leget sich wider
allerley vbelstand vñ laster / wie wir des
exempel haben an Phinees dem Priester /
an Paulo / Christo / vnd anderen fromen
Heiligen / welche sich wider vntugend vñ
Sünde geleyet vnd gezürnet haben.

Hie mus sich aber einer hüten / das er
nicht seine laster mit dem namen oder
schein einer tugend beschöne / vnd sich
selbst betriege. Sol derhalben ein jeder
Pastor sich selbst prüfen / ob der zorn / in
welchem er entbrandt / aus liebe gegen
Gott / oder aus vngedult vnd gebrechen
der boshafftigen Natur herköme.

Der

Der ander Affect / welcher Concupi-
scentia / das ist / Begirlichkeit / genennet
wird / ist zweyerley / Natürlich vnd Un-
natürlich.

Die Natürliche Begirde / ist dreyer-
ley / Denn es verlangt den Menschen
entweder nach essen vnd trincken / oder
nach freude vnd wollust / also / das er
gern aller trawrigkeit vberhaben / vnd
in wollüsten des leibs empor schweben/
vnd in Liebe sich vben wolte. Vnd das
der Mensch solche freude vnd Leibes
lust begeret / das ist zwar natürlich / doch
so fern / das es mit scham vnd forcht / mit
bescheidenheit vnd vernunft / vnd nicht
mit vngedult wider die gemeine
Gesetze geschehe / Wie Plata spricht /
Denn wenn solche lust oder freuden an-
ders fürgenommen werden / so verderben
sie den Menschen / vnd sind gar schedlich
der Natur / vñ erzürnen Gott zum höch-
sten.

Die vnatürliche Begirde ist / wenn
galt o. In einer was fremdes begeret / welches
war In zwar mit sonderlichen vnd austruckli-
ch geboten Gottes verboten ist / Nem-
lich / Exodi am 20. Du solt nicht begeren
deines

deines nachsten
Vnd Ochsen
ist.

Item Syr
berregen den
doren / Denn
ende nemen

Nit solt
willich / da
zaum halte

S. Pauli
der Begirde
spricht: Das
Geist / vnd de

Durch das
verstanden
tuge Natur
höse neigung
nen / wie sol
in allen Men
geboren sein.

Das wörtl
beder Wider
Geist wideret
sind / vnd so
durch den be
gen / herzen

deines nechsten Weib / Knecht / Magd /
Viehe / Ochsen / Esel / noch alles was sein
ist.

Item Syrach am 9. Lass dich nicht
bewegen den Gottlosen in seinen grossen
ehren / Denn du weissest nicht / wie es ein
ende nemen wird.

Mit solchen Sprüchen vnd Lehren /
wil ich / das ein Pastor seine begirde im
zaum halte / vnd zwingen.

S. Paulus machet ein andere teilung
der Begirde / zum Galat. am 5. da er
spricht: Das fleisch gelüftet wider den
Geist / vnd den Geist wider das fleisch.

Durch das wörtlein / Fleisch / wil er
verstanden haben / die verderbte boshaff
tige Natur des Menschen / vnd allerley
böse neigungen / so aus derselbigen herko
men / wie solches sich genugsam ereuget
an allen Menschen / so noch nicht New
geboren sein.

Das wörtlein / Geist / bedeut die gna
de der Widergeburt / welche der heilige
Geist wirket / in denen / so Newgeboren
sind / vnd solche zuneigungen / welche
durch den heiligen Geist in der glaubis
gen Herzen erwecket werden.

Kürzt

Kürtzlich / die begierde oder lust des fleisches / ist die böse lust des alten Menschens. Die lust des geistes ist die lust des neuen Menschens / das ist / des so neu geboren ist.

Die lust des alten menschen beschreibt Paulus zum Ephes. 2. vnd spricht / das sie eine solche lust sey / dardurch der mensch gereizet werde zuerfüllen vñ zuthun den willen des fleisches vñ der vernunft / das ist / zu leben nach seinem mutwillen vnd wolgefallen.

In dieser beschreibung setzet Paulus zweyerley stück des alten Adams. Eines ist das fleisch / ein solch teil des menschlichen gemüts / welchs vñ den Philosophis ἀλογον / das ist / vnvernunft oder vnverständnis geneñet wird. Das ander ist διάνοια / das ist / Vernunft / Sinn vnd Verstand / welche von den Philosophis τὸ λογικόν / das ist / bedacht vnd vernunftigkeit genennet wird. Doch so wird gemeiniglich durch das wörtlein / Fleisch / der ganze alte Mensch verstanden.

Die begierde oder lust des neuen menschen / sage ich / sey ein solches fürnemen / dardurch der neugeborne Mensch sich vnterstehet den alten Menschen abzulegen /

gen / vñ den
königes / da
anfrängkeit
die Affect
des Geistes v
sel Paulus
Sol der
Seelsorger
selige vñ
moth. i. vñ
erinnere ic
Gabe Got
die Gabe G
lebendige br
in den hertze
geboren / v
Sathan /
sein. Vern
nen Pastor
welche in d
rechte vñ
im finckle
schet / wenn
stets nach ei
vergehen vñ
tes vñ der G
Menschen / v
tert vñ

gen/ vnd den Newen anzuziehen / daher
kömpt es / das er sich stets beflüssiget
auff reinigkeit vnd gerechtigkeit.

Die Affect vnd wirkunge aller beide/
des Geistes vñ Fleisches erzelet der Apo-
stel Paulus zun Ephes.am 4. vnd Gal. 5.

Sol derhalben ein Gottfürchtiger
Seelsörger den geist erwecken durch got-
selige vbunge/nach der lehre Pauli 2. Ti-
moth. 1. vmb der sache willen / spricht er /
erinnere ich dich / das du erweckest die
Gabe Gottes/die in dir ist. Es ist aber
die Gabe Gottes nichts anders denn ein
lebendige brennende flamme / entzündet
in den Herzen der Gleubigen vnd New-
gebornen / welche vnser Fleisch vnd der
Sathan / allezeit auszuleschen willens
sein. Vermanet derhalben Paulus sei-
nen Pastorem / das er solche flamme /
welche in der Asche verborgen ligt / er-
wecke vnd auff blase. Denn gleich wie
ein füncklein Feners leichtlich verles-
chet / wenn mans nicht auff bleset / vnd
stets nach einander holtz anleget. Also
vergehen vnd verleschen die gaben Got-
tes vnd der Geist / in dem Newgebornen
Menschen / wo sie nicht teglich ermun-
tert vnd erwecket werden.

Mösch

Möchtestu aber sagen / Wie werden
denn solche gaben in vns erwecket? Der
Neugeborne Mensch ist begabet mit
dem heiligen Geist / der nicht müßig ist
im Menschen / sondern eine Göttliche les
bendige brunst vnd regung / welche ier
zeit wider den Teuffel vnd das Fleisch /
streitet / vnd entzündet im Herzen des
Menschen solche bewegung / wie der
heilige Geist selbst ist.

Vnd solche bewegungen des Geistes /
werden erstlich durch betrachtunge der
Göttlichen Lehre zu wegen bracht.

Darnach durch das Gebet / vnd ernst
liche anruffunge Gottes.

Ferner / werden sie gemehret durch
busfertige vbingen vnd wandel / durch
betrachtunge vnser eigenen schwachheit /
durch stetigen kampff wider allerley bö
se zuneigungen / vnd durch gedult in
creutz vnd gefehrlichkeit vnser beruffs /
vnd der bekentnis Göttlicher warheit.

In solchen Christlichen vbingen wird
der Geist erwecket / vnd die Gaben ge
mehret / also das endlich die gewalt vnd
krafft des Geistes wider das Fleisch sich
sehen vnd mercken lesset.

Aus

Aus dieser vrsache / vermane ich mei-
nen Pastorem / das er sich für des Teuf-
fels / vnd des fleisches list hute / auff das
nicht die brunst des Geistes / in jme ver-
lesche / vnd er dargegen in des Sathans
vnd des fleisches strick geflochten / ewig
verderbe.

Es hat einer aus den Altnetern / da er
die Christen von fleischlicher lustseuche
wolt abhalten / gar eine schöne gleichnis
gebraucht / Vnd spricht also : Ein jeder
Christen Mensch / hat bey oder in sich /
das Paradeis / den Adam / die lust des Pa-
radeis / vnd die Schlangen. Das Paras-
deis ist Gottes wort / dardurch die Seele
als durch einen süßen lieblichen geruch /
erquicket wird. Adam ist der alte mensch
vnd die verderbte Natur / welche des
Teuffels list vnd betrug vnterworffen
ist. Die wollust des Paradeis ist die mit-
teilunge vnd geniessunge des heiligen
Geistes / durch welche die heilige Seele
wunderbarlicher weise vnd zum höchsten
belüstiget wird. Die Schlange / ist die
fleischliche wollust / wer derselbigen fol-
get / der kömpt durch seinen eigenen mut-
willen vnd schuld / in noth vnd todt. Sol
man derhalben für weltlicher vñ fleisch-
licher

licher lust vnd list sich nicht anders hüt-
ten / als für einer Schlangen / vnd dem
Teuffel selbst. Vnd wenn du ja dermal
eins von solchen betrogen würdest / so
lauffe bey zeit zum Baum des Lebens/
Christo Ihesu deinem Herren / das dich
nicht der Todt ergreiffe / vnd oberwels-
dige.

Bisher haben wir gesagt von den Affe-
ecten / so viel als zu gegenwertigem vn-
serm fürhaben vns dienlich vnd nötig
sein wolte. Nu wil ich auch lehren vom
willen des Menschen / wie er denselben
anstellen vnd regieren solle / vnd hiervon
wil ich kürzlich handeln / sonderlich / weil
der wille dem Rath vnd der bewegunge
des Gemütes / der Gedanken / vnd der
Affecten pfleget zu folgen.

Es ist aber der Wille eine Natürli-
che zuneigung oder geschicklichkeit / wel-
che entweder begeret was jr gefellet /
vnd geliebet / oder hütet vnd meidet sich
des / was jr ungeschicklich / vnd zu wider
ist.

So fern es aber eine Natürliche
macht oder geschicklichkeit ist / ist sie von
Gott / vnd nach irer Substantz vnd
wesen

wesen allezeit gut. So fern aber den ha-
bitum / welcher ist die vollendunge der
Natürlichen macht / belanget / helt sich
anders. Denn es ist ein böser Wille / es
ist auch ein guter wille. Den bösen willen
ererbten vnd bekommen wir von der ver-
derbten Natur / Den guten Willen ha-
ben wir durch Gottes gnade. Der bö-
se Wille folget dem Gemüte / den Ges-
danken / vnd begirten des Fleisches.
Der gute Wille folget dem Sinne / den
Gedanken vnd lusten des Geistes. Was
nu der Mensch thut / wenn es nicht aus
dem guten Willen herfleust / so kan vnd
vermag es nicht gut sein.

Derhalben / gleich wie nu ein Pas-
stor des fleisches Willen absagen sol /
also sol er auch sich höchlich beflissig-
gen / zu thun den Willen des Geistes /
welcher in allezeit regiren vnd führen sol.
Wie aber solche regirung geschehe / das
findet sich im Wort Gottes.

Folget vom Studio vnd fürhaben eis-
nes Pastoris / welches / wie oben vermelt
det / das letzte theil des gemütes ist. Dies-
ses ist nichts anders / denn das ein Pastor

S ij dem

dem fleisch absage / sich stets vnd zum
höchsten beflüssige / das alle seine sinne/
Gedanken/Affecten vnd Wille / gleich
als eine liebliche Concordanz mit einan-
der vberlein treffen / vnd auff Gott / als
auff das einige fürgestackte ziel gericht
sein/Also / das was die Sinne recht ver-
stehen / das Gemüte solches fleissig be-
trachte / Was das gemüte betrachtet /
darzu sollen die Affecten lust haben/was
nu Gottselige Affecten lieben vñ raten/
dasselbige sol der Wille gebieten/vñ aus-
richten.

Bisher hab ich gelehret / wie das Ge-
müt oder Seele sol gezogen werden. Nu
wil ich auch kürzlich lehren von zucht
des Leibes.

Was den Leib antrifft/sol sich ein Pas-
stor hüten / das er nicht durch weichlig-
keit verderbe vnd lass werde / oder durch
herte vnd gestrengkeit sich vntüchtig
mache. Denn gleich wie Gott verbeut/
das man dem Leibe nicht zu viel nachges-
ben/oder gar zu vberflüssig warten sol-
le/Also wil er auch nicht / das man dem/
selben zu viel abbreche / sondern das man
im seine notturst gebe/ auff das er nicht
durch hunger vnd harte casteyung muth
gemachte

gemacht vnd v
gehorche lehre
da er mer inne
new vnd dem
für notturst
ich/denn es v
vnd werckzen
wir vns für
nicht durch
durch gar
machen.

Auff das
das verstehen
sciplin vnd L
ich/etliche L
er etliche löt
vnd gar verd
Ist der ha
rley/Epicu
ich/oder We
Vomerste
die ergste
Menschen ga
darauff begeh
saufen/vnd E
sten sich gleich
die mancherl
weich vnd ne

gemacht vnd verderbet werde. Zieher
gehört die lehre Pauli zum Coloss. am 2.
Da er vns erinnert / des Leibs zuuerscho-
nen / vnd dem fleisch sein ehre zuthun / zu
seiner notturfft. Vñ solchs geschicht bil-
lich / denn es ist der Leib eine behausunge
vnd werckzeug Gottes. Derhalben sollen
wir vns fürsehen / das wir vnsern Leib
nicht durch füllerey / oder hunger / oder
durch gar zu harte fastunge / zu nichte
machen.

Auff das aber ein jeder Pastor desto
bas verstehen kömte / was er von der Di-
sciplin vnd Leibs zucht halte solle / wil
ich etliche Leibs vbungen anzeigen / des-
rer etliche löblich / etliche aber vnwerd
vnd gar verdamlich sein.

Ist derhalben des Leibs vbunge vier-
erley / Epicurisch / Phariseisch / Eusser-
lich oder Weltlich / vnd Christlich.

Vom ersten. Die Epicurische vbunge
ist die ergste / vnd stehet einem fromen
Menschen gar vbel an / Denn welche sich
hier auff begeben / mit vbrigem fressen vñ
sauffen / vnd köstlicher kleidunge / die me-
sten sich gleich selbst / vnd machen durch
die mancherley wollust ire leibe ganz
weich vnd weibisch. Denn es hat Salom

S iij mon

mon in seinen Sprichworten am 20.
recht geredt/ Der Wein macht löse Leu-
te/ vnd starck Getrencke macht wilde/
Wer darzu lust hat/ wird nimmer weise.
Vnd Syrach am 19. Wein vnd Weiber
bethören die Weisen/ vñ die sich an Zu-
ren hengen/ werden wild/ vnd krigen iren
lohn drumb. Vnd Homerus spricht:

Wer seinen Leib mit Wein beschwert/
Thut im selbst schaden vnd sich bethört.

Vnd der Prophet Esaias trewet den
Volsenuffern ach vnd wehe/ da er spricht/
am 5. Cap. Wehe denen/ so Helden sein/
Wein zu sauffen/ vnd Krieger in füllerey.

Dieweil denn das Epicurische Leben
der gesündheit schadet/ vnd bey fromen
Weltuerstendigen Leuten vnerbar ge-
halten/ auch in Gottes wort verdammet
wird/ als ein solch ding/ welchs den men-
schen zu allen seinen geschafften vnlustig
vnd vntüchtig machet/ so wil einem Die-
ner des Worts gebüren/ sich in Essen/
Trincken/ vnd Kleidungen/ messig vnd
Erbar zuuerhalten/ auff das er geschickt
vnd tüchtig sey/ zu guten Gottseligen
vbungen vnd gedanken/ das auch sein
leib starck/ beheglicheit/ vnd gesund bleibe
auffs alter

Vom

Vom andern. Die Phariseische vbung
ist/mit welcher die heuchler vñ gleisner/
vngachtet der Lehre von rechtschaffes
ner gerechtigkeit / von vergebung der
Sünden / vñ von genugthuunge für die
Sünde/sich selbst gemartert haben/mit
fasten/mit langen Gebeten / mit hartem
lager/vnd anderer strenger vbunge oder
arbeit / der meinunge / als solten solche
werck ein wolgefelliger Gottesdienst
sein. Item/die gerechtigkeit so für Gott
gilt/vnd eine genugtuung oder bezalun
ge für die Sünde. Item / als hetten sie
dardurch vergebung aller schuld vnd
pein.

Daher ist komen das Mönchische/vñ
der Einsidler leben / welche hin vnd wi
der in Welden vnd Hülen / gar ein stren
ges armseliges leben gefüret / Als Josas
phat des Königs Auemiri Son / wels
cher von dem Heuchler Barlaam seinem
Schulmeister vbel vnterrichtet war.
Denn als er nach seines Vaters tode das
Königreich ererbte/befahler seinen Vn
terthanen die Christliche Religion/that
sich von jnen / zoge in die Wüsten / vnd
ward ein Einsidler. Daselbst hat er sich
S iiii lange

lange zeit in einem verdrieslichem vnflät-
tigem leben/ mit fasten/wachen/vnd ge-
ringer speiße/casteiet vñ gemartert/ auff
das er den Himel verdienen möchte. Der
gleichen haben viel Könige gethan/vnd
andere leute mehr / welche zwar guther-
zige Leute gewesen/vnd begirig der ewi-
gen Seligkeit. Diese/sage ich/haben sich
in Klöster vñ Müncherey begeben / auff
das sie in solchem Orden vnd leben / mit
fasten vnd wachen / mit gewisser an-
zahl irer gebetlein / mit geringen kleidungen/
vnd mit hartem gelager / für ire Sünde
genug theten/vnd vnserm Herrgott den
Himel abkaufften.

Hierinne haben sie gesündigt auff
viererley weise. Dem erstlich / haben sie
hiermit irem eigen leibe schaden gethan/
wider das gebot Pauli/da er saget: Man
solle dem Leibe seine schuldige ehre thun.
Darnach haben sie gesündigt mit fals-
chem wahn vnd aberglauben. Zum drit-
ten / ist hierdurch der Son Gottes ge-
schmehet worden/ welchs genugthuung
vnd bezalunge sie verachtet haben. Zum
vierten/haben sie böse Exempel von sich
geben / mit solcher falscher nachfolge vñ
eigenen ertichten wercken. Vnd weil viel
Leute

Leute solchen
mit dem Sch
anden in die
sol der he
in/ wohin
und was er
wercken he
solche fahr
fürbilde h
ben Abrah
bild ist / e
wandels.

Zum drit-
ten/ die vñ
gung
nimpt / dar
zu werden
oder sonst
fürnimpt
als da ist /
sonst etwa
vnd dergle
verwirft n
man müß vñ
wolle.

Zum vier-
ten/ welche
vñ auff wa
tet ist / au

Leute solchen gefolget / ist der Lehrer
mit dem Schüler / ein Blinder mit dem
andern in die grube gefallen.

Sol derhalben ein Kirchendiener wiss
sen / wohin er solche vbingen rechnen /
vnd was er von solchen gleisnerischen
wercken halten solle / Nemlich / das er
solche fahren lasse / vnd da er ja einen zum
fürbilde haben wil / so folge er dem lie
ben Abraham / welcher ein gar volkomen
bild ist / eines Christlichen Lebens vnd
wandels.

Zum dritten. Die eusserliche leiblich
che vbinge / ist die / welche im einer fürs
nimpt / dar durch geschickt vnd behende
zu werden / als da ist / ringen vnd fechten /
oder sonst was künstlichen. Oder die einer
fürnimpt von wegen seiner gesundheit /
als da ist / spacieren / sich bewegen / oder
sonst etwas zimlichen fürnehmen. Solche
vnd dergleichen Bürgerliche vbingen /
verwirfft man nicht / denn sie sind jeder
man nütz vnd gut / er sey wes Standes er
wolle.

Zum vierden. Die Christliche vbinge
ist / welche aus dem Glauben herkompt /
vñ auff was nützlichen oder gutes gerich
tet ist / ausgeschlossen allerley falscher

S v wahr

wahn eigener gerechtigkeit/ gottesdien-
stes/ notwendigkeit vnd verdienste.

Solche vbunge nemen die Gottfürchs-
tigen für / wenn sie vermercken / das ire
Leibe etwas trege / faul/ vnd in fleischlis-
chen lusten siech werden wollen. Den he-
ben sie an mit wachen/ fasten/ arbeit/ mit
viel schreiben / lesen / vnd studieren sich
zubeladen/ auff das das Fleisch dem Geis-
te vnterthemig vnd gehorsam werde.

Aber doch sol man in solcher vbunge/
auff zwei Regeln achtung haben / derer
Paulus eine setzet/ da er spricht / Colos. 2.
Man solle des Leibes verschonen / vnd
dem Fleisch seine ehre thun/ nach gebür-
licher zimlicher notturfft. Die andere
setzt der heilig Athanasius/ da er spricht:
Die Leibliche oder des Leibes vbunge
ist gut/ wenn sie geschieht mit bescheiden-
heit/ Verstande vnd Mässigkeit. Rech-
ten Verstand haben in solcher vbunge/
ist / das man nicht einen Gottesdienst/
Werck / oder eigen verdienst draus ma-
che / sondern / das man nur hiemit dem
Leibe wehre / das er nicht frech vnd geil
werde/ vnd dem Geiste vberdrüssig vnd
zu wider. Mässigkeit hierinnen halten/
ist/ das man notwendige geschessste nicht
dar

dardurch verhindere / oder der gesund-
heit schade.

Also habe ich kürzlich gesagt / wie ein
Pastor sein Gemüt vnd Leib regieren
vnd ziehen sol. Darneben ist auch anges-
zeigt worden / was er fliehen vnd meiden
sol / auff das er nicht Leib vnd Seele bes-
flecke / Vnd war auff er sich begeben sol /
das Leib vnd Seel keusch vnd rein er-
halten werde.

Nu wollen wir beides zusammen thun /
denn es kan das Gemüte vnd die Seele
nicht rein sein / es sey denn / das auch der
Leib keusch vnd rein sey / Vnd widerumb
kan auch der Leib nicht keusch sein / es sey
denn das Gemüt rein vnd heilig.

So sihe nu zu / das dein Gemüte rein /
vnd der Leib keusch sey / auff das die rei-
nigkeit des gemütes offenbare vnd bes-
zeuge des Leibes keuscheit / Auff das an
dir geschehe vnd erfunden werde / das /
das der heilige Paulus seinen Thessalo-
nichern wündschet / da er saget / 1. Thess.
5. Er aber Gott des friedes / heilige
euch durch vnd durch / vnd ewer Geist
gantz sampt der Seele vnd Leib / müsse
behalten werden vnstrefflich / auff die
zukunfft vnser Herr Jesu Christi.

Preise

Preise derhalben / mein lieber Pastor /
Gott mit deinem Leibe / vnd mit deinem
Geist / lobe vnd erhebe alles was Gottes
ist / auff das du also durch vnd durch vol-
kommen vnd vnstrefflich seyest. Hüte dich
das du nicht meinst oder gedencdest / du
werdest bey Gott vngestraft darvon
kommen / oder weil die leute deine Wercke
nicht sehen / es werde sie Gott auch nicht
sehen. Denn vnser lieber Herrgott hat in
einen jeden Menschen ein zeugnis vnd
fürbild seines vnausbleibenden gerichtes
vnd Jüngsten tages gepflantzet.

Du möchtest vielleicht sagen / Es ver-
klagt mich niemand / wer hat dis oder
das von mir gesehen? wer kan vber mich
zeugen? wer wil mich richten? wer wil
mich verdammen? Dein Gewissen ist
dein Richter / frage dasselbige / höre das
selbige / so wirstu es wol erfahren / wer wi-
der dich stehe. Dein eigen gedechtnis ist
ein gewis Register aller deiner werck vñ
thaten / vnd sind also eben eingeschrie-
ben / das du sie nicht kanst oder vermagst
zu leugnen. Deine eigene Vernunft ist
Richterin wider dich / auch zwischen den
dicken finstern Wenden / die furcht vnd
das inwendige schrecken ist dein Zen-
cker /

Der/es entsetzet vnd verreth sich vber ei-
nem rauschenden blat. Denn was dein
Gewissen anlaget / das gedechtnis be-
zeuget / vñ die vernunft verurtheilet / das
alles wird durch furcht gemartert vnd
gepeiniget.

Warumb lest Gott solche ding in dir
selbst geschehen / vnd offenbaren? Auff
das du durch solch deine eigen Vrtheiler
innert vnd vberzeuget werdest des künff-
tigen gerichtts Gottes / welchem du mit
nichten entfliehen kanst / du komest jm
denn mit busfertigen leben zuuor.

Verhoffe/ich habe bisher vom ersten
Theil vnser fürgenomen Lehre genug
gesagt / in welcher kürzlich angezeigt
worden / wie ein Pastor seinen Leib vnd
Seele in Gottseliger vbunge vnd zucht
halten sol / Vnd wie der ganze Mensch
durch vnd durch geschickt sein sol / auff
das Gott von jm / mit Leib vnd Seele
gepreiset werde. Nu wil ich zum Bes-
chluss meinem Pastori ein Christlich ges-
betlein fürsreiben / welches er teglich
mit Mund vnd Herzen beten sol/solche
ding von Gott zuerlangen / vnd
durch seine gnade ins werck
zusetzen.

Gebet.

Gebet.

Mein allerliebster Herr Jesu Christe / dich
ruff ich an / denn du allein bist mein licht /
mein leben vnd heil / du bist mein lebendi-
ger Gott vnd Herr / du bist mein Erzhir-
te / vnd mein sterckster nothelffer. Dich flehe / bitte /
vnd anbete ich / gib mir gnad / das ich in dir wandele /
in dir ruhe / vnd zu dir kome. Verleihe mir / das ich
vormittels deiner hülffe / heilig / Gottselig / vnd vns-
treflich lebe / Erleuchte mein Hertz vnd Sinnen /
dempffe durch deinen Geist in mir meine böse ge-
danken / Lösche in mir aus meine böse Affecten / Lüs-
ten vnd begirden / Vnd meinen verkerten Willen /
wollestu durch deine gewalt in mir endern vnd wen-
den / vnd mein gemüt mit deinem Göttlichen lichte
beseligen. Lieber Gott / gib mir ein / gute heilige ge-
danken / zünde in mir an rechtschaffene reine Affe-
cten / bekere meinen Willen zu dir / auff das ich wöl-
le / was du wilt. Vnd weil denn mein Leib eine be-
hausunge meiner Seelen ist / so verschaffe durch deiz-
ne gnade / das ich solchen keusch vnd rein behalte /
auff das also in einem reinen Leibe / eine heilige rei-
ne Seele wone / auff das ich vnstreflich sey an Seele /
Geist / vnd Leibe / vnd dich allezeit mit Leib vnd
Seele preise / Dir / meinem obersten Seelhirten / vnd
warhafftigem Gotte / mit Vater vnd dem heiligen
Geiste sey lob / preis / ehre / weisheit / danck / krafft /
macht / vnd stercke / von ewigkeit zu ewigkeit /
Amen. Das werde war / vnd gesche-
he an mir / Amen.

Vom

Vom andern Theil/ dieser
 vnserer Lehre/ Wie ein Gottsfürch
 tiger Pastor seine Haushaltung /
 mit Weib/ Kinder/ vnd Ges
 sinde anstellen vnd wol
 regieren sol.

Wis her haben wir gelehret / wie
 ein Pastor für seine Person in sons
 derheit sich halten vnd ziehen sol/
 auff das er seinem lieben Gott / durch
 Christum gefellig sein könne.

Nu wollen wir in aus der Wüsten vñ
 solchem einsamen leben führen/ vñ anheim
 in sein Haus beleiten / vnd im anzeigen/
 was er für ein Regiment im hause gegen
 den seinen führen sol.

Wie nötig aber solche Hauslehre vnd
 zucht einem Pastori sey/ zeigt Paulus an
 1. Timot. 5. da er spricht/ So aber jemand
 die seinen/ sonderlich seine Hausgenossen/
 nicht versorget/ der hat den glauben ver
 leugnet/ vnd ist erger denn ein Heide. Vñ
 S. Bernhardus spricht: Setze die zucht
 in deine thür zur Hüterin/ auff das nicht
 der fluch in dein Haus schleiche.

Die

Diervel denn einem fromen Pastorige-
büret / sein Hausgesinde erbarlich vnd
Gottseliglich zu regieren / wil ich etliche
gewisse puncten nach einander anzeigen/
in welchem das gantz Hausregiment be-
griffen wird / nemlich / wie volget.

1. Was ein Pfarherr für ein Weib ne-
men sol.
2. Wie ein Pastor gegen seinem Weib
sol gesinnet sein.
3. Wie er sein Weib vnterweisen / vnd
halten sol.
4. Wie er sich in der Kinderzucht hal-
ten sol.
5. Wie er das Gesinde / als Knechte
vnd Megde halten sol.
6. Wie er für seine Haushaltung vnd
nahrung sorgen solle.
7. Von miltigkeit eines Pastoris ge-
genden Armen.
8. Wie / vnd wenn er mit alle seinem
Hausgesinde beten sol.

Was

Was ein Pfarherr für ein Weib nemen sol.

S Alomon spricht Prouer. 19. Haus
vnd Güter erben die Eltern/Aber
ein vernünfftig Weib kömpt vom
HERR. Dieses ist ein warhafftiger
vñ schöner Spruch/in welchem ein
Pastor erinnert wird/das/wenn er wölle
ein Weib nemen/solle er für allen dingen
Gott anruffen/vñ in bitten/das er jm ein
solch Weib beschere/mit welcher er fried-
lich/vnd in Gottes furcht leben möge.

Es werden irer viel von Gott ge-
strafft/vnd zwar nicht vnbillich/denn sie
bitten ire Weiber nicht von Gott/son-
dern vom Baccho vñ der Venere/das ist/
sie freyen im süß vnd voller weise/trach-
ten nur nach glatten schönen Mergen/
vngachtet/wie ehrlich/fromb/vñ Got-
fürchtig sie sein mögen.

Derhalben sol ein Pastor/so bald er
willens ist/ein Weib zunemen/vnsern
Herrgott fleissig vnd von hertzen bitten/
jme eine solche zubescheren/die jme gleich
vnd bequem sey. Vnd wenn er zu vnsern
Herrgot angeruffen/mag er auch guter
Günner

günner vnd freunde / vnd sonderlich from-
mer / Gottfürchtiger Leute Rath ge-
brauchen. Denn die Liebe ist blind / nicht
allein bey Weltleuten / sondern auch oft-
mals bey den frommen vnd Gottfürch-
tigen. Wie denn Theocritus saget / Was
nicht fein ist / duncket einen Vuler doch
gleichwol fein sein. Bedarff derhalben
hie einer frembdes rahts vnd frembder
Augen.

Wenn er aber eine ersehen / oder im ei-
ne fürgeschlagen wird / die im gesellig ist /
sol er widerumb vnsern Herrgott bitten /
das er / do es anders sein nutz sein werde /
jrer beider Herzen in warer trew / vnd
vngeselschter Liebe entzünde / vnd zusam-
men verbinde. Vnd wenn er die Liebe
spüren wird / sol er das gemüte der jung-
frauen oder Widwen erforschen / nicht
aber wie ein Schalck oder Bubenwirt /
sondern er sol ehrliche gute freunde an
sie schicken / vnd nach jrer bewilligung
fragen vnd werben lassen / wirds im ab-
geschlagen / mag er künlich dencken /
das sey nicht die / die ihm Gott habe ge-
ben wollen. Bewilliget sie aber / vnd
wird jme zugesaget / so mag er sicherlich
glauben

haben / das
habe
die sol sie
führen / da
ist ober d
nicht eine
eine die zu
sen / oder so
bösen ges
Welch
bet seinen
zuvor vnd
vnd veru
nem ewigen
schweigen /
norm andere
gebulet / in
halten.
Doch g
kommen k
im andern
möchte B
theliebende
Doch wil ich
ten / in solch
geben.

glenben / das Gott jm solche zugefüget
habe.

Zie sol sich aber ein Pastor ja fleissig
fürsehen / das er nicht jme selbst ein vn-
glück vber den Hals ziehe / das ist / das
er nicht eine öffentliche Hure neme / oder
eine die zuuor von einem andern beschlaf-
fen / oder sonst verdecktig / vnd in einem
bösen geschrey ist.

Welcher hierwider handelt / der er-
bet seinen Kindern eine Schande auff /
zuuor vnd ehe denn sie geboren werden /
vnd verunehret sein eigen Haus / mit ei-
nem ewigen Schandfleck. Ich wil ge-
schweigen / das ein solch Gemahl / die zu-
uor andere zu sich gelassen / vnd mit jnen
gebulet / jme werde schwerlich glauben
halten.

Doch gebe ich das zu / das es wol
kommen köndte / das eine / so zuuor von
einem andern beschlaffen / wol köndte oder
möchte Busse thun / vnd eine fromme
ehrliebende Hausmutter aus jr werden.
Doch wil ich meinem Pastori nicht rath-
ten / in solche gefahr sich leichtlich zube-
geben.

G ij Lemi

Leuitici am 21. ist den Leuitischen Priestern ein solch Gesetz fürgeschrieben. Sie sollen keine Hure nemen / noch keine geschwechte / oder die von irem Manne verstossen ist / denn sie sind heilig irem Gott.

Vnd ist solches geschehen nicht allein von eines fürbildes wegen / sondern viel mehr von wegen öffentlicher Erbbarkeit / wie es denn Procopius recht ausgeleget hat. Denn es sol ein Pastor nicht allein offenbarlichen schaden oder schande meiden / sondern / er sol sich auch hüten für heimlichen schaden vnd dingen / die seinen namen vnd guten gerüche möchten zu nachteil gereichen.

Hiergegen geben etliche für / es sey ein werck der barmherzigkeit / einen irrenden Menschen zu recht bringen / vnd eine verachte Hure zu ehren setzen / vnd ehelichen. Ja / das noch viel mehr sey / eine aus der Schule des Teuffels reißen / vñ in die Schule Christi führen. Denn eines Pfarrherrs Haus sol eine Schule Christi sein.

Ich bekenne es / das solchs etwas groses sey / Aber gleich wie es selten geschicht das aus einem leichtfertigen Lotterbuben ein fromer haushelliger Man wird /
Also

Also ist's auch mislich / vnd ein selzam
ding / das aus einem vnzüchtigen Weibe
eine frome Matron werde.

Der Hund / spricht Theocritus / frist
nicht leichtlich von den Kaldannen / denn
der Knüttel verbeut es jm.

Wenn man eine Zure in die Schule
Christi neme / vnd wolte sie lehren / wür-
de sie zucht vnd keuscheit lernen gleich
wie der Wolff / da er auff ein zeit in die
Schule gieng / vñ solte lernen buchstabiz-
ren / fieng er an / an dem wörtlein / Vater /
da er solt aussagen / vnd gefragt ward /
wie lauten zusammen diese zwen Buchsta-
ben / v / vnd a / sprach er / va / wie lauten
diese / t / e / r / sprach er / ter. Bisher hatte er
noch nicht vbel gelernet / da er aber die
zwo Syllaben solte zusammen reumen /
sprach er / va / ter / schaff / schaff / Wie kam
das? Also kam es / Sein Mund redet an-
ders / das Hertz redete auch anders. Mit
dem munde redete er / wie jm der Schul-
meister fürsagte / aber mit dem Hertzen
redete er / wie in sein reissender rache lere-
te. Denn die reuberische Wolffs art kond-
te sich in die lenge nicht bergen / sie wolte
auch nicht ausbleiben.

G iij Gleich

18
Gleicherley art vnd gefahr/sörge ich/
würde zugewarten sein/wenn eine Zure
in die Schule Christi genommen würde/
vnd solte buchstabiren/k/e/u/s/c/h/e/i/t/
so würde sie erstlich wol sprechen/keusch/
vnd/eid/Wenn sie aber disezwo Syllas
benzusamen reumen solte/würde sie one
zweiffel sagen/Bule.

Nu wolan/Es sey jm also/das aus
einer Zuren eine ehrliche Matron/aus
einer vnzüchtigen eine züchtige/vnd aus
einer Gemeinen/die zumor irer viel ges
habt/eine solche werde/die sich an einem
Manne bemühen lasse (wiewol eine sol
che Transformation vnd verenderunge
sich selten zutregt) rahte ich doch nicht/
das mein Pastor ein solch Pecus leicht
lich in sein Haus neme/Sonderlich/weil
sie andern Weibern ein Exempel der
frömbkeit/keuscheit/vnd ehrliches ges
rüchtes sein sol. Ich wil hie geschweis
gen/das seinem Ampt/solche des Weis
bes mangel/zum nachtheil gereichen.

Derwegen schliesse ich/das es in kei
nem weg zuerdulden oder nachzugeben
sey/das der/der zu einem solchen hohen
heiligen Ampt beruffen/vnd des Haus
gleich als wie eine werckstadt aller gotts
seligkeit/

keit/keu
solch
böse gerü
gen eines

Was mei
nemen: W
nemen/sol
bewegen.

1. Ob der
- vnd ehrlich
2. Ob sie
- tige geberden
3. Ob sie an
- oder sonst wo
4. Ob sie

Die Elte
rig vnd ehr
gen der Sch
gute hoffnun
tern fromb/
ehrlich sein. 2
reare Hinde

Darnach
an sich haben

seligkeit / Keuscheit / vnd frömbkeit sein
sol / ein solch Weib neme / die ein offent-
lich böse gerücht habe / oder die sonst von
wegen eines Lasters verdecktig ist.

Was meinstu denn / sol er für ein weib
nemen? Wenn ein Pfarherr wil ein weib
nemen / sol er folgende vier stück fleissig
bewegen.

1. Ob der Jungfrauen Eltern fromb
vnd ehrlich sein.
2. Ob sie gute sitten / ehrliche vñ züch-
tige geberden habe.
3. Ob sie auch mit arbeit vmbgangen /
oder sonst was tüchtiges könne.
4. Ob sie auch ein gut Gerücht habe.

Die Eltern sollen fromb / Gottfurch-
tig vnd ehrlich sein / Erstlich / von wes-
gen der Schwagerschafft / darnach / das
gute hoffnunge sein werde / weil die El-
tern fromb / sie werde auch fromb vnd
ehrlich sein. Denn erbare Eltern / ziehen
erbare Kinder.

Darnach sol die jungfraw gute sitten
an sich haben. Den das tregt sich oft zu /
G iij das

das eine fromme Eltern vnd ein gut ges
schrey hat / vnd gleichwol mit eusserlis
chen geberden genugsam zuersehen
gibt / wie jr hertz vnd gemüt gesinnet sey.

Es spricht ein Philosophus / es sey
nicht viel dran gelegen / mit welchem teil
des Leibes jemandes sich vnzüchtig er
zeige. Denn zuzeiten wird das vnzüchtig
hertz verraten durchs angesicht / anblis
cken / vnd die augen / zuzeiten durch des
Menschen tritt oder gang / bisweilen
durch vppige Kleidung / vnd offtmals
durch schampare wort / vnd vnzüchtige
rede.

Wie man die vnzucht aus den Augen
erkennen sol / lehret Ihesus Syrach am
26. Cap. Ein Jüdisch Weib / spricht er /
kennet man bey irem vnzüchtigen gesich
te / vnd an iren Augen. Wie hörestu / das
Syrach spricht / Des Weibes gesichte
sey eine anzeigunge irer vnkeuscheit / vnd
ire Augen verraten jr hertz / Also / das
was sie meinet verborgen sein / wird of
fenbar / vnd von den Leuten gemercket.
Freundlich gesichte / zeigt ein freund
lich / keusch / schön gemüt an / Aber ein vn
züchtig gesicht / zeigt gemeiniglich ein vn
züchtig / mutwillig / begirigs hertz an.

Drumb

Drumb we
nemen
stige Aug
sonder
stigkeit /
zu aller t
Der gang
mals an die
der tritt ode
setzem flei
sart / vnd v
wenn sie ge
sie sich / gla
etliche maffen
etliche haben
berden an si
offenbaren.
Über da
zigeunge / b
keuscheit. D
viel auff sch
sonderlich /
marmen /
keuscheit vo
Aber für
wort vnd re
mütes. Wa
jederman v

Drumb wenn ein Pfarherr wil ein
Weib nemen / so sehe er nach einer / die
züchtige Augen habe. Denn eine solche
wird sonder zweiffel / zu messigkeit / ge-
rechtigkeit / keuscheit vnd zucht / vnd end-
lich zu aller tugend geneigt sein.

Der gang des Menschen zeigt offter-
mals an die gebrechen des Gemüts. Den
der tritt oder gang / den man mit fürge-
setzem fleis thut / ist ein zeichen der hof-
fart / vnd vnkeuscheit. Viel Weibsbilder
wenn sie gehen / so krümmen vnd winden
sie sich / gleich wie ein krummes Wasser /
etliche nicken mit dem kopff hinder sich /
etliche haben sonst andere herrische Ge-
berden an sich / dardurch sie ire vnzucht
offenbaren.

Über das / ist auch die kleidung ein an-
zeigung / beide der keuscheit vnd der vn-
keuscheit. Denn welche weiber sich gar zu
viel auff schmuck vnd kleidung begeben /
sonderlich / wenn sie ires Standes nicht
warnemen / geben ein anzeigung irer vn-
keuscheit von sich.

Aber für diesen allen / ist die zunge / die
wort vnd rede ein gewis zeichen des Ge-
mütes. Waschafftige Weiber sind bey
jederman vngenem / gehessig / vnd ver-

G v dech

dechtig. Widerumb ist stillschweigen
eine sonderliche zierde der weiber / Ja / ein
Weib das schweigen kan / spricht Sy-
rach / das ist ein gabe Gottes. Derhalben
Alix solches seinem Weibe / die etwas zu
schwerhafftig war / fürwarff vnd sagter
Rede wenig mit mir / vnd wiltu ja re-
den / so rede von nützlichen vnd dapffern
dingen. Darumb ist stillschweigen der
 weiber beste zierde.

Bisher habe ich von den Sitten einer
Jungfrauen gesagt / vnd ist dis die meis-
nung / das die / die ein Pastor zur Ehe
nemen wil / habe züchtige augen / vnd ei-
nen solchen gang / der keuscheit vnd nicht
leichtfertigkeit anzeige / auch das sie be-
queme zimliche kleider trage / vnd nicht
schneppisch / oder behende mit dem maul
sey.

Nu ist noch zu sagen / von irer / nem-
lich der Jungfrauen arbeit. Es ist ei-
nem Pastori gar nicht zutreglich / das er
eine neme die nichts kan / oder gelernet
hat / denn nur verthun / verzeren / vnd das
fleisch aus den töpffen heben. Derhal-
ben er eine solche nemen sol / die mit wei-
sarbeit weis umbzugehen / vnd nach
gelegenheit irer Person vnd Standes /
fürnes

fürneme / versorge / vnd recht ausrichte /
die dinge / derer sie daheim bey jren El-
tern gewonet / vnd einem heuslichen weis-
bezustehen.

Kürzlich / Es sol eine solche sein / die
da mit jrgend einer ehrlichen Arbeit /
wenns die not erfordert würde / sich ehr-
lich vnd redlich ernehren könne. Denn es
stehet eines Pfarherrs Weibe nicht zu /
das sie faulente vnd müßig gehe / nichts
thue / oder gar kein arbeit angreiffe / wie
denn gemeiniglich die sein / die daheim
bey jren Eltern zertlich erzogen / vnd nie
zu keiner Arbeit gewehnet worden sind.

Solget nu zum letzten von jrem guten
oder gemeinem geschrey / darnach ein
Pastor fürwar auch fragen sol. Denn ob
wol so an jzt berürten stücken kein man-
gel sein möchte / das ist / ob sie von from-
men Eltern geboren / mit guten Sitten
gezieret / vnd tüchtige Arbeit gelernet
hat / ein ehrlich gerücht folgen sollte / So
ists doch von nöten / ja auch nütze / das
gemein geschrey nicht verachten / son-
dern desselben warnemen / vnd jm nach-
dencken. Denn die ist allererst vnd recht
ehrlich / der man nichts böses nachsaget /
oder nachsagen kan.

Ob

Ob man aber vielleicht anders von jr
redete/denn man sihet/oder an jr vermer
cket/so mus sich einer fleissig vmbthun/
auff das er gründlich erfare/wie es vmb
sie gethan sey. Denn es treget sich oft zu/
das die Leute vnnütze gewesche treis
ben/entweder dem/so gegenwertig dar/
mit liebe zu kosen / oder dem abwesenden
aus neid vnd has / zu schaden / wie hier
von Nazianzenus recht redet. Derwe
gen man hierinne seuberlich fahren / vnd
nichts vnbedechtigs handeln sol.

Also hab ich angezeigt / was mein Pa
stor für ein Weib nemen sol/vnd wenn er
zur Ehe greiffen wil / wie er die verlob
nis vnd Hochzeit in der furcht Gottes
volenden/vn den Son Gottes mit rech
tem andechtigem Gebet anruffen sol/
auff das / wenn sich etwas widerwertig
ges zwischen inen/ als jungen Eheleuten
würde spüren lassen / oder zutragen/ das
er solchs gnediglich abwenden oder lind
dern / vnd das Wasser in Wein verwan
deln wölle/das ist/ jr armes geringes ver
mögen / durch seinen Göttlichen
Segen/wölle mehren vnd
stercken.

Wie

Wie ein Pastor gegen seinem Weibe sol gesinnet sein.

Auff das nu ein Pastor wisse/wie
er sich gegen seinem Weibe halten
solle / die er newlich genomen / sol
er sehen / erstlich auff Gott / welchen er
ymb ein Weib gebeten hat / darnach auff
die erste stiftunge des Ehestandes im
Paradeis.

Wenn er auff Gott sihet / wird er erin-
nert der schuldigen liebe gegen der gabe
Gottes. Denn er sol die / die er von Gott
erlanget vnd empfangen / nicht vernich-
tigen oder verachten / sondern sie viel
mehr gar lieb vnd werd halten.

Wenn er die erste einsetzung des Ehe-
standes betrachtet / vnd recht ansihet /
wird er befinden / das Eva aus der riebe
Adams erschaffen / vnd ime zum Weibe
sey gegeben worden. Derhalben sol er sie
lieben / wie sein eigen fleisch / er sol sie hal-
ten / wie seine eigene riebe im Leibe / vnd
wenn sie schwach oder mat würde / sol er
sie erquicken vnd warten / wie sein eigen
Gelied. Denn lieber / wer wolte so wilde /
neidisch vñ vngehewer sein / das er nicht
sein

sein eigen fleisch lieben / erquickē / vnd
warten wolte.

Darnach / weil Eua nicht von Adams
Haupt / auch nicht von seinen füßen ge/
macht ist / sondern aus seiner seiten ist sie
erschaffen / wird ein Pastor alhier von
dreyerley erinnert / nemlich / das das
Weib nicht sein Herr sein solle / denn sie
ist nicht aus dem haupt erschaffen. Auch
sol er sie nicht halten / wie eine Dienst/
magd / denn sie ist nicht aus den füßen
genommen oder erschaffen. Sondern / er
sol sie halten für sein liebes Ehegemahl/
denn sie ist von der mitte seines Leibes/
das ist / aus der Seite herkommen. Gleich
wie nu ein Pastor sein Weib nicht umb/
treiben / oder halten sol / gleich wie eine
Magd / vnd jr nicht vnterthenig sein /
gleich als ein Knecht / Also sol er sie
nach erforderunge des Gesetzes in der
Ehestiftunge / lieben wie sein eigen
fleisch / vnd trewe gehülffen. Solche
Liebe ist der rechte grundfest aller an/
der Dienstbarkeit vnd guten wil/
lens / den sie jr lebenslang einan/
der zuerzeigen pflich/
tig sein.

Wie

Wie er sein Weib vnterrichten/ weisen vnd lehren sol.

Vnterrichtung des Weibes / sol
hie verstanden werden von einer
solchen anstellung aller hendel/
dardurch die Eheliche beivornunge lieb/
lich/leichte/vnd behegliche werde. Vnd
diesen grund müssen die Eheleut legen
balde im anfang / mit betrachtunge das
sie jr leben beyeinander hinsürt verschlies
sen vnd zubringen sollen.

Erstlich / sol ein Pastor / wenn er ein
weib genomen/sie gar fleissig vnterrich
ten / vnd sich gleich von newem mit jr in
bund vñ pflicht einlassen / bestendig bey
einander zu bleiben/vñ in warer gottselig
keit stets zuuerharren/das ist/das sie bei
de Gott wollen gehorsam sein/vñ es dar
für achten / das Gottseligkeit zu allem
ding nütze vnd besser sey/ denn aller welt
reichthumb vnd güter. Wen sie einen sol
chen grund legen / wird jnen alles her
nach treglich vñ leichte sein in irer Ehe.

Da sol er sie lehren/das rechtschaffene
liebe vnd freundschaft der Eheleute /
von obermelten dingen herfließe/vñ dar
innen

rinnen bestche. Denn es kan keine liebe
lange weren/oder bestendig bleiben/wen
sie nicht iren vrsprung von Gott hat. Er
sol sie erinnern / das allerley vneinigkeith
oder hader der gottseligkeit zu wider sey/
vnd den bund des friedes verlerze / Sol
chen bund nicht halten / ist eine vergess
senheit vnd Sünde.

Zu dem / sol er aus gleichem Funda
ment sie leren/das gute tugenden gleich
förmige / vnd einerley sitten vnd willen/
vnter den Eheleuten huld vnd gunst er
halten/vnd sie höchlich erfreuen.

Wie nu der Pfarherr selbst seinem weis
be ein gut exempel der tugend vñ frömb
keit geben sol/ also sol er sie fleissig anhal
ten / das sie in irem Leben vnd Wandel/
auff gute sitten vnd geberde sich begeben/
mit ferner erinnerunge/das einer fromen
erbaren Matronen schönheit vnd ge
schmuck nicht stehe in Golde/ vnd köst
lichen kleidern/sondern in frömbkeit vnd
guten sitten / nach laut des herrlichen
schönen Spruchs Cratetis/von der weis
ber schmuck.

Der geschmuck/spricht er/ist das/ das
da schmucket / vñnd wol zieret. Das
schmucket aber/das ein Weib zieret/vnd
ir wol

ir wol anstehet. Das ist aber ir bester
schmuck vnd zierde / nicht Gold / nicht
edelgestein / noch Purpur / sondern alles
das / was zu erbarkeit / vernunft / zucht
vnd tugend gehöret.

Dis sol er beweisen aus der Lehre Petri / 1. Pet. 3. welche wort hieher zusetzen
one noth weren / wenn nicht irer etliche
weren / die zur Weibischen hoffart hülff
fen vnd rieten / etliche aber wenig vnd sel
ten lesen / Vnd daher kömpts / das sie selb
best nichts verstehen / vñ wird die gewon
heit ire Bibel / Vnd der Weiber rath ir
Herr / vnd ire Gedancken ire Schrift.
Also spricht aber Petrus : Die Weiber
sollen iren Männern vnterthan sein / auff
das auch die / so nicht glauben an das
wort / durch der Weiber wandel / one
wort gewonnen werden / wenn sie anse
hen ewern keuschen wandel in der furcht.
Welcher geschmuck sol nicht auswendig
sein / mit Harflechten / vnd Gold umb
hengen / oder kleider anlegen / Sondern
der verborgene Mensch des Hertzens
vnuerrucket / mit sanfftem vnd stillen
geiste. Das ist köstlich für Gott. Denn
also haben sich vorzeiten die heilige weis
ber geschmucket / die ire Hoffnung auff
Gott

Gott sagten / vnd iren Memern vnters
than waren.

Vnd diese wort sol er seinem Weibe
scherffen / das ist / mit Sprüchen vnd fei-
nen Exempeln der Schrift erklären vnd
auslegen.

Über das / sol er sie auch lehren / wie sie
gütig vñ gelinde sein sol / in deme / wenn ei-
nes vnter jnen strachelt / vnrecht thut /
oder irret / Das eins mit dem andern ge-
dult habe / eines des andern Bürde helf-
fe tragen / mit einander vor lieb nemen /
vnd also das Geseze Christi erfüllen.
Dieses / sol er sagen / sey gantz nötig vnd
nützlich. Den in dieser verderbten schwa-
chen Natur fellet mancherley irthumb
vnd mangel für / Wenn denn eines dem
andern nicht zu gut hielte / vnd vbersehe /
würde eine greueliche vnordnunge vnd
zerrüttunge folgen / Es würden auch der
Eheleut Herzen balde sich von einander
wenden / Sonderlich / weil der böse feind
Asmodi der Ehetuffel one das den Ehe-
leuten nachstellet / vnd sich zum höchsten
befleißiget / das er den Eheleuten seinen
gift bey bringe / auff das solche leute aus-
jnen werden / die nicht vnserm Herrgott /
sondern dem Teuffel sein reich pflanzen
vnd mehren.

Diese

Diese lehre /
fingener Ehe-
als fürhalte
erne / das
dem Ehe-
liche sanfft
rechen / wi-
wegen br-
auch ein v-
der nicht g-
verduden
vnd wenn
würde / an
zudecken.
Wenn er
not thut / so
freundlich
Über d-
erfordert
geschefte
nicht allein
fallen / sond-
selber.
Endlich
ten vñ exen
fürchtig sei-
den vnd a-
sten sol etc
handeln

Diese lehre/ sol ein Pastor in erst ange-
fangener Ehe vñ liebe/ seinem weibe off-
mals fürhalten/ auff das sie selbs bedenc-
en lerne/ das solche gedult vnd sanfftmüt
in dem Ehestande allezeit sein müsse. Ja
solche sanfftmüt vnd vbersehung der ge-
brechen/ wird durch die Eheliche liebe
zuvuegen bracht vnd erhalten/ Sie wird
auch ein vrsach sein/ das eins auff das an-
der nicht gar zu scharff sehe/ sondern viel
verdulden/ verhorchen vnd vbersehen/
vnd wenn gleich ein mangel fürfallen
würde/ wird doch die liebe solches alles
zudecken.

Wenn ermanunge vnd errinnerunge
not thut/ so sol sie geschehen gülich vnd
freundlich/ vnd aus liebe.

Über das/ sol er (da es anders die not
erfordert) sein Weib lehren/ das sie irer
geschaffte trewlich vnd fleissig warte/
nicht allein für augen als menschen zuge-
fallen/ sondern als für Gottes Angesicht
selber.

Endlich/ sol er sein weib leren mit wor-
ten vñ exempeln/ wie sie fromb vñ gott
fürchtig sein sol/ wie sie beten/ Gott dan-
cken/ vnd allen gottesdienst trewlich leis-
ten sol/ etc. Darvon ich anderswo mehr
handelt wil.

h ij Dis

Dis sey gesagt zu einer kurzen anlei-
tunge/wie ein Pfarherr sein junges weib
ziehen vnd lehren sol / welchs ime alsden
wol geraten wird / wenn er selbs jr mit
gutem Exempel fürgehet / vnd wenn er
selbs zum ersten anfehet / vnd thut/ was
er sein weib heisset oder lehret.

Eins aber hette ich schier vergessen/
das doch mit nichten mus vergessen wer-
den. Wenn seine Hausmutter schwan-
ger wird / sol er sie vermanen / das sie alle
zeit / sie stehe auff / oder lege sich nider /
vnserm lieben Gott befehle / das jenige/
das sie durch seinen Segen empfangen
hat / vnd das sie Gott trewlich anruffe/
auff das er durch seine gewalt / güte vnd
gnade jr beysthe / vnd die empfangene
frucht ferner segenen / schützen vnd erhal-
ten wolle. Wie aber er seine Kinder / die
im Gott bescheret / erziehen sol / darvon
wil ich jzt kürzlich handeln.

IIII.

Von Kinderzucht.

Wenn ein Pfarherr sihet / das
sein Haus vnd Geschlecht durch
Gottes Segen sich beginnet zu
stercken

stercken vnd zu mehrren / sol er hierfür vnserm Herrgott on vnterlas dancken / vnd bitten / das er in bey solchen gnedigen gaben segenen vnd schützen wölle.

In der Kinderzucht aber / sol dis das erste Fundament vnd der rechte Grund sein / Nemlich / das er Gott bitte für seine Kinder / Dem wo Gott die Stadt nicht selbs bewaret / so arbeiten vmb sonst / die so daran bawen. Ist derhalben alle mühe vnd arbeit an den Kindern verlore / wenn Gott nicht den Kindern selbs die hand reichet / vnd inen die Engel zu hüttern zugibet wider den Teuffel vnd seine listige anschlege.

Darnach / wenn er nu dis Fundament vom Gebet / für seine Kinder geleget hat / sol das seine fürnembste sorge sein / seine Kinder zugewehnen / das / als balde sie beginnen zureden / sie den Namen Jesu offtenennen. Dem wenn dieser lieblicher Name inen breuchlich vnd geneme wird / so ist gute hoffnung / das er hernach stets bey inen / vnd sie bey ime / mit seligem nutz bleiben werden. Ober das / sol er auch / wenn sie nu reden können / sie das Vater vnser leren / inen dasselbige offtmals fürsagen / sonderlich / wenn sie zu bette gehen /

H iij oder

oder auffstehen / Auch zu jeder malzeit /
mittags vnd abends. Vñ wenn das kind
dis gelernet hat / sol er den Glauben / Zes
hen gebot / vnd die lehre von den 3. Sa
cramenten für sich nemen vnd sie lehren.

Wen aber die kinder nu etwas erwach
sen / vñ vngeschrlich das siebende jar er
reicht haben / so sol er sie lehren von der
schöpfung des menschen / von dem fall
vnsrer ersten Eltern / von der Sünde / wel
che von Adam vnd Eua auff das ganze
Menschliche geschlecht geerbet hat.

Hierauff sol folgen die Lehre von den
wolthaten Christi / wie er vnser Sünde
abgeleget / vnd vns mit seinem Vater
versünnet habe / welcher versünunge vn
sere Tauffe ein zeugnis vnd Sigel ist.

Hie sol er die kinder fleissig lehren von
der Tauffe / vnd jnen anzeigen / das sol
che vnser Tauffe ein gewis zeugnis sey /
der reinigung von vnsern sünden / durch
das Blut Christi. Item / das die Tauffe
ein stetige Predigt sey von warer Busse.
Item / das sie ein Sigel vnd vorgewis
serung sey der wolthaten Christi / vnd
des ewigen Lebens. Er sol den Kin
dern auch anzeigen / was das weisse We
sterhemblein bedeuete / welchs man jnen
in

in der Tauffe
die kinder alle
vñ gezeig
it Christi / v
erzeit jres le
liges reines
Solches
desto ehe be
des Vaters
ten ehlich
Wenn di
fasset / sol
hierzu rüch
sen. Die Tö
berarbeit len
gefele / auch
richten / wel
fe) das sie
vnd nütlic
das man si
sen / das rah
ferner so
kinder sitten
ben / Was j
sen / Wen sie
vnd gebüret
licher erinne
vngesinde f

in der Tauffe anziehe / Nemlich / das es
die Kinder allezeit erinnere / das sie beklei-
det vnd gezieret sein / mit der gerechtig-
keit Christi / vnd das sie hernach / vnd je-
der zeit ires lebens / ein Christliches Gottes
seliges reines Leben führen sollen.

Solches alles wird bey den Kindern
desto ehe behafften / wenn sie sehen das
des Vaters leben / seiner lehre vnd wor-
ten ehnlich ist.

Wenn die Kinder dis Fundament ges-
fasset / sol er sie / wenns kneblein sein / vnd
hierzu tüchtig / lehren schreiben vnd les-
sen. Die Töchterlein aber / lasse er Wei-
ber arbeit lernen / Es were denn / das jme
gefielle / auch dieselben im lesen zu vnter-
richten (welches ich zwar nicht verwerf-
fe) das sie deutsche Bücher / die jnen gut
vnd nützlich sein / lesen köndten. Denn
das man sie Lateinisch wolte lernen las-
sen / das rahte ich nicht.

Ferner sol auch ein Pastor / auff seiner
Kinder sitten vñ geberde gut achtung ges-
ben / Was jnen vbel anstehet sol er straf-
fen / Wen sie thun was jnen wol anstehet
vnd gebüret / das sol er loben / mit trew-
licher Erinnerung / das sie gegen Eltern
vñ gesinde sich ehrlich halten. Item / auff

h iij der

der gassen / vnd sonsten gegen frembden
Leuten sich behegliche erzeigen. Item/
mit was Ehrerbietunge sie sich gegen
den Alten / Mit was auffrichtigkeit sie
sich gegen den Jungen / vnd ires gleichen
erzeigen sollen.

Auff das aber solches desto besser ge-
mercket vnd gehalten werde / wil ichs in
vier Artickel fassen / welches Paulus hin
vnd wider in etlichen Sprüchen von der
Kinderzucht handelt.

Erstlich zeiget Paulus an / was die
Eltern den Kindern zuthun schuldig sein.

Darnach / wofür sie sich in der Kin-
derzucht hüten sollen.

Zum dritten / lehret er / was man an
den Kindern straffen sol.

Zum vierden / was an jnen zu loben
sey.

I. Zu den Ephesern am 6. Cap. lehret
der Apostel die Eltern / was sie den Kin-
dern schuldig sein / vnd spricht: Ir Ves-
ter reizet ewer Kinder nicht zu zorn / das
sie nicht blöde werden / Sondern / ziehet
sie auff in der zucht Gottes / vnd verma-
nunge an den Herren.

Dis sind zwar kurtze wort / aber sie be-
greiffen viel in sich. Denn er wil / das die
Kinder

Kinder von jugend auff Gottseliglich erzogen/vnd mit heilsamer lehr vnterwiesen werden sollen. Item/ das sie auffgezogen sollen werden in Väterlicher straffe vnd zucht Gottes. Item / das sie lernen Gottselige Lehre/ vnd gute eusserliche sitten / das sie auch zunemen in Gottes fürcht. Item/ das sie vnterwiesen vñ gehalten werden zur warheit/ gerechtigkeit / messigkeit vnd züchtigkeit.

So solnu ein Pfarherr/ den Gott mit Kindern gesegnet/ in diesen dingen fleissig sein/ vnd seine Kinder in guten vermanungen vnd lehren auffziehen / vnd daheim in seinem Hause inen mit gutem Exempel fürgehen / nichts vnflätiges oder schampars sie lassen hören oder sehen/ auff das sie nicht dardurch geergert vnd verderbet werden.

2. Wa für sich die Eltern in der Kinderzucht hüten sollen / zeigt der Apostel im bemeltem Spruch an/ da er sagt: Ir Vater reizet ewre Kinder nicht zu zorn. Es wil Paulus/ das die Eltern ire Kinder nicht mit vngeheurer straffe erbittern sollen. Denn daher kömpt widerwillen vñ gremschafft / also/ das sie endlich sich vnterstehen/ das Joch gar vom halse zu

z v werf

werffen / das ist / aus dem gehorsam ihrer Eltern sich zu entziehen.

Darumb wird in der Epistel zum Colossern hinzu gesetzt: Das sie nicht blöde werden. Denn wo man die Kinder recht schaffen vnd mit bescheidenheit straffet vnd vnterweiset / so schewen sie sich viel ehe / werden auch viel williger vñ gehorsamer gegen den Eltern. Widerumb / wo man ihnen gar zu hart vñ zu gestreng mitfehret / werden sie widerspenstig / vñ verghessen der gottseligkeit vnd tugend. Sol derhalben ein Pastor sich befleissigen / das er die straffe lindere / auff das er nicht durch hefftige stürmische straffe die Kinder verderbe.

3. Was an den Kindern zu straffen sey / zeigt auch der Apostel Paulus an / zum Tito / da er lehret / was für einen Bischof man erwelen solle / da er spricht: Der gläubige Kinder habe / nicht berüchtiget / das sie schwelger vñ ungehorsam sind. Paulus redet hie von zweierley grobē lastern / von Schwelgerey / vnd von Ungehorsam. Durch das wort / Schwelgerey / wird angezeigt allerley vnmesiges vnd vnordentliches leben / in fressen / sauffen / fürwitz / geilheit / vñ vnützlicher verschwendunge /

dinge / dadurch der mensch sich selbs / vñ
andere mit jm verderbet. Das ander las-
ter das er an den kindern strafft / ist der
vngheorsam / aus welchem das vorbe-
rürtelaster herkömpt.

Weil denn Paulus wil / das keiner zum
Prediger sol erwelt werden / der vngheor-
same vñ schwelgerische kinder habe / so sol
ein Pastor sich befleissigen / das er die la-
ster / so an seinen kindern herfür brechen
wollen / fürsichtiglich dempffe vñ ausrot-
te. Den wo man zu rechter zeit vñ fürsich-
tiglich die Kinder strafft / lassen sie sich
biegen / es sey gleich die Natur an jnen so
vnartig als sie jmer wölle. Wenn du aber
nicht bey zeit darzu thust / vnd sie in der
vnart aufferwachsen lebest / ist hernach
alle mühe vergebens / so sihe derhalben zu
das du erstlich darzu thust vnd straffest.

4. Was an den kindern zu loben sey / zeig-
et Paulus an / in der 1. Thim. 3. da er von
der wahl eines Pfarherrs redet: Der ges-
horsame kinder habe / spricht er / mit aller
erbarkeit / oder keuscheit. Denn dis be-
deut das Griechisch Wörtlein / σειμότης.
Wil derhalben Paulus kürzlich dieses /
das eines Pfarherrs kinder zu alle gehor-
sam / ehrerbietung / keuscheit / messigkeit /
zucht /

sucht vnd erbarkeit / geneigt sein sol-
len/ Also / das sie irem Vater in Gotteses
ligkeit vnd tugend nachfolgen.

V.

Wie sich ein Pastor gegen seinen
Gesinde/ als Knecht vnd Meg-
den halten sol.

Wahls gibt zu den Ephesern am 6.
eine gemeine Lehre vnd Regel/
nach welcher sich Christliche Her-
ren vnd Fräwen gegen Knechten vnd
Megden halten sollen. Vnd ir Herren/
sagt er / thut auch dasselbige gegen jnen/
vnd lasset ewer dreyen/ vnd wisset / das
auch ewer **3 E R R** im Himmel ist / vnd
ist bey jm kein ansehen der Person. Un-
ter diese gemeine Regel / wird ein Pa-
stor auch geschlossen.

Über das sol er auch bedencen/ das er
nicht allein ein Herr sey in seinem Hause/
sondern auch ein Prophet vnd Bischoff/
der für die Seele seines Hausgesindes
trewlich sorgen sol.

Sol derhalben ein Pastor für allen
dingen zusehen / das sein Gesinde gott/
fürchtig/ ehrlich vnd getrew sey. Er sol
einen

einen Knecht/oder eine Magd in seinem
Hause nicht gedulden / die solche Haus-
sucht nicht annemen/oder die Religion/
gottesdienst vnd Glaubenssachen nicht
achten wil.

Es pflegen gemeiniglich die Knechte
in irer Herren weise sich zu schicken / vnd
nach derselben sich zuhalten. Wiewiel
billicher ist es nu / das ein from Hausge-
sinde nach eines fromen Pastoris weise
sich halte.

So sol nu dis die erste Regel sein/Es
sol ein Pastor fleissig achtung haben/
das er Gottfürchtig Gesinde mietete/vñ
sie halte zu freundlichkeit / vernunft /
sucht / vnd ehre / vnd zu andern schönen
tugenden mehr.

Darnach sol er sich sein gelinde/sant-
mütig/vnd freundlich gegen seinem Ge-
sinde halten/als gegen den Mitknechten
Gottes. Denn es haben Herren vnd
Knechte beide einen Gott vnd **I E R**
R E N / welchen sie beiderseits fürch-
ten vnd für augen haben sollen.

Zum dritten /sol er inen geben/ was ir
ist/das ist/iren gebürlichen lohn/vñ auff
enthaltunge. Denn das sol ein Pastor
wissen / das nicht allein das Gesinde in
verpflicht

verpflicht sey / sondern er auch dem Gesinde. Denn wenn sie arbeiten / vnd das ire thun / so sol er widerumb auch das seine thun / sie lieben vnd fördern.

Zum letzten / sol er sein Gesinde dahin fleissig halten / das sie zur Kirchen / zu Gottes wort / vnd zu den heiligen Sacramenten gehen / wie fromen Christen wol anstehet. Hiermit beweiset er dem Gesinde eine Väterliche wolthat / gibt hiermit andern leuten ein gut Exempel / ire Kinder vnd gesinde auch also zu Gottes lob vnd ehre zu ziehen.

V I.

Wie ein Pastor für seine Haushaltung / nahrung / vnd andere notwendige dinge / sorgen sol.

Weil das menschliche Leben mancherley mittel vnd hülffe / durch es auffgehalten wird / bedarff / so sol ein Pastor die mittel vnd wege / welche Gott selbs geordnet vnd vergönnet / nicht verachten.

Ein Pfarherr der in einer Stadt wohnet / hat seine gewisse vnd jährliche besoldung / das er aber solche recht gebrauche da gehört bescheidenheit zu / auff das er nicht

nicht gehalten werde / entweder für ein
kargen / oder zehrer. Denn es stehet bei
des einem Pastori vbel an.

Auff das er aber nicht zu viel verzere /
solers fleissig vberschlagen / wie viel er
wol das jar vber bedürffe zu notwédiger
ehrlicher Haushaltung. Wenn er das
thut / kan jm niemands billich schuld ge-
ben / das er zu zehrhaftig vñ verthunlich
sey. Das er nicht für geitzig gescholten
werde / so vertraue er vnserm Herrgott /
vnd nicht auff einige Creaturen / tröstli-
cher zumer sicht / das durch Gottes seg-
ne seine Hausnahrung sich mehren werde.

Aber ein Dorffpfarherr / der seinen
Ackerbau / Zehenden vñ Decem hat / der
sol seiner Haushaltung also fürstehen /
auff das er beide den seinen vnd andern
leuten könne behülfflich sein. Er sol aber
nicht von der Regel seines Herrn Christi
weichen / die also lautet : Suchet zum er-
sten das Reich Gottes vnd seine gerech-
tigkeit. Seine erste vnd fürnemste sorge
sol sein / seiner Seelen seligkeit.

Dieweil aber / wie gesagt / dis zeitliche
leben hülffe bedarff / so mag ein Pastor
nach desselbigen hülffe streben / vñ sich be-
fleissigen auff das ienige so zur Kleidung
vnd

vnd speise ime not thut / doch jeder zeit
also / das er nicht Gottes ordnung / vnd
seinen. stande etwas zuwider thue. Das
aber solches einem Pfarherr vergönnet
vnd nachgelassen sey / wird offenbar vnd
gnugsam erweist / durch die verheissung
Gottes / der seinen Segen zugesagt hat /
allen denen / so treulich arbeiten / vnd mit
Gott vnd ehren sich nehren wollen. Sol
derhalben ein Pfarherr seinen gewinst /
den er von seinem Ackerbau vnd iher-
lichem einkomen eröbert / treulich vnd
sparsam zusammen halten / als einem für-
sichtigen Hausuater gebüret / vnd sol-
chen hernachmals / wo es die not erfor-
dert / nützlich anlegen.

Wenn im Gott seine Güter segenet /
sol er ime dafür hertzlich dancken / vnd
fleissig bitten / das ime seine Güter nicht
zu dornen / oder zum stricke werden / wel-
ches dem gemeiniglich widerferet / allen
denen / die nicht gantzlich vñ von hertzen
vnserm lieben Gott vertrauen. Denn
welche auff den vngewissen reichthumb
hoffen / die erleiden schiffbruch am glau-
ben / vnd mangeln der hertzlichen hoff-
nung / die sie zu Gott haben solten.

Sol

Sol derwegen ein Pfarherr/dem rath
des Propheten Davids folgen: Sellet
euch/spricht er/reichthumb zu/so henger
das hertz nicht dran/Psaln. 61.

Kürzlich darnon zureden / so ist das
das fürnembste / das ein Pfarherr auff
weltliche vergengliche güter nicht zube-
girig sey. Darnach / das er nicht sein
hertz vnd vertrauen auff dieselbigen se-
ze. Item / das er Gott / der im solche ge-
geben / dafür dancke. Ober das / sol er
dieselbigen nicht geiziglich heuffen vnd
verschliessen / auch nicht vnnützlich ver-
schwenden / Sondern dieselbigen aus-
spenden vnd mittheilen / nach der Regel
des Glaubens / vnd der Liebe.

Endlich / das er gesinnet vnd bereit
sey / jeder zeit vnd wenn es Gott gefellig /
dieselbigen zuuerlassen.

VII.

Wie sich ein Pastor gegen Ar-
men Leuten halten sol.

SOm Ampt eines Pfarherrs / so
viel die Almosen vnd Zandreich-
unge gegen den Armen betrifft /
sol

sol an seinem ort gered werden. Jetzt wil
ich nur handeln von handreichunge vnd
Almosen / die er von dem seinen geben
sol. Den es ist auch ein Pfarherr dem ges
meinen gebot / welches vns vnser milde
hand gegen den Armen heisset auffstehun/
vnterworffen / welchs also lautet: Brich
dem hungerigen dein Brot / vnd die so im
elend sein / füre ins Haus / So du einen
nacktet sihest / so kleide in / vnd entzeuch
dich nicht von deinem fleisch. Esaie 58.

Vnd der Apostel Paulus gebeut sei
nem Pastori sonderlich / das er gastfrey
sein sol / Oder wie das Griechische wort
lautet / φιλόξεινος / das ist / freundlich ge
gen den Armen / der sie behause vnd her
berge / vnd mit seinem brot erquicket.

Auff das aber mein Pastor desto mehr
zur mildigkeit gereizet werde / wil ich in
anzeigen / warauff er in iglichem Almo
sen sehen sol. Das erste / sind die vrsachen
die in zum Almosen bewegen sollen. Das
ander / wie der / der Almosen gibt / sol ge
sinnet sein. Das dritte / auff was weise
man Almosen geben sol. Das vierde / ist
das ende / vnd die belonunge der Almo
sen / welche aus willigem hertzen gegeben
wird.

Die

Die vrsachen welche einen Pastorem
zur mildigkeit gegen den Armen bewes-
gen sollen / sind viel vnd mancherley / des-
rer ich etliche erzelen wil.

Die erste. Die Christliche Profession
vñ bekendnis erfordert / das die Christen
reich sollen sein an allerley guten wercken.
So ist aber das almosen geben / eines aus
den fürnembsten wercken / mit welchem
wir dem Armen dienen können. Derhalb-
ben ein Pfarherr wissen sol / das er solchs
em gemeinem gebot auch gehorsam sein
müsse.

Die andere. Gottes gebot / welches in
den Schrifften der Propheten vnd Apo-
steln zum offermal widerholet wird.

Esa. 58. Brich dem Hungerigen dein
Brod. Vnd Christus spricht / Luc. 11. Ge-
bet Almosen von dem das da ist / sihe /
so ist euch alles rein.

Hieruon erinnert vns auch Syrach
am 29. Hilff den Armen / spricht er / vmb
des Gebots willen / vnd las in in der not
nicht leer von dir.

Die dritte. Die Exempel der lieben
Heiligen / Als Abrahams des Erznat-
ters / vnd anderer viel mehr. Job redet

J ij von

von seiner mildigkeit gegen den Armen
also/Draussen muste der Gast nicht blei-
ben/ sondern meine Thür thet ich dem
Wanderer auff. Am 31. Cap.

Die vierde. Die thewre vnd werde er-
achtunge eines reinen Almosens für
Gott. In der ersten zum Corinth. am 9.
wird es ein Segen genemmet. Vnd zum
Hebreern am 13. ein Opffer das Gott
wolgefellet.

Die fünffte. Dein Nächster / der dein
fleisch ist. Der Prophet spricht / Vnd
dein fleisch soltu nicht verachten / Denn
welcher seinem dürfftigen nächsten nicht
hilfft-/ gibt gnugsame anzeigunge / das
sein hertz aller liebe gegen dem Näch-
sten/mangele. Hieher gehört der spruch
Johan. 1. cap. 3. Wenn aber jemand dieser
Welt güter hat / vnd sihet seinen Bruder
der darben/ vnd schleust sein hertz für im
zu / Wie bleibt die liebe Gottes bey im?

Die sechste. Betrachtunge der straffe
vber alle vnarmhertzige Menschen/
welche sich ires Nächsten not nichts an-
nehmen. Denn erstlich fallen sie in Gottes
zorn. Syrach spricht / Cap. 4. Wende
dein Angesicht nicht von dem Armen /
Wende

Wende deine augen nicht von dem dürff-
tigen. Darnach / werden sie verflucht
von den Armen / wie der Spruch an jzt
bemeltẽ ort bezeuget: Maldicentis tibi
in amaritudine. Auff das er/nemlich der
Arme / nicht vber dich klage / Denn der
In gemacht hat/erhöret sein Gebet/wenn
er mit trawrigem Herzen vber dich klag-
get. Ober das / wenn du dem / der dich
bittet / nicht hilffest / so wird dir vnser
Herrgott auch nicht helffen/ Wie solchs
Salomon bezeuget am 21. Cap. in seinen
Sprüchen: Wer seine ohren verstopffet
für dem schreyen der Armen / der wird
auch ruffen / vnd nicht erhöret werden.
Endlich / wer vnwillig vnd vngütig ist
gegen den Armen / der wird beraubet
werden der Gaben/ mit welchen er zuvor
gezieret / oder begnadet gewesen / nach
dem Spruch Christi / Matth. 25. Wer
aber nicht hat / dem wird auch / das er
hat/genomen werden/das ist/ wer Got-
tes Gaben nicht recht nach Gottes wil-
len brauchet/dem sollen sie wider genom-
men werden. Vnd das dem also sey/so be-
sehe man die Historien / vnd mercke auff
die tegliche erfahrungen/ so wird man Bes-
weis vnd Exempel genugsam finden.

I iij Prouerb.

Proverb. am 21. spricht Salomon: Wer
der barmhertzigkeit vñ güte nach gehet/
der findet das Leben / Barmhertzigkeit
vnd Ehre. Vnd widerumb / Wer solches
nicht thut / der ladet Gottes zorn / verma-
ledeunge / vnd alles vbel auff sich. Ich
wil hiemicht sagen / von der straffe / wel-
che sich auff seine Nachkommen erstrecket.
Denn wer gegen den Armen vnbarmer-
zig oder Tyrannisch ist / desselben Kinder
müssen hernach entweder selbst betteln/
oder sonst elende vnd verachtet werden.
Solche bemelte vrsachen sol ein Pastor
bedencken / vnd nach seinem vermügen
sich gütig vnd milde gegen Armen vnd
Dürfftigen Leuten erzeigen.

Das hertz vnd gemüt des / der Almo-
sen gibt / sol rein vnd vnuerfalschet sein/
nicht beschmitzet mit heucheley oder ehr-
geitze. Denn diese Laster verunreinigen
alle wercke / welche sonst / dem gebot nach
zu achten / gut sein / vnd machen / das sie
grewel werden für Gottes angesicht.

Sol derhalben vnser hertz in warer
Liebe gegen Gott / vnd dem Nächsten
entzündet sein. Denn einen frölichen Ges-
ber hat Gott lieb. In solchen Wercken
der barmhertzigkeit / sol der Glaube für-
her

her leuchten / vñ sollen alle zur ehre Gottes / vnd liebe des nechsten gerichtet sein.

Das aber rechte masse im Almosen geben gehalten werde / sol man sehen auff folgende stücke / nemlich / die grösse / die gleichheit / die würde / des / das man gibt / vnterscheid der Leute / vnd das eigenthumb oder die güter / des / der Almosen gibt.

Wie gros das Almosen sein solle / das lehret Tobias am 4. Hastu viel / so gib reichlich / hastu wenig / so gib doch das wenige mit treuem Herzen / etc. Vnd 2. Cor. 8. Tu aber volbringet auch da thun / auff das / gleich wie da ist eingeneigt gemüte zu wollen / so sey auch da eingeneigt gemüte zu thun / von dem das jr habt. Denn so einer willig ist / so ist er angenehme / nach dem er hat / nicht nach dem er nicht hat.

Im Almosen geben wird auch gleichheit erfordert / nach der Lehre Pauli / 2. Corinth. 8. Nicht geschicht das der meinunge / das die andern ruge haben / vnd jr trübsal / sondern das es gleich sey. So diene ewer vberflus irem mangel / diese tewre zeit lang / auff das auch irer vberschwang hernach diene ewer mangel / vñ

I iij gesche

geschehe/das da gleich ist. Das verstehe
also / Gleich sols sein / so viel den brauch
vnd die notturfst belangt / vñ nicht was
die güter an sich selbs belangen.

Diese gleichheit begeret nicht gleiche
widergeltung für ire gabe / von dem der
die gabe empfehet / sondern sibet auff die
gleichmessigkeit die der ganzen Christen
lichen Kirchen not thut. Denn dis ist
die vrsach des gleichförmigen Rechtes
in der Kirchen / Das / wenn einer dem an
dern hilfft vnd mittheilet / nach vermün
gen vnd notturfst / so ist vnd heists eine
feine Christliche gleichheit / Ob gleich ei
ner mehr güter hat denn der ander / vnd
die gaben vngleich ausgeteilet werden.

Das werd / oder die erachtung der Al
mosen / stehet nicht in der grösse der Ga
ben / sondern in der mildigkeit des Her
zens. Wie solches zu sehen an der armen
Widfrawen / Mar. 12. Luc. 21. welche
2. Scherfflin in den Gottskasten legte /
das Christus dieselbige allen andern / die
doch grosse Gaben einlegeten / weit für
zoch. Denn so einer ein williges hertz hat /
so ist er angenehme / nach deme er hat.

Es sol auch ein vnterscheid gehalten
werden vnter den Leuten / denen man
das

das Almosen
allen dürfftig
sein sol / wie d
marter aus
ein vntersch
glaubensge
licher Lehr
Die des
nen sol ma
Regel Pa
zeit haben
derman / a
genossen.
bensgenoss
eben im sell
Nicht sein
in der Bi
welche ein
ben mit
der Glau
der Kind
Den an
den sol m
sie eben se
das siem
halben v
das du a
best / vn

das Almosen gibet. Denn ob man wol
allen dürfftigen Menschen behülfflich
sein sol / wie das die Gleichnis vom Sa/
mariter ausweist / Ist doch gleichwol
ein vnterscheid zuhalten / zwischen des
glaubensgenossen / vñ den feinden Christ
licher Lehre.

Die des Glaubens genossen sein / des
nen sol man fürnemlich geben / nach der
Regel Pauli / Galat. 6. Als wir denn nu
zeit haben / so lasset vns guts thut an je/
derman / allermeist aber an des Glaubens
genossen. Die nemmet Paulus des Glauf/
bensgenossen / die durch den Glauben
eben im selbigen Geschlecht des **H. E. R.**
R. E. T. sein / in welchem wir sind / das ist /
in der Kirchen vnd gemeine Gottes /
welche einen Christum / vnd einen Glauf/
ben mit vns haben vnd bekennen. Denn
der Glauf ist das rechte gemerckzeichen
der Kinder Gottes.

Den andern aber / die vngleubig sind /
den sol man auch helffen / sonderlich weil
sie eben so wol Menschen sind als wir /
das sie nicht frost / blöße / vnd hungers
halben vmbkomen. Sie mercke aber /
das du an der höchsten wolthat anfas/
hest / vnd solchen Leuten dieselbe mit/
J v theilest /

theilest / das ist / das du sie lehrest vnd vn-
terrichtest / vnsern Herrgott für sie bit-
test / auff das sie zu Gott bekeret werden
vnd leben.

Somel die Güter vnd dein Eigen-
thumb belangt / soltu diese Lehre mer-
cken. Das eigenthumb behalte für dich /
als das deine / wie Salomon sagt / Pro-
uerb. 5. Trincke Wasser aus deiner grus-
ben / vnd flüsse aus deinem Brunnen.
Las deine Brunnen heraus fließen / vnd
die Wasserbeche auff die Gassen / Habe
du sie aber alleine / vnd kein frembder
mit dir. Solches erfordert auch das sie-
bende Gebot.

Thun derhalben die Widerteuffer
sehr vnrecht / die da wollen / es solle eine
gleichheit der güter sein / in der besitzunge /
Da doch Paulus solche gleichheit nur has-
sen wil im brauche vnd der nützung.

Das ende aber der Almosen / sol dis
sein.

Erstlich Gottes ehre. Denn hierauff
sollen wir fürnemlich in allen vnsern wer-
cken sehen / Dahin sol all vnser thum / wie
vor gemeldet / gericht sein. Soltu der-
halben nicht deine Ehre suchen / das du
von den Leuten gelobet / vnd für ein mil-
den

den Man angeruffen werdest / sondern /
gib deinem lieben Gott die ehre / der dich
unwürdigen zu einem Haushalter gesetzt
hat / seine güter nach seinem wort vnd be-
fehl auszuspender.

Zum andern. Tröstunge vnd erge-
zung deines Nächsten in seiner armut.
Denn du solt deinen Nächsten nicht ach-
ten nach dem leiblichen vnd eusserlichen
ansehen / sondern viel mehr nach dem in-
wendigen / welchs dem bilde Gottes ehn-
lich ist / vñ das er mit dir eines leibs glied
sey / welches Haupt ist Christus Ihesus
vnsrer Herr vnd Seligmacher.

Zum dritten. Das gute exempel / Den
hierdurch werden andere leute gereizet /
gleiche mildigkeit gegen den Armen zu
vben. Hieher gehört der Spruch Chris-
ti / Matth. am 5. Also lasset ewer liecht
leuchten für den leuten / das sie ewre gute
werck sehen / vnd ewren Vater im Himmel
preisen. Vnd Paulus in der 2. Corint. 9.
Ewer exempel hat viel gereizet.

Das aber Christus spricht / Matth. 6.
Lasse deine lincke hand nicht wissen / was
die rechte thut. Wil er nicht / das gar
kein mensch sehen oder wissen solle / deine
mildigkeit gegen den Armen / Sondern
das

das du nicht wie die Zechler/dein eigen
rhum vnd ehre suchest.

Die belohnunge der Almosen/ so aus
freywilligem Herzen gegeben wird / ist
mancherley. In der 2. Cor. 9. wird des
nen / so gegen den Armen barmherzig
seint / verheissen / das sie in allem guten
werck reich werden sollen. Denn also pfe
get der gütige frome Himlischer Vater/
den rechten brauch oder anwendunge
seiner gaben/ mit viel andern vnd neuen
gaben zuuergelten/ Wie Christus bezeug
get / Matth. 6. Vnd dein Himlischer
Vater wird dirs vergelten öffentlich.

Vnd der 42. Psalm spricht: Wol dem
der sich des dürfftigen annimpt / den
wird der Herr erretten zur bösen zeit. Der
Herr wird in bewaren / vnd beim leben
erhalten / vnd im lassen wolgehen auff
Erden / vnd nicht geben in seiner feinde
willen. Der Herr wird in erquickten auff
seinem Siechbette / Du hilffest in von
aller seiner krankheit.

Salomon spricht/ Prou. 19. Wer sich
des armen erbarmet/ der leihet dem Her
ren/ Der wird im wider guts vergelten.

Paulus in der 2. Cor. 9. Wer da seet
im Segen / der wird auch erndten im se
gen.

gen. Das ist / Wer mit willigem hertzen
sich gegen den Armen behülfflich erzei-
get / dem wird von andern auch willig-
keit widerfaren.

Esaië am 58. So du niemand bey dir
beschweren wirst / noch mit fingern zeis-
gen / noch vbel reden / vnd wirst den hun-
gerigen lassen finden dein hertz / vnd die
elende Seele settigen / so wird dein liecht
im finsternis auffgehen / vnd dein dunt-
ckel wird sein wie der Mittag / Vnd der
Herr wird dich immerdar führen / vnd
deine Seele settigen in der dürre / vnd dei-
ne gebeine stercken / vnd wirst sein wie
ein gewesseter Garte / vnd wie ein Was-
serquelle / welcher es nimmer an wasser
feilet / etc.

VIII.

Wie vnd wenn ein Pfarherr mit
seinem Hausgesinde beten sol.

Es sol ein Pfarherr alle tage mor-
gens früe mit seinem Weibe vnd
Kinderlein beten.

Die Kinder sollen erstlich mit heller /
vornemlicher stimme vñ worten den Ca-
techismum hersagen / folgender gestalt.

1. Die

1. Die Zehen gebot Gottes.
2. Den Christlichen Glauben.
3. Das Sacrament der seligen Tauffe.
4. Das hochwirdige Sacrament des Altars.
5. Das Gebet des Herren / das heilige Vater vnser / Vnd solches sollen sie beten mit gefalten henden / nider fallen auff ire Knie / als die / so für Gottes Angesicht stehen.

Darnach sol auch das Weib jr gebet thun. Nach solchem allem / sol der Pfarrherr sein Weib / Kinder vnd Gesinde vermanen / solchen tag in Gottes furcht zu vollenden / vñ das sie stets ingedenck sein sollen / wie Gott auff sie / vnd alle ire werck sehen werde.

Zu dem / sollen auch die Kinder beten Abends vnd Mittages / vor vnd nach der Malzeit.

Wenn die Kinder zu bette gehen sollen / so halte er mit jnen eben die Ordnung / wie früe / vnd lasse sie die stücke des Catechismi recitiren / Nach solchem sol sie der Vater mit kurzen worten vnserm lieben Gott in seinen schutz befehlen.

Was ich hie von Kindern gered / Sehe ich gerne / do es die gelegenheit leiden wolte /

rolle / das
de gehalten
verfirt wer
nicht lange
der Gott
Es sol
der geiz
Christlich
lasse stad
also tegli
ich von m
entweder
tag zu Ab
ein jegliche
chismum sa
feyertage
Weib / Bi
Euangelii
haben.
Dis sey
teil vnser
geben / in
vorden / r
Gottes fure
gorden halt
aber alle v
vñer fürne
Gott hilfft

wolte / das es auch also mit dem Gesin-
de gehalten würde / wo es nicht gar zu
verkert were / denn sie dienen oder bleiben
nicht lange an örten / da man mit beten /
oder Gottseligkeit vmbgehen wil.

Es sol kein Pfarherr so nachlässig
oder geitzig sein / das er solche Gottselige
Christliche vbung in seinem hause nicht
lasse Stadt haben. Kan es aber ja nicht
also teglich gehalten werden / So begere
ich von meinem Pastore nur das / das er
entweder auff den Sonabend / oder Son-
tag zu Abends sein Gesinde verhöre / vñ
ein jegliches nach dem andern den Cate-
chisimum sagen lasse. Das er auch auff
Feyertage vnd Feste erfrage / was sein
Weib / Kinder / vnd Gesinde / aus dem
Euangelio / vnd der Predigt gelernet
haben.

Dis sey kürzlich gesagt vom andern
Teil vnserer Lehre / die wir einem Pasto-
ri geben / in welcher einfeltiglich erkleret
worden / wie er sein Gesinde in warer
Gottes furcht vnd allen Christlichen tu-
genden halten / vnd erziehen sol. Weil
aber alle vnser thun verloren / vnd alle
vnser fürnemen nichtig ist / wenn nicht
Gott hilffet vnd mitwircket / wolte ich
gern /

gern / das ein jeder Pfarherr seine Haus-
haltung vnd Gesinde teglich vnserm
Hergott befehle / mit volgendem Ge-
betlein.

Gebet.

Bieber Herr Jesu Christe/weil kein Haus
noch Haushaltung one deine genade vnd
hülffe bestehen kan/ so bitte ich dich mit de-
mütigem Herzen / das du mein Weib /
Kinder vnd Gesinde/gnediglich schützen vnd erhal-
ten wöllest. Verleihe vns/lieber Herr Ihesu Chria-
ste/das ich/mein Weib/Kinder/ vnd Gesinde/ alles
samt nach deinem Göttlichen willen leben / in vn-
serm Beruff bleiben / vnd denselben treulich ver-
richten. Denn wenn du vns speisest/so mangelt vns
nichts. Wenn du vns regirest / so sind wir sicher/
vnd vermag vns niemands zuschaden. Wenn du
vns in vnser arbeit beystehest vnd hilffest / so gehet
es alles glücklich fort / da folget gnade / genies/
vnd reicher Segen. Wollest derhalben vns bey-
stehen/vnd helffen/Treibe von vns vnsern feind den
Sathan/der alle dein geschöpff vnd ordenunge has-
set/vnd zerrütten wil. Gib vns die lieben heiligen
Engel zu Wechtern vnd Hüttern zu / Regire vnd
führe vns mit deinem heiligen Geist/ jetzt vnd alle-
zeit / auff das wir hie in diesem leben zeitlich / vnd
dort in jener Welt immer vnd ewiglich dich
loben / rhämen vnd preisen. Amen /
das geschehe in vns/vnd von
vns allen. Amen.

*

Vom

**Vom dritten Theil vnserer
vnterrichtunge/wie ein Pfarherr
einen Christlichen eusserlichen wandel
für den Leuten führen soll.**

Die Epistel an die Hebreer
spricht also/Cap. 13. Vnser trost
ist der/das wir ein gut Gewissen
haben / vnd fleissigen vns einen guten
wandel zu führen bey allen. Denn es ist
gar viel gelegen an eines Pastoris leben
vnd wandel. Den wenn sein leben ehrbar/
vnd der rechten lehre gemess ist/ so bauet
er die Kirche Christi mit beiden henden/
das ist/ mit lehre vnd leben. Wenn aber
sein Leben nicht mit der Lehre vberein
kompt / alsdenn zerreist vnd zerstöret er
mit der lincken hand/ das ist / mit erger-
lichem leben / das jenige/ welches er mit
der rechten hand/ das ist/ mit seiner lehre
aufferbauet hatte.

Derwegen so wil ich jzt meinem Pasto-
ri etliche Lehre fürschreiben/ darnach er
sich in seinem eusserlichen wandel halten
sol. Auff das er sehe / wie er sich allent-
halben halten müsse.

A

Es

Es sein viel gemeine Lehren vnd Regeln/ welche allesamt vns zu einem heiligen/ ehrbarlichen Wandel vermanen/ auff das ja Gottes wort nicht vnserthalben gelestert werde bey den feinden des Euangelij. Vñ der Apostel Paulus wil/ das wir in vnserm ganzen Leben durch vñ durch / also handeln vnd leben sollen/ auff das wir den Glauben vñ ein gut gewissen behalten/ wer solche von sich stößet/ der erleidet schiffbruch am Glauben. 1. Thimoth. 1.

Zieher gehöret auch der spruch Christi/ Matth. 10. Seid klug wie die schlangen/ vñ on falsch wie die Tauben. Durch die klugheit sol verwaret werden vnser Haupt vnd Sinne / Durch die einfeltigkeit sollen erhalten werden gute sitten. Seid Schlangen in verhütunge allerley vbel/ Seid Tauben in einfeltigen geberden/ vud vnschuldigem leben. Durch die klugheit meidet alle falsche Lehre/ durch die einfalt vermeidet allerley böse wercke vnd wandel.

Zieher gehöret auch der Spruch/ den Christus zu seinen jüngern saget/ vñ in gemein zu allen dienern des worts. Mat. 5. Also lasset ewer Liecht leuchten für den Leuten/

meine Lehren vnt-
samt vnter vnter
den Wandel vnter
es wort vnter
nde bey den vnter
der Apostel vnter
im ganzen Leben
handelt vnter
Glauben vnter
wer solche vnter
durch am Glau-

enten / das sie ewre gute werck sehen/
nd ewren Vater im Himmel preisen.

Warumb aber ein Pfarherr auff sein
ben vnd wandel mehr achtung haben
1/ zeigt Christus selbst vrsachen an/
Matth. 5. Ir seid das saltz der Erden.
Vnd Paulus 1. Tim. 4. Sey ein fürbild
er gleybigen / im Wort / im wandel / in
er Liebe / im Geist / im Glauben / in der
Keuscheit. Vnd zum Tito am 2. Als
nthalben aber stelle dich selbs zum für-
lde guter wercke / mit vnuerselchter
ehre / mit erbarkeit.

Solche vnd dergleichen Lehre vnd
Regeln / sind in der schrift hin vñ wider.
iel / welche von den Pfarhern ein heiligs
es leben / ehrbarlichen wandel / vnd ein
niedfertiges hertz gegen allen menschen
rfordern.

Weil aber solche gemeine Sprüche /
icht ein jeder in allen stücken accommo-
iren / vnd im nutz machen kan / So wil
ch ein igliche lehre für mich nemen / vnd
nzeigen / warauff ein Pfarherr in gemein-
em handel vñ leben / in der Christlichen
bersamlunge / in allem fürnemen vnd ans-
chlegen sehen sol. Von diesen dreyen stüs-
ken wil ich ordentlich handeln.

K ij Wars

*Esto Typus
Fidelium*

Warauff ein Pfarherr in gemei-
nem leben vnd wandel achtunge
haben soll.

DIs Capitel wil ich auch in be-
sondere stücke theilen / auff das
gleich wie in einer Anathomia
(das ist / in der zertheilunge des menschl-
chen Cörpers / in welcher man alle Glie-
der / Adern vnd Eingeweide sihet) alle-
ding klerlich sehen müge. Sol derhalben
ein Pastor wissen wie er sich in gemeinem
leben gegen leuten / so höhers Standes
seines gleichen / oder geringer sein / halten
solle / auff das er mit denselbigen also lebe
vnd handel / wie einem verstendigen vnd
ehrliebenden zustehet. Er sol wissen / wie
er sich mit kleidern / mit geberden / wor-
ten / essen vnd trincken. Item / in Colla-
tionen vnd wolleben halten solle. Auch
sol er wissen / was für auffrichtigkeit er
in hendeln / kauffen vnd verkauffen brau-
chen sol. Wenn diese ding erkleret sein
wie ein Pastor in gemeinem wandel sich
halten soll / wird er genugsame anzei-
gung haben / was ime zuthun sey.

Wie sol sich denn ein Pfarherr gegen
denen / so höhers Standes / seines gleich-
en / vnd

n/ vnd geringer sein/halten: Wenn ein
Pastor kömpt zu hohen Personen / oder
mit inen reden sol / so mus er gedancken
haben / auff iren stand / hoheit vnd alter.
Wenn Leute / die elter sein denn er / ir
gend ein Ampt haben / sol er inen die ehre
erzeigen / daruon das Gesetz saget: Ehre
deine Oberherrn / das ist / gib denen schuld
dige ehre / welche in Emptern vnd beson
dern Wirten sein. Wie mus man nicht
sehen auff das ansehen der Person / son
dern auff die Wirdigkeit des Ampts.
Sol derhalben ein Pastor der weltlichen
Oberkeit / seinem Könige / Fürsten / Vor
stehern / vnd Verwaltern / Burgermeis
tern / vñ andern / so in offentlichem ampt
der Oberkeit sein / schuldige ehre erzei
gen / mit hertzen / Worten / wercken vnd
geberden.

Welche nicht ein Ampt haben / vnd
nur alters halben im vorgehen / die sol er
halten als Vetter / Vnd wo sie nicht mit
lastern berüchtiget / sol er sie Vater heis
sen. Denn also gebent Paulus / 1. Tim. 5.
Einen alten schelte nicht / sonder ermane
in als einen Vater.

Solche freundlichheit eines Seelsör
gers gegen den Alten vñ Amptsleuten /
B ij bringe

bringt jme viel gunst/also/das / wenn er
seiner Pfar-sachen halben etwas zusuchen
oder zuklagen hat / er willig zugelassen
oder verhöret wird.

Vnd widerumb / wenn ein Pfarherr
seine Oberkeit nicht ehret/ auch der alten
Leut nichts achtet/ so wird jme jderman
feind/ vnd macht mit seinem freuel / das
alle menschen jr hertz von jm wenden/ in
verdecktig / vnd für ein stolzen tropffen
halten. Wens mit jme dahin kompt / so
ists aus mit alle seim lehren vñ predigen.
Denn wo man der Person feind ist/ da ist
man der Lehre zumor feind.

Wenn er mit jungen leuten zuschaffen
hat / sol er eben auff jertz erwente stücke
gedancken haben. Nemlich / auff den
stand/ vnd das alter.

Wenn eine junge person in besondern
stande oder ampte ist/ so sol jm ein Pfar-
herr schuldige Reuentz vñ ehre erzeigen/
nicht auff's alter sehen / sondern auff den
stand/ vnd das Ampt.

Ist aber eine junge Person one Ampt/
so erzeige dich gleichwol günstig gegen
jme / vnd halte jn als wie einen Bruder.
Dis gebeut dir Paulus auch an obbemel-
tem ort/ 1. Tim. 5. Die jungen halte als
Brüder.

Brüder. Solche freundlichkeit vnd bes
mut bewegt junge Leute dich widerumb
zu lieben/vnd zu ehren.

Wen du alte Matronen anreden solst/
so halte dich gegen jnen freundlich/züch-
tig vnd bescheiden. 1. Tim. 5. Die alten
weiber halt als die Mütter.

Gegen jungen weibern halte dich als
gegen Schwestern. 1. Tim. 5. Die jungen
weiber halte als die Schwestern mit als
ler Keuscheit.

Gehestu aber mit Kindern umb/so heiss
se sie deine Söne vnd Töchter.

Mit solcher grusbarkeit vñ freundlig-
keit in gemeinem wandel / machet jme
ein Pastor viel gunst vnd geneigten wil-
len bey den Leuten/hierdurch bereitet er
jm selbs einen weg/vnd ein ansehen / das
er mit seinem Ampt vnd Lehren bey
meniglichen viel fromens schaffet. Hier-
von habe ich kürzlich reden wollen/vmb
der vrsach willen/das solchs alles im ver-
suchen/vnd in der erfahrung stehet / vnd
an löblichen guten Exempeln besser er-
kennet/vnd gelernet wird.

Volget von masse vnd weise / die ein
Pfarherr in kleidunge / geberden / wor-
ten / in essen vnd trincken/da er vielleicht

R iij zu

zu gaste gebeten würde/halten sol. Denn
hierinne sol eine sonderliche masse vnd
zucht gehalten werden/fürnemlich / weil
jtziger zeit alle zucht vnd tugendt / fast
bey jederman gefallen / vnd die Natur
erger vnd schwächer worden ist.

Die Kleidung eines Pastoris sol ehr-
lich vnd messig sein / als einem ansehen-
lichen vnd Gottfürchtigen Diener Chris-
ti gebühren vnd wol anstehen wil. Es
sol ein Pfarherr gedencfen an die Klei-
dunge vnser ersten Eltern / Adams vnd
Eue / vnd sich hiermit zur Demut vnd
Gottesfurcht reizen/vñ selbst anhalten.

Als Adam noch im stande der Un-
schuld war / giengte er nacktet einher. Da
er aber in Sünde gefallen / da lies der in-
nerliche mangel des Herzens ein Mal-
zeichen vnd einen Schandfleck an seinem
eusserlichen leibe / welchs Adam mit den
Feigenblättern zudecken wolte. Weiler
aber vnserm Herrgott nichts verhalten/
oder in zubetrieden nicht vermochte /
wird er erstlich gescholten / darnach / da
er die verheissunge vom zukünfftigen sa-
men empfangen / bekleidet in Gott mit
einem newen kleide / nemlich / mit einem
Rocke von fellen. Gen. 3. Welcher Rock
ein

ein vorbilde war des newen Leibs / mit
welchem vns Gott wird anziehen / vnd
diese newe Natur wird vom Lamb / das
ist / vom Herrn Christo genomen / der für
vns gestorben / vñ ein Opffer worden ist.

Aus diesem sol sich ein Pastor erin-
nern / das sein Kleid ein zeichen sey / beide
der Sünden / vnd auch der gnade. Das
erste Kleid erinnert vns der Sünden /
Das andere der Gnaden / doch also / das
wirs nur auch anziehen.

Drumb sol ein Pfarherr allezeit wenn
er früe auffstehet / vnd sich anzeucht / sich
für Gott demütigen / vnd bedencken / das
er in Adam gefallen / vnd gesündiget / vñ
das solche Sünde nicht habe können zu-
gedecket werden mit den feigenblettern /
das ist / durch menschliche kunst oder ge-
schickligkeit. Darnach so dencke er an
den Son Gottes / der vns mit seiner vn-
schuld decket vñ bekleidet / Vnd des zum
zeichen / hat Gott vnser erste Eltern mit
Röcken von fellen bekleidet.

Wenn ein verstendiger Pastor diesen
dingē weislich nachsinnet / wird er leicht-
lich mercken können / was im für Klei-
dungen wol oder vbel anstehen.

K v Zie

Hie bey dieser erinnerunge wolte ichs
jzt bleiben lassen / wenn ich nicht sehe vñ
befünde / das jziger zeit etliche Pastores
hiermit gantz leichtfertig weren / vñ gar
nicht erwegen / was der natur oder jrens
stande gezieme / vnd wol anstehe / etc.

Sanct Bernhardus beklagt sich / das
zu seiner zeit viel Geistliche / sich mehr
auff die kleidungen beflissen haben / denn
auff tugend. Solchs köndten wir jziger
zeit viel billicher beklagen / ja viel mehr
beweinen. Denn die zucht die zu den zeis-
ten Bernhardi im schwang gangen ist
jzunder gar gefallen. Wir sehen es /
vnd müßens bekennen / das in keinerley
stande die alte ehrbarliche kleidung ge-
achtet oder gehalten wird / Sondern das
teglich newe art / form vnd gestalt in klei-
dern erdacht wird / durch welche des
Menschlichen Hertzens leichtfertigkeit
vnd vnbeständigkeit genugsam an tag
gegeben wird / vñ wird wol vermercket /
das die Manliche tugend / welche in vns
fern Voreltern gar herrlich gelenchtet /
fast verloschen sey.

Aber dis ist eine vergebliche klage /
Denn es ist nicht wol zu hoffen / das die
welt von jrer leichtfertigkeit vñ vnbesten-
digkeit

digkeit werde ablassen / sonderlich / weil
die Natur nu hinfurt etwas schwacher/
vnd die zucht sehr gefallen ist.

Vnd wiewol ich achte / ich werde mit
dieser meiner vermanunge / die kleidunge
belangende / wenig ausrichten / Doch hof
fe ich / das fromme vnd Gottfürchtige
Pastores meinen rath nicht verachten
werden. Wil derhalben sagen / was mein
gutdungen sey.

In der kleidunge sind zweyerley zubes
trachten / Erstlich / der wolstand / dar
nach der nutz / darumb man kleider tra
gen sol.

Der wolstand ist / das ein Pfarherr bes
dencke / was ime nach gelegenheit vnd
dem stande seiner Person wölle gebüren
oder nicht. Denn eine andere gelegenheit
hat es mit einem Landsknechte / eine an
dere mit einem Schiffman / eine andere
mit einem Weibe / eine andere mit einem
vom Adel / eine andere mit ein Bürger /
eine andere mit ein Bawren / vnd eine
andere mit einem Pfarherrn. Vnd was
offten einem wolstehet / das stehet dem
andern vbel. Sihe / so viel ist gelegen an
dem / was einer jeden Person geziemet
oder gebüret.

Einem

Einem Landknechte gehets hñt eine
kurze Kappe zutragen/ die im nicht den
hindern decket. Vnd/ wie izunder alles
verderbet vnd verkeret ist/ sind nicht viel
Leute/ die es ime für vbel halten/ ob er
gleich an seinen Hosen einen vberzug tre-
get/ der ime bis auff die knochen henget.
Wenn ein Kriegsknecht einen langen
Rock trüge/ würde er sich jederman zu
spot setzen.

Einem Schiffman stehets nicht vbel
an/ weite vnd hangende Hosen antra-
gen/ vnd einen langen Rock/ one einige
falten/ bis auff die knochen. Wenn ein
Schiffman sich kleiden wolte/ wie ein
Landknecht/ so thet er wider die gebür/
vnd den wolstand seiner Person. Es we-
re denn/ das diesen Leuten die leichtfer-
tigkeit einen wolstand machete.

Wenn ein Weib vom Adel/ an irem
Rock einen langen Schwantz treget/ den
sie auff der Erden hernach schlept/ das
wird ir jetziger zeit nicht vbel nachgere-
det. Wenn eines Pfarherrs Weib auch
solche Kleidunge tragen wolte/ das were
ir trawen ein vbelstand vnd vnehre.

Wenn sich ein Edelman mit gülden
Ringgen vnd Ketten zieret/ sonderlich/
wenn

wenn er eines Königs / Fürsten / oder ei-
nes hohen Potentaten Rath / oder Rit-
ter ist (den der anderen pracht vnd muth
wil ich nicht verthedigen) so helt er sich
nach dem stande seiner Person / welches
dem weder Gott noch den Menschen/
misfallen kan/wen er hiermit nicht stoltz
vnd hoffart im hertzen vbet. Wenn ein
Bürger oder Bawer solches auch thut
wolte / lieber was were doch billicher zu
schelten/denn eben solches?

Also auch/wenn ein Bürger/Bawer/
oder Handwercksmann/etc. sich bekleidet
nach seinem stande vnd Person / ist's ihm
lößlich. Wer hierwider thut/wird billich
verspottet vnd verlachtet.

Eben also / vnd viel mehr/geziemet es
einem Pfarherr / sich nach seinem stande
vnd person zukleiden vnd zuhalten.

Derhalben so sehe er auff sich selbs /
vnd lasse einem Landsknecht seine kurze
Kappe / die im auch den Arsen nicht be-
decket / vnd seine grosse vnflätige Blus-
derhosen. Item / er lasse den Hoffleuten
ire hohe / lange / spitzige Hüte / Er lasse
auch den Schiffleuten ire lange secke vñ
tücher / Er lasse denen vom Adel ire
prechtige kleider vnd schwentze / ire güls-
dene

dene Ketten/sammet / seiden/edelgestein/
vnd ringe / sampt andern köstlichem
schmuck/welcher jertziger zeit sehrer zuge-
nomen/vnd grösser worden ist/denn das
die leichtfertige nerrische welt / noch et-
was mehr könne darzu thun/oder erden-
cken. Er lasse auch den Bürgern ire art
vnd tracht.

Was erforderstu denn nu von einem
Pastore? τὸ ὡρεῖται/ das ist/den wolstand.

Welches ist derselbige? Der wolstand
eines Pfarherrn wird erfordert / an der
gestalt vnd form seines kleides. Item/
an dem werd/vnd an der farbe.

Die gestalt seines kleides nenne ich /
eine solche zierde vnd form/welche einem
ehrliebenden vnd dapfferen Manne wol
anstehet/welche ein bestendiges/Christ-
lichs / demütiges Hertz vnd gemüte an-
zeigt / das sein Kleid nicht zu weit noch
zu enge sey / oder sonst eine leichtfertig-
keit vnd ein eitel hertz anzeige. Der kragen
an seinem Hembde sol nicht zu hoch sein/
das er jme vber den Nacken hinreiche /
wie irer viel solche art an sich haben.
Seine Ärmel am Rock sol er nicht vber
zweier zerschneiden lassen/ vnd mit seiden
wider zusamē hengen. Er sol nicht ganz
köst-

Köstliche hosen antragen / auch nicht ein
vberzug darüber haben / welches eine
leichtfertigkeit / vnd im ein vbelstand ist.
Kürzlich / Er sol solche kleidunge antra-
gen / welche nach ehrbarkeit / beständig-
keit / vnd demut / vnd nach fromer ehr-
licher Pastorn Exempel formiert vnd
gemacht sein. Vnd sol sich ja fleissig hüt-
ten für vberflus.

Zum wolstande gehört auch der werd
eines kleides / von welchem leicht zuerach-
ten vnd zu schliessen ist / wenn nur nicht
hoffart / sondern rechte Christliche des-
mut im Herzen regiret / vnd raum hat.
Der Apostel Petrus straffet die hoffer-
tige vnd zuviel köstliche kleider an den
Weibsbildern / Wer wolte denn solche
an einem Diener des Worts billichen
oder loben? Sol derhalben ein Pastor /
Sammet / Seiden / Schanlot / vnd an-
ders was zur pracht vnd hoffart dies-
net / andern Leuten lassen / Er gehe des
müßig.

Endlich gehöret zum wolstand auch
die Farbe / Einem Pfarherrn geziemet
nicht weisse / nicht rote / grüne oder blawe
farbe / sondern schwarze / oder sonst eine
beques

bequeme farbe / die nicht auff pracht
vnd hoffart gerichtet / Doch hie mag
man ansehen die gewonheit vnd löbliche
Exempel.

Silber / Gold / Edelgesteine / perlen vñ
köstliche Kleinoten / sol ein Pfarherr an-
dern Leuten befehlen / denn diese dinge
zieren oder schmücken in gar nichts / son-
dern sie verstellen in / also das er / wie ein
leichtfertiger Mensch / verachtet vnd
verlachtet wird.

Hie möchte man aber fragen von den
gradibus der Kirchendiener / Etliche
sind Superintendentes / etliche sind Pa-
stores / etliche Diaconi. Ist denn nicht in
solchen Gradibus ein decorum vnd vn-
terscheid zuhalten?

Hierauff antworthe ich. Wenn sie alle
samt Pastores sein / als wie sie fürgeben
vñ sein wollen / so sollen sie sich viel mehr
befleissen / das einer dem andern zu-
vorgehe / in tugend / frömbkeit / Gottes
furcht / wartunge seines beruffs / In wa-
rer demut / in freundtlichkeit vnd geneig-
tem willen. Vnd sollen nicht inen ein an-
sehen machen wollen / mit golde / edelge-
steine / köstlicher Kleidunge / oder gülde-
nen ringen / vnd mit dergleichen dingen /
welche

welche die leichtfertige welt suchet vnd
liebet. Diesen rath gibt der heilige Jaco-
bus / welchen mein Pastor ime auch sol
lassen gesagt sein.

Dis sey gesagt von Kleidungen eines
pfarherrn / vnd von der zierde / die seiner
Person ein wolstand sey.

Der nutz vnd brauch der Kleidungen /
darvon ich nu sagen wil / ist zweyerley.

Der erste nutz sol dieser sein / das sie den
Leib / vnd die theile des leibs helffen be-
decken / welche die Natur selbst bedecket
haben wil.

Der ander / das man sich der Kälte er-
wehre.

Zu diesen zweyerley nutzungen / sol das
Kleid also gebrauchet werden / das nicht
etwas gethan oder gespüret werde / so
der person vbel anstehen möchte.

Der Mönche vnd Einsideler Gottlos-
sen Irthumb vnd Traum verdammten
wir / welchen nicht den geringsten / sondern
wol den meisten theil rechtschaffenes
Gottesdiensts gesetzt vnd gesucht ha-
ben in der form / gestalt vnd hertigkeit /
vnd geringkeit der kleider.

Folgendes ist zu sagen von geberden /
darvon ich kürzlich reden wil. Syrach

L

am

am 19. ca. spricht: Man sihet einem wol
an / vnd ein vernünfftiger mercket den
Man an seinen geberden / denn seine klei-
dung / lachen / vñ gang / zeigen in an. Mit
diesem spruche zeigt Syrach an / das / wie
einem zu muthe sey / also erzeige er sich
auch auswendig am leibe vnd mit geber-
den. Daher komen die vielfeltigen anzei-
gungen der klugheit / narrheit / dapffer-
keit / leichtfertigkeit / vnd anderer art vñ
eigenschaften des gemüts.

Sol derhalben ein Pastor auff die ge-
berden seines Leibes fleissig acht haben /
den die eusserliche geberden zeigen an die
innerliche gebrechen. Itē / die tugenden.

Darmit aber ein Pfarherr seine geber-
den desto bas anstellen könne / wil ich ime
zwo Lehre geben / welche / so er helt / wer-
den seine geberde zur tugend geschicket
sein / vnd sich wol lassen ansehen.

Die erste Regel sol diese sein. Ein jg-
lichs gelied des leibs sol thun was im zu-
stehet / vñ nicht was frembdes fürnehmen.

Die andere / ein jglich gelied des leibs /
wenn es das seine thut / sol das selbige
thun gebürlich / messiglich / vnd ver-
nünfftig. Denn wenn des leibes gelieder
eines etwas für dem andern thun / oder
ire

ire geschefte durch einander mengen
wollen/oder auch das/ was sie recht vnd
billich thun solten/ nicht thun / so folgen
streffliche vnd vngeschickte geberden.
Daher kompts/das Salomon sagt Pro-
verb. 6. Ein loser mensch/ ein schedlicher
Man/ gehet mit verkertem munde/win-
cket mit augen / deutet mit füßen / zeigt
mit fingern / trachtet allezeit böses / vnd
verkertes in seinem hertzen / vnd richtet
hader an.

Sol derhalben mit dem gesicht vnd
augen eine sonderliche disciplin vñ zucht
gehalten werden / auff das sie eines ver-
nünftigen menschen/vñ züchtigen her-
zens zeugen sein mögen. Den darumb hat
Gott in vns die Augen geschaffen / das
man mit denselben sehe / solches sollen sie
auch thun/recht vnd mit bescheidenheit.

Zum andern/sol das angesicht auch sei-
ne rechte masse halten. Denn weil das
Angesicht ein spiegel der zucht ist / so soll
dasselbige nach seiner art vnd geberden
auch regiret vñ gehalten werden / das es
sich nicht greslich verstelle oder verbitte-
re/ auch nicht weich vñ weibisch sich erzei-
ge / sondern in beiden eine rechte mas hal-
te / das es dapffer vnd lieblich anzusehen
sey.

L ij Zum

Zum dritten / sol er auch auff die andern glieder fleissig achtung geben / darmit ein jedes thue / das / darzu es geschafften vnd verordenet ist. Auff das aber desto bas verstanden werde / wie ichs meine / so wil ich etliche Exempel zur erklerunge hernach setzen.

Etliche haben eine solche art an sich / das sie einen nicht können ansehen / oder ime zuhören / sie haben denn das Maul offen / nicht anders / denn als wolten sie alle wort vnd verstand mit dem munde aufffahen vnd erhaschen / vnd also ins Hertz vnd gedechtnis bringen. Etliche / wenn sie was handeln / reden oder hören / so strecken sie die zunge heraus / als wie ein Hund der durstig ist / vnd wenden vñ verdrehen die lefftzen / gleich wie ein mülradt. Etliche / wenn jemandes mit jnen redet / oder sie selbs reden wollen / so krawlen sie die Zende / richten die augbrauen auff / vñ verkeren die Augen gar seltsam vnd nerrisch.

Etliche / wenn sie was fürhaben / oder reden / schütteln sie den kopff / streichen die har aus / vnd thun die kleider auff. Etliche / wenn sie einem wollen zuhören / recken sie das eine Ohr her / das ander legen

gen sie gleich auff die Achsel / nicht anders / als weren jnen nicht beide Ohr darzu erschaffen / das sie darmit hören solten. Etliche findestu / die vnter dem reden das eine Auge zu / das ander auff thun. Etliche / wenn sie reden wollen / rümpffen sie die Nasen. Etliche sein so dölpsch vnd vngeberdig / wenn sie gehen so rudeln sie mit den Armen / gleich wie ein Schiffman / mit dem Leibe fliegen sie / machen also aus jnen selbs ein dreifach wunderthier. Denn mit den füßen gehen sie auff der Erden / mit dem Leibe in der lufft / mit den Armen oder henden auff dem wasser. Ist das nicht ein recht Monstrum vnd Wunderthier / sich zugleich stellen wie ein Mensch / wie ein Schiff / vnd wie ein Vogel. Was sol ich viel sagen von denen / die vnter dem gehen die schuldern schier bis an die Ohren ziehen.

Ja was sol man hiervon sagen? Man kan es nicht genugsam ausreden / oder abmalen / Denn grobe vngezogene eitele Menschen / haben wol hundert laruen / art / vnd gestalt an sich / die ire leichtfertigkeit vnd grobheit gnug anzeigen in reden / hören / gehen / stehen / ligen / vnd
L iij sitzen /

sigen/vnd kürzlich/in allem was sie fürs
nemen.

Von solchen vnflätigen geberden/
Derer etliche eine anzeigunge sind eines
mutwillens / vnd geilheit / etliche einer
nachlässigkeit vnd faulheit / etliche einer
vnbeständigkeit / etliche einer hoffart.
Item / zorns / vnd leichtfertigkeit / wil
ich / das sich ein Pfarherr enthalte / vnd
das er in allen seinen Hendeln / der Na-
tur als einer Anleiterin (sie mus aber
auch recht gezogen sein) vnd den Exem-
peln verstendiger fromer Leute / welche
löbliche geberden/vnd gute sitten an sich
haben/folge. Nu wil ich auch leren/ wie
er sich in worten halten sol.

Von worten vnd reden/gibt der heiligi
Apostel Paulus zu den Ephes. am 4.
ein solche Lehre vnd Regel : Lasset kein
faul geschwetz aus ewrem munde gehen/
sondern was nützlich zur besserunge ist/
da es not thut / das es holdselig sey / zu
hören. Vnd zum Coloss. am 4. Erwer re-
de sey allezeit lieblich / vnd mit Saltz ge-
würzet / das jr wisset / wie jr einem ig-
lichen antworten sollet. Aus diesen/ des
Apostels Pauli Sprüchen / kan man
fünfferley Lehre nemen / welche vns an-
zeigen/

zeigen/wie man sich in worten verhalten
solle.

Erstlich / wird angezeigt / was für
wort vnd rede man meiden solle.

Zum andern / was für rede vnd wort
wir vntereinander treiben sollen.

Zum dritten / warmit wir vnser rede
lieblich vnd gewürtzet machen sollen.

Zum vierden / wie man die rede wol
anlege/vnd mit wem man reden solle.

Zum fünfften/welches das ende vnser
rede sein solle.

1. Was für rede sol man meiden? Saus
le geschwerze vnd wort / das ist / solche
wort / darvon nichts guts kömpt / in
welchen weder nutz noch frommen ist/
sondern viel mehr schaden/ vnd verderb
nis. Aus groben/vnnützen / Lotterbü
bischen worten ist weder nutz noch frucht
zuhoffen / An Lotterbübischen worten
henget gemeiniglich ein vnverschampt
eitel hertz. An groben worten spüret
man einen verstockten / vnbesonnenen
Menschen. Zwischen diese zweyerley
Art der reden / setzen die Philosophi /
leporem sermonis / das ist / Höfflig
keit vnd geschickte Art zu reden / als

L iij das

das man eine masse helt in fröligkeit vnd
vnmuth. Es kömpt bey den Leuten gar
wenig fromens / aus garstigen worten /
oder aus stolzen / gifftigen / lesterlichen
vnd falschen reden / vnd stichen. Sol der
halben ein Pastor in teglichen vnd ge
meinen gesprechen sich bescheiden hal
ten / vnd allerley vnnütze reden meiden.

2. Was für wort sollen wir denn vn
tereinander führen? Nützliche vnd gute
wort / die zur besserunge vnd aufferbaw
unge dienlich sein / allenthalben da es not
thut. Den gleich wie faule wort darumb
faul genennet werden / das keine frucht
noch heil daraus erfolget. Also wird eine
gute rede darumb gut genennet / das sie
nützlich vnd dienlich ist zur aufferbaw
unge.

Der Apostel nimpt hie eine gleichnis
von den bewmen / derer etliche faul / et
liche aber frisch vnd gut sein. Von faulen
bewmen vermag man kein gut gebew zu
machen / Aber frische bewme vnd gehöl
ze / das dienet zum gebewe.

Sol derhalben ein fromer Pastor ge
dencken / das ime alsdenn erst zu reden
gebüren wölle / wenn seine rede zur besse
runge vnd aufferbawunge dienlich ist.

Als

Als auff eine zeit einer bey ein wolles
ben gefragt ward / Warumb er nicht
auch redete / weil doch sonst die andern
alle redeten? Antwortet er / Darumb/
das ich nichts bessers jezunder habe /
denn stilschweigen. Vnd der Euripides
spricht / Entweder rede etwas / das bes
ser sey / denn stilschweigen / oder schweige
gar still.

3. Womit sollen wir vnser rede wür
zen? Paulus antwortet Ephes. 4. Ew
re rede sol allezeit lieblich / vnd mit Salz
gewürzet sein. Wie so aber? Auff das
nicht ein böser vngeneimer geruch andern
Leuten zukomme. Das Salz ist bey den
Alten ein Symbolum vnd zeichen gewes
sen der freundschaft vnd einigkeit / von
des wegen / das es lange weret. Denn es
machet den Leib starck / vnd erhelte ganz
lange alles das man damit bestrewet /
Daher pflegte man es für aller jander
speise den gessen für zusetzen / damit eine
beständige / langwerende freundschaft
anzuzeigen. Aus der vrsach haltens et
liche leute für vnglücklich / wenn man
das saltz vmbschüttet / Vnd widerumb/
halten sie es für glücklich / wen man wein
vmbschüttet / sonderlich reinen vñ lautern.

L v

Hieraus

Hieraus ist abzunehmen/wie vnser rede
mit Saltz solle gewürtzt sein/nemlich als
so/das vnser rede manlich / dapffer vnd
vernünfftig/vnd nicht leichtfertig/ oder
vnbestendig sey. Sie sol schmackhafftig
sein/nicht dölpiſch/grob vñ vngeschickt/
sie sol behaltens/merckens/vnd gedechtnis
würdig sein/nicht lose vnd leichte/die
zu einem Ohr ein/zum andern widerumb
ausgehe.

Kürzlich das vnser rede sol mit Saltz
gewürtzt sein/bedeutet/ das vnser wort
mit bedacht vnd verstand sollen gered
werden. Item/das sie geschehen sollen
zu bequemer zeit / das sie sich schicken/
reimen/vnd dienen/zum dem/das man für
hat.

Das ist auch merckenswerd / das die
Alten ein vnterscheid machen zwischen
weißem vnd schwarzem Saltze. Das
weiße saltz/haben sie gesagt/sey des Mer
curij Saltz/das sind solche wort / welche
freundschaft vnd guten willen machen
vñ erhaltē. Als wie des Alexandri spruch
ist: Regium est,benefacientem ferre ma
ledicta. Es ist gut Königisch / von wol
that wegen geschmehet werden. Das
schwarze saltz/haben sie gesagt / sey des
Nomi/

Womi/ Als da ist/ allerley vnbilliches
tadeln/ vnd giffstige verdrüssliche stiche.
Solch saltz/wil Paulus / sollen wir nicht
auff vnsern tisch komen lassen/da er sagt/
das es lieblich zu hören sey. Er nimpt ein
gleichnis von der speise / welche alsdenn
am schmackhaftigsten ist / wen sie nicht
zu wenig oder zu viel gesalzen ist.

Zieher gehört der spruch Pythagoræ:
Salem ne transgrediaris. Schreite nicht
über das saltz hin/das ist/ verachte nicht
guter freunde gemeinschaft/thue nichts
wider billigkeit / recht vnd gute gesels
schaft.

4. Wie / oder mit wem sol man reden?
Paulus spricht / Mit denen die dir zuhö
ren. Denn es ist ein vnhöfflich ding / viel
reden / da niemands zuhöret. Viel vn
höfflicher ist es / wenn einer redet / da
jderman schreyet vnd tobet. Sol der
halben ein Pastor alsdenn reden / wenn
jme die Leute zu zuhören geneigt vnd
lustig sein.

5. Welchs ist in solcher gewürzten re
de end? Paulus setzet zweierley endschaff
ten / Eine ist / das man wisse vnd etwas
draus lerne / Die ander / das sie lieblich
vnd holdselig sey.

Vom

Vom wissen/sagt er also/das jr wißet/
wie jr einem jglichen antworten sollet.
Dis wissen bringet zweierley nutz/ Erst-
lich/ dem der da redet/ darnach deme/ zu
welchem man redet.

So viel den redenden betrifft / hat er
diesen nutz. Welcher sich gewehnet für-
sichtiglich vnd bedechtiglich zu reden/
der vermeidet viel vnrats vñ vngereum-
tes dinges/er wird nicht beschemet/oder
verspottet / wie den offtmals schwergern
vnd vnbedechtigen leuten widerferet.

Souiel die zuhörer belanget / wird er
durch tegliche vbunge erfarnier / vnd ge-
schickter zu reden vnd zu antworten/ den
nach dem die Person ist/also sol man sich
auch mit reden gegen jr verhalten. An-
ders redet man mit einem gewaltigen
Potentaten / anders mit mittelmessigen
leuten / anders mit geringen leuten / an-
ders mit sanfftmütigen vnd gelinden/
anders mit zornigen. Nathan handelt
viel anders mit David / der die Ehe ge-
brochen/denn er gehandelt hette mit ei-
nem schlechten Reutter / so dieses laster
gethan hette. Solchs ist nicht eine heuch-
eley oder liebkösen/sondern es ist ein anzei-
gung der fürsichtigkeit vnd bescheiden-
heit/

heit / welche von einem Pastore / sonderlich im reden erfordert werden.

Es erfordert auch Paulus eine lieblichkeit im reden / das man nicht mit vnötigem / leichtfertigem reden den zuhörrern verdrieslich sey / Sondern das wir vnserere wort vnd reden also fürnemen / auff das wir bey den leuten gunst vñ gutten willen erlangen vnd erhalten. Doch mus man hierinne auch vernünfftig sein / das wir nicht vnterm schein / solcher gunst / vnserm Ampte zu wenig thun / welches Ampt manchmal nach gelegenheit der Personen vnd hendel scharffes wort bedarff / vnd brauchen mus.

Also habe ich / nach der lehre Paulians gezeiget / was man im reden meiden / fliehen / vnd gelieben sol / auch wie man sie würzen / mit weme man reden / vnd welches das ende vnserer worten sein sol. Zu wil ich / auff das solche Lehre völliger verstanden werde / kürzlich erklären / wie man ein vnterscheid im reden halten sol.

Im reden sol man auff folgende stücke achtunge geben / Was / zu wem / wo / wann / vnd wie man reden sol.

I. Was man reden solle / wird erstlich in dieser gemeinen Distinction angezeigt.

get. Schedliche / vnehrliche / vnnütze
ding / sol ein Pfarherr gar nicht reden/
Sondern nur was nütze/ehrlich vnd gut
sein mag.

Schedliche rede sind diese / welche die
Hertzen vnd Gemüter der Zuhörer irre
machen / oder verführen/oder andern leu-
ten an irem gut / habe / vnd gerüchte/
nachtheilig sind.

Vnehrliche reden sind diese/die entwe-
der des redenden/oder des zuhörers/oder
des abwesenden dignitet/wirde/vñ stans-
de/zurwider sein / vñ nicht gebüren wölle.

Vnnütze reden sind / die weder dem re-
denden / noch dem zuhörere einigen nutz
bringen.

Widerumb/nützliche reden sein/welche
einen des irthumbes los machen/oder von
verkerrem bösem sinne einen abführen /
oder sein glimpflich vnd messiglich von
den Leuten geschehen.

Ehrliche reden sind / welche der Pers-
son vnd dignitet des redenden/des zuhö-
rers / vnd abwesenden wol anstehen vnd
geziemen.

Nützliche reden sind / die zu etwas tün-
gen/daraus der zuhörere einen nutz schöpf-
fet/vnd was gutes lernet.

Darv

2. Darnach / sol man achtunge haben/
Mit wem/oder zu wem man rede. Denn
wer mit einem reden wil/so jme nicht zus
höret/ ifts gleich als wen er einen schlaf
fenden aus einem tieffen schlaff erweck
te. Sol derhalben auch hierinne ein son
derliche bescheidenheit gehalten wer
den/ wie folget.

Wer mit einem andern redet / sol erst
lich betrachten / ob er von wegen seiner
selbs/oder eines andern halben rede.

Redet er von wegen seiner selbs / das
ist/ vmb seines nutz willen/entweder nütz
licher Lehre/ oder gutes rahts sich zuer
holen/so sol er gedanken darauß haben/
ob auch derselbe/ den er anredet/ ein solch
er sey / der jme mit Lehr vnd Rath könn
ne beholffen sein. Denn es ist nichts ner
rischers/ denn bey einem groben vnd vn
erfarnen/ lehre vnd vnterrichtunge/ vnd
bey einem Narren / guten Rath suchen
wollen.

Redet aber jemand's einem andern
zu gute / vnd sonderlich dem / der bey
jm ist / vnd jm zuhöret / so sehe er drauß/
ob derselbige ein solche Person sey / die
seines redens oder rahtens nicht bedürff
fe. Oder / ob der so ein boshafftiger
Mensch

Mensch sey / das ime weder zu rathen
noch zu helffen stehe. Denn Salomon
spricht / Prouerb. 9. Wer den Spötter
züchtiget / der mus schande auff sich ne-
men / Vnd wer den Gotlosen straffet / der
mus gehönet werden. Straffe den spöts-
ter nicht / denn er hasset dich / Straffe
den Weisen / der wird dich lieben. Lehre
den Gerechten / so wird er in der lehre zu-
nemen.

Darnach ist zu mercken / Wenn du wilt
jemand vmb rath fragen / so folge der
Regel die Syrach gibt / am 37. Cap.
Halt keinen rath mit dem / der ein arg-
won zu dir hat / vnd nim nicht zu rath /
die dich neiden. Gleich als wenn du ein
Weib vmb rath fragest / wie man iher
feindin freundlich sein sol / Oder einen
verzagten / wie man kriegen sol / Oder ei-
nen Kauffman / wie er deine wahr ges-
gen seiner achten wolle / Oder einen
Reusser / wie thewer du geben solt / O-
der einen neidischen / wie man wol thun /
Oder einen vnarmhertzigen / wie man
gnade erzeigen sol / Oder einen faulen /
von grosser arbeit / Oder einen Taglō-
ner / der nirgend besessen ist / wie man
nicht aus der arbeit gehen sol / Oder ei-
nen

nen tragen Hausknecht / von vielen ges-
schefften. Solche leute nim nicht zu rath/
Sondern halte dich stets zu Gottfürch-
tigen Leuten/etc.

Hie erzelet der Weise Mann etliche
art der Menschen / mit welchen man sich
nicht berathschlagen sol. Aus welchem
allem diese gemeine Regel folget / Das
man keinen in einer sachen rathfragen
solle / der selbs in derselbigen sachen sein
nutz vnd frommen suchet. Denn ein ges-
trewer Rathgeber mus ein solch Hertz
bey sich haben / das da rhate vñ rede one
zorn / one liebe vnd gunst / one neid vnd
has / vnd ohne rachgirikkeit / widerwils-
len / oder eigenes nutzges halben.

Sol derhalben sich ein Pastor fleissig
hüten / das er nicht Leute vmb rath fra-
ge / die viel mehr iren eigenen Affecten
nachgeben / denn das sie mit bedacht im
etwas rhaten / oder befürdern solten.

3. Fürs dritte / hab ich gesagt / sol man
mercken / wo man rede / Den das ist nicht
fein / das man in der Kirchen reden wolt
von den dingen / die auffs Rathhaus vnd
den Marckt gehören. Drumb spricht
auch Augustinus / das man in der Kirch-
en nichts anders reden noch handeln sol /

M

denn

denn heilig vnd Göttlich ding. Sol der
halb ein Pfarherr in der Kirchen von
nichts anders reden / denn was zur lehre
der Christen dienlich ist. Aber außers
halb der Kirchen / mag er (da es noth
thete) von Göttlichen vnd Weltlich
en dingen nützlich reden. Den ort aber/
an welchem jemandes vergebliche / vn
nütze / vnd vnchampere / oder auch sched
liche reden treiben möchte / den weis ich
niemandes zuernennen / viel weniger zu
vergünnen / Denn die Erde ist des Her
ren / vnd was drinnen ist / Der Erdbos
dem / vnd was drauff wonet / Psal. 24.

4. Zum vierden / habe ich gesagt / das
man achtung haben solle / Wenn man re
de. Denn Salomon in seinem Prediger
am 3. spricht: Schweigen hat seine zeit/
Reden hat seine zeit. Vnd Prouerb. 25.
Ein wort gered zu seiner zeit / ist wie
gülden Epffel in silber Schalen. Vnd
ob wol die erfahrung vnd das alter einen
jglichen lehren solte / wenn vnd zu welch
er zeit zu reden gut sein möchte / wil ich
doch gleichwol etliche Sprüche aus
dem Salomone vnd dem Syrach / hers
nach setzen.

Prouerb.

Prouerb. 10. Wo viel wort sind / da
gehets one Sünd nicht ab / Wer aber sei-
ne Lippen helt / ist klug. Darumb sol man
zu keiner zeit zu viel reden / Denn bey viel
geschwetz sind gemeiniglich lügen. Ibid.
Die Lippen der Gerechten lehren heil-
sam ding / Aber der Gottlosen mund ist
verkeret.

Prouerb. 18. Wer antwortet ehe er
höret / dem ist narheit vnd schande.

Syrach am 5. Verstehestu die sache / so
vnterrichte deinen Nächstten / Wo nicht /
so halt dein maul zu.

Syrach am 10. Verdamme niemand /
ehe du die sache zuvor erkennest / Erkens-
ne es zuvor / vnd straffe es denn. Du solt
nicht vrtheilen / ehe du die sache hörest /
vnd las die Leute zuvor ausreden. Men-
ge dich nicht in frembde sachen / vnd sitze
nicht bey vnrechtem Vrtheil.

Prouerb. 23. Rede nicht für des Nar-
ren Ohren / denn er veracht die klugheit
deiner rede.

Prouerb. 29. Wenn ein Weiser mit ei-
nem Narren zuhandeln kömmet / er zürs
ne oder lache / so hat er nicht ruge.

Von diesem / nemlich / wenn man res-
den oder schweigen sol / hab ich etwas

M ij vnd

vnordentlich gelehret / denn wie vor gesaget / wenn einer kumpt zu seinen jaren / zum verstande / vnd erfahrung / wird sich dis alles selbs wol lehren.

5. Zum fünfften vnd letzten / so habe achtunge / wie du ein ding redest. Die weise aber zu reden / wie Gregorius sagt / stehet in dreyen stücken / In geberden / im ausreden oder stimme / vnd in der bedeutunge.

Die geberden sollen züchtig vnd demütig sein. Die stimme oder das ausreden / sol gemachsam vnd lieblich sein. Die meinunge oder bedeutunge sol warhafftig vnd behegliche sein.

Wer da redet sol in geberden vernünftig sein / also das ers nicht vnordentlich in einander werffe / nicht vnuerschampt oder vnzüchtig sey / nicht stürmisch vnd krigisch. Auch sol er nicht mit den augen wincken / oder das angesicht vnflätig verstellen / also / das er mit seinem reden sich jederman vngenehme mache. Es sol sein geberde einen schein der demut von sich geben / darmit er bey den zuhörern gunst erlange. Die Thrasomische / schnarhende kriegerische art zu reden / wird billich von jederman gehasset.

Die

Die stimme oder das ausreden sol ges
machsam sein/ auff das man nicht durch
vnmessiges geschrey / vnd vnhöffliche
stimme jemens erschrecke / oder für die
stirn stosse. Auch sol die stimme lieblich
sein/ auff das die Leute beide mit ohren
vnd hertzen / die wort hören vnd fassen
mögen.

Die bedeutunge/ das ist / der verstand
vnd die meinunge vnserer wort/ sol war
hafftig sein / vnd solches darumb / denn
ob gleich ein betrüglich wort / sein sit
tig/zierlich / vnd lieblich gered wird / so
ists doch gleichwol nachtheilig vñ sched
lich / vnd derhalben wie zuuor gesagt / zu
meiden vnd zuunterlassen.

Ober das / sol auch sein eine liebliche
anzeigunge oder bedeutunge in vnsern
worten / Denn auch gemeiniglich die
Warheit den Zuhörern bitter ingehet/
wenn man vnfreundlich redet.

Dis sey gesagt von rede vnd worten/
wie man sich in denselbigen verwaren
sol/ welchs so ein Pastor merckt vñ helt/
wird er gunst / freundschaft / vnd lob
bey den Leuten erlangen.

Solget / wie sich ein Pastor in gastes
reyen rechtschaffen halten sol. Vnd ob

M iij wol

wol vorgehende Lehre einem Pastori-
gnugsame anzeigunge were / Doch weil
ich befinde / das irer viel hierinnen nicht
rechte masse halten / wil ich hiernon auch
sonderliche Lehre vnd Regel fürschrē-
ben.

In Gasterey sol man sehen auff fol-
gende stücke / Nemlich / auff den ort / da
man zu gaste sitzet / auff die zeit / auff die
art des wollebens / auff die Geste die
darbey sitzen / auff die Gespräche / auff
Essen vnd Trincken / mit was weise
es geschehe / auff zimliche freude / auff die
zeit / wie lang man darbey harren oder
sitzen solle.

1. Der ort / da Gastunge ist / wenn er
zu geringe / unbekendlich vnd verdecktig
ist / sol ein Pastor daselbst sich nicht fin-
den lassen. Denn es geziemet sich gar
nicht / das ein Pfarherr in den Taber-
nen vnd Schencken / in Zurenwirten /
oder sonst an rüchtbarn verdecktigen
orten Gasterey halte. Denn hiermit
hanget er einen schandfleck an / nicht als
lein seiner Person / sondern auch dem gan-
zen Ministerio. Ja hiermit würde er
die Leute verursachen / beide von jme /
vnd

und dem Ministerio vbel zu reden. Wenn
derhalben ein Pastor an solche örter ge-
laden würde / sol er sich vernünfftiglich
entschuldigen / inen freundlich abdanc-
en / vnd sonst in andern dingen seinen ge-
neigten willen inen anbieten / auch zu irer
Gasterey inen glück wündschen / vnd er-
manen / das sie bey irem wolleben frö-
lich vnd guter ding sein / sich wol betra-
gen / vnd allerley vnrat verhüten wol-
len.

2. Die zeit des wollebens / sol bequeme
sein. Das meine ich also / Man soll
nicht Gasterey halten gar zu Mitter-
nacht / oder wenn man in der Kirchen
sein sol / oder wenn ein gemein trawren
vnd trübnis fürsetlet. Die Flechtliche
Gastereyen sind je vnd je rüchtig vnd
verdecktig gewesen / Vrsach / denn sie
scheinen mehr von vnzucht wegen / denn
von wegen ehrlicher Gesellschaft vnd
freuden / angerichtet sein. Die Gaste-
reyen aber / die man helt zur zeit des Got-
tesdiensts / vnd der Predigten / gereich-
en dem heiligen Ministerio zu schmach
vnd spott. Sollen derhalben alle frome
Christen / geschweige denn Pastores vnd
Kirchendiener / solche meiden. Zur zeit

M iiii einer

einer gemeinen betrübniß den wolleben
obligen oder nachgehen / ist eine anzei-
gung einer boshaftigen stöckischen na-
tur / welche nach andern vnd gemeinem
schaden nichts fraget. Denn zu solcher
zeit istß besser in das Klagehaus gehen/
denn in das trunckenhaus / Wie der Pres-
diger Salomo sagt / am 7. Cap.

3. Die gasterey ist zweyerley art / Ehr-
lich vnd vnehrlich. Ehrliche nenne ich/
die entweder Freundschaft oder Nach-
barschaft zumachen oder zuerhalten an-
gestellt sein. Doch sind vnd bleiben sie
ehrlich / wenn sie an bequemen örten vnd
zeiten / ehrbarlich volfüret / vñ mit vber-
messigkeit nicht gehalten werden.

Die gastereyen / welche von guter
freundschaft wegen angerichtet wer-
den / nennen die Græci ἀγάπαι / das ist /
Liebe / drumb das sie Liebe zu stercken
vnd zuerhalten angerichtet werden.

Also nennet man auch die Gastereyen
welche zu erquickung armer Leut ange-
richtet werden / derer man im Lolandt
meinem Vaterlande viel pfleget zuhal-
ten. Denn wo man daselbst Hochzeiten/
Kindtaufften / oder sonst ein ansehens-
liche Malzeit angerichtet / da richtet
man

man auch tische zu für arme Leut / vnd
gibt inen eben so gut essen / als den gelas
denen gesten selbst. Vnd wenn einer / der
ein wolleben anrichtet / die Armen nicht
bedencken / einlassen / oder ir wol warten
wil / der wird nicht allein für einen geitz
wanst / sondern auch für ein Gottlosen /
vnbarmhertzigem troffen gescholten.
Diesen brauch helt man auch in Schön
landt / Jutlandt / Sionien / vnd Seeland /
an etlichen orten.

Solche weise sol ein Pastor bey den
leuten rhümen / vñ sie zu gleicher freunds
ligkeit gegen die Armen vermanen / mit
erinnerung des befehls Christi / vnd sei
ner Väterlichen verheissunge / Luc. 14.
Wenn du ein Mittags oder ein Abend
mal machest / so lade nicht deine freunde /
noch deine Brüder / noch deine gefreunds
ten / noch deine Nachbarn / die da reich
sein / auff das sie dich nicht etwa wider
laden / vñ dir vergolten werde. Sondern
wenn du ein Mal machest / so lade die
Armen / die Lamen / die Kröpel / die Blin
den / so bistu selig / denn sie habens dir
nicht zuuergelten / Es wird dir aber ver
golten werden in der aufferstehung der
Gerechten.

M v In

In diesem Spruch wird viel Lehre
begriffen. Erstlich/so werden gebillich
et/vnd gefallen dem Herren Christo ehre
liche gastereyen. Darnach werden wir
erinnert/wenn wir mit vnsern bekanten
vnd guten freunden frölich sein wollen/
so sollen wir der Armen nicht vergessen/
sondern sie auch auffnehmen/inen mitteil
len/vñ sie speisen. Zum dritten spricht er/
vnser Herrgott werde es belohnen/vnd
reichlich vergelten/ weil es die Armen
nicht thun können/ Vnd sonderlich sol
solches geschehen in der auferstehunge
der Todten.

Das aber Christus spricht: Wenn du
eine malzeit zurichstest/so lade nicht deine
freunde/sol nicht verstanden werden/als
verböte Christus mit bekanten vñ guten
freunden gastunge zuhalten/ denn solchs
were zwar vnfreundlich/vñ eine Barba
rische art. Denn lieb er/was were doch vn
freundlicher/ denn das man keinen freund
bey seinem wolleben haben/vñ sich so gar
euerisch gegen iderman erzeigen wolte:
Sondern das wil Christus/das durch
die dienstligkeit vnd freundschaft/so in
der welt gebreuchlich/vñ wie sie die leute
jzt fürnemen/ mit nichte die rechtschaf
fene

fene Christliche liebe geübet/oder getries-
ben werde. Drumb vermanet er vns zu
rechten wercken der liebe gegen den Ar-
men. Gefallen derhalben Christo unsere
gastereyen/also / wenn wir nicht die Ar-
men ausschliessen vnd irer vergessen.

4. Die wolleben so von wegen ehrlicher
freude angerichtet/werden nicht geschol-
ten. Vnter die ehrlichen gasterey aber/
setze ich die/welche die leute gemeiniglich
pflegen anzurichten nach geschehener
ehrlicher arbeit / sich durch messige ehr-
liche freude wider zuerquickent.

Die gasterey aber in welcher man den
leuten glück wündschet / vnd Gott dan-
cket / als da sind Hochzeiten vnd Kind-
tauffen/werden gerhümet vñ gebilliget
durch die Exempel der heiligen Veter/
welche von benenter vrsach wegen gas-
tung anrichteten/Gen.29. Laban rich-
tet dem Jacob gar ein herrlich Hochzeit-
mal zu. Abraham machte ein gros Mal/
am tage da Isaac entwehnet ward /
Genes. 21.

Zu zeiten werden auch gastereyen an-
gerichtet/ nach gewonheit des orts/vnd
der Leute / zu gewisser zeit des Jhars /
Als da sind in meinem Heymat die
Brüder

Brüderschafften. Solche sind nicht zu
tadeln / wenn sie geschehen mit verstande / vnd one aberglauben. Item / one das
vnsinnige tolle vollsauffen.

Darumb sol ein Pastor vermanen /
das die Leut hierbey sich vernünfftig vñ
Christlich erzeigen wollen.

Hieher gehören auch die Gastereyen
vnd Conuiuia / welche die Pastores hal-
ten nach beschlossenem Synodo. Wie
aber / vnd mit was bescheidenheit solche
sollen volbracht werden / zeigt D. Pe-
trus Palladius an / in seinem Büchlein
vonden Synodalibus / in welchem er et-
liche nützliche præcepta fürschreibet / die
mir gantz wolgefallen. Soniel wil ich ge-
sagt haben von ehrlichen gastungen

Vnehrliche Conuiuia nenne ich / die /
so von fürwitz / vñ vnzucht wegen / Item
fressens vnd sauffens halben angestellet
werden / welche vielmehr den Epicurisch-
en Mastsewen / denn frommen Christen
gebühren. Für solchen vns zu hüten ver-
manet Salomo Proverb. 23. Sey nicht
vnter den Seuffern vnd Schlemmern /
Denn die Seuffer vnd Schlemmer ver-
armen. Salomon nennet solche wolles-
ben Comestationes / gleich wie auch Pau-
lus /

lus/Rom. 13. vnd Petrus in seiner ersten
Epistel am 4. Comestationes aber wer-
den genennet / die gastereyen / vnd das
pancketiren / welchs bey nechtlicher weis-
lenach gehaltenem Abendmal getrieben
wird. Item / alle andere vngetliche vnd
vnehrliche gesellschaften. Iren Namen
haben sie von einem Heidnischen Gözen/
Comus genant / welchen die Heiden für
einen Gott vnd beschützer der nechtlich-
en gastereyen vnd tence gehalten haben/
Diesen verehreten die junge Nachtras-
ben / Krantz vnd tanznarren / welche sich
mit Krantzen kröneten / vnd des nachtes
mit sackeln vnd seitenspielen in allen gas-
sen vmbher lieffen / vnd für irer Bulen
Thür zusammen kamen / sangen vñ sprun-
gen / trieben allerley fürwitz vnd mutwils-
len / also / das sie offtmals die thüren zu-
brachen / vnd die Henser auffstieffen.

Dieser Heidnische Teuffelische brauch
wird noch hentiges tages / bey dem hel-
len liecht des lieben Euangelij / von vies-
len gehalten / vñ widerumb auff bracht /
welche Leute sonst keinen andern rhum/
oder Namen haben / oder zuerlangen
wissen / denn vom Würffel / sauffen / vnd
dem Hurhause.

Solcher

Solcher Pascaler vnd Lappenheuser
fresserey / sol ein frommer Pastor durch
seine gegenwertigkeit nicht bestetigen /
auch nicht mit einichem wort oder zeich
en billigen / sondern viel mehr verdam
men / ernstlich vnd vnerschrocken diesel
bige straffen / vnd dis fals keine Person
schewen.

Man höret (Gott erbarm es) heutis
ges tages irer viel sich rhümen von groß
sen süffen / wie sie allein am lengsten sitzen
blieben / vnd iderman hingessoffen haben /
vnd rechnen jnen das nicht allein für ein
gros lob / sondern für eine dapffere Rit
terthat / gleich wie Achilles / der den He
ctorem im streit vberwand. Aber der
Prophet Esaias singet solchen Seuffern
gar einen kleglichen vnd erbarmlichen
gesang.

Weh denen / die des morgens frue auff
sind / des sauffens sich zu fleissigen / vnd
sitzen bis in die nacht / das sie der wein er
hitzet / vnd haben Harffen / Psalter / Pau
cken / Pfeiffen vnd Wein / in irem wolle
ben / vnd sehen nicht auff das werck des
Herren. Item / weh denen / so Helden sein
Wein zu sauffen / vnd Krieger in füllen
rey / Esa. 5.

Drumb

Drumb sol ein Pastor viel mehr folgen
dem rath des Syrachs/da er spricht: Be
weis nicht deine manschafft im weinsauf
fen/Deñ der wein hat irer viel verderbt.

Dis sey gesagt von Gastereyen. Nur
wil ich sagen von gesprechen in Gastes
reyn.

4. Die wört vnd rede/die man bey dem
wolleben treibt / sollen dienen zur frölig
keit/zur aufferbawunge vnd besserunge.
Es sol nicht faul geschweze / grob ges
wesche / verbitterunge vnd verleumb
dunge der abwesenden / oder der gegen
wertigen darbey sein. Es sol ein Pfar
herr messig vnd nicht zuviel reden/vñ die
Regel Catonis stets für augen haben.

*Inter conuiuas fac sis sermone modestus,
Ne uideare loquax, dura uis urbanus haberi.*

Wenn du bey leuten sitzt zu tisch/
Sei mit dein worten nicht zu risch.

Das man dich nicht ein schweizer schelt/
Ein weiser Man sich sittig helt.

Auch spricht Syrach am 32. Schilt
deinen Nächstten nicht beim Wein / vnd
schmehe in nicht in seiner freude. Wie sol
ein Pastor sich erinnern obberürter leh
re vom Reden / vnd sich nach derselben
halten.

5. Was

5. Was man aber bey ehrlichen gästungen in essen vnd trincken für eine maß halten solle / mag aus vorgemelter lehre leichtlich verstanden werden. Allein dis wil ich herzu setzen / das der rhum im zechen / vnd zu trincken / welches (leider) itziger zeit sehr gebreuchlich / vnter den Christen nicht sol geduldet werden.

Wie billich lobet Homerus einen / der seinen gästen wein genug fürsätzte / Aber zum anfang seiner Malzeit zwang er niemand zum trincken / nötiget auch niemand bescheid zuthun / sondern freundlich ermanet er sie zur fröligkeit / vñ zum trincken. Denn es ist gar eine rohe wilde weise / vnd vnchristliche gewonheit / mit vbermässigen sauffen wollen gesehen sein. Item / das einer den andern zum trunck nötiget / Solchs geziemet keinem ehrliebenden / geschweige denn / den kindern Gottes / oder Pfarhern / die stets in Christi dienst sein sollen.

6. In gastereyen sol man frölich sein / doch alles mit vernunft vnd messigkeit. Denn wenn die fröligkeit zu sehr vber hand nimpt / so wird eine thorheit vnd vnfinnigkeit draus.

Zieher

Zieher gehört der Spruch des Philosophi Anacharsis / der da spricht / Der erste trunck gehöret zur gesundheit / der ander zur wollust / der dritte dienet zur lesterunge / der vierde zur vnsinnigkeit. Derhalben auch Pythagoras recht sagt / Das trunckenheit sey eine mutwillige vnsinnigkeit. Drumb sol man beim trincken nicht sehrer frölich sein / denn einem gebürt / vnd wol anstehet.

Homerus helts darfür / das die frölichkeit bey gastereyen / stehe in singen vnd tanzen / welches er nennet eine zierde des wollebens / dardurch die geste frölich gemacht werden.

Syrach am 32. Cap. verwirffts nicht / das man Wein trincke zur frölichkeit / da er also spricht: Der Wein erquicket dem Menschen das Leben / so man in messiglich trincket. Itē bald hernach / Der wein zur notturst getruncken / erfrewet Leib vnd Seel. Hie lehret er / wie man den wein mit vernunft vnd bescheidenheit trincken sol. Die zierligkeit die Homerus vergönnet / sol ein Pastor nicht schelten / wo eine masse darinnen gehalten wird / Aber er selbs sol sich derer eussern / vnd enthalten.

¶ Was

Was sol man aber vom zutrinccken vñ
bescheid thun halten? Wenn einer dem
andern aus liebe vnd freundschaft zu-
trincet/ vnd solches darreichet/ das ver-
werffe ich nicht/ doch also/ das niemands
bescheid zuthun genötiget werde. Auch
verwerffe ich nicht/ wenn man ordent-
lich nach einander redet/ singet/ trincet/
bey ehrlicher gesellschaft/ doch mit dem
bescheide/ das die Geste bey Vernunft
bleiben/ vnd sich nicht aus der weise
sauffen.

Dieweils aber schwer ist/ in allen din-
gen rechte masse zutreffen/ so rate ich ei-
nem Pastori/ das er dem Socrati folge/
der da spricht: Etliche Leute leben dar-
umb/ das sie essen vnd trincen/ Ich
aber esse vnd trincke darumb/ das ich
lebe.

Ich pflege zwischen den wolleben fro-
mer leut/ vnd der Epicurer Sew leben/
ein solchen vnterscheid zusetzen. Fromme
ehrliche Leute/ trincen zu zeiten/ das sie
desto lenger sitzen mögen/ nur allein ehr-
licher vnd Gottseliger gespreche halben.
Aber die Epicurische mastsewen/ die sich
der wollust vñ dem bauche gar zu leibeis-
gen vnd zu dienste ergeben haben/ sitzen
dar

darumb desto lenger / das sie sich mügen
toll vnd voll sauffen / vnd gar vberfüllen
one mas / vnd mehr denn ein vnuernünfftig
Thier.

Daher kömpts manchmal / das frome
vnd Gottsfürchtige Leute etwas zuviel
frölich werden / welches zwar nicht one
nachtheil irer person abgehet / Doch sol
man solches nicht freuentlich verdam-
men / wenn sie nicht mit trunckenheit sich
zu sehr beladen haben.

Denn die Regel Pauli ist ein allgemei-
ne Regel / welche alle Christen in iren ga-
stungen bedencken vñ halten sollē. Sauff-
et euch nicht vol weins / spricht er / **Ephe. 5.** daraus ein vnordig wesen folget /
Sondern werdet vol Geistes / vnd redet
vntereinander von Psalmen vnd Lob-
sengen / vnd Geistlichen liedern / Singet
vnd spielet dem Herrn in ewrem hertzen /
Vnd saget danck allezeit für alles / etc.
Wie erzelet der Apostel Paulus die rechte
zierde der Christlichen gastereyen / dauon
Homerus nichts weis / als nemlich / Psal-
men / lobsenge / vnd Geistliche lieder / Vñ
machtet einen vnterscheid zwischen frölig-
keit so aus trunckeheit herkömpt / vñ zwis-
schen heiliger fröligkeit / welche in der ver-
samlung

samlung frommer Christen aus schönen
Psalmen vnd gesengen herkömpt.

Das aber Paulus spricht: In ewrem
Hertzen. Wil er nicht/ das ein jder heim/
lich vnd bey sich selbst one stimme singe/
sondern das ein hertzlicher ernst beim
singen sein solle.

Sollen derhalben fromme Christen
zweyerley in iren gesengen zusammen brin/
gen/nemlich einen rechtschaffenen ernst
oder andacht/vnd die stimme/ dardurch
der Mensch zur andacht gereizt wird.
Dis sey gesagt / von der masse / die man
in fröligkeit halten sol.

7. Die zeit vber / so man bey der gaste/
rey bleiben sol / mus nicht zu lang sein/
Denn es sol einer nicht so lang harren/
bis das die gesellschaft anhebet toll zu
werden / sondern nur bis zur mitler zeit /
wenn die Leute noch mit bescheidenheit
frölich sein. Dis sol ein Pastor sonderlich
mercken/denn es sihet jderman auff in.

Es kan nichts vnflätigers sein / oder
gesagt werden/denn das ein Pastor trin/
cket den poculum infaniae / das ist / den
tollen suß (daruon droben gesagt) vnd
das er allezeit der letzte sey zu hause. Wer
ein solcher ist/beduncket mich/der sey viel
besser

besser zum Kùhirten oder Sewhirten /
denn zu einem Seelsorger / oder Hirten
der Schefflein Christi. Vnd solchenen-
net der Apostel Judas in seiner Epistel/
Vnfleter / die one schew prassen / vnd sich
selbst weiden. Die es für eine grosse wol-
lust halten / one sorge vnd in freuden les-
ben / sie beflecken sich selbst gar schend-
lich / vnd geben andern Leuten vrsach-
en zu folgen / vnd gleicherweis sich zu
besudeln.

Nu erfordert die gelegenheit / das ich
auch anzeige / was ein Pastor in Contras-
ten vnd hendeln bedenden sol.

Erstlich / sol sich ein Pastor hüten / das
er nicht vnehrliche handtirunge treibe /
oder schendliches gewinfts girig sey.

Darnach / das er sich in keine hendel
flecte / die in nichts angehen / wie solchs
gemeiniglich thun die fürwitzigen vnd
klugen in irem sinne / welche auch Isocra-
tes verdammet / der solchem laster des
fürwitz entgegen helt stilles vnd gerugs-
lichs leben / Welches denn Paulus auch
thut / 2. Thess. 3. Wir hören / spricht er /
das etliche fürwitz treiben / denen gebie-
ten wir / vnd ermanen sie / durch vnsern

N iij Herrent

Herrn Ihesum Christ/das sie mit stillem
wesen erbeiten/ etc.

Serner/sol er mit seinem exempel nicht
billichen das jenige / so er in andern ver-
dampft vnd schilt / Er sol nicht ein Bier
oder Weinschencke sein / nicht Kauff-
mans hendel treiben / nichts nicht auff-
wucher einkuffen/etc. Sondern er sol im
lassen benügen/ vnd mit seinem bernff zu
frieden sein / sich von seinem Ackerbau
vnd jerlichem einkommen erhalten / vnd
nehren. Hat er aber was vbriges/so ver-
kauffe ers wie es der Marckt bringt/ vnd
was werdt sey. Auch sol ers sparsam-
lich auff heben für sich/ sein weib vñ kin-
der / welche er sonderlich zu bedencen
hat/was es für ein armer hauffe nach sei-
nē tode sein würde/wen er vbel haushiel-
te. Weil er noch lebet/ so hats nicht not/
mit Gottes hülffe / Da geben die Baw-
ren jm vnd den seinen zu zeiten noch ein
Bückling/Aber wenn er stirbt /so wischt
man kaum die Schuch an sie.

Er sol sich auch hüten / das er nie-
mands nichts schuldig sey/denn das/das
er von natürlichem Rechten liglichem
schuldig ist / nemlich / liebe vnd freunds-
schafft.

schafft. Vnd hie wil ich nicht viel Re-
gel fürschreiben/ sondern er sehe nur auff
gute Exempel fromer Pastorn.

Vber das / sol auch ein Pfarherr meis-
den die Gerichtshendel vnd gezencke /
vnd viel lieber einen zimlichen schaden
erleiden / denn das er für Gerichte klage
vnd zancke / dardurch er denn dem Mini-
sterio vñ seiner Person nicht wenig schas-
dens thut.

Kürzlich / Es sol ein Seelsorger in al-
len handeln vnd geschesseten ehrlich vnd
aufrichtig handeln / vnd niemands ver-
fortheilen / darmit er nicht geitzes halben
einen bösen Namen erlange / Denn er sol
nicht allein diesen Namen vnd schedt-
liches laster / sondern auch allerley ver-
dacht vnd argwon fliehen / nicht anders
denn als eine verderbliche böse seuche vñ
Pestilentz.

Wenn ein Diener des Worts anseheth
zu geitzen / so gibt er sich den leuten in die
meuler / welche denn nicht allein in / son-
dern auch das heilige Ministerium les-
tern / vnd hassen. Drumb sol er sich hiers
innen fleissig fürsehen / das er nicht geiz-
es halben sich selbs vntüchtig / vnd das

N iij Ministe-

Ministerium bey den Leuten gehessig
mache. Denn dis were eine zwifache
Sünde.

Bisher habe ich meines bedunckens
gering angezeigt / wie sich ein Pastor in
gemeinem leben vnd wandel halten sol.
Denn es ist ja vermeldet worden / wie er
gegen jderman / wes standes der auch
sey / sich halten solle. Item / was für eine
masse er in kleidunge / geberden / Worten /
vñ gasterey halten solle. Item / wie im ge
büre auffrichtig zu handeln / in allen sei
nen handeln vnd geschessften / die im für
fallen. Nu wil auch nötig sein anzuzei
gen / wie sich ein Pfarherr in der versam
lung seiner Gemeine vnd Kirchen hal
ten vnd Christlich gebahren solle.

Warauff ein Pfarherr in der versamlunge seiner Kirchen sehen soll.

Die gemeine versamlunge heisse
sich alhie / die versamlunge vnd
zusamenkunft der Christen vnd
Pfarkinder in irer Kirchen / da sie zusam
men sich finden / Gottes wort anzuhö
ren / die heiligen Sacrament zugeniessen /
vnd

und für alle anligende not der Christlich
en Kirchen zu bitten. Denn dis sind die
drey fürnemsten vrsachen/darumb from
me Christen in der Kirchen zusammen
kommen.

Aus welchen denn erscheint / in was
dingen ein Pastor andern vorgehen/und
den fürzug haben sol. Denn wie der hei
lige Augustinus sagt / Es sol ein Pastor
in allen Göttlichen sachen also erfahren
und geschickt sein / das er als ein Hirte/
die andern aber als Schafe/ geachtet vñ
erkandt werden.

Sol derhalben erstlich ein Pastor wiss
sen/ das er in der Kirchen / so man Got
tes wort prediget/ gantz fleissig/ andern
zu gutem Exempel/zuhören solle. Denn
es sind etliche so gar gelert und heilig
(wo nicht vngelert und vnheilig) das/
wenn sie in eines andern Predigt kom
men / bringen sie dieselbe gantze zeit zu
mit schwagen / mit lesen / zu zeiten auch
mit schlaffen/gleich als gehörte sie Got
tes gebot nicht auch an/welches gebeut/
das iderman sein wort anhören und ler
nen sol.

Dieser jrthumb soll billich gestrafft
werden/ auff das sie nicht den zorn Got
tes

N v tes

tes noch sehrer auff sich laden/vnd gröss
serer verdammis schuldig werden.

Etliche thun es darumb / das nicht
jemandes gedencen sol/als müsten solche
hochgelerte gesellen von andern etwas
lernen / Denn das were jnen eine grosse
schande. Solche stolze köpffe/die der las-
düncfel so sehr gebissen hat / werden bil-
lich gehasset. Etliche wenden sonsten an-
dere kalte entschuldigung für.

Ich aber wil einem frommen Pasto-
ri das gerhaben haben / das er (doch one
hencheley) mit warer Gottseligkeit/vnd
fleissiger vbung in Gottes wort / allen
seinen Pfarkindern vorgehen vnd vber-
legen sein solle. Denn solchs wird jm gar
nützlich vnd gut sein.

Denn erstlich / so wird er durch die
mündliche stimme des Predigers/in sei-
ner lehre gestercket.

Darnach / so kan er zu zeiten auch et-
was lernen von dem/der gegen jm zurech-
nen gleich wie ein Idiota vnd Leye ist.
Denn vnser lieber Herrgott eröffenet
manchmal sein geheimnis durch geringe
vnansehnliche Leute / welches hoch-
gelerte vnd scharff sinnige Leute nicht
haben

haben erfinden noch ergründen können.

Es haben die thewre hohe Menner/
Doct. Martinus Lutherus / vnd Phi/
lippus Melanthon / beide seliger gedech/
tis / den brauch je vnd je gehalten / das
sie den Predigern gar fleissig zuhöreten /
Vnd haben hernach offtmals selbs bes/
kandt / das sie durch solche Predigten ges/
tröstet / vnd in der Lehre Confirmirt vnd
gestärcket worden sind.

Vber das / ist's vnserm lieben Gott gar
angenehme / vnd ein wolgefelliges werck /
Gottes wort anhören.

Letzlich / so gibt ein Pastor andern
Leuten hiermit gar ein nützlich Exem/
pel. Denn wenn die Leute sehen / das
ir Pfarherr selbs Gottes wort so fleissig
höret / werden sie bewogen / solchemnach
zufolgen / das Wort desto thewrer vnd
heiliger zu halten.

Darnach sol ein Pastor wissen / das
jme auch gebüre / in vnd mit seiner ge/
meine zu beten. Vnd hie sol er beden/
cken die noth der Kirchen / sein eige/
nes vnd gemeines anligen. Item / die
feinde der Kirchen / als da ist / der
Teuffel / Tyrannen vnd Ketzer / auch
alle

alle so vngöttlich leben/ vnd in mutwilli-
gen Sünden verstockt / vñ verblind sein.

Wenn er dieses betrachtet / sol er mit
der Kirchen Christi hertzlich Gott an-
ruffen/ das er sich seiner eigenen/ vnd ge-
meiner not der ganzen Kirchen anneh-
men/ vnd erbarmen wolle/ das er den Sa-
than mit allen seinen wercken vnd listi-
gen anschlegen dempffen / vnd die feinde
seiner Kirchen / Tyrannen vnd Ketzer/
entweder durch seine güte vnd gnade be-
keren / das sie mit allen rechten Christen
seines Reichs theilhaftig werden / oder
aber mit seinem gerichte jnen stercken vñ
wehren wolle/ auff das sie hinfürder der
Kirchen nicht größern vnd mehr scha-
den zufügen. Das auch Gott allerley
ergermis in Lehr vnd Leben/ gnediglich
verhüten / Seiner Christenheit friede
verleihen / Alle Christgleubigen in heili-
gem leben/ vnd Gottfürchtigem wandel
erhalten/ Vnsere Oberkeit in Christlich/
em gemüte stercken/ vnd alle Menschen/
hohes vnd nidriges Standes / in friede
vnd einigkeit zusammen verbinden. Den
Geistlichen/ Weltlichen/ vnd Hausregi-
ment / mit seiner hülffe beystehen wolle.
Kürzlich/ das vnser lieber Herr vñ Gott
sein

sein Reich teglich mehrren vnd stercken/
vnd dargegen des Teuffels Reich zersto-
ren/ vnd zu nichte machen wolle. Solchs
vnd dergleichen sol ein Pastor gar ernst-
lich vnd mit inniger andacht von Gott
bitten / Vnd also mit seinem Exempel
andere zur Gottseligkeit vnd zum Gebe-
te reitzen.

Wenn auch die Christen bey einander
versamlet sein / die heiligen Sacramen-
ten zureichen vñ zugenieffen / Sol hierin-
nen ein Pfarherr seinen fleis vnd Gottse-
ligkeit auch sehen lassen / seinen Glauben
beweisen / seine Sünde beichten vnd be-
kennen / vnd mit andern leuten oftmals
zum heiligen Sacrament kommen / vnd
dasselbige empfangen / Auff das die Zuhö-
rer durch sein Exempel gesterckt vnd be-
wegt werden / die heiligen Sacramenten
desto höher vnd werder zuachten.

Aber die Pastores / so selten das Sa-
crament empfangen / machen hiermit /
das die heilige Sacramenten bey den leu-
ten in verachtung kommen.

Von wegen dieser dreyer nötiger stü-
cken/ nemlich/ des Worts/ Gebets/ vnd
Sacramenten/ helt die Christliche Kirche
in irer versamlunge etliche gewisse Cere-
monien

monien/als mit Lektionen/Psalmen/vñ
andern Geistlichen gesungen/welche all/
samt dahin dienen / vnd gerichtet sein/
das durch solche der Geist / vnd die an/
dacht in den hertzen erwecket werde. Bey
solchen Ceremonien sol ein Pastor / do er
anders für fromb vnd Gottfürchtig wil
gehalten werden/auch sein/neben vñ mit
andern leuten / sein stim vñ hertz zu Gott
erheben/vñ in der gemein Gott rhümen/
vnd preisen. Etliche Pastores haltens
für eine grosse herrligkeit / das sie nicht
ehe in die Kirche gehen dörfßen / demt
wenn sie balde auff die Canzel steigen
sollen / Diese wissen noch nicht / was
Religio / Gottes Lob / oder Glaube sey/
etc.

Werdet vol Geistes / spricht Paulus
Ephes. 5. vnd redet vntereinander von
Psalmen / vnd Lobsengen / vnd Geist/
lichen Liedern / Singet vnd spielet dem
Herren in ewrem hertzen. Da er sagt: In
ewrem hertzen/verbeut er nicht/mit dem
munde vnd der stimme zu singen vnd
Gott zu loben / sondern das wil er/das
das mündliche singen nichts sey / wenn
nicht das hertz auch darbey sey. Drumb
sol nicht singen allein der mund / es sol
darbey

darbey auch sein des hertzens grund/Vñ
sol durch den Gesang das hertz zur an-
dacht vnd inniger brunst gegen Gott
angeregt vnd entzündet werden.

Dis sey kurtzlich gesagt / wie sich ein
Pfarherr in gemeiner Christlichen Kir-
chen vnd versamlunge halten sol. Folget
von bedencen vnd rathschlegen.

Warauff ein Pfarherr in be- denckungen vnd rathschlegen achtung haben sol.

Rirchenrathschlege oder bedencen
en/werden fürgenommen etwan
von einer streittigen sachen we-
gen in der Lehre/oder von des Ministerij
wegen/oder aber der ding halben/so ent-
weder zur Lehre/ oder zum Ministerio
gehören.

Die Lehre recht zuerkleren/ist von nö-
ten / das man die sprüche von den streit-
tigen Artickeln gegen einander halte /
vnd alsdenn darvon richte vnd schliesse.

Zum Ministerio gehören / die Wahl/
Beruffunge/ Approbirunge/ vnd Ordio-
nation der Kirchendiener.

Zur

Zur Lehre vnd zum Ministerio gehö-
ren/ die Ceremonien / Zucht / vnd Disci-
plin. Item/ die austeilunge des jerlichen
einkommens der Kirchen vnd Kirchen-
diener.

Vnd ich achte es darfür / das den O-
bersten vnd Vorstehern der Kirchen/
oder Kirchendienern/kein handel fürfal-
len müge / so nicht vnter diesen dreyen
stückē begriffen werde. Darumb so wil
ich anzeigen/ wie sich ein Pastor in solch-
en Kirchen vrteilen recht halten solle.

Wenn man sich beredet von streitiger
Lehre / so sol sich ein Pastor messig vnd
bescheiden halten. Vnd viel mehr dem
grunde vñ der warheit nachgehen / dem
dem siege vnd eigenem rhum / Zie sol er
dem Socrati nachfolgen / der seine wi-
derpart allezeit ehe denn er anfieng zu
disputiren / erinnerte vnd anredete auff
solche weise/ Lasset vns nicht allein suchē
welcher vberwinde / sondern viel mehr
wer die warheit rede.

Wenn nu ein Pastor also gesinnet/als
denn so mag er anderer Leut meinunge
hören / vnd die sprüche der Schrifft ge-
gen einander halten. Vnd wenn er ge-
fraget

fragt wird / sol er seine meinunge fein bescheiden darthun.

Wer nicht wil zugeben / das man die sprüche der Schrifft gegen einander halte / vnd aus denselbigem eine erklerunge so der Schrifft gemes sey / suche / der fället in viel vnrahts vnd irthumb.

Als zum Exempel. Paulus spricht 2. Thessal. 3. Wer nicht arbeitet / der sol auch nicht essen. So nu einer diese wort lese / vñ also drauff bestehen wolte / das er keinen Spruch dargegen halten / vnd zur erklerunge zulassen wolte / dardurch dieser gemeine Spruch auff besondere Personen vnd alter des Menschens gezogen würde / der würde fürwar / jungen Kindern vnd alten verlebten / oder sonst gebrechlichen Leuten / das Brot versagen müssen. Das denn gewislich ein böse Glossa / vnd vnchristlichs fürnemen sein würde.

Solcher Leute findet man viel / die zuzeiten einen spruch der Schrifft erhaschen / vnd halsstarriglich / gleich als mit beyden feusten halten vnd vertheidigen / darmit sie denn bisweilen wider die Artickel des Glaubens thun.

¶ Darumb

Darumb ist gantz von nöten/das man
in streittigen Artickeln die spruch gegen
einander halte mit bescheidenheit/Denn
also kömpt man endlich zu rechtem ver-
stande / so der heiligen Schrift ehnlich
vnd gemes ist.

Moses spricht Exod. 20. Du solt dir
kein Bildnis/nach irgend eine gleichnis
machen. Wer diesen Spruch ergreifen/
vnd nicht andere Spruch der Schrift
dargegen halten wil/der wird one zweif-
fel den Salomonem verdammen müs-
sen/der den Tempel des **HERREN**
mit Bildern vnd Gemelden gezieret
hat.

Darumb sol man aus der collation vñ
gegen einander haltunge der sprüche er-
lernen/ob man einen spruch/ schlecht hin
als wie die wort lauten/ verstehen solle/
Oder ob er zuuerstehen sey (wie die Dia-
lectici reden) κατὰ τὴν / Das ist/ von was
anders. Als wie diese des Salomonis
that / ist nicht schlecht hin / sondern von
was anders zuuerstehen.

Darnach sol man im Dijudiciren vr-
theilen / vnd im beschliessen sich hüten/
das die auslegung der schrift nicht wi-
der die Zehen gebot/oder die Artickel vn-
sers

fers Christlichen glaubens sey. Derhal-
ben gebeut auch Paulus/ Das die ausle-
gung der Schrifft dem Glauben gemess
vñ ehlich sey/ vñ nicht wider den grund
vñser Christlichen Religion streitte.

Man sol auch hierinne besehen den be-
schluss vñd meinunge der waren Christ-
lichen kirchen / Auch nicht verachten die
Lehrer/ welche mit reiner gesunder lehre
der kirchen je vñd je fürgestanden haben.

Aber die/ so viel mehr vñeinigkeit vñd
gezencfcs halben / denn von wegen der
warheit vñd Gottseligkeit / sich herfür
thun / vñ gleich als aus einer finstern vñ-
gehewren speluncfen herfür kriechē/ sind
mit nichten zuuergleichen mit denen / so
bey dreissig oder vierzig Jaren die reine
lehre des Euāgelij mit worten vñ schriff-
ten verfochten vñd vertediget haben.

Wenn sich ein Pastor nach solcher leh-
re vñ jzt fürgeschriebenen Regeln helt/
so thut er recht dran/ vñd wird zu friede
vñd einigkeit der kirchen behülfflich
vñd geneigt sein. Widerumb aber / die
auff irer meinung troziglich stehen vñd
verharren / vñd niemands hören wöl-
len / Auch die / so alles für lautere O-
racula / Heiligthumb vñd Engelwort
O ij halten/

halten/was jetziger zeit etliche newe Mei-
ster wider die Authoretet vnd Lehre ho-
her Gottfürchtiger Leute/schreyen vnd
schreibē/die zur stören den Frieden Christ-
licher Kirchen / vnd sind schuldig des
zwisspalts vnd der verwirrung der ge-
wissen. Werden auch von Gott ire bil-
liche straffe erlangen.

Wenn man sich vnterredet / von we-
gen des Ministerij / sol sich ein Pastor/
gleicher weise wie zuuorn / bescheiden
halten / vnd sol neben andern helfen er-
welen / solche Leute vnd Personen / so
zum Kirchenamt nützlich vñ tüchtig sein.
Er sol sich aber hie hüten / das er nichts
thue aus eigenen Affecten / aus gunst/
oder vngunst. Das er auch die / so mit er-
welet/helffe beruffen/Ordiniren/ vnd be-
stetigen/vnd vnsern Herrgott für sie an-
ruffe / auff das er sie mit seinem heiligen
Geiste jetz vnd allezeit regiren vnd führen
wölle.

Wenn man von Ceremonien handelt/
sol ein Pastor rathen / das man die Kirche
nicht mit viel Ceremonien beschweren
wölle.

Ists aber ja sache/das etliche Ceremo-
nien solten abgeschafft werden / sol er
fleissig

fleißig auffſehens haben / was für man-
gel an ſolchen ſein möge. Denn gleich wie
man gemeine Weltliche geſetze vñ Bür-
gerliche Statordnungen one nachtheil
oder ergermis nicht kan abthun / Also kan
man auch in den Ceremonien / one erger-
nis des gemeinen pöbels / nicht leichtlich
etwas endern. Drumb ſol man diſſals
fürſichtiglich handeln / damit nicht die
verenderung mehr böſes denn gutes
ſtifte.

So man aber newe Ceremonien anrich-
ten wolte / ſol er fleißig achtunge haben /
das ſie nicht zu kindiſch / müßig / aber-
glaubich / oder vngeschickt ſein. Denn
man ſol in verrichtung der Gottes-
dienſte keine Ceremonien ordnen oder
zulassen / wenn ſie nicht dienen zu erhal-
tung der Gottſeligkeit / ehrbarkeit vñ
zucht.

Vñ wiewol michs gerachtener ſein /
beduncket / das man in den Kirchen / ſo
Reformiret / vñ zimlich wol beſtellet
ſein / keine Mutation vñ verenderung
in den Ceremonien zulasse / Habe ich doch
gleichwol dieſen rath geben / das ein from-
mer Paſtor gedencen ſolle / warauff er

O iij ſehen /

sehen müsse/ wenn man von Ceremonien
sich vnterredet vnd berathschlaget.

Folget von der Disciplin/ welche zu gu-
ten sitten dienlich ist. Wenn von dieser
Disciplin vnd zucht gehandelt wird / sol
sich ein Pastor sein vernünfftig halten/
so wird er nicht leichtlich vnrecht faren/
oder handeln.

Wie es vmb solche züchtigung sol ges-
than sein / zeigt der Apostel Paulus an/
1. Tim. 5. da er eine solche Regel setzet/
Einen Alten schelte nicht / sondern erma-
ne in als einen Vater / die jungen als die
brüder / die alten weiber als die Mütter /
die jungen weiber als die Schwestern/
mit aller Keuscheit.

Das ist / wenn irgend ein alter angekla-
get / vnd vberwunden wird seiner mis-
handlung halben / so straffe oder schel-
te in nicht zu vngestüme vnd vbel / gleich
als hettestu gewalt vber in / sondern / also
handel mit in / das er deine straffwort /
als die aus freundlichem geneigtem her-
zen herkommen / anneme vnd verstehe.

Etliche wenn sie jemandes seiner mishan-
delunge halben straffen sollen / stellen sie
sich so gar zornig vnd vngeberdig / nicht
anders / als hetten sie keine sinnen mehr.
Vnd

Wollen al-
manne men-
schen / so sie
das vberseh-
en / vnd
kommen wor-
dechtig auf.
Dieses ist
das man d-
deren sol /
mit. Den
Zuchtmei-
mit feind-
delt. Wd
mans guter
thue / kan d-
strafft oder
Die Jun-
wird ein J-
strefflich b-
einen feind-
de / wie du e-
in meine st.
Die alten
ist / wenn sich
digen / entwe-
leumbdens /
sey nit gar zu

Vnd wollen alsden für geherzte/strenge
vñ ernste menner in irem ampt gehalten
werden / so sie iergend einen armen Man/
der es vbersehen vnd gesündiget hat/ans
treffen / vnd in mit vngestümen vnbes
quemen worten ganz zornig vnd vnbes
dechtig anfahren / drücken vnd betrüben.

Dieses ist vnrecht/denn es wil Paulus/
das man die straffe temperiren vnd lins
deren sol / mit freundlichkeit vnd sanffte
mut. Den es wil nicht gern jmands einen
Zuchtmeister oder Richter haben / der
mit feindseligem gemüt gegen im han
delt. Widerumb / wo man weis / das
mans guter meinunge vnd gunst halben
thue / kan jderman wol leiden/ das er ge
strafft oder gescholten werde.

Die Jungen / als die Brüder / das ist/
wird ein Junger bey dir angeklaget/vnd
strefflich befunden/so schelte in nicht als
einen feind / Sondern also / das er besin
de/wie du es gar gut vnd brüderlich mit
im meinst.

Die alten weiber/als die Mütter/das
ist/wen sichs zutregt/das alte weiber sün
digen/entweder mit viel schwatzens / ver
leumbdens/nachredens/vñ dergleichē/so
sey mit gar zu streng/ vñ mit worten hart

O iiii gegen

gegen sie/ sondern also straffe sie / das sie
es zur besserunge mögen annehmen.

Die jungen Weiber ermane als die
Schwestere/das ist/Wenn junge weiber
sündigē/entweder aus vnwissenheit oder
gebrechligkeit/oder noch von wegen ires
geringen alters / so sey nicht gar zu ge-
schwinde gegen sie/ Sondern handel ge-
gen inen mit deiner straffe also / das sie
dein Brüderliches hertz vermercken mü-
gen.

Denn gleich wie eine Arzney / so mit
süßem geschmack temperirt vñ zuberei-
tet wird / dem Krancken desto eher ein-
gehet / vnd geneme ist/ Also ist auch die
straffe / welche aus guter wolmeinunge
vñ auffrichtigem hertzen herkömpt/ viel
krefftiger/angenemer vnd stercker. Doch
mus zwischen solcher hertzlicher trewer
straffe / vnd der schedlichen Senche der
heucheley/ein vnterscheid gehalten wer-
den. Darumb sihe zu / das du gegen i-
derman freundlich seiest / aber nicht heuch-
lich / Denn heucheley ist eine verfüh-
rung zum Tode / Aber ein Christlich /
freundlich hertz / ist eine anleitung zum
Leben vnd zur gesundheit.

Letztlich

Lezlich setzet Paulus hinzu / Mit al-
ler keuscheit / welches zwar auff alle vo-
rige vier stücke zuziehen ist. Denn hiermit
lehret er / das die straffe aus einem ehr-
liebenden züchtigen hertzen herkommen
müsse / das es mit iderman gerne gut mei-
ne / vñ nicht seinen eigenen affecten folge.

Es sind etliche / die sich frewen vber
dem fall der jenigen / denen sie gefehr/
oder vngünstig sein / oder von denen sie
auff ein zeit sind beleidiget worden. Vnd
solches geschicht darumb / das sie nu eine
vrsache (wie sie sich lassen bedüncken)
ergriffen / sie von solches fals wegen nach
irem wolgefallen zu schelten / schnöde an-
zufahren / vnd zu straffen. Aber solche
straffe ist nicht keusch oder rein / ansehen-
lich oder ehrlich / sondern sie ist verfelsch-
et vñ beschmitzet mit eigenen bösen Af-
fecten / vnd kömpt her aus leichtfertig-
keit eines verwundten vnd vngesunden
hertzens.

Darumb wenn ein Pastor straffen sol
oder wil / befihlet im Paulus / das er mäs-
sig / vernünfftig oder linde sein solle. Den
gleich wie eine Arzney die etwas herbe
oder bitter ist / irgendt einen zusatz be-
kömpt / auff das sich der krancke nicht

Q v dar

darfür schewe. Also sol der ernst / der in
straffworten allzeit sein mus / gelindert
vnd etwas gesenfftiget werden / auff das
der / so gesündiget / nicht durch vngestü-
migkeit abgeschreckt / vnd hernach viel
erger werde.

Wenn man vom einkomen der Pfar-
ren vnd Kirchen handelt / sol sich ein Pas-
stor für zweyerley hüten. Erstlich / das
er nicht aus geitz etwas rede oder fürne-
me. Zum andern / das er nicht irgendet
aus einem sonderlichem Affect / aus
gunst / oder vngunst / solches einkommen
auszuthailen / rhate. Denn diese stücke
alle beide / sind an einem Pastori nicht
wol zu gedulden. Darumb sol ein Pastor
sich hierinnen auch recht halten.

Wenn man vom einkomen vnd jерli-
cher besoldunge handelt / so sol solchs ges-
schehen nach gebür / nach gelegenheit des
orths / vnd nach dem stande der Person.

Wenn man von dem / was vbrig sein
mag / den Armen etwas mittheilen wil /
sol man ansehen / nicht gunst vnd freunds-
schafft / sondern die frömmigkeit vnd not-
turfft. Denn die Leute thun viel dings
nach gunst vnd vngunst. Ein Pastor
aber sol diese Regel halten / Wenn im
gute

gute fründe et
re ammen / o
as nicht thun
für vnd Gott
geben.

Dis sey ges
ter anleitun
alten sol in
en vnd wan

Vom 2
stücke / das
gers betref
lein Ch
vnd

Shat
gesagt
ars art
ein kunst v
weisen / da
einer Ampt
kunst / fleis
Aber es si
vres sein /

gute freunde etwas / so ihnen nicht gebü-
ret / annuten / oder von ihm begeren / so sol
ers nicht thun / sondern er sol gerechtig-
keit vnd Gottseligkeit allen dingen für-
ziehen.

Dis sey gesagt vom dritten stücke vn-
serer anleitung / wie sich ein Pfarherr
halten sol in eusserlichem weltlichem le-
ben vnd wandel.

**Vom Vierden vnd letzten
stücke / das Ampt eines Seelsor-
gers betreffende / Wie er den Scheff-
lein Christi recht vorstehen /
vnd mit gesunder Leh-
re sie weiden
soll.**

Es hat einer aus den Vetern recht
gesagt : Regimen animarum est
ars artium. Das ist / die Seelsorge
ist ein kunst vber alle künste / darmit an-
zuzeigen / das das Pfarrampt gar ein
schwer Ampt sey / vnd hierzu besondere
kunst / fleis / vnd geschicklichkeit gehö-
re. Aber es sind leider irer viel / die Pas-
tores sein / vnd sein wollen / die gar
wol

wol bedürfften das man sie lerete vnd
weidete/ geschweige denn/das sie andere
weiden oder lehren solten.

Vñ solche personen suchen zwar nicht
irer Schefflein frommen /vnd seligkeit/
sondern jr eigener nutz treibet sie. Solch
en were es besser/das sie noch nie geboren
weren / Denn sie heuffen jnen selbst den
zorn/ auff den tag des zorns / vnd der of
fenbarung des gerechten gerichtes Got
tes/Rom. 2.

Solche leute würden eine solche schwe
re last / die sie doch nicht ertragen kön
nen/vnd viel zu geringe darzu sind/ nicht
so leichtlich auff sich laden/wenn sie wü
ßten oder bedechten / was es für eine ge
legenheit hette mit dem Schaffstalle
Christi/ Oder aber bedechten / wie herr
lich/schöne/vnd Gott wolgefellig sey die
gemeinschaft der schefflein Christi/ vn
ter welchen ist/herrschet vnd wonet/ der
Herre / dem Sonne vnd Mond dienen/
Auff welches seiten stehen tausent mal
tausent/ vnd zehen hundert mal tausent
stehen für jm / Dan. 7. Oder wenn sie
verstünden/wie ein trefflich schwer ding
es sey / vnserm Herren Christo ein volck
zu zurichten/das ist/dem Herren Christo
sein

sein Reich erbarwen vnd stercken / vnd
dargegen des Teuffels Reich zerstören.

Wir verstören / spricht Paulus / 2. Co-
rinth. 10. die anschlege / vnd alle höhe /
die sich erhebet wider das erkendnis
Gottes / vnd nemen gefangen alle ver-
nuunst / vnter den gehorsam Christi.

Dieweil denn eines Pfarherrs Ampt
so herrlich / so hoch / wichtig vnd gefehr-
lich / ja Göttlich ist / thuts hoch von nö-
ten / das ein Pastor recht vnterwiesen
werde / das er wisse / was seinem Ampt
gebüre / auff das nicht / weil er ein Hirte
der Schaffe Christi wil geachtet sein / er
zum reissenden Wolsse werde / der die
Schaffe jemerlich zerreisse / erwürge / vñ
vom rechten Schaffstal abfüre.

Darumb habe ich mir fürgenomen /
meinen Pastoren müglichs fleisses zum-
terichten / vñ die stück / so zu seinem Ampt
gehörig / anzuzeigen / Auff das er aus
Gottes wort eine gewisse form vnd Re-
gel habe / wie er hierinne leben / vnd sich
halten solle. Der ewige Erzhirte Chris-
tus Ihesus der wolle mein gemüth vnd
feder führen vnd regieren / Amen.

Das

Das ich aber solchs recht vnd gründ-
lich anzeigen möge / wil ich deutlich vnd
ordentlich von vier stücken handeln.

1. Was eines Pfarherrs Ampt sey.
2. Was für gewalt die Diener des
Worts haben.
3. Belohnunge des fleis vnd der trewe
im Predigampt.
4. Straffe der nachlässigkeit in solch-
em Ampte.

Wenn jemand gefraget würde / was
eines Pfarherrs Ampt were / Ist hiers
auff eine richtige vñ kurze antwort / das
einer sage / Es sey / Weiden / das ist / leh-
ren. Aber die kunst weidens / vnd die
stücke / so darzu gehören / können nicht
so kurz mit einem wort dargethan wer-
den.

Auff das aber mein Pastor bedencfen
müge / wie herrlich / Göttlich / vnd hoch
sein Ampt sey / wil ich erstlich die Tittel
vnd Namen anzeigen / die jm der heilige
Geist gibt.

Darnach wil ich auch anzeigen / was
jm zu stetigem fleis in seinem Ampt be-
wegen vnd treiben sol.

Endt

Endtlich wil ich für mich nemen / Die
Kunst zu weiden / sampt iren stücken / so
dazu gehören / Auff das er nicht allein
eine gemeine / sondern viel mehr eine ei-
gene / sonderliche vnd deutliche anlei-
tunge habe / wie er sich allenthalben
recht / als ein Diener Gottes / halten könn-
ne vnd solle.

Vnter vielen Titteln / welche der hei-
lige Geist den Dienern des Worts gibt /
sind dis fast die fürnemeste. Propheten /
Wechter / Posam Gottes / Ausrüffer
Gottes / Gesandte vnd Knechte Got-
tes / Zeugen Gottes / Bischoffe / Haus-
halter der geheimnis Gottes / Bawmeis-
ter / Licht der Welt / Salz der Erden /
Menschen Fischer / Seemänner / oder
Ackerleut / Priester / Hirten / etc. vnd derg-
leichen.

Solche vnd dergleichen Tittel viel
mehr / commendiren vñ erheben nicht al-
lein das Ampt eines Pfarherrs / sondern
mahlen auch dasselbige gar schön ab /
gleich als mit besondern / künstlichen
gleichnissen / vñ farben. Wollen derhal-
ben solche Tittel kürzlich erkleren.

Propheten werdē sie genennet / erstlich
darumb / das sie von künsttigen dingen /
nach

nach dem Beschlus vnd wort Gottes/
als von der seligkeit der Gleybigen / vnd
von der verdammis der gottlosen reden/
vñ dieselbe zu vor verkündigen. Darnach
darumb / das sie die Propheceyen vnd al-
te weissagungen dem volck fürlegen vnd
erkleren. Dieser Titel erinnert die Pasto-
res / das sie der Kirchen Christi nicht ir-
eigen gutduncken predigen sollen / son-
dern nur allein das / das Gott selbst geres-
det hat / nach ausweisung des Bundes
mit den Leuiten.

Der Wechter Name begreiffet zwey
stücke in sich / nemlich / der Weltlichen vñ
Geistlichen Regiment / welche vnser
Herrgott / gleich als zwey Augen am lei-
be / die Kirche zu regiren geordnet hat.
Wenn diese Augen schalckhafftig vnd
finster sein / bringen sie der Kirchen einen
mercklichen vnd verdamlichen schaden /
also / das jr nichts schedlichers noch ver-
derblichers widerfaren köndte. Sind sie
aber rein vnd liechte / so kan nichts lieb-
lichers / seligers / vnd gewündschters der
Kirchen zu handen komen.

Idoch so werden die Diener des worts
auch sonderlich Wechter genandt / dar-
umb das sie gleich als auff einer Warte
stehen /

stehen / vnd für die Seelen irer befohlen
nen Schaffe wachen sollen. Denn gleich
wie in kriegsleufften etliche wechter auff
die Schiltwache verordnet werden /
damit nicht die Bürger vnuersehens
vberfallen vnd geschlagen werden. Also
sind auch die Kirchendiener auff die wa-
che gestellet / auff das sie ire Schefflein
fürm anlauff vñ gewalt der feinde schüt-
zen vnd warnen sollen.

Erinnert derhalben dieser Name die
Kirchendiener von zweyerley dingen /
Nemlich / von den feinden der Kirchen/
welche der lehre vnd irem wandel nach-
stellen. Vnd von der Wache / welche die
Diener Christi halten sollen / vñ den feind-
den wehren / das sie nicht mit list oder
gewalt die Kirche angreifen vnd ver-
wüsten. Lieber / was sind nu das für
Wechter / die weder anderer / noch irer ei-
genen laster nichts achten / vnd stets toll
vnd voll sein?

Es werden die Prediger auch eine Pos-
sain Gottes genennet / Esa. 58. Ruffe
getrost / schone nicht / Erhebe deine stim-
me wie eine Posaune / vnd verkündige
meinem Volck jr vbertretten / vnd dem
Hause Jacob ire Sünde. Mit diesem

p Tittel

Tittel wird angezeigt / das die Diener
Christi den gottlosen stets absagen müß
sen. Auch werden sie erinnert / das sie eine
scherffe vnd rechten ernst fürwenden sol
len / gegen den Heuchlern / die in jren Las
tern jnen selbst wolgefallen / das solche
geoffenbaret / vnd zu erkentnis jrer sünd
den geführet werden. Denn so die Pres
diger nur allein vom Euangelio vñ dem
Gesetze lehren / vnd anzeigen wie man
heilig vnd vnstrefflich leben solte / lobes
ten auch den waren Gottesdienst / vnd
strafften die laster in gemein / vnd gesche
he doch solchs one einer vñ ernst. Lieber /
was würden sie doch bey den Gleisnern
vnd Heuchlern ausrichten? Drumb mus
in der Lehre eine scherffe vnd ernst ges
braucht werden. Es mus die stimme ei
nes Predigers sein / wie eine helle Posau
ne / dardurch die Leut zum streit wider
den Teuffel vnd Sünde gereizet vnd er
fordert werden.

Ausrüffer Gottes werden sie genant
net / nach dem wort / κηρυξάτε / das ist /
schreyet vnd ruffet gleich wie die Aus
ruffer. Hierdurch werden die Predican
ten erinnert / das die Predigt des Euang
gelij

gelij eine al
das jnen in
solche zune
ge zuoffen
Predigt d
vergebun
tragen v

Sie
Gesandt
net. Ge
sie nicht
bringen
sollen ist
denen / zu
welche j
das / das
nicht G
boten v
den sie
jrer eig
scheffte

Zeugen
Luc. 24
Denn we
zeugnis g
so dis W
gen gene

gely eine allgemeine Predigt sey / vnd
das jnen nicht gebüren wölle / etlichen
solche zunerhalten / vnd andern dieselbi-
ge zuoffenbaren / Sondern sie sollen die
Predigt des Euangelij / von Busse vnd
vergebung der Sünden / aller Welt für-
tragen vnd verkündigen.

Sie werden auch Legaten / das ist /
Gesandten vnd Knechte Gottes genen-
net. Gesandten heißen sie darumb / das
sie nichts von dem jren auff die Ban
bringen / sondern nur allein was jnen be-
fohlen ist / verkündigen sollen / vnd solchs
denen / zu welchen sie gesandt sein. Denn
welche ire Treume herfür bringen / oder
das / das jnen Gott nicht befohlen / sind
nicht Gottes / sondern des Teuffels Vor-
boten vnd Gesandten. Knechte wer-
den sie darumb genennet / das sie nicht
irer eigenen / Sondern ihres Herren Ge-
scheffte warten vnd ausrichten sollen.

Zeugen werden die Prediger genennet /
Luc. 24. Ir aber seid des alles Zeugen.
Denn weil Gottes wort in der schrift ein
zeugnis genennet wird / so werden die /
so dis Wort verkündigen / billich Zeu-
gen genennet. Es wird aber Gottes
p ij wort

wort darumb ein zeugnis geheissen / das
es von Gottes willen gegen vns zeuget.
Hieraus sol ein Pastor sich dreyer ding
erinnern.

Erstlich / das man Gottes willen nicht
anderswo suchen oder erforschen solle /
denn in seinem gezeugnis / das ist / im
Wort / wie es die lieben Propheten vnd
Apostel beschrieben haben.

Darnach / das man künlich verdamm
men solle / alles was die Menschen in Res
ligions vnd Glaubens sachen / vber vnd
wider das öffentliche wort Gottes für
nehmen oder erdencken.

Zum dritten / das sich ein Pfarherr
eben fürschen sol / damit er solche zeugnis
nicht verberge / oder nicht recht brauche
vnd Applicire / Sondern das er fleis an
kere / zu sein ein getreuer Gottes zeuge /
gleich wie das zeugnis an sich selbs ges
trew vnd gewis ist / vnd machet die Als
bern weise.

Bischoffe. Dis ist auch ein gemeiner
Tittel aller Diener des Worts / Wiewol
jgunder der brauch worden / das nur die /
so auff andere ein einsehen haben sol
len / damit sie jr Ampt recht ausrichten /
also genennet werden. Welches zwar
scheis

schiet / als
Sprache des
namen der
sol / den v
Episcopi
mercker / e
wird der
für einen
Einscher
lerley St
men auff
zugehöre
haben / an
Lehre erh
ein Gott
Bey dem
braucht /
schickt w
Indiern
auffmerc
lichen La
chem he
kondten.
pus ein be
welche ma
te in die S
gebiete wa
net Episco

scheinet/ als verachte man die wort vnd
Sprache des heiligen Geistes. Denn den
namen der allen gehöret vnd gemein sein
sol/ den wollen wir nur etlichen geben.

Episcopus oder Bischoff/ ist ein Auff-
mercker/ ein Einscher. Bey dem Plato
wird der Name Episcopus gebraucht/
für einen Vorsteher/ oder Verwalter vñ
Einscher der Geschefte in iden vnd als
lerley Stenden. Daher ist der Name kom-
men auff die Diener des Worts/ denen
zugehöret/ das sie ein fleissiges einsehen
haben/ auff das bey den Zuhörern reine
Lehre erhalten/ vnd nach der selben lehre
ein Gottseliger Wandel gefüret werde.
Bey dem Homero wird dieser Name ge-
braucht/ für einen/ der anderswo hin ge-
schickt wird/ etwas zuerkunden. Bey den
Indiern/ waren das die Episcopi/ die ein
auffmerckens hatten/ was in einem jeg-
lichen Lande sich zutrug/ das sie von sol-
chem hernach ire Oberkeit berichten
kondten. Bey den Athenern war Episco-
pus ein besondere Oberkeit vnd Person/
welche man Recht zusprechen/ verschie-
te in die Stedte vnd örte/ die vnter irem
gebiete waren. Cicero ad Atticum/ nens
net Episcopum/ bey welchem die Wahl

P iij vnd

vnd höchste gewalt stunde. Die Andro-
macha beim Homero/nemet den Hector
rem einen Episcopum Troia / das ist / ei-
nen Handhaber vnd Beschützer des Va-
terlands/ etc.

Vnd zwar solche bedeutunge/reimen
sich gar wol auff die / die wir jetzt Bis-
choffe/ oder Superintendenten nennen.
Denn diese sind darumb da/ vnd verorde-
net/ das sie ein einsehen haben sollen/ wie
es in Pfarren vnd Kirchen / so vnter
irem Kreise gelegen / zugehe / mit Pres-
digen/ Sacramenten/ vnd allen Gottes-
diensten.

Bey diesen stehet auch die gewalt recht
zusprechen / nicht aber nach irem Kopfs-
fe / sondern nach ausdrücklichem wort
Gottes / vnd nach der Regel der waren
Gottseligkeit vnd zucht. Vnd solchs sol-
len sie thun in dem kreis vñ verwaltunge
so inen befohlen. Bey diesen stehet auch
die wahl / vnd fürnemster handel / diese
sind beschützer vñ vorsteher der kirchen
Christi / Nicht aber also / das sie drum
gedencken wolten/ weil sie in einem solch-
en Ampt sein / so weren sie nu irer Per-
son halben vnschuldig/ vnstrefflich/ vnd
aller gesetze vberhaben. Denn sie müssen
dem

den besten
wegen irer
schafft geben
haushalt
Cor. 4. D
emlich/ für
alter vber
Erstlich
res/ Diene
sie für ein
dem wort
Gottes. D
sich ist Amp
das sie die
gen vnd au
nen Gott b
ben/ das so
umb in di
nach irem
det/ nach C
Vnd wer
Schlüssel b
ir Herren
schließen. E
digen vnd
von irem He
gen haben /

dem obersten Herren aller Herren / von
wegen irer Haushaltungen auch rechen-
schafft geben.

Haushalter der geheimnis Gottes /
1. Cor. 4. Darfür halte vns jederman/
nemlich / für Christus Diener / vñ Haus-
halter vber Gottes geheimnis.

Erstlich nennet der Apostel die Pastro-
res / Diener. Darnach erkläret er / was
sie für ein Dienst haben / vnd solches in
dem wort / Haushalter der geheimnis
Gottes. Dardurch angezeigt wird / das
sich jr Ampt nicht weiter erstreckt / denn
das sie die geheimnis Gottes verkündi-
gen vnd austheilen sollen / Das ist / was
jnen Gott befohlen / vñ in ire hende gege-
ben / das sollen sie andern Leuten wider-
umb in die hende reichen / Nicht aber
nach irem gefallen / sondern wie gemel-
det / nach Gottes befehl.

Vnd weil die Haushalter irer Herren
Schlüssel bey sich tragen / darmit nach
irer Herren gefallen / auff vnd zu zu-
schliessen. Sagt man auch von den Pre-
digern vnd Dienern des Worts / das sie
von irem Herren die Schlüssel empfan-
gen haben / mit welchen sie den Himmel
p iij auff

auff vnd zuschliessen. Welches also geschicht.

Wenn sie predigen das Euangelium von Busse vnd vergebung der Sünden durch Christum / so brauchen sie den einen Schlüssel / darmit Gottes Reich wird auffgeschlossen. Wenn die Zuhörer solchem worte glauben / so werden sie zur Thür des Himmels eingelassen. Gleuben aber die Zuhörer nicht / alsdenn so brauchen sie den ander Schlüssel / vnd schliessen den Himmel zu / wie der Spruch lautet : Wer nicht gleubet / der ist verdampft. Dieses Ampt oder gewalt der Schlüssel ist Geistlich / darvon hernachmals weiter sol gemeldet werden.

Baromeister. 1. Cor. 3. Ich von Gottes gnaden / die mir gegeben ist / habe den Grundt gelegt als ein weiser Baromeister / ein ander bauet darauff. Ein iedlicher aber sehe zu / wie er darauff bawe. Einen andern grundt kan zwar niemand legen ausser dem / der gelegt ist / welcher ist Ihesus Christ.

Diese vergleichunge eines Pastoris mit ein Baromeister / lehret dreyerley.
1. Das Christus der rechte grundt sey.
2. Das die Kirche ein geber sey. 3. Das
die

die Kirchendiener Barmeister sein/wel-
che hie erinnert werden / das sie nichts
aufferhalb dieses grundes barwen / Son-
dern das sie alles nach der Richtschnur
dieses Fundaments richten sollen. Vnd
wird hiermit nicht allein angezeigt die
würdigkeit der Diener des Wortes / vnd
ir Ampt/sondern auch die kunst vñ rech-
te art zu barwen.

Das Licht der Welt. Matth. 5. Ir
seid das Licht der Welt. Vnd wiewol
alle frome Christen / so mit dem Licht
der ewigen Himlischen Lehre begnadet
vnd erleuchtet sein / Kinder des Lichtes
genennet werden / die da brennende lam-
pen in jren henden tragen sollen / auff das
sie nicht irren / vnd in finsternis gerhas-
ten. Doch weil die Diener des Wortes
sonderlich für andern leuchten sollen /
gibt jnen Christus diesen Tittel nicht vn-
billich / mit dem befehle : Also lasset ewer
Licht leuchten / spricht er / für den Leu-
ten / das sie ewre gute werck sehen / vnd
ewren Vater im Himmel preisen. Es ist
aber das Licht zweyerley / nemlich / in
der Lehre / vnd im Leben. Es sol beides
scheinen bey denen / so für rechtschaffene
Pastores vñ Seelsorger wollen gehalten
sein.

p v Das

Das Salz der Erden. Matth. 5. Dieser Tittel lehret / das die Prediger das Erdreich salzen sollen / Denn es haben die Menschen keinen geschmack an sich / wo sie nicht mit dem Salz himlischer lehre gewürzet vnd eingesalzet werden. Sollen sich derhalben die Diener des Worts hüten / das sie nicht selbs vngesalzen sein / weil sie andere mit dem Salz der Lehre vñ des Lebens salzen sollen. Von der bedeutunge des Salzs ist droben gesagt.

Menschen Fischer. Matth. 4. Folget mir nach / Ich wil euch zu Menschen Fischer machen.

Ein Fischnetze / vñ das wort Gottes / Das Fischen / vnd das predigen / Fischer vnd Prediger / das Meer vnd die Welt / haben eine gleichförmigkeit gegen einander.

Gleich wie ein Fischnetze viel löchlein hat / Also hat das wort Gottes viel zeugnis vnd Exempel.

Gleich wie man im fischen grosse vnd kleine Fische fehet / Also werden durch die Predigt / Weisen vnd Unweisen / Edel vnd Vnedel / Reiche vnd Armen / gefangen vnd zu Gott bekeret.

Gleich

den. Matth. 4. Die
s die Prediger da
n. Dais haben die
schmact m sich / wo
als. Vnnd so lehre
salger werden. Sol
ie Diener des Wort
de selbs vngelich
mit dem Salge
s salgen sollen. Vn
Salgs ist drohen

Gleich wie die Fischer die ganze nacht
vber arbeiten / auff das sie etwas fahen
mügen / Also sollen die diener des Worts
ir lebenlang sich beflüssigen menschen zu
fahen mit der Predigt / vnd solche dem
Herren Christo zu zuführen.

Gleich wie das Meer vngestüme / vnd
den Fischern offtmals sehr gefehrlich
ist / Also höret die Welt nicht auff / den
Predicanten allerley vnflug vnd not anz
zulegen.

Matth. 4. So
ich zu Menschen
as wort Gottes
predigen / Fischer
er und die Welt
nigkeit gegen ein
merze vnd löchlein
t Gottes vnd zung

Sollen derhalben die Diener des worts
durch solche Collation vñ vergleichunge
sich erinnern des stetigen fleisses in irem
Ampt. Item / der gefahr / so sie von den
Wasserwogen stets zugewart haben.
Doch sollen sie nichts desto weniger ire
Merze auff das Wort / vnd den Namen
Christi auswerffen / Den Christus thuts
vnd schaffets alleine / das man nicht verz
geblich fische.

Seemänner vnd Ackerleute. Dieser
Name erinnert sie von viererley stücken.

Erstlich / das die Leute einem Acker
verglichen werden.

Zum andern / das es mit dem Wort /
gleich als mit dem Samen gethan sey.

Zum

Zum dritten/ Das Seelente vñ Acker-
leute figürlich die Prediger bedeuten.

Zum vierden / das des Samens krafft
vñ gewechse/ das ist/ die wirkunge Göt-
liches worts / allein von Gott hercome.
Denn gleich wie ein Ackerman seiner ar-
beit genug gethan/ wenn er den samen in
den Acker wirfft/ vnter eget/ vnd beschie-
cket/ vnd kan doch gleichwol nicht mach-
en/ das der Same frucht bringe / Also
wo das Wort geprediget wird / bringet
es keine frucht / wenn es nicht von oben
herab mit Himlischem wasser begossen
wird. Vnd gleich wie ein Ackerman das
Erdtreich pflügen/ wenden / thüngen/
egen/ walzen / vnd schlichten mus / das
es etwas bringe. Also ist auch mit ei-
nem Diener des Worts/ Denn er mus die
hertzen der Menschen auffpflügen mit
der Gesetzpredigt/ vñ sie tüchtig machen
zum Himlischen samen / das ist/ zum Eu-
angelio Christi.

Priester/ Presbyteri / Das ist / Alten.
Dieser Tittel wird inen gegeben / nicht
allein von Alters wegen/ Sondern auch
jres Standes vnd Würdigkeit halben.
Es werden aber die Diener des Worts
hiermit erinnert / das sie nicht vnbesten-
dig/

big/wandelmütig vnd leichtfertig sein/
sondern das sie sich ehrbar/dapffer vnd
Manlich halten sollen/ als wie Gotts
fürchtigen vnd ehrliebenden zuschreihet/
Auff das sie ein ansehen bey dem Volck
haben vnd behalten.

Hirten/ werden sie am meisten in der
Schrift genant/ Gleich wie auch welt-
liche Regenten bey den Propheten/ vnd
im Homero Hirten genennet werden.

Dieser Name/erkleret was der Predi-
ger Ampt/ vnd sorge sein solle/ die denn
vielerley ist. Item/ was es für eine geles-
enheit habe mit denen/ so das Euanges-
elium hören.

Ir Ampt ist/das sie die Herde Christi
mit Himlischer weide/ das ist/ mit Got-
tes wort speisen sollen.

Ir sorge sol dis sein/ achtung zu ha-
ben/das die schaffe nicht von den Wolfs-
en zerrissen/ oder sonst anbrüchig wer-
den/ sondern das sie in irem Schaffstal
sicher/ verwart/vnd gesund bleiben/das
ist/das die Leute nicht mit falscher lehre
vergiftet/oder mit vnchristlichem wan-
del beflecket werden.

Die gelegenheit der Zuhörer wird an-
gezeigt in der vergleichnis mit den schaf-
fen/

fen/da auch eines bald diesen / bald jenen
schaden bekömpft / Da hat ein jgliches
seine besondere ansechtunge / Eines wird
zurissen von Dörnen / Streuchen / vnd
dem wilden gehecke / Das ander leidet
noch von der hitze / oder von der kälte/
Da fellet eines jrgend in ein tieffen pful/
oder schlamm / Eines fellet von ein hohen
Felsen / Bald werden sie anbrüchig oder
reudig / Oder werden von andern bes
schmeichet vnd angestecket / Oder von
bösen Leuten bezenbert / Das sie krank
vnd siech werden / darnon endtlich auch
die jungen Lemmer verderben. Lieber/
wie würde es da den Schafften gehen /
müßten sie nicht verderben / wenn sie nicht
einen erfahrenen vnd geschickten Hirten
hetten.

Also gehets auch zu mit den Schaf
fen / vnd der Herde Christi / das ist / mit
den Leuten / so Gottes wort anhören.
Da wird einer durch die mancherley irri
ge meinunge in seinem sinne gleich zuris
sen / Einer wird durch mancherley ver
suchunge hin vnd wider getrieben / Da
wird einer gestürzet durch vngedult /
Etliche sind ersoffen in wollüsten / Irer
viel

viel fallen teglich in newe laster / Etliche
haben irer Sünden gewohnet / vnd sind
in denselbigen also verstocket / das inen
nicht / oder ja schwerlich darvon zu helf
fen ist. Denn / wie Augustinus sagt / wo
die Natur vnd die gewonheit bey einan
der sein / machen sie gar eine starcke vnd
vnüberwindliche begirde. Ir viel wer
den von böser gesellschaft verführet / vnd
also vergiftet / das nicht alleine sie / son
dern auch ire Kinder vntüchtig vnd
Gottlos werden / welche bald in der ju
gendt irer Väter oder Elter weise ler
nen vnd an sich nemen.

Weil denn die Schaffe Christi so
mancherley gebrechen teglich vnters
worffen / mus fürwar ein Seelsörger
nicht las noch trege sein / Sondern ein
stetiges vnd fleissiges auff sehen haben /
darmit solchen mengeln bey zeit vnd seu
berlich abgeholfen werde. Es wird
auch gewislich keiner dem Schaffstalle
Christi können recht oder trewlich für
stehen / wenn er nicht solchem vbel tag
vnd nacht / mit Lehre / Leben / gutem
Exempel / vnd ernstem gebete begegnet
vnd zuvor kömpt.

Es

Es stehet trawen einem fromen Pas-
tori zu/nicht allein die Schaffe zusamen
zuhalten/sondern auch die Wölffe abzu-
treiben. Denn was hilffts/ ob ein Pastor
gleich zu zeiten die wort des Euangelij
treiben wolte/ vnd wolte doch nichts de-
sto weniger zu einem offenbarlichen be-
trug des Teuffels stille schweigen/ oder
durch die finger sehen.

Woher sol aber ein Pastor ein solch
frisch Hertz nemen/ das er so einem sehr-
lichen vnd schweren Ampt genug thue?
Woher kömpt solcher fleis vnd ernst die
Schaffe Christi recht zuweiden? Das ist
gewislich/ wenn sich einer vnterstehet/
die Schaffe vnser Herrn Christi zumer-
sorgen/ vnd thut das nicht mit Christi-
lichem bedacht/ vñ aus beweglichen ho-
hen vrsachen/ welche allein in bestendig/
vnuerdrossen/ vnd geherzt in allen für-
fallenden hendeln/ vnd dem künfftigen
Creutze/ machen können/ der wird nicht
allein weichen/ vnd des Creutzes vber-
drüssig werden/ Sondern/ er wird auch
die Schaffe gehen lassen nach irem wil-
len/ vñ nichts nach jnen fragen/ Er wird
viel mehr sehen/ wie er sich selbs weide/
denn das er die Schaffe weiden solte.
Wie

Wie man den
der beuche
die doch gleich
frömer Pastor
Welches
die solchen f
m sol: Die
in Christi
gegeben ha
Johan. 21.
außer ant
lieb. Vnd
schicht dre
Christus an
ten der Sch
der/ so Chri
Daher si
de des H
der Liebe.
darumb w
len/ vnd nic
lich vberzeu
sondern sich
zum suchen
in wollen/
nachgehen/
Schaffen zu
sein/ vnd im

Wie man denn leider / heut zu tage sol
cher beuche vnd Niedlinge viel findet /
die doch gleichwol den namen vñ schein
fromer Pastorn haben wollen.

Welches ist denn nu die einige vrsach/
die solchen fleis in einem Pastore erweck-
en sol? Die liebe vñsers Erzhirten Ihesu
Christi/der sich selbs für seine Schaffe
gegeben hat. Dieser spricht zu Petro /
Johan. 21. Hastu mich lieb Petre. Dar
auffer antwortet/ Ja Herr/ich hab dich
lieb. Vnd solche frage vnd antwort ges-
chicht drey mal nach einander. Damit
Christus anzeiget / das keiner zum Hir-
ten der Schaffe Christi tüchtig sey/denn
der/so Christum lieb habe.

Daher spricht Augustinus: Die Her-
de des Herren weiden / sol sein ein Ampt
der Liebe. Wer aber die Schaffe Christi
darumb weidet/das sie sein eigen sein sol-
len/vnd nicht Christi/ Die werden offent-
lich vberzeuget /das sie nicht Christum/
sondern sich selbs lieben / iren eigenen
rhum suchen/ vber die Schaffe herrsch-
en wollen / irem eigenen nutz vnd genies
nachgehen/Vñ das sie es nicht thun/den
Schaffen zu helffen / Gott gehorsam zu
sein / vnd jm in warer Liebe zu gefallen.

Wider

Wider solche stehet das wort Christi /
vnd der Spruch Pauli / in welchem er kla
get / das sie das ire / vñ nicht was Christi
sey / suchen. Denn was ist das anders ge
sagt: Hastu mich lieb / weide meine schaf
fe / denn als spreche er / Hastu mich
recht lieb / so dencke / vnd weide nicht dich
selbst / sondern meine Schaffe / vnd weis
de sie als meine / vñ nicht als deine schaf
fe / Suche bey jnen meine ehre / vnd nicht
deine / meine Herrschafft / nicht deine /
meinen gewinst vñ genies / nicht deinen /
Las dich nicht finden in der gesellschaft
die sich selbst lieb haben / vnd zur zeit der
noth nicht bestehen / etc. Vnd der heiligs
ge Apostel Paulus lehret / das wir nicht
vns selbs / sondern Christum lieben / vnd
in dem / da wir seine Schaffe weiden /
nicht das vnser / sondern das seine such
en sollen.

Da hörestu aus den worten Christi
selbs / vnd aus dem Augustino / was für
eine ursache das sey / die einen Pastorem
in seinem Ampt trewlich vnd wol zuner
richten treiben soll. Das es sey die liebe
Christi / welche liebe / wie Augustinus
ferner saget / zu einer solchen starcken
Geistlichen brunst erwachsen sol / das sie
auch

auch die natu
dempffen sol /
be / vnd mit C
schöne.

Aus diesen
zu sehen
vor vñ M
nicht.

Erstlich
ation vnd
ein Pastor
Niedlinge

Darnach
Lehre / den
wort.

Vnd Aug
unge Predi
vnd durch
ti / vnd di

Niedlinge
arten / die
vnd. Höre

ne Christus
det / vñ sie d
israel / spri
arten vnd

das thut

auch die natürliche fürcht des Todes
dempffen sol / also / das einer gerne ster-
be / vnd mit Christo zu leben / sich hertz-
lich sehne.

Aus diesen jtz erzelten worten / ist gar
fein zu sehen / warummen ein rechter Pa-
stor vnd Niedling vbereinkomen / oder
nicht.

Erstlich komen sie vbereint / in der Vo-
cation vnd irem beruff. Denn gleich wie
ein Pastor beruffen / also ist auch der
Niedling recht beruffen.

Darnach kommen sie vbereint in der
Lehre / denn sie lehren beide Gottes
wort.

Vnd Augustinus spricht / Die Niede-
linge Predigen den Herren Christum /
vnd durch sie höret man die stimme Chri-
sti / vnd die Schaffe folgen nicht dem
Niedlinge / sondern der Stimme ires
Hirten / die durch den Niedling gered
wird. Höret zu / spricht Augustinus /
wie Christus selbst von den Niedlingen
redet / vñ sie deutlich anzeiget / Auff Mo-
ses stuel / spricht er / sitzen die Schrifft-
gelerten vnd Phariseer / was sie euch sa-
gen / das thut / aber nach iren wercken solt
E ij jr nicht

ir nicht thun. Was wil Christus hie anders/ den das man durch die Niedlinge die stimme des Hirten hören solle. Den in deme sie auff Mosi Stuel sitzen/lehren sie das Gesezte Gottes/ derhalben lehret Gott durch sie. Wenn sie aber ire eigene trewne wolten lehren/ sollet ir sie nicht hören/ auch nicht darnach thun. Denn solche suchen nicht dasjenige was Christi/sondern das ir ist.

Haben derhalben ein Hirte vñ Niedling/ diese zwey stück mit einander gemein/nemlich den Beruff/vñ die Lehre.

Worinnen aber haben sie einen vnterscheid? In vier stücken sind sie einander vngleich/ In der vrsach/im fleisse/im leben/vnd in der gefahr.

In der vrsach. Denn ein rechter Pastor/ wird zu seinem Ampt getrieben/ durch hertzliche brennende liebe Christi/ vnd der ehre seines Reichs/ Vnd solche liebe behelt er stets in seinem Herten/ er wündschet vnd begeret nichts liebers/ denn das er seinem Erzhirten Christo diene/ vnd in allem zugefallen sey. Aber ein Niedling der hat ja bisweilen Christum auch lieb/ aber nicht von herten/
Er

Er lesset jme andere ding mehr gelieben/
denn Christi Reich.

In seinem fleis. Dahin sol sich ein Pas-
stor gantz vnd gar beflüssigen vnd be-
mühen / das er Christo Schaffe zufüre/
das er Christi ehre suche / das er Christi
gewinst vnd nutz suche. Aber ein Niedo-
ling suchet jm selbs die Schaffe / vñ wie-
wol er solchs thut mit der stimme Chris-
ti/so folgen doch die Schaffe jme nicht
nach/sondern dem Herrn Christo / Er su-
chet seine eigene ehre / seinen eigenen nutz
vnd gemies.

Im leben vnd wandel. Das leben ei-
nes Pastoris ist ein Exempel seiner lehre/
Vnd spricht mit Paulo : Seid meine
nachfolger / gleich wie ich Christi. Wie-
wol aber niemand so fromb oder gerecht
ist / der nicht des tages sieben mal fallen
könne. Jedoch sol ein Pastor vnstrefflich
sein/also/das er keines groben greifflich-
en lasters halben billich könne beschuldig-
et werden. Darumb richtet er allen sei-
nen wandel allzeit nach der Regel Gotts-
liches worts / auff das er ja nicht allein
mit worten/sondern auch mit werck vnd
that lehre.

¶ iij Also

Also haben auch die lieben heiligen
Vater gethan / also thun noch heutiges
tages alle fromme vnd Gottsfürchtige
Männer. Sie sein demütig / gerecht / ver-
nünftig / mäßig / gastfrey / ehrbar / ste-
hen irem Hausgesinde wol für / sie sein
milde / vnd mit dergleichen mehr Christ-
lichen tugenden gezieret vnd begabet /
welche Paulus in seiner Epistel an Ti-
motheum / von einem Seelsorger erfors-
dert.

Widerumb / Ein Niedling spricht /
Thut wie ich euch lehre / vnd thut nicht
nach meinen wercken / Ich kenne zwar
einen solchen / einen groben vngeschlif-
fenen Menschen / der solche wort seinen
Pfarkindern oft fürhelt.

Die Niedlinge sindt gemeiniglich
stolz / geizig / schendliches gewinstes gi-
rig / vnvernünftig / vnmaßig / zeigen ir
auffgeblasen Hertz an / durch die prechtis-
ge Kleidung / haben solche dergleichen
Laster viel an sich. Ire Lehre sol man
hören / aber für irem Leben sich hüten /
Mit irer stimme barren sie den Himmel /
mit dem Leben die Helle.

In

In der noth vnd gefahr. Ein rech-
ter Pastor leget sich wider die Wölffe/
er wachet / vnd hat allezeit ein fleissiges
auffsehen / das nicht Diebe kommen / vnd
etwas stelen. Aber ein Niedling si-
het den Wolff kommen / vnd fleucht/
denn er ist ein Niedling / vnd die Schaf-
fe sind nicht sein eigen.

Hie möchte aber mir jemand nicht
vnbillich fürwerffen. Hat nicht Chris-
tus zu zeiten auch die flucht geben.
Spricht er nicht selbst zu seinen Jün-
gern / Wenn sie euch verfolgen in einer
Stadt / so fliehet in die ander. Hat nicht
Paulus selbst die flucht geben / da er sich
vber die Mawren hinaus in einem Kor-
be gelassen hat?

Das ist gewis / vnd eigentlich war/
das weder Christus noch die Apostel
Niedlinge gewesen sein / Derhalben sol-
che wort nicht von einer jglichen flucht
zuuerstehen sein.

Drumb sol man wissen / das die flucht
auff zweyerley weise geschehe / nemlich/
mit dem Leibe / vnd mit dem Gemü-
te. Das man mit dem Leibe entpflie-
he / ist zu zeitten vergönnet / Aber mit
Q iij dem

dem gemühte oder hertzen zu fliehen / ist
nicht vergönnet.

Was ist die flucht des gemütes? Wenn
einer von seinem Ampte entfleucht / das
selbige verlesset / vnd nicht mehr ansich-
ten wil. Vnd solche flucht ist viererley.
Denn welcher Seelsorger sich nicht le-
get wider die Sophisterey / Tyranney
laster / vnd heucheley der Welt / ist nicht
ein rechter Hirte / sondern ein Miedling.

Denn ein rechtschaffener Seelsorger /
leget sich erstlich wider die Sophisterey /
verthediget die rechte Lehre / vnd dar-
gegen straffet vñ verwirfft er die falsche.
Aber ein Miedling fürchtet sich für sol-
chem angriff des Wolffes / er darff sich
nicht vnterstehen rechte Lehre zu verthe-
digen / besorget sich imerdar / er möchte
etwas von seiner narunge verlieren. Dar-
umb sihet er entweder durch die finger /
oder straffet doch ja die falsche Lehre
nicht also / wie er wol zu thun schuldig
were. Wenn er solchs thut / so fleuchet er /
nicht zwar mit dem Leibe / sondern mit
dem gemühte / denn er verlesset sein ampt.

Zum andern. Ein guter Hirte leget
sich wider die Tyranney / beyde mit eus-
serlichen Worten / vnd mit innerlichem
gebete.

gebete. Aber ei
Tyrannen / vñ
nen und benei
der Tyrann
Welt gefalle.
Zum dritte
er leget sich
in seinen en
er klage
Ban / die mi
m leben die
betrübet hal
der Miedlin
gen / darff me
wörlein sage
er denn / fluch
Es möchte
er sagen / S
irgend hin
t der heilig
geschwiege
haft still
st dich / Vñ
Zum vierd
sich wider d
und entdecke
m schein / er z
ymlich ding

gebete. Aber ein Niedling heuchelt den Tyrannen / vnd hilfft die laster beschö-
nen / vnd bementeln / nur deshalb / das
er der Tyrannen gunst behalte / vnd der
Welt gefalle.

Zum dritten. Ein rechtschaffener Pas-
stor leget sich wider die laster / so da bey
den seiten entstehen oder einreissen wöl-
len / er klaget darwider / vnd thut die in
Ban / die mit irem sündlichem ergerlich-
em leben die Kirche Christi geergert vñ
betrübet haben. Dargegen aber trachtet
der Niedlinge nach stillen sanfften ta-
gen / darff nicht mocken / oder ein einiges
wörtlein sagen wider die laster. Das heis-
set denn / fliehen.

Es möchte aber ein Niedling hierwi-
der sagen / Sihe hie bin ich / Ich bin noch
nirgend hin geflohen. Darauß antwor-
tet der heilige Augustinus also / Dieweil
du geschwiegen hast / so bistu geflohen /
Du hast still geschwiegen / denn du forch-
test dich / Vnd das war deine flucht.

Zum vierden. Ein rechter Pastor setz-
et sich wider die heuchelei / er offenbaret
vnd entdecket ire Laruen / vnd gleissen-
den schein / er zeigt an / wie ein schrecklich
greulich ding es sey vmb die sünde / Aber

Q v ein

ein Nidling schewet sich für einem sol-
chen Wolfe / er wil niemand mit seinen
worten erzürnen / er hat sorge / man möch-
te jm gram werden.

Von der Leibes flucht / das einer ent-
fliehe / vnd seinen Leib rette / sage ich al-
so / das es vergönnet vnd zugelassen wer-
de (wie denn solches zuuor mit dem Ge-
bott Christi vnd Exempeln ist angezei-
get) Nemlich dazumal / wenn einer von
den Tyrannen verfolget wird / vnd sie
jme nach Leib vnd Leben stehen. In
solcher gestalt mag ein frommer Pa-
stor den Tyrannen entfliehen / do es jm
anders möglich ist / Auff das er hernach
mals widerumb zu dem seinen komme /
vnd jnen mehr diene mit seinem Leben /
denn sonst mit seinem Tode geschehen
were.

Die flucht aber / so nicht vergönnet
vnd vnrecht ist / die geschicht von wegen
guter tage vnd zeitlicher sicherheit / oder
von wegen des vberdrus im Creutze vnd
trübsal / oder geschicht vmb verbesser-
unge eigenes nutz vnd gewinsts hal-
ben. Kürzlich / wenn einer fleucht vnd
geschicht nicht rechtschaffener oberzel-
ter

ter vrsachen halben / der thut vnrecht /
vnd ist ein Niedling.

Daher denn genugsam abzunemen /
was für ein vnterscheid sey zwischen ei-
nem Hirten vnd Niedlinge / vñ zwischen
Dieben vnd Mördern / Denn Diebe vnd
Mörder sind nicht ordentlich beruffen /
bringen nicht die rechte Lehre mit sich /
Ja die Diebe verbergen ein theil von
der Lehre / Die Mörder setzen etwas
hinzu / mit welchem sie die Seelen mor-
den vnd würgen. Wiltu aber solchen
vnterscheid kurtzlich vnd eben wissen /
so mercke folgenden bericht. Ein rech-
ter Pastor vnd Seelhirte suchet was
Christi ist / Ein Niedling suchet was
sein eigen ist / Ein Dieb stielet vnd ver-
birget / Ein Mörder raubet vnd würg-
get / Ein Wolff beisset / zerreisset vnd zer-
strewet.

Dieweil nun bis anher / aus etli-
chen Titteln / so den Seelsorgern in der
Schrift gegeben werden / genugsam
ist angezeigt worden / wie ein herrlich
Ampt das Predigampt sey / vnd wo-
rauff es in gemein bestehe / auch was
für ein vnterscheid sey / zwischen einem
Seel

Seelforger vnd Miedlinge / auff das
durch solchen vnterscheid angezeigt
würde / wie gantz sorgfältig ein Pastor
für die Schaffe Christi sein müsse / das er
in rechter liebe gegen seinem Erzhirten
Christo entzündet / seiner befohlenen Her
de trewlich warte / ire seligkeit vnd Got
tes ehre trewlich suche vnd befördere / so
wil ich nu auch für mich nemen / das / dar
von droben gesagt / nemlich die kunst /
wie man die Schaffe des Herren recht
weiden solle / Vnd solchs alles wil ich mit
seinen stücken / so darzu gehörig / erklären
vnd anzeigen. Vnd damit solches desto
füglicher geschehen möge / wil ich erst
lich in gemein anzeigen / was Weiden sey
vnd heiße. Darnach wil ich die stücke an
zeigen / in welchen solche kunst des Weis
dens begriffen ist.

Was ist denn / oder was heisset Weis
den ? Es ist nichts anders / denn die
Menschen mit dem lebendigen worte
Gottes speisen / vnd erquickten. Gleich
wie nu ein weltlicher Schaffhirte mit
irrdischer speise seine Schaffe fettiget vñ
erquicket / Also speiset ein Geistlicher hir
te seine Schaffe mit Geistlicher speise / vñ
erquicket sie mit Himlischem lab sal.

Dieweil

Dieweil ab
erhalten et
fürweis für
das verst
Die stücke
begriffen

Die Her
vnte

2. Sie mi
verf

3. Sie in
giren

4. Für die
Armer

5. jnen a
Sinn nū
de.

Die se stū
ines Pasto
machen sie
heid zwisc
vñ / vñ we
nicht von nō
von solchem
ernach / wem
Pastoris sage
anden werde

Diueil aber dis in gemein gered / vnd
derhalben etwas dunckeler ist / wil ichs
stückweis für mich nemen / damit es de
sto bas verstanden werde.

Die stücke / in welchen die art zu weis
den begriffen ist / sind diese.

1. Die Herde Christi mit Gottes wort
vnterrichten.
2. Sie mit den heiligen Sacramenten
versorgen.
3. Sie in rechter zucht halten vnd re
giren.
4. Für die Herde Christi bitten.
5. Armer Leute sich annemen / vnd
inen aushelffen.
6. Ein nüzlich vorbild sein seiner Her
de.

Diese stücke / gleich wie sie das Ampt
eines Pastoris deutlich anzeigen / Also
machen sie auch einen richtigen vnter
scheid zwischen den Dienern des Euang
gelij / vnd weltlichen Regenten / also das
nicht von nöten ist viel wort zu machen
von solchem vnterscheide / welcher denn
hernach / wenn ich von der Gewalt eines
Pastoris sagen werde / besser wird ver
standen werden.

Von

Vonder Lehre.

In diesem ersten stücke / wird die
fürnembsste vnd beste Weide an-
gezeigt / welche ist / das ware se-
ligmachende wort Gottes / Darumb wil
ich hie etliche Elementa vnd anleitunge
so zur Lehre gehören / fürschreiben.

Die erste anleitunge ist diese. Was für
eine Lehre es sein müsse / mit welcher ein
Pastor seine Schaffe / als mit Geistlich-
er speise weiden sol.

Die ander / Mit was geschicklichkeit
vnd einfalt er solche Lehre den Leuten
müsse fürtragen / damit er nicht vergeb-
lich arbeite.

Die dritte / Wie er die Lehre vñ Got-
tes wort recht theilen sol.

Die vierde / Warfür ein Pastor sich
im lehren hüten sol.

Die fünffte / Wie ein Pastor falsche
Lehre verdammen vnd straffen sol.

Was ist nu das für eine Lehre / mit
welcher ein Pastor seine Herde / als mit
einer Geistlichen speise weiden sol? Diese
lehre ist begriffen in den büchern Mosi/
vnd in den Schrifften der Propheten /
Aposteln

Lehre.
Aposteln/ vnd Euangelisten. Denn diese
allein hat ein gewisses vnbetriegliches
gezeugnis/ das sie von Gott sey.

Was weiter vber vnd wider solche
Lehre sein mag/ sol der Kirchen Christi
nicht als für notwendige Schrift ein-
gedrungen werden. Alles was wider die-
se Lehre streittet/ ist nichts anders denn
ein leidiger schedlicher Teuffels giffte/
durch welchen auch vnser erste Eltern/
Adam vnd Eua im Paradeis sein be-
trogen worden.

Dieser Lehre/ in Prophetischen vnd
Apostolischen Schrifften verfasst/ mus
ein Pastor gewis sein/ einen gründlichen
begriff vnd ein bestendig Fundament
derselbigen haben.

Solches wird ime darzu dienlich sein/
das er nicht durch Mahometische/ Jü-
dische oder Epicurische irthumb bewes-
get / vnd in zweiffel geführet werde.
Das er auch/ so oft es die not erfordert/
gewisse capita vnd locos /nach welchem
er sich im lehren richten könne/ bereit für
sich habe.

Die beweisunge der Christlichen lehre
in vnsern kirchenstehet auff zweyen ganz
gewissen stücken / derer eines ein eusser-
lichs

lichts / das ander ein innerlichts zeugnis
genennet wird.

Das eusserliche zeugnis stehet in sechs
stücken.

Das erste ist die manigfaltige offenba-
rung Gottes / in welcher Gott der Herr
mit eigener stimme diese Lehre gegeben/
vnd widerholet hat.

Das ander ist die wirkunge der Mi-
racel / das ist / eine volbringunge solcher
wercke vnd thatten / welche nicht irgend
einer Creatur / sondern Gott alleine müg-
lich sein / vnd von jm alleine geschehen vñ
volbracht werden. Diese Miracel sind
der Lehre zugegeben / als kressstige vnd
gewisse Sigel vnd Brieffe / vnter welch-
en allen das fürnemste gewesen ist / Die
sendung des heiligen Geists am Pfingst-
tage / dardurch die warheit des heiligen
Euangelij vnser Herrn Christi bestetig-
et worden.

Hie wird es einem Pastori gar nütz
sein / das er alle miracel / so im Alten vnd
Neuen Testament geschehen / auswen-
dig wisse / auff das er dieselbige / do es die
noth erfordert / desto geschicklicher ein-
führen vnd Appliciren könne.

Das

Das dritte ist das ende oder ausgang
der Propheceyen vnd Weissagungen.
Wenn Gott der Herr im Alten Testa-
ment seine Diener zum Predigamt one
mittel beruffen / so hat er dieselbigen be-
gnadet mit herrlichen zeichen vnd wun-
derwercken / durch welche sie ire Lehre
vnd Beruff anzeigten / bestettigten vnd
beweiseten. Denn wenn das ende mit der
Prophecey vbereinkam / wenn wort vnd
werck gleich stimmeten / muste jederman
bekennen das solches die warheit Gottes
were.

Der Prophet Daniel hat die Chalder
er gelehret / von warer Busse vnd Ver-
gebunge der Sünden / Vnd solche Lehre
hat Gott offenbarlich für allem Volck
bestettiget / durch die wunderbarliche er-
lösunge des Propheten aus der Lewen
gruben. Auch hat Daniel inen vnd allen
iren Nachkomen solche Lehre hoch zu
achten befohlen / vnd darauff ein gewis
zeichen geben / mit der Prophecey von
den vier Monarchien / das ist / von den
vier Reichen / so vor dem Jüngsten ta-
ge in der Welt entstehen vnd auff komen
soltten / welche Prophecey sich gantzlich
zugetragen / vnd im werck also befunden.

R Also

Also helt sichs auch mit der Prophe-
cey Jacobs vom Scepter Juda / dar-
durch wir eigentlich versichert werden
der zeit / in welcher der Messias hat sol-
len geboren werden.

Sol derhalben ein Pastor die Prophe-
cey vnd das ende derselbigen / fein gegen
einander halten. Vnd wenn er sihet / das
sie also geschehen / vnd nichts gefehlet
haben / sol er daraus schliessen lernen / das
das wort / welches die Propheten gepre-
diget vnd geschrieben / nicht Menschen /
sondern Gottes wort selber sey / der sol-
ches durch seine Knechte vnd Diener
vns hat wollen offenbaren.

Das vierde zeugnis ist der consens vnd
eintrectigkeit der Lehrer in der kirchen /
welche ein Göttlich zeugnis haben ires
beruffs. Als da ist Moses / Die Prophe-
ten / Elias / Heliseus / Esaias / Jeremias /
etc. Christus / der nach erstgeschehener
verheissunge fast vber vier tausent Jar
hernach komen ist / vnd alle Propheceyen
erfüllet hat. Vnd was Moses gleich als
mit gar kurzen Sprüchen begriffen / Vñ
was die Propheten mit vielen worten vñ
langen Predigten dardun / das hat er
klerer vnd verstendlicher gemacht / vnd
nach

nachmals sol-
den beruff n
haben bestet
aller Welt an
eintrectigkei
sel in der
niglich das
res gnade in
Gott vnd
Das fünf
der kirche
stehet noch
so viel vnd
ramen des
dem Sprac
hellen solle
diese verh
wercke vñ
den darau
ser Lehre
Das sech
Triumph v
außerwelte
solche Lehr
bezeuget hat
men haben
zeugen gene

nachmals solche Lehre auff die Apostel/
derer beruff mit viel herrlichen wunder/
zeichen bestettiget/bracht / vnd solche in
aller Welt auszubreiten befohlen. Diese
eintrectigkeit der Propheten vñ Apo/
stel in der Lehre / vberzeuget vns krefft/
iglich/das die Lehre/so wir durch Got/
tes gnade in vnsern Kirchen haben / von
Gott /vnd ein seligmachende Lehre sey.

Das fünffte/ist der langwirige bestand
der Kirchen Gottes/ dem sie weret vnd
stehet noch durch Gottes hülffe / wider
so viel vnd mancherley grewliche Ty/
ranney des Teuffels vnd aller welt/nach
dem Spruch Christi / Die pforten der
Hellen sollen sie nicht vberweldigen. Zu
diese verheissunge sehen wir mit dem
wercke vnd der that also volzogen wor/
den /daraus wir recht schliessen / das vns
er Lehre gewis vnd Göttlich ist.

Das sechste / ist der blutige Sieg vnd
Triumph vieler heiligen Merterer vnd
aufferwelten Bekennern Gottes / die
solche Lehre mit irem blut versiegelt vñ
bezeuget haben/Daher sie auch den Na/
men haben / das sie Martyres / das ist /
Zeugen genennet werden.

R ij Das

Das innerliche zeugnis dardurch die
gewisheit vnd warheit vnserer lehre be-
kresstiget vnd dargethan wird / ist das
pfand des heiligen Geistes in den hertzen
der Gleybigen / der die Lehre versigelt
vnd bestettiget.

Dis ist die beweysunge der Lehre
vnserer Kirchen / welche offtmals ganz
fleissig vñ mit grossem ernst sol betrach-
tet / vnd den Leuten trewlich vorgehal-
ten werden.

Es mus aber ein Pastor einen rechten
eigentlichen grund vnd begriff solcher
Lehre gefast vnd erlernet haben / Dar-
von ich in folgendem Capittel lehren wil/
vnd lautet dasselbige also.

Gleich wie die Menschen (die zuuorn
nach dem ebenbilde Gottes erschaffen
waren) von wegen der Sünde von Gott
verdampft / vnd durch kein ander mittel
erlöset werden / denn durch den Glauben
an Christum iren Heilandt / Also sollen
sie von wegen dieser heilsamen erlösunge/
vnserm lieben Gotte hie in diesem leben
herzlich dienen / vnd in den Christlichen
versamlungen in loben / ehren vnd prei-
sen / Auff das endlich sie / wenn ire sterb-
liche leibe von den Todten auffwecket
werden/

werden/mit warer seligkeit vnd dem ewi-
gen Leben mügen begnadet werden.

Auff dis stücke vnd Capittel mus alle
vnserre Lehre gezogen / vnd ein jegliches
stücklein rechtschaffen distribuiret / vnd
an seinen bequemen ort gesezt werden.

Darnach / so müssen auch igliche stüs-
cke vnd Membra/gleich als in einer Ana-
tomia gesucht vnd angezeigt werden.
Vnd solches geschicht durch die art zu
lehren / welche man Methodum didasca-
licam, simplicem & compositam, nennet.
Zierbey mus man auch wissen eines ig-
lichen Definition / Diuision / beschrei-
bunge vñ exempel / sampt etlichen klaren
ausdrücklichen sprüchen der Schrift /
dardurch ein jedes stück erkläret / beweist
vnd bekrefstiget werde.

Wenn ein Pastor einen solchen begriff
bey sich treget / vnd gefasset hat / wirds
jme gar leicht werden / das er jeder zeit/
wens die notturfft erfordert / materien
habe zu lehren vnd zu predigen.

Es mus sich aber einer in solchem be-
griff stets vben / auff das er sich von tag
zu tage bessere / in der Lehre zuneme vnd
wachse. Vnd alles was zu solchem be-
griff dienlich sein mag / sol mit seinen lo-

R iij cis

cis gezeichnet werden / auff das er wisse/
wenns die noth erfordert / wo er ein jegs
lichs suchen/finden vnd nemen solle.

Wenn nu ein Pastor solchen begriff
jme gemacht vñ zugerichtet hat / sol das
das nechste sein / darauff er gedanken
haben mus / nemlich / wie er solche seine
lehre fein einfeltig vñ deutlich dem volck
fürtrage. Wenn er sihet auff Gottes eh
re/auff erbarunge vnd besserunge seiner
Kirchen / so wird er sich one zweiffel be
fleissigen/das er seine Lehre fein beschei
den/ einfeltig vnd deutlich auff die Ban
bringe. Welche aber hierauff nicht se
hen/vnd ire eigene ehre suchen / die bege
ben sich auff schöne gleissende rede vnd
prechtige wort / vnd was gemein oder
schlecht ding ist/das erheben sie/vñ wol
len dafür geachtet sein / als lehren sie
was neues / herrliches / vnd zuuor nie er
hortes / Nur darumb/das sie bey dem ge
meinen pöbel jnen einen namen vnd an
sehen machen mögen. Darumb ist's all
zeit billich vnd nötig/das ein Pastor als
lein Gottes ehre / vnd der Kirchen besse
rung suche.

Das aber einer deutlich lehren könne/
so habe er achtunge auff folgende anlei
tunge.

Erstlich

Erstlich / so
dann er redet
mit Summa
und also dem
Darnach
gewisse st
Ober da
gemelten st
hängen / fe
denen / auff
Er sol au
en vnd Er
weisen.
Nach die
indernumb i
derholen vñ
lich / was si
ten sollen /
das sie solc
Obren / son
wollen an
Die einfe
ding mit ei
dem volck zu
solches so ve
mer möglich
sonderlich in
sehen / wel

Erstlich/ sol ein Pfarherr / die dinge/
darvon er reden wil/in gemein vnd in ei-
ner Summa fein kurz begriffen haben/
vnd also dem volck fürtragen.

Darnach sol er solchen kurzen inhalt
in gewisse stücke theilen.

Über das sol er alle stücklein / so aus
gemelten stücken herfließen / oder daran
hängen / fein fleissig disponiren vnd or-
denen/auff das er sie nicht vergesse.

Er sol auch ein jedes stücke mit sprüch-
en vnd Exempeln confirmiren vnd be-
weisen.

Nach diesem/sol er seine gethane lehre
widerumb in einer summa deutlich wi-
derholen vñ anzeigen/warzu sie jnen dien-
lich/was sie daraus mercken vnd behal-
ten sollen / Mit fleissiger erinnerunge /
das sie solches alles nicht mit müßigen
Ohren/sondern mit Christlichem hertzen
wollen anhören vnd behalten.

Die einfeltigkeit erfordert / das er ein
ding mit einerley vnd gleichen worten
dem volck zum offtermal fürbringe/ vnd
solches so vernemlich mache / als im im-
mer möglich sein mag. Vnd solches sol
sonderlich in der lehre des Catechismi ge-
schehen / welchen man der Jugend auff's

X iiii einzels

einfeltigst einbilden mus / auff das sie was lerne.

Am ende seiner Predigt / sol er die fürs nembsten stücke widerholen / vnd seinen Zuhörern anzeigen / wie sie solches inen nütz machen sollen. Da mus er sie erin nern / trösten / anklagen / schrecken / vnd anhalten / zur zeit vnd zur vnzeit / vñ nach dem es die noth erfordert. Vnd wiewol solche Accommodation in der ganzen Predigt durchaus nützlich sein mag / Jedoch gehört sie am aller meisten zum endlichen beschlus der predigt. Denn es haff tet auch dazumal am besten.

Diueil aber die eusserliche mündliche Stimme vnd Lehre wenig schaffet / wo nicht der heilige Geist auch innerlich die hertzen rüret / erleuchtet vnd lehret / So sol ein Pfarherr zum anfang / vnd vor der Predigt nicht allein seine Zuhörer / sondern auch sich selbst zum Gebet erin nern / für Gott seinem Herrn sich demü tigen / vnd ernstlich bitten / das ime Gott mit seiner gnade beystehen wölle / seinen mund / wort vnd zunge regiren / solche ding zu lehren vñ zu reden / die den Zuhö rern zu irer Seelen seligkeit dienlich sein mögen. Er mag aber auff folgende wei se beten.

Ein

Ein Gebet
herr vor

Mein
du dei
ther
du w
nen Weide d
dem wasser de
Verleihe mir
lege dein wort
trafft vnd gn
schaffen vnd n
erfüllt werde
sondern allein

W wil ic
das wor
Lehre rech
Der A
an seinen
das ein Bi
an das wor
Dem gleich
erley gibt
nach dem di
bet er auch
in Prediger
denheit brat
recht füre v

Ein Gebetlein/ welches ein Pfarrer herr vor der Predigt thun soll.

Mein liebster Herr Ihesu Christe / der
du deine verlorne Schefflein mit deinem
thewren Blute erworben hast/ Ich bitte /
du wollest sie weiden mit deiner heilsa-
men Weide deines worts / vnd sie erquickten mit
dem wasser deiner lebendigen vnd gesunden Lehre.
Verleihe mir ein rechten verstandt deines worts/
lege dein wort in meinen mundt / gib hierzu deine
krafft vnd gnade / auff das deine Schefflein recht
schaffen vnd wol geweidet / vnd mit gesunder speise
erfüllet werden. Ach Herre/ Nicht mir/nicht mir/
sondern allein deinem Name gib die Ehre / Amen.

Nu wil ich kurtzlich erklären / wie er
das wort Gottes / vnd Christliche
Lehre recht theilen sol.

Der Apostel Paulus da er schreibet
an seinen Jünger Timotheum / wil er/
das ein Bischoff sol wissen recht zu thei-
len das wort der warheit/ 2. Timoth. 2.
Denn gleich wie ein guter Arzt nicht ei-
nerley gibt zu allerley Seuchen / sondern
nach dem die gebrechen sein / also brau-
chet er auch artzneyen. Also mus auch
ein Prediger in seinen predigten beschei-
denheit brauchen / das er Gottes wort
recht füre vnd Accomodire. Denn es

R v immer

immerdar eiter einen andern gebrechen/
denn der ander / einer sündiget in dem/
ein ander in einem andern dinge. Wenn
einer hie nicht wolte ein vnterscheid hal-
ten / vnd alles in einander werffen / Lie-
ber was nutz was were doch dazuhoffen?

Unser Herr Christus leget dem
Schriftgelerten / der seine Sünde nicht
fülete / das Gesetz für / vñ sprach: Wiltu
zum Leben eingehen / so halte die Gebot.
Vnd zu einem andern spricht er: Wiltu
volkommen sein / so gehe hin / vnd verkauffe
alles was du hast / vnd gib es den Ar-
men / etc. Zu den Phariseern vñ Schrift-
gelerten spricht er: Wehe euch jr schrift-
gelerten / Phariseer vnd Heuchler / etc.
Die aber ire Sünde fülen / vnd erkennen /
zu denen spricht er: Kommet her zu
mir / alle die jr müheselig vnd beladen
seid.

Wer solche bescheidenheit vnd vnter-
scheid im lehren nicht helt / der lehret ver-
geblich. Denn anders mus man hande-
len mit einem sicheren Heuchler / anders
mus man auch handeln mit einem be-
trübten Sünder / anders mit denen / so in
offentlichen lastern ligen / anders mit de-
nen / so ehrlich leben / anders mit denen /
so das

so das Euangelium noch nicht wissen/
anders mit denen / so das Euangelium
wissen vnd gelernet haben / anders mit
denen / so Kleinmütig vñ in zweiffel fallen/
anders mit den schwachen / anders mit
denen starcken / vnd so fortan. Von die-
sem / wie ein Pastor die lehre recht thei-
len solle / wil ich izunder etliche Regel
fürschreiben.

Ein igliche Person darmit ein Pas-
tor seines Ampts halben zu schaffen be-
kômpt / die mus er entweder lehren vnd
vnterrichten / oder mus ire Herten rüren
vnd bewegen.

Ist es sach / das er die Person lehren
sol / so wird es sein entweder ein Weltwei-
ser vnd geschickter / oder wird sein ein ein-
feltiger vnd vngeschickter. Sie werden
entweder alle beide ire Sünde fülen / oder
in eigener gerechtigkeit sich auff blasen /
vnd etwas düncken lassen.

Ist es aber sach / das die Person gerü-
ret vnd beweget werden mus / so wird
es sein entweder ein feindt der Lehre /
oder freund / der die Lehre selbs offent-
lich darthut vnd bekennet. Bekennet er
die Lehre / so wirds kaum feilen / er ist ent-
weder fleissig / oder vnfleissig / Oder
ist

ist ein Zenchler / oder lebet vbel / oder ist
beladen mit schwerer sorge des Leibes/
oder des gemütes.

Nach deme als einem Pastori nu eine
Person oder Zuhörer zuhanden kömpt/
also mus er auch seine Lehre wissen an/
zustellen. Denn wenn einer gegen einer
jeden Person einerley vnterricht vnd leh-
re brauchen wolte / were es gleich / als
wenn ein Schuster nur einen Leisten her-
te / vnd wolte vber denselben allerley
Schuch machen für jungen vnd alten/
für kleinen vnd grossen.

So wil ich nu nach verliehener gnade
von Gott / anzeigen / wie er gegen einer
jeglichen Person sich mit lehren halten
solle.

Wenn ein Pfarherr jemand's lehren
wil / sol er / wie oben gemeldet / achtunge
haben / ob es sey ein Weiser vnd Weltge-
lerter / Wenn denn ein solcher gelirig/
vnd leichtlich mag vnterwiesen werden/
auch seinem Lehrer gerne gleubet / so mus
man im das jenige / in welchem er bericht
begert / auslegen vnd ferner erklären.

Also hielte sich Christus gegen dem
Nicodemo der in der Nacht zu im kam/
vnd begerete zu lernen / wie er fromb / ge-
recht /

recht vnd selig werden möchte. Die lehre die im Christus gibt / ist nichts denn ein auslegung vnd erklerunge / wie solches zu sehen ist / Johan. am 3.

Wenn er sich aber nicht wil weisen vnd lehren lassen / sich wider die Lehre setzet / vnd eine andere / frembde / vnd widerwertige meinung gefasset hat / so soll im ein Pastor mit gründlichen Argumenten vnd Schlusreden begegnen / vñ auff den rechten weg führen.

Also helt sich in seinem Lehren Paulus in der Epistel an die Römer vñ Galater / in welchen er erstreitet vnd beweiset / das der Mensch allein durch den Glauben gerecht werde.

Wenn im aber ein einfeltiger vnd vnserfarnter Mensch zukömpt / den soler lehren mit feinen deutlichen Exempeln vnd gleichnissen / Denn solche hafften viel besser bey einem gemeinen Leyen denn die Argument vnd Schlusreden.

Als Christus das gemeine Volck für sich hat / vnd es lehren wil von der gerechtigkeit des Menschen für Gott / vnd wie sich die gerechtfertigten gegē irem nechsten halten sollen / leget er jnen ein gleichnis für / von einem der seinem Herren zehen

hen Tausent Pfundt schuldig war / vnd
da er nicht hatte zu bezalen / hat im der
Herr auff seine bitte alle Schuld erlas-
sen. Da aber derselbige Knecht sich her-
nachmals gegen seinem Mitknechte vn-
barmherzig vnd Tyrannisch erzeugete/
ist er mit ewigem gefengnis gestraffet
worden.

Diese Parabel lehret auffeinfeltigste/
was Christliche gerechtigkeit sey / nem-
lich / vergabung der Sünden / vñ das vns
Gott annimt one verdienst / vmb sonst/
vnd aus gnaden. Solche vergabung der
Sünden erlanget der Mensch alsdann/
wenn er seine Sünde erkennet / sich für
Gott demütiget / vnd bittet mit gelnbi-
gem hertzen / das im Gott die schuld er-
lassen / vnd gnedig sein wölle. Darnach
so beweiset die vnbarmherzigkeit / die
dieser Knecht vbet gegen seinem Mit-
knechte / das der gerechtfertigte Mensch
seinen Nächsten lieben / vnd Christlicher
vnschuld nachstreben solle / auff das er
nicht von wegen seiner vndanckbarkeit
in vngnade vnd ewige straffe falle.

Wenn die Person / die ein Pastor leh-
ren sol / ire Sünde fühlet / vnd das Ge-
wissen mit der verzweiffelung kempffet/
so sol

so sol sie alsb
Christi / auff
meinen / vnd n
reht der Sch
am Herren C
me gewisse
er Sünden
mag ein Pas
rauchen.
Lieber Z
dest ist die
deiner Sün
Christus in
neine Sünde
Doch sol hier
er werden.
Wenn sich
er gerecht
man nicht e
m / er sey de
mit einem Z
denn so ein
über wolte t
in fürhalten
von der gere
m der thete
drey / so zu
die Süße legen

so soler sie alsbalde / nach dem Exempel
Christi / auff die hohe genade Gottes
weisen / vnd mit Sprüchen vnd Exem-
peln der Schrifft darthun / das alle die
zum Herren Christo zuflucht haben / bey
ime gewisse rettunge vnd vergebung
der Sünden allein haben sollen. Vnd
mag ein Pastor folgende form zu trösten
brauchen.

Lieber Bruder in Christo / du empfindest
jzt die last vnd vntregliche Bürde
deiner Sünden. Es ist aber dein Herr
Christus in diese Welt kommen / vnd
deine Sünde auff sich genommen / etc.
Doch sol hiernon anderswo weiter geleh-
ret werden.

Wenn sich einer auff bleset von wegen
der gerechtigkeit des Gesetzes / dem mus
man nicht ehe das Euangelium fürhal-
ten / er sey dem zuuor mit dem Gesetz / als
mit einem Donner darnider geschlagen.
Denn so einer einem busfertigen Men-
schen wolte trawwort vnd gesetzpredig-
ten fürhalten / vnd einem werckheiligen
von der gerechtigkeit des Euangelij sa-
gen / der thete gleich / als wenn einer eine
Arzney / so zu den Augen gehörte / auff
die Füße legen wolte / Vnd widerumb /
was

was zu den füßen gehörte / zu den augen
brauchen wolte. Ein solcher würde zwar
von jderman billich verspottet.

Bisher sey gesagt vom lehren / Tu
folget wie man mouiren / das ist / die her-
zen rüren / vnd bewegen sol.

Die feinde der Lehre mus man schre-
cken mit trawungen / mit Exempeln vnd
Collationibus / das ist / man mus jnen ei-
nes gegen dem andern halten.

Mit trawungen gehet Christus vmb/
da er vber die Phariseer so offtmals
schreyet / Wehe / wehe / Matth. 23.

Mit Exempeln gehet Christus vmb/
Luc. am 13. da er den vnbusfertigen Jü-
den fürhelt das Exempel der Menner/
auff welche der Thurm zu Silo fiel. So
ir euch nicht bessert / spricht er / werdet jr
alle auch also vmbkommen.

Mit Collationen gehet Christus vmb/
da er zwey vngleiche exempel gegen ein-
ander helt / Als da ist das Exempel vom
reichen Schlemmer / vnd armen Laza-
ro / etc. Luc. 16.

Kömpt einem Pastori ein Person für/
so die Lehre profitiret / bekennet / vñ selbs
lehret / vnd hierinnen fleissig ist / Diese
Person sol er erinnern / vnd anhalten / das
sie

ſie von tag zu tage / je lenger vnd mehr
fleis anwenden / vnd ſeinen lauff one hini-
dernis vollenden / vnd nicht müde wer-
den wölle / Mit ferner anzeigung / das
deme / ſo ſeinen lauff one verdrus volfü-
ret / eine herrliche krone beygeleget ſey.
Hierauff ſol er ſeine exempel fürbringen /
welche beweifen / das ſolcher lauff Gott
wolgefellig ſey. Ober das / ſol er in auch
vermanen / das er ſich in ſeinem lauff für
dreyen feinden hütet / für dem Teuffel / für
der Welt / für ſeinem eigenem Blut vnd
Fleiſche. Der Teuffel trachtet den Leu-
ten in irem lauff auff mancherley weiſe
nach / Aber man muſ im begegnen mit
dem Schwert des Geiſtes / welches da iſt
das wort Gottes. Die Welt trachtet
inen nach mit irer eitelkeit vnd leichtfer-
tigkeit / Aber dieſes alles verſchwindet /
wenn der Menſch nach den ewigen Him-
liſchen gütern trachtet. Das Fleiſch ſich
tet den Menſchen an mit mancherley
wollüſten vnd fürwitz / aber ſolche muſ
man dempffen / durch die krafft des Gei-
ſtes. Kürzlich / wider alle feinde / ſo den
Menſchen in ſeinem lauff hemmen wöl-
len / iſt der Name des Herren ein ſtarcker
S Thurm /

thurm/zu welchem der gerechte fleucht/
vnd errettet wird.

Ist aber jemand in seinem lauff nach-
lässig / den mus man ermuntern vnd an-
reizen / im etliche Exempel fürhalten /
vnd anzeigen / wie ein schendlich ding es
sey vmb faulheit vnd nachlässigkeit / Da
sol man im gegen einander halten / die/
so da lauffen im schrancken / nur das sie
ein vergenglich vnd zeitlich Kleinot er-
langen / vnd die / so da lauffen / das sie eine
ewige vnuerwelckliche Krone erlangen.
Zierher gehört das Exempel vom Haus-
halter / darvon Christus lehret / vnd des-
rer so im Schrancken lauffen / darvon
Paulus lehret 1. Corinth. 9. Da sol auch
angezeigt werden / wie das nachlässig-
keit vnd vnfleis / dem abfall nicht vn-
ehnlich sey.

Derhalben mus ein solcher Mensch
teglich je mehr vnd mehr in seinem lauff
fortzufahren angereizt werden / Denn
also wird es mit im endtlich dahin kom-
men / das er seines beruffs gewohne / vnd
was im zuvor schwer war / das wird ime
gar leichte werden.

Wenn dir ein Heuchler fürkömpt / das
du sein Hertz mit der Lehre rüren vnd
bewegen

hängen solt
selbige Lari-
chen / vnd in
ten / vnd in
vnd suchen
zeigen / vnd
Vnd wo
lers gleich
es auffwe
des Geset
Christi für
sti / vnd Je
Mit de
herter hant
sich selbst z
wolgefalle
cken sich t
trawen.
Vn weil
cussliche
man sie le
von der ge
der gerech
keit vn erfi
nicht / vn k
das Gesetz
fleischlich.
gerechtigte

bewegen solt / mustu jm erstlich die enß
ferliche Laruen / mit welcher er ange
than / vnd in welcher er pranget / abzie
hen / vnd jme seine inwendige gebrechen
vnd seuchen nach welchen er stincket / an
zeigen / vnd gleich als mit fingern weisen.

Vnd weil das gewissen eines Heuch
lers gleich schlesst vñ schlummet / mustu
es auffwecken mit der scharffen Ruten
des Gesetzes / vnd für den Richterstuhl
Christi führen / nach dem Exempel Chris
sti / vnd Johannis des Teuffers.

Mit den Heuchlern mus man etwas
herter handeln / darumb das solche leute
sich selbst zuviel lieben / an jnen selbst ein
wolgefallen haben / in jren eigenen wer
cken sich bespiegeln / vnd auff dieselbige
trawen.

Vñ weil die Heuchler sonderlich an den
eufferlichen wercken sehr hangen / mus
man sie lehren / wie gar weit sie noch sein
von der gerechtigkeit des Gesetzes / vnd
der gerechtigkeit Christi. Die gerechtig
keit vñ erfüllunge des Gesetzes haben sie
nicht / vñ könnens auch nicht haben / denn
das Gesetz ist Geistlich / sie aber sind
fleischlich. Auch haben sie verloren die
gerechtigkeit Christi / derer den niemand

S ij kan

Kan theilhaftig werden / der nicht alle
seine eigene werck für nichts vnd für kot
helt. Wie der heilige Apostel solches mit
seinem eigenen Exempel lehret / Philip. 3.

Die da Gottlose sind / vnd in offentli-
chen lastern leben / als da sind / Die tag
vnd nacht schlemmen / sich dem fressen
vñ sauffen gar ergeben / oder die sich den
verdamlischen geitz gar haben lassen ein-
nemen / oder in Hurerey vnd vnzucht li-
gen / mit denen mus man anders han-
deln.

Demn wer vnter diesen hauffen gehö-
ret / den mus man examiniren nach den
Sehen geboten / ime das Gesetz für die au-
gen halten / das er sehe vnd erkenne / wie
gar mutwillig vnd trotziglich er sich wi-
der Gott vnd seine Geboten lege.

Darnach mus man im die schreckliche
trawungen vnd vnnachlesliche straffe
des Gesetzes fürhalten.

Zum dritten / sol man im anzeigen et-
liche Exempel des zorns Gottes vber die
Sünde / vnd sündhaftige Menschen /
derer viel in ewiges verdammis gestürzt
worden / als Cain / Saul / Achitophel /
Judas / vnd viel andere mehr.

Zum

Zum vierden / mus man einen solchen
menschen vnterrichten / das sich der von
Christo vnd dem Euangelio vergeblich
rühme / der nicht sein leben mit stettiger
Busse bessere / vnd sich von Herzen zu
Gott bekere.

Zum fünfften / das er sich selbs vnteils
haftig mache / vnd beraube des Gebets
vñ des Segens der Christlichen kirchen.

Zum sechsten / das er als ein Verrehter
aller Christlichen Kempffer vnd Diener
Christi / nicht Christo / sondern dem leidig
gen Teuffel sich zu dienst ergeben habe.
Denn welchem Herren einer dienet / des
selbigen Knecht ist er auch / der wird jm
auch lohnen.

Zum siebenden / je lenger er die Busse
auffzeuhet / je schwerer wird sie jm wer
den.

Zum achten / das Gottes zorn plötzlich
entbrenne / vnd das dem Menschen vn
bewust sey / zu welcher zeit / in welchem
augenblick / vnd durch was mittel der
Mensch von dieser Welt sol abgefordert
werden / Das auch eine Sünde mit irer
schwerheit bald ein andere nach sich zie
hen / heuffen vnd mehren werde.

S iij Solches

Solches alles sol man denen so in of-
fentlichen Sünden leben / gar fleissig für
halten / vnd solches mus zwar geschehen
mit einem rechten ernste vnd verstande /
hie mus man fürsichtiglich vnd beschei-
den handeln / nach den Exempeln des
Propheten Nathan / Helie / Johannis des
Teuffers / vnd des Herren Christi selber.

Die da meinen es sey genugsam / wenn
sie die laster in gemein straffen / die irren
weit / vnd richten jr Ampt nichts bessers
aus / denn ein Arzt / der wol vmb die
Kranckheiten weis / vnd viel darvon redet
/ vnd wil doch gleichwol dem Gelies-
de / da Arzneyens vnd heilens noth ist /
nicht helfen / oder keine Arzney auffbin-
den.

Weil denn viel Diener des worts hier
innen offtmals an vielen orten sündigen /
sollen sie sich selbst der hefftigen traw-
ungen Gottes erinnern / der da trawet /
Er wölle des Sünders Bludt von der
Handt des Predigers fordern / wenn er
dem Sünder seine vntugendt vnd Sün-
de nicht entdecket / vnd die an jm straf-
set.

Die Leute / so irgend mit einem Creutz
beladen sein / mit denen mus man auch
vmb

umbgehen / nach gelegenheit jres Creu-
zes / vnd desselbigen vrsachen.

Das aber ein Pastor hierinnen recht
fahre / vnd die Arzney wol anlege / mus er
auff dreyerley achtung geben.

Erstlich / Wer der sey / so mit dem
Creuze geengstiget werde.

Zum andern / Was sein anligen sey /
was für ein Creuz in drucke.

Zum dritten / Das er gegenwertigen
schmerzen mit der arzney recht abhelffe.

Der so vnter dem Creuze ligt / ist ent-
weder fromb vnd Gottfürchtig / oder ist
böse vnd Gottlose.

Ist er fromb / so mus man jm alsbald
anzeigen / wie es gemeiniglich allen from-
men vnd Kindern Gottes / hie in dieser
welt gehe / da sol man jm trösten / sein Ge-
wissen wider auffrichten / stercken vnd
erquicken.

Vnd erstlich mus man jm anzeigen /
das jme diese Kranckheit oder vnfall /
nicht von vngefehr zu handen komme /
sondern durch den gnedigen Veterlichen
willen Gottes zugeschicket worden sey /
wie der Prophet saget / Ist auch ein vn-
glück in der stat / das der Herr nicht thut

S iij Er

Er redet aber nicht von dem vbel das
wir thun/ sondern von dem vbel vnd vn-
glücke/darmit vns Gott straffet.

Darnach sol man in auff Gottes Ver-
terliche zusage weisen/ der allen denen/ so
in irem Creutze zu Gott zuflucht haben/
vnd seinen Namen anrufen/ errettunge
zusaget / Wie der 50. Psalm solches be-
zeuget: Ruffe mich an zur zeit der noth/
so wil ich dich erhören.

Sol derhalben in vermanen zu ernster
vnd hertzlicher anruffunge Gottes/ das
Gott sein Creutz von im nemen wölle/
oder ja dasselbige etlicher masse lindern/
vnd treglich machen. Item/er sol in an-
halten zur standhafftigkeit vnd gedult/
das er nicht die bitterkeit des Creutzes
sich vberwinden / vnd von bekendnis
Christliches Glaubens / sich abwendig
machen lasse.

Zieher mus er auch ziehen die Exem-
pel der lieben Heiligen/derer nie keiner in
dieser Welt gewesen ist / der nicht den
stich der alten Schlangen hab fühlen müs-
sen.

Endlich sol in der Pastor erinnern von
den vrsachen des Creutzes / vnd sol nach
dem Exempel Pauli/ das gegenwertige
vnglück

unglück halten gegen der ewigen freude
vnd ehre / so an den Kindern Gottes sol
offenbaret werden.

Mit solchem vnd dergleichen troste/
mus man den frommen vnd Gottfürch-
tigen zu hülffe komen / in irem Creutze vñ
trübsal. Vnd ist dieses eine gemeine Arz-
ney für die betrübten.

Ist aber der / so dem Creutze vnters
worffen ist / böse vñ Gottlose / so mus ein
Pastor desto grössern fleis anwenden /
Denn je fehrlicher die krankheit ist / je
grössere sorge vnd mühe mus man auch
darbey haben. Denn / wenn einer einen
Gottlosen Menschen von stundan trös-
ten wolte / der thete gleich / als wenn ei-
ner eine Wunden auswendig zuheilete /
vnd liesse inwendig viel böses eifers ste-
cken / aus welchem hernachmals viel gröf-
sere gefahr zu gewarten were.

Darumb wenn einem frommen Seels-
sorger ein böser vnbusfertiger Mensch
zu handen kömpt / das er in in seinem
Creutze trösten sol / so sol er für allen dings
in erstlich mit dem Donner des Ges-
etzes schrecken / vnd darnider schlagen /
auch nicht ehe auff hören / bis der / mit
dem er jzt handelt / seine mishandlung

S v one

one heucheley bekenne / vnd den billichen
zorn Gottes wider die Sünde füle / Also
das er mit dem Könige Manasse vber
seine Sünde schreye / vnd sich für Gott
aller straffen schuldig gebe. Also sol er
das inwendige sündhafftige eitter her
aus ziehen / zuuor vnd ehe denn er aus
wendig eine Arzney auffleget.

Das andere darauff man im Creutze
achtunge haben mus / ist die art des Creu
zes / Wenn man dieselbige nicht eigent
lich weis / so kan man auch die Arzney
nicht wol brauchen.

Das vbel oder der vnfall darmit der
Mensch beladen ist / kömpt bisweilen her
durch seine eigene schuld / zu zeitē kömpts
von andern Leuten her.

Wenn jm jemand selbst ein vbel zuge
richtet hat / als da ist / schande / armut /
kranchheit / elende / todt / etc. Einem sol
chen mus man nicht balde Arzney ge
ben / es sey denn / das er seine Sünde ernst
lich erkenne / vnd bekenne / das er jm sol
ches selbst zugericht habe. Wenn ers als
so erkennet / mustu jm darzu helffen / das
ers noch besser erkenne / vnd jme solches
aus dem wort Gottes ernstlich zu gemü
te führen. Darnach so sahe an / vnd tröste
jm /

in/ auff folgende weise. Zeige jm an / das
jm Gott in solchem seinem Creutze sein
Gerichte / vnd seine barmherzigkeit of-
fenbare.

Gottes Gericht ist / das er die Sünde
straffet / Da sol der Sünder bekennen /
das Gott hieran billich vnd recht thue.
Darumb spricht Christus selbst/ Sündi-
ge forthin nicht mehr / das dir nicht was
ergers widerfare.

Gottes barmherzigkeit wird hiermit
bezeuget / das Gott den irrenden züchti-
get / Denn solches thut er darumb / das
sich der Sünder bekennen sol / wie Paulus
spricht 1. Cor. II. Wenn wir gerichtet
werden / so werden wir von dem Herren
gezüchtigt / auff das wir nicht mit der
Welt verdampt werden.

Wenn dis Fundament also behafftet
im Herzen / des / der sich selbst in noth
bracht hat / da mus man in denn / wie jzt
gemeldet / mit trostsprüchen widerumb
aufrichten / vnd zu hülffe kommen.

Ists aber ein Henschler / oder sonst ein
Gottloser / so vnter dem Creutze liget /
den mus man mit dem Fluch des Geses-
zes / vñ mit dem schrecklichen zorn Got-
tes

tes so lang schrecken/ vnd begegnen / bis
das er seine gebrechen/ vnd wie ein grewo
lich verdamlich ding es sey vmb die sün
de/erkenne vnd bekenne/ das jm alle seine
mishandlung von hertzen leid sey. Wenn
man jme also seine Sünde / vnd den vns
treglichen zorn Gottes wider die Sünde
fürhelt/ vnd er solches zu hertzen nimpt/
wol gut / so mag jm geholffen werden/
Wil er aber nicht/ so bleibet seine Sünde
vnd der zorn Gottes vber jm. Du aber
solt solches alles Gott heimgaben / vnd
dich fürsēhen / das du die edele Perlen
nicht für die Serwen werffest / vnd das
Heiligthumb nicht den Hunden gebest.

Wenn aber der Sünder zu erkentnis
seiner Sünden geführt wird / vnd jm sei
ne begangene mishandlung lesset trewo
lich leid sein / Alsdenn sol man die Artz
ney fein künstlich brauchen/ vñ jme diese
drey stücke ordentlich nach einander fürs
halten/nemlich den fall/ die straffe / vnd
das ende aller beyden / des falles vnd der
straffen.

Der fall/ sol man jm sagen / ist erstlich
daher komen/das er nicht in warer Gots
tes furcht beharret / sondern derselben
vergessen habe. Dieses kan man jm deut
lich

lich darthun aus der Epistel an die Rö-
mer am 1. cap.

Darnach sol man in lehren/das / nach
deme er die fürcht Gottes hab fallen las-
sen / er blos vnd wehrlos worden sey / has-
be der listige Sathan / das fürwitzige
Fleisch / vnd die boshafftige Welt / in des-
sto ehe können zu fall bringen / in obsie-
gen vnd vberwinden.

Wenn man im solche vrsachen seines
falls anzeigt vnd vnterweist hat / als
denn sol man im auch die straffe anzei-
gen / vnd in bereden / das solche straffe ge-
gen seinen begangenen Sünden viel zuge-
ring sey / vnd sey nichts anders denn ein
gewis zeugnis zweyerley dinge in Gott /
nemlich seines grimmigen zorns / vnd sei-
ner Väterlichen gunst vnd gnaden. Der
zorn Gottes gehet vber den Sünder /
wenn er seine Sünde nicht erkennen / vnd
nicht Busse thun wil / auch nicht wissen
wil / das er mit der ruthe Gottes gesteu-
ret werde. Die Väterliche gunst Gottes
spüret der Sünder an deme / wenn er von
Gott gezüchtiget wird / vnd sich bessert /
ein busfertiges leben an sich nimpt / vnd
Gott gehorsam ist.

Endlich

Endtlich sol man jm auch das ende
der Sünden / vnd der straffen anzeigen/
Anbegangener Sünde / oder am fall sol
der mensch lernen / das er hernach für sich
tiger sey / vnd sich für der Sünde / als für
einer giftigen Schlangen hüte. An der
straffe sol er lernen / Das jm solche durch
sonderlichen Rath vnd Gottes willen
zugeschicket werde (da doch Gott vnter
des verschonet der Gottlosen vnd bö
sen) nicht das er jm verderben wölle / son
dern das er jm ein gewis zeugnis vnd zeis
chen gebe / der Väterlichen gunst / die
Gott zu jm treget.

Dieweil aber solches einem betrübten/
angefochtenen / oder Krancken nicht
leichtlich eingehet / sol man jm klare vnd
helle zeugnis vnd Exempel der Schrifft
fürhalten / vnd eigentlich einbilden.

In der ersten zum Cor. am 11. spricht
Paulus / Das wir mit widerwertigkeit
vnd vnglücke von dem Herren gestraffet
werden / auff das wir nicht mit der Welt
verdampft werden. Sihe / hie wird ange
zeigt / was des Creuzes ende sey / nemlich
dis / Das wir nicht verdampft werden /
welches alsdenn geschehen wird / wenn
wir

Wir vns im Creutze zu warer Busse ke-
ren.

In den Sprüchen am 6. Cap. spricht
Salomon: Mein Kind / verwirff die
zucht des Herren nicht / Vnd sey nicht
ungedultig vber seiner straffe. Denn
welchen der Herr liebet / den straffet er/
vnd hat wolgefallen an jm / wie ein Vas-
ter am Son.

Zum Hebreern am 12. werden die / so
one Creutze leben / Bastarte genennet /
vnd nicht Kinder / Denn also spricht er:
Seid jr aber one züchtigung / welcher sie
alle sind theilhaftig worden / so seid jr
Bastarte / vnd nicht Kinder.

Solcher zengnisse der Schrift sol jme
ein Pfarherr viel zusamen lesen / darmit
die Schwachen zu trösten / vnd sie in
irem Creutze auff den Vetterlichen willen
Gottes zu weisen.

Exempel der Schrift / so hierzu dien-
lich sind / der sind sehr viel / Als da ist/
das Exempel Manassis / Marie der
Schwester Mofi / Dauids / des Kö-
nigs Vsie / des Volcks Israels in irer
Gefengnis / vnd anderer viel mehr /
die von wegen irer Sünde gestraffet
worden

worden sind / vnd doch sich durch ware
Busse widerumb zu Gott bekeret. Gar
ein schön Exempel / für allen andern / ist
das Exempel des Schechers am creutze/
der gar einen herrlichen schein seiner bus
se vnd des Glaubens von sich gegeben
hat. Denn er hielte sich nicht für einen
verstorbenen vñ verworffenen von Gott
seiner Sünde halben / ob er gleich von
der selbigen wegen / eines schmehtlichen
todes am holze sterben muste / Sondern
er hoffete gar starck auff Christum / vnd
erliedte seine woluerdiente straffe ganz
willig vnd gedültig.

Ist aber jemand anderer Leute hal
ben in vnfall oder noth kommen / so sol
man zweyerley thun. Man sol einen sol
chen Menschen trösten / wie oben ist an
gezeigt worden / vnd in lehren / das die
der kinder Gottes glück sey / das sie vom
Teuffel vnd der Welt geplaget vñ vmb
getrieben werden.

Nu folget lezlich ein vnderscheid des
creutzes oder der anligenden noth. Solch
anligen betrifft entweder die Seele al
lein / vnd lesset den Leib mit frieden / oder
betrifft den Leib alleine.

Der

Der Leib wird angefochten mit seuchen/krankheiten/gefengnis/elende/etc. Darauß gehöret das / das droben vom Trösten gesagt ist.

Des gemütes anfechtunge kömpt her aus mancherley vrsachen / als da sind/ Irthumb/Zweiffel/Versuchunge / Ver zweiffelung / furcht des Todes/kummer vnd schmerze von wegen eines verlorren dinges. Solchen vnsellen kan man nicht mit einerley Artzney abhelffen.

Dem Irthumb sol ein Pfarherr also abhelffen / Er sol im den rechten grundt vnd die warheit für die augen halten / vnd hiermit alle vrsachen seines Irrthumbs offenbaren / vnd zu nichte machen.

Die Römer irreten im Artickel von der Gerechtigkeit. Solchen Irthumb hebet Paulus auff / vnd zeigt inen die vrsachen an solches Irthumbs / Darneben weist er sie auff die rechte warheit aus Gottes wort.

Nicodemus irret sich auch/aber Christus halff im von solchem Irthumb/führet in auff den weg der warheit/vnd verwirfft die falsche Phariseische meinung.

T Dem

Dem zweiffel kan man leichtlicher be-
gegnen/ Den zweiffel ist nichts anders/
denn wenn das gemüth hin vnd wider
wancket/ vnd weis nicht auff welche sei-
ten es sich wenden sol/ Wenn man einem
solchen gemüte den grund anzeiget/ wo-
her diese oder jene meinunge sich verur-
sache/ das diese oder jene falsch sey/ oder
recht/ Alsdenn so beruhet es auff der
rechten meinunge/ vnd lesset die vnrach-
te fahren.

Die versuchunge kömpt gemeiniglich
vnd vornemlich her / aus betrachtunge
der begangenen vnd vergangenen Sün-
den/ vnd aus der Stoischen Imagina-
tion / als / das der Mensch gedencet/
Gott neme an / etliche / aber nicht alle/
Er biete seine Gnade an / etlichen / aber
nicht allen/etc.

Wenn die versuchunge aus betrach-
tunge der vergangenē sünden herkömpt/
so mus ein Pfarherr zwey ding thun.

Erstlich/sol er die Sünde vñ die barm-
herzigkeit Gottes gegen einander hal-
ten/ Ob die Sünde gleich gros vnd vber-
flüssig ist/ so ist doch das war / wie Pau-
lus sagt zum Römern am 5. Wo aber die
Sünde mechtig worden ist / da ist doch
die

die gnade viel mechtiger worden. Vnd
der Prophet David spricht / Das die
barmhertzigkeit des Herren vber alle sei-
ne werck sey / Vnd das die Erde erfüllet
sey von seiner güte.

Darnach sol er etliche Exempel zusa-
men suchen von der hohen barmhertzig-
keit Gottes gegen die grossen Sünder /
Als da gewesen sein / Adam / Manasse /
Der Schecher am Creutz / David / Mag-
dalena / Paulus / vñ der viel mehr / welche
allesamt von Gott dem Herren begna-
det / Auff das er ein gewiszeugnis gebe
seiner barmhertzigkeit / gegen alle buss-
fertige Sünder.

Römpf aber die versuchunge her aus
den Stoischen gedanken / von der verse-
hung Gottes / so wird sie jm benommen
durch folgende Regel / welche jm ein Pa-
stor fleissig einbilden sol.

Die erste Regel. Man mus nicht aus
vnd nach der vernunft / sondern allein
aus Gottes wort / von dem willen vnd
Gerichte Gottes vrtheilen. Denn dar-
umb wird das wort / ein getrewe zeugnis
des Herrn genennet / das es gewis vnd ei-
gentlich von dem willen Gottes zeuget.

T ij Hu

Nu spricht aber dasselbige Wort also:
Gott wil das allen Menschen geholffen
werde/vñ niemand verderben solle. Dies
ses unwanckelbare Wort sol man allen
Stoischen gedanken entgegen halten.
Dieses Wort wird klerlich also beschrie
ben/1. Tim. 2. 2. Petri 3. vnd sonst an
vielen orten.

Die ander. Die verheissung Göttlicher
gnaden / ist ein allgemeine verheissunge/
wie im Matth. am 11. Cap. solches be
wiesen wird: Kompt her zu mir / spricht
Christus / alle die jr müheselig vnd belas
den seid / ich wil euch erquicken.

Joan. 3. Also hat Gott die Welt ges
liebet / das er seinen einigen Son gab /
auff das alle / so an in glauben / nicht ver
loren werden / sondern das ewige Leben
haben.

Roman. 3. Ich sage aber von solcher
gerechtigkeit für Gott / die da kömpt
durch den Glauben an Jesum Christ / zu
allen / vnd auff alle / die da glauben.

Über das / Das gebott Christi / Mats
thei am 28. ist ein allgemeine gebot: Ges
het hin in alle Welt / vnd prediget das
Euangelium allen Creaturen / Wer da
glaubet vnd getaufft wird / der wird sel
lig

lig werden/ Wer aber nicht gleybet / der
wird verdampt werden.

Die dritte. Bey Gott ist kein ansehen
der Person/ Rom. 2. Acto. 10. Ephes. 6.
Galat. 2. Sondern eine gute sach leß im
Gott gefallen/ vnd eine böse sach die ver-
wirfft vnd verdampt er/ Vnd solchs ge-
schicht jeder zeit nach dieser vnrückel-
baren vnd vnrücklichen Regel. Uns-
ser lieber Herrgott nimpt an alle busfer-
tige Sünder / vnd verwirfft alle vnbus-
fertige dargegen/ vnd sibet dis fals nicht
an die Person irgend eines Menschen /
er sey gleich so hoch vñ mechtig er wölle.

Die vierde. Man mus Gott nicht ei-
nes widerwertigen willens beschül-
digen. Denn vnser Herrgott verdampt
selbst ein zwifaches Hertz. Vnd der A-
postel Paulus spricht: Gott ist warhaff-
tig/ Aber alle Menschen sind Lügner.
Weil denn geschrieben stehet/ Gott wil/
das allen Menschen geholffen werde /
vnd das niemand verderben oder vmb-
kommen solle. Diese wort mus man feste
behalten / vnd keine widerwertige mei-
nung annemen / die anders von Gott vñ
seinem willen lehret. Sind derhalben dis
falsche lehren/ wenn man sagt/ Gott wil

T iij das

das etliche menschen sollen selig werden/
vnd nicht alle / sonderlich / wenn du auff
das werck der Schepffunge / vñ auff den
Son Gottes / der vns allen geschencket
ist / sihest. Vom ende oder ausgang eines
dinges mus man anders richten / anders
mus man auch richtē von Gottes willen/
der auff die werck der menschen erfolget.

Die fünffte. Gottes gnade ist mechs
tiger / denn alle Sünde der ganzen welt/
Rom. 5. Durch diese Regel wird ange
zeigt / die größe der barmhertzigkeit
Gottes / vnd die hohe würdigkeit des ses
ligen Opffers Christi / für die Sünde.
Denn gleich wie Gott alles beschlossen
hat vnter die Sünde / das er sich aller er
barne. Also ist das Opffer Christi eine
völlige gnugtuung für aller Menschen
Sünde / wie gewlich vnd viel auch der
selbigen sein mögen.

Die sechste. Gleich wie in vnsern ersten
Eltern / das ganze menschlich gescheh
te gefallen ist / Also gehöret auch die ver
heissung / die Gott vnsern ersten Eltern
gethan / allen Menschen zu. 1. Corint. 15.
Gleich wie sie in Adam alle sterben / also
werden sie in Christo alle lebendig gema
chet werden. Dieser Spruch ist nicht als
lein

lein zumerstehen von der Auferstehung
der Todten/sondern auch von der heilsa-
men lebendigmachung aller dere/so Chri-
stum lieben/vñ in angehören. Wie nu Al-
dam sich mit der verheissung des künfft-
tigen Samens auffgerichtet vnd getrö-
stet / Also sollen auch wir die Hand die
vns Gott beutet vnd darreicht / Jesum
Christum vnsern Herren/durch einen fes-
ten Glauben ergreifen / annehmen / vnd
behalten/Auff das wir mit seinem leben/
vnd mit seiner Gerechtigkeit begabet/
das verheissene ewige Leben/vñ vnsterb-
liche wesen erlangen mügen.

Diese Regel sol ein Pastor fleissig treis-
ben / vnd sie mit vielen Sprüchen der
Schrift/da es die noth erfordert / befe-
stigen vnd erweisen.

Ich habe von einem Weibe gehört /
welche mit den iren gar zu vngestüme
vmbgieng / vñ derhalben erinnert ward/
das sie es nicht thun solte / Denn vnser
Herrgott würde sie am Jüngsten tage
straffen / von wegen solcher vnbilligkeit/
Gab sie zur antwort / Bin ich von Gott
versehen zum ewigen Leben / so werde
ich selig werden / ich thue gleich was ich
wölle. Bin ich nicht zum ewigen Leben

T iij verse

versehen/so wird mich mein Glaube vnd
meine werck wenig helfen.

Solche meinunge vñ gedanken streit/
ten offenbarlich wider Gottes wort / vñ
kommen vom Teuffel her. Drumb sol
man die leut vermanen/das sie den zeug/
nissen Gottes glauben wollen / vnd sich
nicht durch Menschliche Treume vnd
fleischliche gedanken / von der warheit
lassen abwendig machen.

Die aller schwereste anfechtung / so
dem gemüth mag zu handen kommen/
ist die verzweiffelung / Denn wer darein
fellet/der fület die schmerzen der Zellen.
Vnd kömpt dieselbige her/entweder aus
den gedanken de particularitate / das
sein solche gedanken / als neme Gott zu
gnaden an/etliche / aber nicht alle / etc.
Oder aus betrachtunge eigener vnwir/
digkeit/von wegen der teglichen manig/
feltigen gebrechen vnd Sünden. Solch
er anfechtunge kan nicht ehe abgeholfen
werden / man hebe denn auff die vrs
achen derselbigen.

Wird ein Mensch angefochten mit
den gedanken de particularitate / dem
sol man zu hülff kommen / mit den sechs
oberzelten Regeln.

Die

Die betrachtunge eigener vnwürdige
keit / wird vberwunden durch fleissige
bedenckung Göttlicher verheissungen /
vnd des hohen würdigen Opffers / welchs
Christus selbst am stamme des Creuzes
volbracht hat. Item / durch erinnerunge
der Exempel der lieben Heiligen / derer
etliche mit gewlichen Sünden besfleckt
gewesen / vnd sind doch zu gnaden ange
nommen worden. Vnd den Spruch Pauli
mus man stets für augen haben / Die gna
de Gottes ist mechtiger den die Sünde.
Item / das Blut Ihesu Christi machet
vns rein von aller Sünde.

Die furcht des gegenwertigen oder
zukünftigen Todes / wird durch zwey
stück vberwunden / Durch das vertrau
en von der vergebung der Sünden / Vñ
durch den glauben an die aufferstehunge
von den Todten.

Wenn derhalben ein frommer Pastor
mit sterbenden Leuten handeln sol / so
mus er aus jzt erwenten zweyen stücken /
allen trost nemen / vnd sol dieselbigen mit
Sprüchen vnd Exempeln der Schrift
wissen zu bekrefstigen / vnd erklären.

Vnd sein dieses die fürnemste stücke /
die der Apostel Paulus seinem Jünger
T v Timos

Timotheo befihlet. 1. Tim. 1. Vbe eine gute Ritterschafft/ vnd behalt den glausen/ vnd ein gut gewissen. Vnd 2. Tim. 2. Halt in gedechtnis Jesum Christum/ der auferstanden ist von den Todten. Vnd der Apostel nimpt zum offtermal seinen trost aus der Auferstehunge der todten/ Aber solcher trost wird alsdenn erst volkommen vnd feste / wenn der Glaube im hertzen des Menschen leuchtet vnd vorhanden ist.

Der schmerze von wegen eines verlorenen dinges/ wird gelindert durch die verheissungen Gottes/ der da zusaget vñ verheisset seine hülffe vnd Väterlichen beystand/ allen denen/ so auff in hoffen. Dar nach so wird er gelindert durch betrachtunge der vnbestendigkeit vnser lebens. Itz/ durch betrachtunge des vnerforschlichen raths Gottes/ der offtmals durch den verlust zeitlicher güter die seinen prüfet. Zieher gehört das Exempel des heiligen Jobs/ vnd sein Spruch : Der Herr hats gegeben/ Der Herr hats genomen/ Der name des Herren sey gelobet. Hiob. 1. Kürzlich/ Der glaube vberwindet leichtlich alle schmerzen des gemüts / er komme gleich her/ aus was vrsachen er wölle.

Drumb

Drumb sol das der fürnemsten sorgen ei-
ne sein / die ein Pastor haben sol bey seinen
Zuhörern / das er in jren hertzen einen ge-
wissen vnd starcken grund des Glaubens
lege / Auff das / wenn die noth herzu drin-
get / sie einen bestendigen trost bey sich
haben können.

Vnd wiewol nu folgende Loci vom
trösten / zu allerley schmerzen vnd Creutz
mögen gebraucht werden / so wil ich doch
eine sonderliche Ordnung fürsreiben /
wie man die / so von wegen abgestorbe-
ner guter Freunde in trübnis sein / trös-
ten solle / Vnd wil etliche Sprüche erze-
len / welche ein Pastor stets vor der hand
vnd im vorrath haben sol. So sol nu ein
Pastor den betrübten von wegen seines
abgestorbenen freundes / heissen sehen :

1. Auff Gott den Herren selber.
2. Auff seinen verstorbenen freund.
3. Auff das gemeine wesen aller Men-
schen.
4. Auff die Welt.
5. Auff den Himel.
6. Auff die Auferstehung der Todten.

Wenn er auff Gott sihet / sol er betrach-
ten den willen / die weisheit / vnd die ge-
rechtigkeit Gottes.

Gottes

Gottes wille ist / das dieser vnser
guter freund hinweg genomen ist durch
den Todt. Solchem willen Gottes sol
niemandes widerstreben.

Gottes Gerechtigkeit ist dis / das er
widerumb fordere das jenige / das er ge-
geben hat / Denn lieber was ist rechter
oder billicher / denn das der / so vns das
leben gegeben hat / dasselbige widerumb
zu sich fordere vnd neme / wie vnd wenn
es in gut duncket / vnd im wolgefellet.

Gottes weisheit erinnert vns / das
Gott nichts vmb sonst / oder one vrsach
thue / Den er allein weis zum besten / ob es
vns besser / vñ zur seligkeit nützlicher sey /
lang leben / oder bald sterben. Unser Herr
gott nimpt irer viel dahin / das sie entwe-
der nicht erger werden / oder mehr vn-
glücks in diesem Jamerthal auff sich ne-
men vnd erleiden sollen. Da nu einer vmb
seinen verstorbenen freund trawret / sol er
sich mit der ewigen weisheit Gottes / vñ
seinem gerechten heilsamen willen trö-
sten / Denn wider solchen zustreiten / ist
vnrecht.

Zum andern / so wende er seine gedan-
cken auff seinen verstorbenen freund / der
itzund nu in viel einem bessern stande ist /
denn

den zu vor / Denn er ist alles vñbels / vñd
aller gefahr entlediget / Es kan vñd ver
mag weder Welt / noch Teuffel / oder ir
gend was anders seine seligkeit verhin
dern. Weil wir hie in diesem Leben sein /
sind wir gar mancher vñ vielerley angst /
kummer vñd noth vñterworffen / vñd ist
kein freude bey vñs so volkomen / da nicht
leid vñd vnfall sich mit einmenge vñd
vñterlauffe. Wer nu von dieser welt ab
gefordert ist / der darff solchs vnfalls vñd
hertgleides gar nicht gewertig sein. Denn
gleich / wie einer / so in einer schweren vñd
gefahrlichen Schiffart gewesen / vñd an
dem Gestadten oder Vfer anlandet / nu
hinfurt sicher ist. Also ist auch der / so
durch tödlichen abgang von dieser welt
abgefordert wird / Er kömpt gleich als
an eine sichere Schiffart / das in dis fehr
liche vñgestüme Weltwesen nicht mehr
antasten oder vñtertrucken kan / Denn er
ist komen zu der friedsamten anlandunge
vñd zum gerüglichen gestadten seiner sel
igkeit. So nu jemand vñber seinem ver
storbenen freunde / der in rechtem Glau
ben an Christum seinen Heiland von dies
ser Welt abgescheiden ist / gar zu hefftig
trawren wolte / der würde darfür anges
sehen /

sehen / gleich als gönnete er im solche ge-
ruhigliche vnd glückselige anledunge
nicht / zu der er nu komen / wir aber noch
weit darvon sind.

Zum dritten / sol der trawrende das
allgemeine ganze menschlich geschlecht
vnd wesen bedencken / deme er auch selbs
vnterworffen ist. Was Gott einmal be-
schlossen hat / das kan kein Mensch nicht
endern / dem kan niemand entfliehen.
Das ist aber sein Beschlus / das alle men-
schen sterben sollen / Zu welcher zeit oder
stunden aber / das ist niemand bewusst /
Wie der gemeine Vers lautet:

*Mors certa est, incerta dies, hora agnita nulli,
Qui sapit, extremam quamlibet esse puta.*

Der Todt ist gewis / weis iderman /
Die stunde niemand wissen kan.
Bestell dein Haus / Schick dich zur fart /
Allzeit der letzten stunde wart.

Das man nu an einem Menschen das
beweinen wolte / das jeden vnd allen ge-
mein / vnd zu handen kömpt / ist nichts
anders / denn sich selbst mit vnnützer sor-
ge vnd trawren plagen. Diervail dem
dis sterbliche wesen allen Menschen ge-
mein

meint ist / sol man viel mehr gedenccken /
das ein jeder Gott zugehorsamen schul-
dig sey / sich also schicke vnd bereite / auff
das er zur wanderschafft / darzu in Gott
zu bequemer zeit erfordern wird / tüchtig
vnd bereit sey. Auch sol es vns nicht weh-
thun / das es vielleicht balde geschicht /
Denn je ehe / je besser / vnd heilsamer ist es
dem / so aus diesem Jamerthal abgefors-
dert wird. Denn selig sind die / so in den
Herren absterben.

Zum vierden. Sol er die Welt an-
schawen / welche fürwar in aller bosheit
vnd vntugend fast gar ersoffen ist. Da
leidet frömbkeit vnd tugend grossen ge-
walt / da ist aller finantzerey vnd betrugs
weder mas noch ende. Sihe wohin du
wilt / so wirstu befinden / das die Welt
gar vnrein sey / vnd von tag zu tage / je
lenger je sehrer von solcher vnreinigkeit
wegen stincke. Balde heben die Tyran-
nen an / vnd zerstören gemeinen friede.
Balde kommen Schwermer vnd Re-
zer / vnd streiten wider die Christliche
Kirchen. Balde mus ein jglicher in sei-
nem eigenen Hause allerley vngemach
vnd vnfalls gewertig sein.

Zum

Zum fünfften. So sehe er den Himmel
an/ vnd erkenne denselben für sein Haus
vnd rechtschaffenes Vaterlandt / dahin
er wandern sol / Da ist nichts vnreines/
da ist keine trübsal noch gefahr / Son-
dern alles rein/heilig/freudsam vnd sich-
er. Da sehen die lieben Heiligen Gott von
angesicht zu angesicht/ Da leben sie bey
dem Herren Christo / vnd wenn sie an-
scharwen seinen verklärten vnd gar herr-
lichen Leib / so begeren sie von ganzem
herzen die zukunfft des Jüngsten tages/
an welchem Leib vnd Seel wider zusam-
menkomen vnd vereiniget werden / vnd
also dem Herren Christo gleichförmig
vnd ehulich werden sollen.

Zum sechsten. Sol der trawrende den-
cken an die aufferstehung der Todten/
welche ist als eine gemeine Arzney wi-
der allerley vbels/ so dem Menschen be-
gegnet. Hiermit tröstete Christus die
Martham / da er spricht : Ich bin die
Aufferstehunge. Hieran heisset der Apo-
stel Paulus seinen Jünger Timotheum
gedencken/da er saget / Halt in gedech-
nis Ihesum Christum / der aufferstan-
den ist von den Todten / 2. Timoth. 2.
Dis

Dis sey gesagt / Wie man die / so umb ire
verstorbene freunde trawren / trösten
solle.

Bisher hab ich gesagt von rechter teil-
lunge des Worts der warheit / vnd hab
angezeigt / wie ein Pfarherr / als ein ge-
schickter Arzt / nach gelegenheit des ge-
mütes krankheiten / das heilsam öl Gött-
liches worts gebrauchen sol. Warfür nu
ein Pfarherr im Lehren sich hüten solle /
wird etwas besser zuuerstehen sein.

Paulus vermanet ein Pastorn / 1. Ti-
moth. 1. das er sich für zweyerley dingen
hüten solle. Vnter welchen das erste ist /
Das er nicht was frembdes lehre. Das
ander / das er nicht den Fabeln zuhöre.
Das erste wird bey jm zuwegen bringen /
das er nicht die Göttliche heilige Lehre
vnterlasse / vnd ein andere oder vngött-
liche auff die Ban bringe. Das ander
wird in lehren nach nötigen dingen zu
fragen / vnd der vnnützen geschweize / vñ
fürwitzigen fragen sich zuentschlagen.

Das Paulus solche zwey stücke von ei-
nem Pastore erfordert / ist dis die ursach.
Die Kirche Christi mus erbawet wer-
den auff Christum als den rechten grund
fest / Nach dem Spruch Pauli / 1. Cor. 3.

V

Einen

Keinen andern grundt kan zwar niemand
legen auſſer dem der gelegt iſt / welcher
iſt Iheſus Chriſt. Vnd zum Galatern am
1. wil Paulus nicht / das man leichtlich
oder freuentlich etwas neues herfür
bringe / da er denn zweymal nacheinans
der gar heſtige ernſte wort ſetzet / So
jemand euch Euangelium prediget / an
ders denn das jr empfangen habt / der
ſey verflucht. An dieſen Spruch ſol ein
Paſtor gedenccken / vnd allerley quaſtio-
nes vnd fragen / ſo zu auſſerbawunge
des Glaubens nicht dienen / ſich entſchla-
gen / ob ſie gleich noch ſo ſchön vnd ſub-
til ſcheinen möchten.

Es fragen ja zeit en müſſige Leute
nach vielen dingen / darzu jnen denn ire
blinde vermuſſt redtlich hilfft vnd viel
einbleſet / Aber ein fromer Paſtor ſol blei-
ben bey dem wort Gottes / vnd ſich dar
an benügen laſſen / vnd mit dem Prophe-
ten Dauid ſagen / Pſalm. 119. Dein wort
iſt meiner füſſe Leuchte / vnd ein Liecht
auff meinem wege. Auch ſol er ſich nicht
ſchemen / ob er gleich nicht alle Argu-
ment / gegenwurff / vñ einrede weis auff
zulöſen.

Aus

Ans solchem allem ist wol zumerstes
hen/auff was weise ein Pastor die falsche
Lehre verwerffen sol. Denn gleich wie
Paulus ganz muttig vnd künlich saget/
das der verflucht sey / so ander Eu
uangelium prediget / Also soll ein Pas
stor mit den Feinden des Euangelij
nicht spielen / vnd durch die Finger ses
hen / Sondern die falsche Lehre offents
lich verdammen / vnd solcher falscheit
ursach anzeigen / mit fleissiger vernel
dunge/was für vnleidlichen schaden die
Kirche von solcher falscher Lehre zu
gewarten habe. Sonderlich weil es
mit allen dingen fast so zugehet / wenn
man einigem vnd geringem jrthumb
ein mal einreumet / so folgen hernach vn
zelich viel jrthumb / da fellet immer eins
nach dem andern/vñ hat das einreden vñ
Argumentiren weder mas noch ende /
wie denn im Bapstumb geschehen ist.

Es erfordert Paulus von einem Pas
store/das er dem Widersacher sol können
das Maul verstopffen. Ob er nu gleich
nicht alle irrige vnd verwirte fragē weis
zurichten vnd auffzulösen / so wird doch
gleich wol der jrthumb offenbar / vnd ers
kandt / wenn man den grund reiner Lehre
anzeiget.

V ij Es

Es stehet ja das einem Pastori zu / das
er den Irthumb verwerffe / vnd den ir-
renden oder Ketzer auff den rechten weg
füre / kan aber solches ja nicht geschehen /
so spricht Paulus / Das man einen solch-
en Menschen meiden solle / als einen der
durch sein eigen Vrtheil verdampt sey.
Doch sol man für in bitten / das in Gott
der mal eins zu seinem Liecht führen / vnd
sein Hertz bekeren wolle.

Bisher ist gesagt worden vom ersten
theil / so zu eines Pfarherrs Ampt gehö-
rig. Tu wil ich vom andern auch lehren.

Von Austheilunge der heili- gen Sacramenten.

Als andere stück / so zum Ampt
eines Pastoris gehöret / ist die
Austheilunge der heiligē Sacra-
menten / in welcher austheilunge / so viel
das Sacrament der seligē Tauffe belan-
get / welches das erste Sacrament in der
Christlichen Kirchen ist / sol er alles ver-
richten nach seiner Kirchen ordnung /
vnd mit hertzlicher andacht handeln / al-
les was er fürnimpt / Vnd es darfür hal-
ten /

ten/das er an Christi Stadt stehe vñ han-
dele. Denn Christus selbst ist der da reis-
niget vnd abweschet durch des Priesters
hende/welche er als ein Instrument hier
zu brauchet. Die Gebet vnd Christliche
Lectiones sol er fein deutlich vñ vernem-
lich lesen / vnd Gott von Herzen anruf-
fen/das er bey seiner ordnung stehen vñ
dieselbige erhalten wölle / Vnd sol das
getauffte Kind ins Gebet der Christlich-
en Kirchen befehlen/vnd die Eltern ernst-
lich vermanen/ das sie diese Newgebor-
ne Creatur Gottseliglich erziehen / vnd
sich hüten wöllen / das sie nicht irgendet
durch vnflais das Kind verwahrlosen/
oder im leid geschehen lassen. Dis sey ge-
sagt von der Tauffe.

Von austheilunge des Abendmals
Christi / mus man mehr vnterricht vnd
bescheid wissen / Denn gleich wie man
das wort Gottes heiliglich handeln vnd
halten sol/Also sol man auch das Sacra-
ment des Leibs vnd Bluts Christi/ wel-
ches ist ein sichtbarlich wort des Euangs-
gelij/gantz heilig vnd andechtiglich han-
deln vnd reichen. Vnd sol sich ein Pastor
hierinnen hüten/das er sich nicht frembs
der Sünden theilhaftig mache. Denn

V iij welcher

welcher Pfarherr einem öffentlichem
Volsauffer/Lebbrecher/Tyrannen/Flu-
cher/Gotteslesterer/ groben vnd vnuer-
schampfen/ oder sonst einem vnehrbarn
vñ verruchten menschen/ so nicht wans-
delt würdiglichen dem Euāgelio/das Sa-
trament des leibs vñ bluts Christi vnser
Zerren reichet/oder mittheilet/der wirf-
fet die edelsten Perlen/vñ die schönen Klei-
noten der kirchen/für die Sewe vñ Zun-
de/ zu grosser schmach des sons Gottes.
Dieses ist denn gar eine schwere Sünde.

Chrysostomus spricht/das er seinen leib
viel ehe zu vielen stücken wolte zureissen
lassen/denn das er wissentlich vnd wil-
liglich den leib vnd blut Christi einem le-
sterlichen menschen/so one busse lebet/ge-
ben oder mittheilē wolte/ vñ solchs zwar
nicht vnbillich/Den wo solchs geschicht/
so wird eine vierfache Sünde begangen.

Erstlich/wird der Son Gottes offen-
berlich geschmehet/vnd viel sehrer gehö-
net/den so man ime backenstreiche gebe/
vnd ins angesichte speiete. Christus ver-
manet gar ernstlich/ Werffet das Heilig-
thumb nicht für die Zunde.

Darnach/Wer einem menschen/den er
kennt vnd weis/ das er nicht ernstlich
busse

büßet / o
mit reiche
für Gericht
der sich se
sünden.

Über de
Gewissen.
wider sein
von sich d
ret allgen
welchen e

Endlich
Exempel
blindheit/
si gehinde

Ich wil
solches e
dardurch
lieben En

mal des
dienen / zu
Dargegen
meine ge
der schma

Ich red
dem ich red
sich selbst is

busse thut / oder thun wil / das Sacra-
ment reichet / der mehret demselbigen
sein Gericht vnd verdammis / vnd mas-
chet sich selbst theilhaftig frembder
Sünden.

Vber das / so verwundet er sein eigen
Gewissen. Denn er thut ja offenbarlich
wider sein eigen Gewissen / vnd treibet
von sich den heiligen Geist / vnd verleu-
ret allgemach auch andere gaben / mit
welchen er zuuorn begabet gewesen.

Endtlich / werden irer viel durch solch
Exempel erger / vnd verstockter in irer
blindheit / Vñ wird also das Reich Chris-
ti gehindert vnd zerstöret.

Ich wil geschweigen / das hiermit ein
solches Spectackel zugerichtet werde /
dardurch die heiligen keusche geister / die
lieben Engel Gottes / so bey dem Nach-
mal des Herren sein / vnd irem Könige
dienen / zum höchsten betrübet werden /
Dargegen aber werden die Teuffel vnd
vnreine geister / die feinde Christi / die sol-
cher schmach zusehen / gar sehr erfreuet.

Ich rede hiermit nichts zuuiel / sons-
dern ich rede von der sachen / wie sie an
sich selbst ist / ja es kan noch vermag nie-

V üij mand

mands von einer so wichtigen Sachen
genugsam reden.

Der Apostel Paulus bezeuget/das von
wegen solches greulichen misbrauchs die
Corinther gar hefftig vnd schrecklich
sind gestrafft worden / vnd das irer viel
deshalben haben müssen des todes sein.
Es ist auch kein zweiffel/das die manig/
faltige gemeine vnd besondere plagen/
eine gewisse straffe sind des schendlichen
misbrauchs des heiligen Abendmals
Christi.

Es möchte aber einer sagen/Was ges
het es mich an / da mag der zu sehen / der
vnwürdig hinzu gehet? Warumb solte
ich frembde Sünde büßen? Fürwar es
gehet dich gar viel an. Unser Herrgott
hat dich seiner Gemeine vorgesezt/das
du sie weiden/nicht zertrennen / schlach/
ten vnd zerreißen solst / Welches trawen
geschicht/wen du das heilige Abendmal
one vnterscheid den Gottlosen vn Gott/
fürchtigen mittheilest.

Ambrosius wird billich gelobet / das
er auch des Keisers Theodosij nicht ge/
schonet hat / vnd in zum Abendmal des
Herren nicht hat zulassen wollen/bis das
er öffentliche Busse thet/von wegen des
merck/

mercklichen schadens / der durch seine
hülff vnd anstiftung geschehen war.

Derhalben ich einem Pfarherr rahte/
das er zwischen den rechten Schafften
Christi / vnd den falschen Böcken einen
fleissigen vnterscheid halte / auff das er
nicht das schwere Vrtheil Gottes auff
seinen hals lade.

Das wil ich kürzlich erinnert haben/
von denen / welche man nicht zum Sa-
crament lassen sol.

Dieweil aber in diesen vnsern Kirchen
niemand zum Abendmal des Herren zu-
gelassen wird / er habe denn zuvor seinem
Pfarherr gebeichtet / vnd sey von demsel-
bigen genugsam verhört worden. So
wil ich einem Pastori mein bedencken
von solcher verhör kürzlich darthun vnd
mittheilen / Vnd auff das solches desto
leichter vñ deutlicher geschehē möge / wil
ichs theilen in fünff stück / Als nemlich.

Erstlich / vom betrachten vnd nach-
dencken / wie gegenwertiges dein Beicht-
kind in seinem leben sich verhalten habe /
vnd noch verhalte.

Zum andern / vom gesprech des Beicht-
vaters mit seinem Beichtkinde / so zum
heiligen Sacrament gehen wil.

V v Zum

Zum dritten. Vom trost des Beicht-
kinds / so reu vnd leid hat vber seine
Sünde.

Zum vierden. Von der Absolution.

Zum fünfften. Von ermanunge / dar-
mit solches Examen vnd verhörunge be-
schlossen wird.

1. Es sol ein Pastor fleissig nachden-
cken haben / des lebens vnd wandels hal-
ben der Leute / so zum Sacrament kom-
men wollen. Denn aus solchem siehet
vnd erlernet er / woran ein jder krank li-
ge / vnd was im mangle. Auff das alter
sol er eben achtunge haben / vnd mit was
Sünden dasselbige vornemlich beflecket
sey / Er mus auch auff die Person sehen /
ob es ein Man oder Weib sey / Herr oder
Frawe / Knecht oder Magd / Handt-
wercksmann / Händeler / vnd dergleichen /
Ob dieselbige Person ehelich sey oder
nicht / Ob es sey ein Oberkeit / oder Un-
terthaner / Armer oder Reicher. Denn
nach dem die person ist / also sind auch ire
Sünden vnd Laster. Solche vmbstende
mus ein Pastor keines weges verachten.

2. Folget vom Gespreche / Da vielleicht
der Pfarherr gethaner Beicht halben
zweiffelte /

3 zweiffelte / oder nicht wüßte / was sein
Beichtkind im Catechismo zugenomen/
vñ gelernet hette / So sol er für das aller
erste fragen / vnd hören / Ob er auch nach
dem Text erzelen könne / die Zehen gebot /
den Glauben / das Vater vnser / das Sa-
crament der Tauffe / das Ampt der
Schlüssel / das hochwirdige Sacrament
des Altars. Wer diese stücken nicht kan /
den sol man zum Sacrament nicht laß-
sen / bis das er besser vnterrichtet vnd ge-
lernet werde. Denn das were ganz vñ
billich vnd vnrecht / das man den zum
heiligen Sacrament wolte gehen lassen /
der noch nicht den anfang seines Chris-
stenthumbs wüßte.

Wenn aber einer diese stücke weis
recht zuerzelen / sol man in nach ges-
haltener verhör / zur Busse halten / vnd
in fragen / Ob ime auch seine Sünde
hertzlich leid sein / das er mit denselben
Gott erzürnet / vnd seinen Nächsten bes-
leidiget habe. Wenn denn ein Pfars-
herr weis vmb sein Leben / das er etliche
Laster an sich hat / sol er ime solche nicht
verhalten / sondern anzeigen. Gleich
als wie ein Arzt / der dem Krancken sei-
ne Kranckheit anzeiget / auff das er die
Arzney

Arznei desto lieber zu sich neme/ vnd wi-
der zu seiner gesündheit / darnach er sich
gar hertzlich sehneth/ kommen möge. Dar-
nach sol er fragen/ ob er sein leben hinfort
auch besseren wolle.

Dis wil ich aber verstanden haben von
gemeinen Irthumen / die nicht mit der
Excommunication zu straffen sind. Den
was grobe greiffliche Laster sind/ darzu
gehöret ein öffentliche Buße. Oder doch
ja zum wenigsten/ das einer/ so mit solch
en öffentlichen Lastern beladen/ die Kir-
che vmb vergebung bitte. Doch hier
von sol an seinem ort geredt werden.

Kömpf ein Kauffman oder Händ-
ler zur Beichte / so sol in ein Pastor fra-
gen/ vnd abhalten von den dingen / dar-
mit er in seinem handel sündiget. Kömpf
aber ein junger Knabe oder Gesell/ so
fragt er vnd vermanet in/ von den Sün-
den abzulassen / welche der Jugend ge-
mein sind. Vnd so fortan von andern.

Sie wolte es aber gar nützlich vnd ge-
rahten sein / das ein Pastor die Zehen ge-
bot für sich neme/ vñ dieselbigen ordent-
lich / vñ jglichs insonderheit dem beicht-
kinde fürhielte/ vnd in fragte/ ob er auch
denselbigē gehorsam gewesen were. Durch
solche

solche lehre vñ verhör würde der mensch
fein gefüret zu erkendtnis sein selber.

Nach gethaner Beichte/sol der Pfar/
herr seinem beichtkinde mit ernstern wor/
ten fürhalten/wie ein greulich vñ schreck
lich ding es sey vmb die Sünde. Dar/
nach/ wie gros vnd vntreglich der fluch
vnd zorn Gottes vber die Sünde sey/das
er die vnbusfertigen straffen/ vnd ewig
verdammnen wölle.

Wenn ein Pfarherr vermercket/das
gegenwertiges sein Beichtkintd/ seine
Sünde recht erkennet/vnd inne dieselben
von Herzen lesset leid sein/ Sol er in fra/
gen/ ob er auch eine Arzney wider den
zorn vnd fluch Gottes wisse. Wird er
denn antworten/ Das man allein bey
Christo rath vnd hülffe finde/ wider den
Todt vnd ewige verdammis/ So sol im
der Pfarrer solche seine antwort mit
Sprüchen der Schrift bekrefftigen/vñ
mit ernstern Worten anzeigen/ Das Chris
tus darumb in die Welt komen sey/ das
er die Sünder wölle selig machen.

3. Zum dritten/sol ein Pastor mit sprü/
chen der Schrift vnd Exempeln die ges
wissen trösten vnd beweisen/das Gottes
wille sey/Das der Sünder nicht sterben/
sondern

sondern sich bekeren vnd leben solle. Denn
also stehet geschrieben / Ich wil nicht/
spricht Gott/ den todt des Sünders/son
dern das er sich bekere vnd lebe. Auch
sol er dem Sünder anzeigen / das dis der
wille Christi sey/ das alle müheseligen vñ
beladenen zu jm kommen sollen. Denn so
spricht er / Kompt her zu mir alle die jr
müheselig vnd beladen seid / ich wil euch
erquicken/ Bey mir werdet jr ruhe finden
für ewre Seelen. Er sol auch anzeigen/
das sich die Engel Gottes im Himmel
frewen vber einen Sünder der büsse thut.
Er sol anzeigen / das es ein ernstes vnd
gemein gebot Christi sey/ das alle Men
schen zur Busse geruffen werden. Er sol
anzeigen vñ lehren / das das einige Opf
fer Christi am Creutze für die Sünde der
Welt genug thue. Derhalben niemandt
verzagen solle / von wegen seiner grossen
vnd vielfeltigen Sünden / Denn dieser
Spruch stehet feste/ Die gnade ist mecht
tiger denn die Sünde / Vnd sol diesen
Spruch gar fleissig treiben / Also hat
Gott die Welt geliebet/ das er seinen eini
gen Son gab/ auff das alle/ die an in glau
ben nicht verloren werden / sondern das
ewige leben haben.

Solches

Solchs sol er mit Exempeln erklären/
Insonderheit aber ist es nütze / das man
solche Exempel neme / als wie die Person
ist mit der man handelt / vnd redet. Als
nemlich / Einem geizigen Wucherer / der
seine Sünde erkennet / vnd reu vnd leid
darüber hat / sol man fürhalten das Ex
empel Zachai. Einem Hoffman / das Ex
empel des Heidnischen Hauptmans. Ein
nem Todtschleger / das exempel Dauids.
Einer offenberlichen Sünderin / das ex
empel Magdalene. Einem Lesterer / das
exempel Manassis. Einem Armen / so
durch stetige Franckheit gar math wor
den / das exempel des weiblins / welches
zwölff jar den Blutflus erlitten. Vnd so
fortan von andern.

4. Zum vierden / folget die Absolution/
Da sol ein Pfarherr fragē / ob er / nemlich
das beichtkindt / gleube / das jm Christus
gnedig vnd barmherzig sey / vnd ob er
auch allen seinen trost allein auff Chris
tum als seinen einigen mitler setze. Wird
er Ja darzu sagen / vnd solches von Her
zen bekennen / Sol der Pfarherr dar
auff sagen / Das er auch jzt im Himmel für
dem Richtstuel Gottes seiner Sünden
los / vnd zu gnaden angenommen sey. Dem
dis

dis ist die ewige warheit Gottes / Wer
an den Son gleubet / der hat das ewige
leben.

Hie mag er diese / oder dergleichen
form zu Absoluiren brauchen / mit auff-
gelegter Hand / auff des Beichtkinds
Haupt / doch one einigen aberglauben.

Liebes Kindt / Dieweil du dich
nicht allein einen Sünder / vnd für Gott
einen gebrechlichen menschen erkennest /
vnd ist dir hertzlich leid / das du Gott mit
deinen vielfeltigen sünden erzürnet hast /
Sondern du gleubest auch der verheiß-
sung des Euangelij / von der vergebung
der Sünden / vnd den Worten Christi /
der da spricht / Das der / so an in gleubet /
das ewige Leben haben solle / vnd ferner
verheisset / Was hie auff Erden auffge-
löset werde / das sol auch im Himmel los
sein. Ich sage dir / vnd bezeuge / das du
vergebung deiner Sünde haben solt /
welche ich dir an Christi stadt verkündi-
ge vnd mittheile. Vnd ich als ein Diener
Gottes am Euangelio seines lieben sons
Ihesu Christi / spreche dich von deinen
Sünden ledig vnd los / Im Namen des
Vaters / vnd des Sons / vnd des heiligen
Geistes / Amen.

5. Zum

5. Zum fünfften/Sol er eine vermanung
ge thun an das Beichtkindt/das es sich/
nach dem es nu von seinen Sünden ent-
bunden / fleissig hüte fürn Teuffel vnd
seinen listigen anschlegen / für büberey/
schalckheit / vnd bösen Exempeln / für
fleischlicher wollust vnd fürwitz. Vnd
das er sich forthin in warer Gottseligs-
keit vben/ fleissig on vnterlas beten / sich
für böser gesellschaft hüten / von vbris-
gem fressen vnd sauffen enthalten wolle.
Auch sol er im anzeigen/ wie gar gefehr-
lich vnd sorglich es sey/offtmals in einer-
ley Sünde fallen. Hierauff gehören die
Exempel/derer/so da gefallen/vnd nicht
wider auffgestanden sein durch ein bus-
fertiges Leben. Ober das/sol er auch sei-
nes Ampts oder Standes halben erin-
nert werden / das er desselben trewlich
warte/Niemands betriege / oder in eini-
ger handlung verforthteile / vnd das er/
nach gelegenheit seiner habe vnd güter/
milde vnd behülfflich sey gegen den Ar-
men / Auch sonstn meniglich/ die werck
der Liebe nach dem befehl Christi/erzei-
gen wolle / Auff das er i der zeit in warer
liebe gegen Gott vnd schuldiger dienst-
barkeit gegen seinem mitchristen erfuns-
den werde.

Æ

Diese

Diese vermanunge sol iher zeit geschehen nach gelegenheit der Personen/ so da einem Pastori fürkommen.

Bisher ist gesagt worden vom andern stücke des Predigampts. Volget vom dritten.

Von der Disciplin vnd zucht/darmit ein Prediger seine Pfarckinder regieren sol.

Die Christliche disciplin vñ zucht darauff ein Pastor sonderlich achtunge geben sol / wird gar höchlich gelobet. Drumb sol ein Pfarherr hierinnen nicht nachlässig / sondern ernstthafft vñ fleissig sein / auff das nicht seines vnfleisses halben / das volck rucklos vnd vnggezogen werde / Denn je vn fleissiger ein Pfarherr ist / je vnggezogener sind auch die Pfarckinder.

Salomon spricht / Prouerb. 10. Die zucht halten / ist der Weg zum Leben / Wer aber die straffe verlesset / der bleibet irrig.

Item/Pro. 12. Wer sich gerne lesset straffen / der wird klug werdē / Wer aber vngestraft wil sein / der bleibt ein Narr.

Item/

Item/Pro.
wo min die
rege sehest.
Item /
nicht dauo
Leben.
Sap.
Khute vo
Leist
nerliche
die Leut
zur Gott
nunfft / m
den mehr
lichem sta
fienicht a
anreizun
men / ode
oder vbe
Das e
das wir
von seine
ten werde
So jr b
Johan. 8.
rechte Jü
erkennen
frey mach

Item/Pro. 19. Gehorche dem Rath/
vnd nim die zucht an / das du hernach
weise seyest.

Item / Pro. 4. Fasse die zucht / las
nicht dauon/beware sie / denn sie ist dein
Leben.

Sap. 3. Wer die Weisheit vnd die
Khute veracht/der ist vnseelig.

Es ist aber Christliche zucht / eine in-
nerliche vnd ensserliche zucht / dardurch
die Leut gezogen vnd gewehnet werden
zur Gottseligkeit / gerechtigkeit / ver-
nunfft/messigkeit/vnd zu andern tugend-
den mehr/durch welche sie auch in gebür-
lichem stande erhalten werden / auff das
sie nicht aus jrthumb/vnwissenheit/oder
anreizunge anderer Leute/etwas fürne-
men/oder thun/das jnen nicht geziemet/
oder vbel anstehet.

Das ende solcher zucht ist dieses / auff
das wir in Christo bleiben / Vnd nicht
von seinem Geistlichem leibe abgeschnit-
ten werden.

So jr bleiben werdet/spricht Christus
Johan. 8. an meiner rede/ so seid jr meine
rechte Jünger / vnd werdet die Warheit
erkennen / vnd die Warheit wird euch
frey machen.

X ij Derhals

Derhalben sol man die zucht / die vns
in gebürlichem beruff erhelt / lieb haben /
auff das wir vom wort Christi nicht ab-
fellig werden.

Diese zucht aber stehet in zweyen stü-
cken / In vnterweisung / vnd straffe.

Die vnterweisung findet sich in Leh-
ren / Gebotten / vnd Regeln / welche alles
sampt nach Gottes wort sollen gerich-
tet sein.

Die straffe ist eine anzeigung der Ir-
thüme / welche in sitten / vnd teglichem
wandel fürfallen.

Die Disciplin oder zucht / wie aus jtz
bemelter beschreibung gnußsam zu er-
sehen / ist zweyerley / Innerliche vnd eus-
serliche.

Die innerliche zucht gehet das gemüt
vnd die Sinnen an / vnd regiret die ge-
danken / affecten vnd den willen. Diese
zucht sol man den Leuten fleissig einbil-
den.

Die eusserliche zucht regiret die zunge /
vnd die wort / die kleidunge / vnd andere
des Leibs geberden.

Von beyderley zucht ist droben geredt
worden / Da sol sich ein Pastor erholen /
vnd

vnd den Leuten / was jnen dienlich sein
mag / fürhalten.

Dieweil aber hie vornemlich gehandelt
wird von der Kirchenzucht / so zur
Jurisdiction gehört / wil ich mein beden-
cken einem Pastori kürzlich mittheilen/
Wird er demselbigen folgen / hoffe ich / es
solle jn nicht gerewen.

Droben habe ich angezeigt / das die
Disciplin in zweyen stücken stehe / nem-
lich / In vnterweisung vnd straffe. Was
die vnterweisung belanget / die durch
besondere Lehren vñ Regeln geschicht /
vnd in den Zehen geboten begriffen sein /
dauon wil ich hie nichts sagen / Sondern
wil nur etliche lehre von der straffe
für mich nemen.

Dieweil igliche straffe von wegen ir-
gend eines Irthumbes geschicht / so mus
man die straffe nach gelegenheit des Ir-
thumbes wissen zu messigen.

Etliche irthumb oder mishandelunge
nennet man Delicta / etliche nennet man
Crimina.

Delicta / sind Sünden / one welche in
dieser verderbten Natur niemands er-
funden wird / oder sein kan / Die sol ein Pa-
stor straffen durch stetige erinnerunge

X iij vnd

vnd vermanung/ Denn er mus stets auff
eines jden leben vnd wandel ein fleissigs
auff sehen haben/ Vnd so bald er vermerr
cket/ das einer nicht auffrichtiger Ban
einher gehet/ den sol er balde erinnern/
vnd von seinem Sündlichen leben abhals
ten/darmit er nicht in demselbigen umb
komme vnd verderbe.

Crimina / Das sind grobe laster / Als
da ist / Vnzucht / Zurerrey / Ehebruch /
Tyranney/vnrechte gewalt / Kotten vñ
Secten / durch welche man vom wege
der warheit abgeföhret wird / Vnd ders
gleichen Sünden / aus welchen ein ges
mein vnd öffentlich ergernis entstehet/
Auff solche gehöret ein scharff einsehen.

So nu jemand ein offenbarlich laster
begangen hat/sol der Pfarherr einen sol
chen ernstlich vñ scharff zur busse verma
nen/ Vnd sol solchs geschehen nicht zwey
oder drey mal/ sondern zum offtermaln/
Vñ sol hierinnen sich fürsehen/das er die
straffwort messige / in nicht gar zu her
be/sondern fein Veterlich vermane / mit
vermiedunge/was für gefahr vnd ergern
nis daraus erfolgen könne.

Darnach/wenn solche veterliche straf
fe vmb sonst sein/vnd nichts helffen wil /
sol

Als auff
ein solche
ten darbey
drey Pfar
nemsten a

Im C
lich vern
den/wie
Gott vn

Da v
busse th
vnd seine
Wie sich
oder erzei
umb geg

Wie
der seine
im diesel
Pfarherr
geschehen
saget/nic
er sey den
vnd aus se
Aber solch
mag auff
werden.

solers auff andere wege angreifen / vnd
einen solchen für das Consistorium citi-
ren / darbey zum aller wenigstē zwey oder
drey Pfarherr sein sollen / vnd etliche for-
nemsten aus den Pfarckindern.

Im Consistorio sol der Theter ernst-
lich vermanet / vnd jm angezeigt wer-
den / wie höchlich er mit seinem ergernis
Gott vnd die Kirche beleidiget habe.

Da wird denn der Theter entweder
busse thun / oder sich halstarrig erzeigen /
vnd seine Sünde nicht wollen erkennen.
Wie sich nu ein solcher disfals halten /
oder erzeigen wird / so sol man sich wider-
umb gegen jm halten.

Wie sol man aber handeln mit einem
der seine mishandlungē erkennet / vnd
jm dieselbigen leisset leid sein? Es sol der
Pfarherr einen solchen Theter / der nach
geschehener vermanunge / besserunge zus-
saget / nicht leichtlich wider annemen /
er sey denn zuvor genugsam beweuret /
vnd aus seinen eigenen worten erkandt /
Aber solche Exploration vnd prüffunge
mag auff folgende weise fürgenommen
werden.

Æ iiii. Wenn

Wenn ein solcher sich in seinem Leben
zu bessern zugesagt hat / sol in der Pfar
herr vber etliche tage hernach für sich
fordern / vnd in ernstlich erinnern des
zorns Gottes wider die Sünde / vnd in
zu warem busfertigem leben vermanen
vnd anhalten / bis das er gewisse zeichen
einer waren reu / vnd busfertiges Her
zens an jm vermercke. Denn wer die / so
felschlich busse thun / wil zur offentlichen
Absolution komen lassen / der setzet sie ges
wislich in grosse gefahr / vnd thut seinem
Ampte nicht genugsam / als wie er wol
zuthun schuldig were.

Darnach sol er dem Schuldigen an
zeigen / weil er die Kirche Gottes offent
lich beleidiget habe / so sey es billich vnd
recht / ja es wolle jm in alle wege gebür
ren / sich auch mit der Kirchen offentlich
zuuertragen / vnd jr solches abzubitten.

Wird er zusagen / solches willig vnd
gerne zuthun / so sol in ein gewisser tag
angestellet werden / auff welchen er etlis
che ehrliche Menner vnd Personen zu
sich nemen / vnd erscheinen sol.

Da sol der Thetters in gegenwertig
keit vmbstehender Zeugen gefragt wer
den / Ob er sich auch mit seiner weltlichen
Ober

Oberkeit / vnd mit seiner Widerpart (do
anders die that öffentlich geschehen / vñ
er seine Oberkeit / vnd seinen Nächsten
würde verletzt haben) verglichen vnd
vertragen habe . Wird er Ja sagen / so sol
ers beweisen mit glaubwürdigen Perso-
nen. Wird er Nein sagen / so sol er hin zu
seiner Oberkeit vñ Widerpart geschickt
werden / sich mit denen Christlich zu vers-
tragen / ehe denn er zur Absolution zuge-
lassen wird.

Wenn solchem allem recht vnd ordent-
lich nachgangen worden ist / sol der Pfar-
herr dem Thetler einen tag benennen /
auff welchen er in der Kirchen öffentlich
erscheine / do anders seine begangene mis-
handlung öffentlich sein würde. (Denn
wenn die that nicht rüchtbar vnd öffent-
lich geschehen were / so sol er im Consisto-
rio / oder daheim im Hause besonders / für
etlichen verstendigen Personen / absols-
uiert werden) Da sol er in / nach gesche-
hener Predigt / vnd vermanunge zum
Vold / für den Altar stellen / vnd auff
folgende weise fragen.

Erstlich. Ob er sich zu solcher that /
darmit er beschuldiget / vnd öffentlich
angeklaget worden / bekenne?

Æ v Zum

Zum andern / Ob jm auch solche seine
begangene Sünde hertzlich leid sey. Das
sol er dem mit worten vnd zeichen bezeugen/
daraus iderman sehe / vnd höre / das
es jm leidt sey.

Zum dritten / Ob er auch begere / der
Christlichen Kirchen / welche er mit begangenen
ergernis beleidiget / widerumb eingeleibt / vnd
darauff Absoluirt zu werden.

Zum vierden / Ob er einen ernstlichen
vorsatz habe hinfort mit Gottes hülffe
sein leben zu bessern / vnd nach Gottes
wort zu leben.

Zum fünfften / Ob er ernstlich vn̄ von
hertzen begere / das jm die Christliche
gemein solches verzeihen wölle.

Hie mag man dem Schuldigen befehlen /
das er den Catechisimum hersage / vnd
das er nach solchem sich zum volck
kere / vnd auff folgende weise vmb vergeltung
bitte.

Ich armer Sünder bekenne / das ich
Gott vnd meinen Nachsten mit meiner
mishandlung erzüret vnd beleidiget
habe / Bitte derhalben euch allesamt /
mir solches vmb Christi willen zuuergeben /
Ich wil hinfurder vormittels Göt-
licher

licher hülffe vñ gnaden mein lebē bessern.

Wie sol der Pfarherr eine vermanunge thun / vñ die Leute vnterrichten von Gottes willen / wie Gott gesinnet sey gegen die armen Sünder / wie er dieselbigen zu gnaden annemen wölle / vñ wie sich die Engel im Himmel freuen / vber einen Sünder der buße thut / Vñ das das volck für gegenwertigen menschen bitten / ime von hertzen seine begangene mishandlung vergeben / vñ das sie sich mit den lieben Engeln Gottes freuen wöllen / darumb das der so verloren war / wider funden ist / das der so gefallen war / wider auffgestanden ist.

Nach solchem allem sol der Pfarherr denselbigen Büßer fragen / Ob er von hertzen gleybe / das im Gott solche seine Sünde verzeihen vñ vergeben wölle. Wird er den Ja sagen / sol in der Pfarherr heissen nider knien / vñ mit folgenden worten absolviren.

Form der Absolution.

Ich Diener Gottes am Euangelio Ihesu Christi / sage aus befehl vñsers Herrn Ihesu Christi / vñ aus krafft des Euangelij / das du /
der

der du reu vnd leid hast vber deine sünd
de / vnd hast zuflucht zur gnade vñ barm
herzigkeit Gottes / von Christi seines
Sons wegen / von deinen Sünden los
gezelet / vnd gerecht sein solst / vnd ent
binde dich hie in gegenwertigkeit einer
Christlichen Gemein / von allen deinen
Sünden / Im Namen des Vaters / vnd
des Sons / vnd des h. Geistes / Amen.
Gehe hin vnd sündige fort nicht mehr /
das dir nicht was ergers widerfare.

Solche disciplin ist ganz nützlich / vnd
wol werd / das man dieselbige für sichtig
lich in der Kirchen vbe / Auff das die / so
in offenerlichen lastern ligen / erinnert
vnd gewarnet werden / von iren Sün
den abzulassen / vnd auff einen Christli
chen wandel sich zu begeben.

Endtlich mus ich dis hinzu setzen / das
bisweilen die vmbstende der Personen /
vnd geschehener mishandlung / eine lind
derunge solcher straffen haben sollen /
Nemlich / das nur der Pfarherr von we
gen des Thetters die Gemeine bitte / jme
dem Thetter solche seine mishandlung
zuuerzeihen / vnd zuuergeben. Doch dies
ses stelle ich einem Pastori anheimen / der
allzeit suchen sol / was zur aufferbawung
seiner

seiner Kirchen/ vnd nicht zur zerstörung/
dient. / Was wichtige handel sein / sol er
seines Superintendenten rahts geleben/
vnd demselbigen nachkomen.

Wieman handeln/oder sich
halten solle / gegen einem / so mit
einem offenbarlichem laster befleckt/
vnd nach gethaner verma-
nung / nicht Busse
thun wil.

Wenn einer eines offenbarlichen
Lasters schuldig vnd vberweist
wird / vnd nicht busse thun wil/
sondern fehret fort in seiner halstarrig-
keit / sol in der Pfarherr zum offtermal
ermanen/auff das er endlich Busse thue.
Wil solches nichts helffen / so brauche er
das letzte mittel/welches ist die Excom-
munication / das ist / Er sol in in Bann
thun.

Wie aber nu die Communion nicht ei-
nerley / also ist auch die Excommunica-
tion nicht einerley. Es kan auch mit der
Excommunication keiner recht fahren/
er wisse denn zuuor was Communio sey/
vnd

vnd halte diese beyde gegen einander. Es
ist aber die Communio dreyerley.

Die erste ist / die Geistliche Communio vnd Gemeinschaft / da wir mit allen / so durch den Glauben newgeboren sind / mit genießten / vnd theilhaftig werden des Geistes Christi / als Gliedmassen eines Geistlichen leibes / des Haupt ist Christus. In dieser gemeinschaft sind alle / so an Jesum Christum gleuben / vnd behalten solchen Glauben / sampt einem guten Gewissen. In solcher Gemeinschaft war Naaman Syrus / ob er gleich / dem leibe nach / an eines Gottlosen Königes Hofe gewesen ist.

Die ander ist / die Sacramentliche gemeinschaft / welche allein bey den Heuchlern gefunden wird / die da zugleich mit vns der heiligen Sacramenten genießten / Als wie Judas / der genos das Sacrament eben so wol / als die andern Jünger.

Die dritte ist / die Bürgerliche eussertliche gemeinschaft / Als das die / so in einer Stadt beyeinander wonen / auch einerley sitten vnd Bürgerrecht genießten vñ halten / Sie sein gleich einerley Religion vnd Glaubens oder nicht.

Gegen

Gegen diese dreyerley gemeinschaft/
mus man auch halten dreyerley Bann/
Geistlichen/Sacramentlichen / vnd euss
serlichen.

Die geistliche Excommunicatio oder
Bann/ ist dieses/wenn der Mensch vom
Geistlichen Leibe Christi abgeschnitten
wird/welchs geschicht durch schiffbruch
am glauben/vñ durch ein böses gewissen.

Der Sacramentliche Bann ist/ wenn
man einen absondert vom Brauch des
heiligen Abendmals/vñ solchs geschicht
von wegen der vnbusfertigkeit.

Die eusserliche Excommunication ist/
wenn man den / so die gemeine Gottes
mit einem öffentlichen ergernis beleidis
get hat / von der eusserlichen gemein
schaft vnd handlung ausschleust / vnd
absondert / das er bey den andern Chris
ten nicht sein darff / oder mit denselbis
gen vmbgehen.

Der erste Bann/stehet allein bey Gott/
der die todten geliedmassen von dem leis
be seines Sohns Christi abschneidet vnd
verwirfft.

Der ander Bann gehöret einem Pfar
herrn zu/der die lesterlichen vnd vnbus
fertigen menschen nicht sol lassen bey der
Taufse

Taufse stehen / oder das Abendmal des
Herren genießen.

Der dritte Bann stehet bey gemeis-
nem Vrtheil Christlicher Kirchen / als
da die vornemsten der selbigen nach ges-
breuchlicher ordnung vnd rechter weis-
se/einen von irer Gemeine durch ein of-
fentlich Vrtheil in Bann thun / vnd von
irer Gemeine ausschliessen.

Sowiel die erste art des Bannes an-
langet / wil es einem Pastori gebüren /
das er seine Pfarckinder vñ Zuhörer stets
vermane / sich zubefleissigen / das sie den
Glauben vnd gut gewissen behalten /
auff das sie sich nicht selbst vom Leibe
Christi abschneiden. Der Glaube wird
behalten / durch fleissige betrachtunge
der wolthaten Christi / vnd durch ein an-
dechtiges Gebet. Ein gutes gewissen
wird erhalten durch volgende stücke /
nemlich / durch ein festes vertrauen auff
Christum / das der Mensch festiglich in
seinem hertzen schliesse / das jm seine sün-
de vergeben seint. 2. Durch einen ernst-
lichen vorsatz / hinfürder sein Leben zu
bessern / vnd von Sünden abzulassen.
3. Durch eine brünstige begierde / das
der Mensch in allem seinem thun begere
Gott

Gott zugefallen/ vnd zulassen alles was
Gott misfellig sein mag. 4. Durch fleis-
sige ausrichtunge vnd versorgunge sei-
nes beruffs vnd standes.

Auff das nu die zuhörere in solcher geist-
lichen gemeinschaft des Leibes Christi
bleiben mögen / so sol ein Pfarherr gar
trewlich wachen / vnd fleissiges auffses-
hen haben / ja er sol an seiner mühe nichts
erwinden lassen / sie immerdar anhalten/
reitzen vnd vermanen / das ein jeder thue
was einem Christen gebüre / vnd wol an-
stehe.

Wenn aber irgend eine böse that ges-
chehen würde / vnd man nicht wüßte/
wer der theter were / Als da ist Diebstal/
Todtschlag / oder sonsten irgend ein vn-
leidlicher schade sich zutragen würde/
Da sol der Pfarher nach gethaner Pre-
digt / erstlich solche that / so da geschehen/
erzelen / vnd den Leuten vorhalten.

Darnach / sol er gar ernstlich vnd hertz-
lich beklagen / das solche Thetter in der
Christlichen gemeine verborgen ligen /
vnd sich für Schefflein / vnd lebendige
glieder Christi vnsern lieben Herrn aus-
geben / da sie doch in der warheit todte
vnd faule glieder sind / vnd berauben
X sich

sich durch ihre Sünde selbst / Christi vnd
aller seiner wolthaten.

Zum dritten / sol er offenerlich bezeugen / das der / so die that begangen / des Teuffels eigenthumb worden / vnd in seine stricke gefallen sey / er werde auch mit ihm in ewigkeit verdampft vnd verloren sein müssen / wo er nicht seine Sünde erkenne vnd bekenne / vñ durch rechtschaffenere vnd Busse sich wider zu Gott bekere.

Zum vierden / sol er beschliessen mit einer vermanunge / Es sey der Theter nun gleich wer er wolle / das er gedencke solchen schaden zu erstatten / vnd durch ware Busse sich mit Gott zuuersünen / auff das er widerumb dem Leibe Christi zugeeignet / vnd ein lebendig Glied werde.

Wenn denn der Theter sich nu würde bedenccken / in sich selbst schlagen / vnd reu vnd leid vber seine Sünde haben / vnd zum Pfarherrn kommen / in vmb rath fragen / Da sol ein Pfarherr sich weislich halten / vnd sich sonderlich für allen dingen hüten / das er solches / so ihm als dem Beichtuater alleine vertrauet / nicht offenbare vnd verrhate.

It

Ist ein Diebstal begangen worden/
So sol der Theter gefragt werden / Ob
dasjenige / so er gestolen / noch vorhan-
den / vnd gar beyeinander sey / Oder ob
ers verthan habe. Ists noch vorhanden/
sol in der Pfarherr vermanen/ das er sol-
ches/so er heimlich genomen/auch heim-
lich wider gebe. Ists aber hinweg/oder
verthon/sol in der Pfarherr fragen / Ob
ers zubezalen habe / oder nicht. Hat er
zubezalen / So sol als denn der Pfarherr
mit dem/so etwas verloren / fein beschei-
den handeln/vnd in bitten/das er mit ers-
stattunge/ seines verlornen Guts / wölle
benüget vnd zu friden sein. Wil er sol-
ches thun/sol alsdenn der Pfarherr/ von
dem Diebe die erstattung als zur beza-
lung empfangen / vnd solches dem / der
den schaden erlitten/zustellen.

Du möchtest aber sagen / Was du hie-
r harest/das hat viel gefahr auff sich. Ja
ich gebe es zu. Aber lieber sage mir / Wer
ist der/der die Kirchen versorgen/vnd ei-
nes jglichen menschen seligkeit suchen kön-
ne ohne gefahr? Wenn dich einer zwingen
wolte/das du offenbaren soltest das jemi-
ge/so dir heimlich vertrauet / so soltest du

2 ij dich

dich ehe erwürgen lassen/den den Schül-
digen offenbaren.

Hat aber der Theter nicht zubezalen/
so mus man in gleichwol zur Busse treis-
ben/Vnd wenn man befindet / das er in
seine mishandelunge lesset leid sein von
ganzem Herzen / mus man in lehren/
Das Gottes gnade viel mechtiger sey/
denn die Sünde/ vnd ime viel Sprüche
vnd Exempel der Schrift fürhalten/ in
darmit trösten / auff das er nicht ver-
zweiffle. Bekennet er aber/ das er glei-
che die vergebung seiner Sünde / sol er
heimlich vnd sonderlich absoluiert wer-
den/Mit vermanung/das er forthin sich
für des Teuffels stricken hüten wölle.

So aber der schade wider erstattet
worden / so mag der Pfarherr öffentlich
anzeigen/das der Theter in seine began-
gene Sünde lasse hertzlich leid sein. Vnd
sol das volck vermanen zur danck sagung/
darumb das der / der sich des geistlichen
Leibs Christi selbst beraubet hatte / sich
widerumb bekeret habe/ vnd dem Leibe
Christi nu wider eingeleibet sey.

Ist aber ein Todesschlag geschehen/
vnd solches dem Pfarherr bewust / so sol
der Pfarherr zwar solchs verschweigen/
aber

aber den Theter sol er fleissig verma-
nen/das er durch Vnterhändler vnd gu-
te freunde / sich mit des entleibten freun-
de vergleichen wölle. Ist er solches zu-
thun gesinnet/so sol der Pfarherr bey der
Oberkeit anhalten/desgleichen auch bey
denen so beleidiget worden/ vñ zum han-
del gehören/das sie sich in vertrag begeben
wollen/ Wollen sie es nicht thun / so
lasse er sie / vnd handele gar fleissig mit
dem Theter / das er gar wol erfare / ob
dem Theter solcher begangener Todts-
schlag auch hertzlich leid sey. Vermerck-
et er/das es im leid sey / sol er den Theter/
der zur gnade vnd barmherzigkeit Got-
tes zuflucht hat / absolviren.

Da mus sich aber ein Pfarherr vnd
Seelsorger fürsehen / das er nicht Geist-
lich Kirchen regiment / vnd eusserlich
weltlich regiment vntereinander menge.
Er sol nicht einen fus auff dem Predig-
stuel/vnd den andern auff dem Rathaus
se haben/ Sondern er sol bedenccken / das
dis sein Ampt sey / alle Menschen Gott
zugewinnen / vnd den guten Hirten folgen
/ die nicht von stundan das francke
Schaff schlachten / Sondern soniel an
Hirten gelegen / so salbet vnd heilet ers.

R iij Wer

Wer das gegenspiel thut / ist nicht ein
Hirte/sondern viel mehr ein Wolff.

Sowiel die andere art des Bannes be-
langet / als das man einen nicht wil las-
sen bey der Tauffe stehen / oder zum Ab-
bendmal des Herren nicht zulassen wil/
da sol ein Pfarherr wissen / das er solches
nur gegen den vnbusfertigen fürnemen
sol / die nur von gewonheit wegen / oder
eines scheines halben / zum Sacrament
gehen / Wie ich denn droben vermanet
habe.

Als zu einem Exempel. Ist einer
ein offenberlicher Seuffer / Wucherer /
oder Geitzwanst / oder handelt gar zu
hart mit seinem Weibe / vnd Gesin-
de / oder hat sonst irgend einen vns-
christlichen Handel für. Wenn ein sol-
cher zur Beichte kömpt / sol er zum Sa-
crament nicht zugelassen werden / Es
sey denn / das man seine besserunge zuor-
mercke / vnd gewis spüre. Da sol ein
Pastor nicht die Person / sondern sein be-
fohlenes Ampt ansehen / Er sol sich nicht
fürchten für feindschafft / has vnd neid/
verlust seiner güter / eleude / vnd Tod/
Sondern Gott seinen Herren / des stadt
er ver?

er vnters
Lere / des
sol fürcht
Der Pro
des Gottle
Jeremie
namen ni
Ambro
hohen N
iii.
Johan
erschrock
Kürz
fürcht lef
ter Hirte
Ich wil
Lerz
Bannes
zur Kirch
ter Disci
gerichtet
wissen / sa
Excomm
In einer je
auff drey d
Das ander

er verweset / vnd Christum seinen Zei-
landt / des Bote vnd Gesandter er ist /
sol er fürchten.

Der Prophet Elias verschonet nicht
des Gottlosen Königs Achab.

Jeremias hat sich das dreyen des Tys-
rammen nicht lassen abschrecken.

Ambrosius schewete sich nicht für der
hohen Maiestat des Keisers Theodos
ij.

Johannes der Teuffer ist gar nichts
erschrocken für dem Könige Herode.

Kürzlich / Wer sich disfals durch
furcht lest abschrecken / ist nicht ein rech-
ter Hirte / Sondern nur ein Niedling /
Ich wil nicht was herters sagen.

Letzlich ist von der dritten art des
Bannes zusagen / welche vornemlich
zur Kirchenzucht / vnd erhaltung gus-
ter Disciplin gehöret. Wohin solche
gerichtet sey / das sol ein Pfarherr billich
wissen / sampt einer gewissen weise der
Excommunication.

In einer iden excommunication mus man
auff drey ding sehen / Das erste ist Gott /
Das ander ist die Christliche Gemein /
X iij Das

Das dritte ist der Mensch / so nicht busse
thun wil.

Wenn man auff Gott sihet / mus
man achtunge haben / vnd sich hüten /
das der so ein Gottlose schandtleben füh-
ret / nicht mit verunehrung vnd verles-
zung Göttliches Namens vnter die
Christen gezelet werde.

Wenn man auff die Geimeine der Kir-
chen sihet / sol sich ein Seelsorger seines
Ampts vnd gebürlicher sorge in demsel-
ben / erinnern / nemlich / das er jder zeit ein
trewlich außsehen haben sol auff seine
befohlene Pfarckinder / auff das nicht die
fromen durch stetige beywohnung vñ ge-
selschafft böser heiloser Leute betrogen
vnd verführet werden.

Wenn man aber auff den vubusfertis-
gen oder halstarrigen Sünder sihet / Da
sol alle sorge vnd fürnemen eines Pasto-
ris dahin gerichtet sein / das derselbige
Mensch endlich schamrot gemacht / zur
Busse gebracht / vnd widerumb mit der
Kirchen Christi versünnet / vnd der selb-
ige eingeleibet werde.

Auff diese drey ende sol ein Pfarherr
in der Excommunication sehen / Denn
sie

Menſch/ſonicht buſſen
ff Gott ſehen / mus
ben / vnd ſich hüten/
loſe ſchuldloſig
ruchunge vnd vnt
s Namens vnt die
erde.
die Gemeine der
ein Seelförger ſeine
licher ſorge in dem
ich das er ſich zeit
haben ſol auff ſeine
r / auff das nicht die
e beuohnung vñ ges
der Leute betrogen
n.
auff den vnbusfert
n Sündler ſehen / Da
nemen eines Paſtor
ſein / das der ſelbige
amrot gemacht / zu
d widerumb mit der
änet / vnd der ſelb
de ſol ein Pfarrer
ion ſehen / Dem
je.

ſie ſind alle gerichtet zur aufferbawunge
der Chriſtlichen Kirchen.

Darmit aber ſich ein Paſtor in die Ex
communication recht wiſſe zuſchicken/
ſol er auff folgende Regel mercken.

Die erſte iſt. Es ſol der Pfarherr ſich
für ſeine eigene Perſon nicht vnterſtehen
jrgend jemand in Bann zuthun / Son
dern die oberſten der Kirchen zuuor darü
ber erkennen / vñ ein Vrtheil fellen laſſen.
Nach geſprochenem Vrtheil / ſol er denn
mit dem Bann volfahren. Jedoch wil
das ſeinem Ampt gebühren / das er den
Theter oder vnbusfertigen Menſchen
ſtets zur Buſſe vermane. Urfach vnd en
de ſolcher Regel iſt dieſes / Es iſt billich
vnd recht / das man eine ſache zur verhör
vnd für Gerichte komen laſſe / das man
zuuor ſich aller ſachen recht erkünde vnd
belerne / ehe denn ein Vrtheil darüber ge
fellet wird. Item / das eine ſo hohe vnd
wichtige ſache nicht nach eines einigen
Menſchen willen oder Affect fürgenom
men vnd gehandelt werde / Denn mit
der weiſe / wenn einer allein hie wolte vr
theilen / würde der Bann gar leichtlich
vnd balde in verachtung komen.

2 v Es

Es möchte aber ein Pastor hierwider
sagen/ Solche geistliche Oberkeit haben
wir hie an vnserm orte/ oder in dieser
Landtart nicht/ die wider solche lester-
liche oder vnbusfertige Leute ein Ur-
theil felleten. Ich bekenne es/das es hier-
an an etlichen örten mangle/ Aber ich
wündsche von Herzen/ das eine solche
ordentliche Oberkeit allenthalben in den
Kirchen were/die vber der Leute Wan-
del vnd Sitten zu richten macht hette/
Aber ich besorge/ich dörfte in diesen letz-
ten bösen zeiten/ schwerlich darauff hof-
fen. Darumb wil ich einem Pastori/ der
nicht hat solche Oberkeit/oder Consi-
storia/ diesen rath geben/ Das er iwe zum
wenigsten drey verstendige vnd Gots
fürchtige Menner erwehle/ mit denen
er sich in solchen fällen befragen/ vnd jr
gutdüncken anhören könne.

Hat aber der Pfarherr niemands in
seiner Pfarr/des rathes er geleben könne/
vnd jm solche sachen vertrauen dörfte/
So sol er den Handel seinem Praposito/
vnd sonsten zweyen Pfarherrn/ in nech-
ster vnbligender gelegenheit/ anzeigen.
Für diesen sol der Theter erscheinen/vnd
verhöret werden. Wird er seiner miss-
handlung

handlung vberwiesen / sollen sie in zur
Busse vermanen.

Wird er Busse zuthun sich willig er-
zeigen / so sol mit im gehandelt werden /
nach obbeschriebener weise.

Wird er seiner mishandlung vberzen-
get / vnd wil doch gleichwol nicht Busse
thun / so sol der Pfarherr ein mal oder
zwey mal auff der Cantzel meldunge
thun / Es sey einer in der Gemeine / der
ein laster begangen / vnd desselben vber-
zeuget sey / derhalben er solches zuerken-
nen / vnd busse zuthun / trewlich vnd Ves-
terlich sey vermanet worden / Aber er ha-
be es nicht annemen wollen / sondern hal-
te sich dargegen Gottlose vnd halstarr-
rig. Derhalben sol das Volck für dies-
sen Menschen bitten / das Gott sein hertz
erleuchten / vnd in bekeren wolle.

Wird er aber auch dis verachten / vnd
halstarrig bleiben / sol er vorbemelten
Personen wider fürgestellt / ernstlich
vermanet vnd bedrawet werden.

Wird er noch weiter fortfahren in
seiner halstarrigkeit / so mus man nicht
lenger durch die Finger sehen / Da
mus

mus man das faule gelied vom Leibe ab/
schneiden / auff das es nicht den ganzen
Leib anstecke vnd vergiffte. Zieher ges/
höret der gemeine Sententz:

Ein reudig Schaff verderbt die Herd/
Thues weg bey zeit/ehs erger werd.

Derhalben sol auff nechst folgenden
Sontag der ausspruch der Excommu/
nication öffentlich verlesen werden / wie
folget.

Form der Excommunication.

Lieben Christen/Es ist euch (leis/
der) allen sampt wol bewust/wie
das einer aus vnser Gemeine mit
Namen N. N. die Christliche Kirche
mit einem abschewlichen ergernis belei/
diget/vnd diese N. that begangen hat/
welcher / ob er wol von mir / als seinem
Seelsorger insonderheit/vnd zum offter/
mal vermanet/vñ für dem Obersten der
Kirchen seiner mishandlung halben
vberzeuget worden / Darnon jr dem
durchs gemeine geschrey one zweiffel
auch berichtet seid / Aber dis alles vnge/
achtet /bleibet er halstarrig vnd versto/
cket/vnd lesset jme seine mishandlung
gar

gar nichts leid sein. Dieweil er denn sich
selbst von der Geistlichen gemeinschafft
des leibes Christi abgeschnitten/vnd alle
trewe vermanunge vnd Väterliche straf-
fe verachtet hat / So wil ich / als ein
Diener des Euangelij / aus befehl vns-
ers Herren Christi / beneben euch / die jr
alhie mit mir im Namen des Herrn vers-
amlet seid / diesen Menschen / der sich
selbst dem Sathan vbergeben hat / zum
Banne erkläret haben / das er von der
Kirchen Christi des Sons Gottes aus-
geschlossen sein sol / Vnd sage / das jr in
fliehen sollet / als einen Heiden vnd Zöl-
ner / Im Namen des Vaters / vnd des
Sons / vnd des heiligen Geistes / Amen.

Vu fortan / lieben Christen / sollet jr
euch hüten / das jr mit diesem Menschen
nichts zuschaffen habt / Vnd all dieweil
er sich nicht bekeret / sollet jr in halten
für einen Heiden vnd Zölner / der sich
selbst mutwillig vnd fürsetzlich aus der
Christlichen gemein ausgeschlossen / vnd
seines Bürgerrechts beraubet hat / Ent-
haltet euch seiner / auff das er endlich ver-
ursacht werde / sich seiner mishandlung
zu schemen / vnd durch ein warres busfer-
tiges leben sich zu Gott bekeren. Euch
aber

aber / wil ich alle sampt gebeten haben/
jr wöllet ja wachen vnd beten/ das nicht
der Sathan auch jmands vnter euch in
seine garn vnd stricke bringe/ Das jr mit
diesem Menschen auch nicht umgehet
noch gemeinschaft habe/darmit jr nicht
mit seinem giffte verunreiniget werdet.

Dieweil nun ein solcher verbandter
Mensch / ist gleich wie ein Zeide vñ Zöls
ner / ja des Teuffels leibeigener / sol der
Seelsörger noch inderdar fleis ankeren/
das er in von seinem irrigen wege abfor
dern/vñ auff die rechte ban bringen mös
ge. Denn gleich wie Christus die Zeiden
vñ Sünder zur busse ruffet / Also stehets
auch vns zu/die wir im predigamt sein/
stetigen fleis anzuwenden / auff das die/
so vom Schaffstal Christi abgewichen
sein/zur rechte bracht/ vñ gesund werden.

Sollen derhalben solche leute nicht haf
sen/ oder inen feind sein / sondern ein mit
leiden mit inen haben / vnsern Herrgott
bitten/das er den verlornen zu recht brin
gen/ vnd den todten widerumb lebendig
machen wölle.

Hierauff wil ich zwo Regeln setzen/
welche der Kirchen Oberkeit / sich dar
nach zurichten/gar dienlich sein werden.

Die

Die erste Regel ist von den Sünden/
so einem ganzen hauffen Volcks sched-
lich sein können/ Als wie (leider) dersel-
bigen bey vns viel im schwang gehen/
mit fressen vnd sauffen / mit vbermessi-
ger kleidunge / vnd dergleichen viel / Da
sol man diese Regel halten. Augustinus
spricht/ Solche Sünden lassen sich nicht
auff heben / oder inen wehren mit der
scherffe oder gewalt/ Sondern viel mehr
durch lehren / denn durch gebieten / viel
mehr durch vermanen/ denn durch drow-
en. Denn also mus man handeln mit der
menge/ so da sündiget.

Diese Regel hat iren grundt aus den
enden der Excommunication / darvon
ich droben gesagt habe. Denn wenn ein
Prediger disfalls die Leut in Bann thum
wolte / so würde er viel mehr die from-
men schwachgleubigen irre machen/
denn das er viel thumbküne böse Leute
besserte. Doch sol vnter des ein Predi-
ger in seiner Predigt verwerffen vnd ver-
dammen alles das / das Gott selbst ver-
wirfft vnd verdampft.

Die letzte Regel ist von den Laster-
etlicher wenig Leutte. Wenn irer
wenig sein / so offenbarliche Schande
oder

oder Sünde treiben / da mus man ein
ernst brauchen.

Diese Regel hat einen guten grundt/
Denn durch solchen ernst werden irer we
nig gestrafft / so da gesündiget haben / vñ
irer viel so da vnschuldig sein / nemen an
denselbigen wenigen ein Exempel / vnd
hüten sich hernach desto fleissiger für
Sünden.

Es sol aber ein Pfarherr der Regel S.
Augustini folgen. Wenn man die Brü
der straffet / so sol mans straffen mit
barmherzigkeit / do es sein kan / kans aber
nicht sein / so mus man gedult tragen / vñ
aus Brüderlicher liebe dasselbige beklag
gen vnd beweinen. Ferner spricht der heis
lige Augustinus / Es bessert ein jeder mit
straffen so viel er kan / was er nicht bess
ern kan / das schleust er aus vnd sondert
es abe / Doch also / das das bandt des frie
des nicht zertrennet werde. Kan ers
nicht thun mit erhaltung des friedes /
so verwirfft er solchs mit aller billigkeit /
vnd erduldet es mit aller manligkeit / wer
sich also gegen die vnbusfertigen helt / ist
von der vermaledeyunge ledig vnd los.
Denn man mus das vnkraut also aus
getten /

getten / das man
auch mit auser
Diesem rat
von frome
zeiten / da
fallen / folg
Dis sey e
ngiren / vñ
halten soll
des fastens
ich jzt nicht
liche vnd G
für gut vnd
man zu geho

Wie ein
fohlen

As
D
am
pa
nach de
ben Prophe
get weide
Gott dancke
fortgang sein
fleissig anru
dige hilffe in

getten/ das man nicht den guten weizen
auch mit ausreuffe.

Diesem rath des heiligen Augnstini/
sollen frome Pastores in diesen letzten bö-
sen zeiten/da fast alle ehrbarkeit vñ zucht
gefallen/ folgen/ vnd inen gelieben lassen.

Dis sey gesagt / wie man die Kirche
regiren / vnd in guter eusserlicher zucht
erhalten solle. Was die aufferlegunge
des fastens / vnd gebets anlanget / weis
ich jzt nichts zusagen / Was beyde welt-
liche vnd Geistliche Oberkeit hierinnen
für gut vnd Christlich erkennen / dem ist
man zu gehorsamen schuldig.

Wie ein Pfarherr für seine be- fohlene Schefflin beten sol.

Das vierde stück / so zum Prediga-
mpt gehört / ist dieses / Das ein
Pastor seine befohlene Scheff-
lin / nach dem Exempel Christi / der lies-
ben Propheten vnd Apostel / mit dem
gebet weide / vnd versorge / das ist / das er
Gott dancke von wegen der fruchte vnd
fortgang seines Worts / Vnd sol Gott
fleissig anruffen / vmb stetige vnd gne-
dige hülffe in allem seinem fürnemen /

3

das

das sein dienst der Kirchen zu beförderung der ewigen seligkeit gereichen möge. Auch sol er mit vnaußhörendem gebet vnd seuffzen seine Schefflein dem Herren Christo/als dem ewigen Erzhirten befehlen.

Der heilige Apostel Paulus spricht in der andern zum Thessalonichern am 1. Wir sollen Gott dancken allezeit vmb euch/lieben brüder/wie es billich ist. Erstlich/spricht er/ Debemus/wir sollen/wir sind schuldig. Mit welchem wort er anzeigt/was eines Predigers Ampte zugehöre. Darnach spricht er/wie es billich ist/Darnit anzuzeigen/das der/der solches nicht thut/sein Pfaramt nicht recht vnd trewlich verweise. Soll derhalben ein Pfarherr nach dem exempel Pauli beten/ Das vnser lieber Herrgott die hertzen seiner Pfarckinder entzünde mit warer Gottes liebe/ vnd hoffnungen auff Christum/das er ire hertzen stercke vnd tröste/sie im wort vnd allen guten wercken betreffte/sie in einem heiligem beruff/zu welchem sie durchs Euangelium bernffen sind/erhalten/ Das er alle gnadenreiche güter vnd das werck des glaubens in jnen gewaltig erfülle/auff das
der

der Name vn
des Christi
und gepre
Auch sol
ott dancken
bey seinen
Christliche
nimpt.

Wiewol
noth/der z
feltige geb
vmb man
Jdoch so k
nemlich in r

Die erste
das sein T
geheiligt

Die and
ten in geme

Die drit

Die vier
feltige vnse

Des zu ei
form des G

der Name vnseres Herren vnd Heilands
Ihesu Christi / in den seinen allzeit gelos
bet vnd gepreiset werde.

Auch sol der Pfarherr vnserm Herrn
gott dancken / wenn er sihet / das der glau
be bey seinen zuhörern sich mehret / vnd
Christliche brüderliche liebe bey jnen zun
nimpt.

Wiewol aber mancherley vorstehende
noth i der zeit sich ereuget / vnd gar viel
feltige gebrechen stets fürfallen / dar
umb man Gott billich stets anruffen sol /
Idoch so kan ein Pastor sein gebet vor
nemlich in vier Ordnung theilen.

Die erste sol sein / Das er Gott bitte /
das sein Name in aller Welt erkandt vñ
geheiligt werde.

Die ander / Für alle Weltliche Regent
en in gemein.

Die dritte / Für seine befohlene kirche.

Die vierde / Für die tegliche manig
feltige vnsele / vnd widerwertigkeit.

Des zu einem Exempel wil ich etliche
form des Gebets hernach setzen.

3 ij Ein

Ein Gebet/ vmb heiligung Gött-
liches Namens in aller Welt.

Ewiger / Barmherziger Gott vnd
Herr / Vater vnsers Herren Ihesu
Christi / Ich dancke dir von gan-
zem Herzen / das du dir in aller Welt ei-
ne Kirche samlest / vnd erhelst / Auff das
sie ein Tempel sey / der deinen Namen lo-
be vnd preise. Ich bitte dich demütiglich/
das du aller Menschen / vnd des Teuffels
listige anschlege zerstören / vnd zu nichten
machen wöllest / die deine Werke / vnd
herrliche Göttliche krafft verdunkelen vñ
vertilgen wollen / vnd das jenige so dir al-
lein gehöret / vnd du allein wirckest / dem
Sathan / oder den menschen zuschreiben.
Ich bitte dich lieber Gott / du wöllest allen
verfeschungen der Himlischen lehre / vnd
der heiligen Sacramenten wehren / Du
wöllest auch alle Tyranney vnd Kekerey/
die den lauff des heiligen Euangelij ver-
hindern / vnd alles das vns von der waren
erkenntnis deines Namens abführen vnd
verkeren wil / dempffen vnd ausrotten. Du
wöllest abwenden allerley Epicurische ver-
achtunge deines Namens / alle sicherheit
vnd

und vnfleis / allen zweiffel vnd irthumb /
allerley vntrewen vnd neidt. Du wöllest
stewren vnd wehren dem schendlichen mis-
brauch deines heiligen Namens / das ist /
allem vnreinem Wandel / allem lestern
vnd fluchen. Vnd verleihe vns / das dein
heiliger Name vnter vns / vnd in aller
Welt erkandt / vnd geehret werde / Das/
wie dein Werck ist / also auch dein Name
sey / vnd wie dein Name ist / also sey auch
die erkendtnis desselbigen bey allen Men-
schen auff Erden / Vnd wie alle Men-
schen aus deinem wort vnd wercke dich er-
kennen / das sie auch also auff dich traw-
en / Vñ wie sie auff dich trawen / dich auch
also loben / deinen Namen hoch rhümen
an allen orten / Vnd wie sie deinen Na-
men rhümen / das sie denselbigen auch al-
so brauchen durch rechtschaffene lehr vnd
Predigt / durch herzhliche andacht vnd ge-
bet / durch öffentliche bekendtnis vnd be-
stendigkeit. Dieweil aber solches alles wir
ohne dein Wort nicht haben können / so
wöllestu vns vom Himel herab deine gabe
senden / das Predigamt / rechten brauch
der heiligen Sacramenten / vnd Christo

3 iij

liche

liche zucht vnter vns erhalten / Ich bitte
dich / lieber Gott / du wöllest gnade verleihen /
das die zal der Christen sich von tag
zu tage je lenger je sehrer mehre vnd stercke /
Auff das also dein Name weit ausgebreitet vnd
geehret werde. Dir einigem Gott vnd Herren /
der du bist der Vater / der Son / vnd heiliger
Geist / sey ehre / krafft / vnd herrligkeit von
Ewigkeit zu Ewigkeit. Amen.

Ein Gebet für die Oberkeit / vnd
andere leibliche notturfft.

Almechtiger Ewiger Vater / Ich
ruffe dich an in dem Namen deines
eingebornen Sons Ihesu Christi /
Vnd bitte dich / du wöllest vns behüten für
Kriege vnd vneinigkeit / Alle gute Orde-
nungen / Gesetze / vnd Gerichte erhalten /
vnd dargegen allerley vnordenunge bey
allen Stenden vnd Menschen verhüten /
Ich bitte dich auch / du wöllest vns bewa-
ren für franckheit vnd seuchen / für misge-
wechse vnd vnfruchtbarkeit / für der Hei-
denischen Bauchsorge vnd dem Geize /
für

für faulheit vnd nachlässigkeit. Las vns
von wegen des vergenglichen gutes nicht
in versuchunge vnd stricke des Teuffels
gerathen / Du wöllest wehren aller grob-
heit vnd vndanckbarkeit / allem Mis-
brauch deiner Gaben vnd Creaturen /
auff das wir sie nicht misbrauchen zum
vberflus vnd fürwitz / zur wollust / zum
fressen / zum sauffen / zur hoffart / oder zu
verachtung der Armen. Wende ab al-
ten misbrauch vnd vnrechte niessung dei-
ner Creaturen / die du vns gar mildiglich
ider zeit verleihst vnd mittheilest / Gib
deine Gnade / das wir solche in warer
furcht Gottes / zu beförderung deiner eh-
re / vnd zu vnserem nuse gebrauchen / Gib
vns frome vnd getrewe Regenten / Schü-
tze vnd handhabe allerley Stende / Hilff
allen Herrschafften / Haushaltungen /
vnd Policen. Verleihe vnsern Köni-
gen / Fürsten vnd Herren / deinen heili-
gen Geist / Verstand / vnd Weisheit /
Verleihe iren Rethen nützliche Anschle-
ge / vnd guten Rath / Verleihe vns vn-
sers Leibes gesundheit. Gib der Er-
den / vnd allem Erdwachs seine fruchte /

3 iij

Gib

Gib vns gut wetter / dardurch die fruchte
des Landes erquicket werden / fortkomen
vnd wachsen / vnd wir deines segens allzeit
geniessen. Gib gnade / das alle Oberher-
ren vnd Hausueter in Gottes furcht / vnd
Christlicher sorge irem beruff genug thun.
Verleihe vns auch lieber Vater / das wir
mit dem / das du vns bescheret hast / vns be-
nügen lassen / vnd vnserer zeitlichen güter /
vns / vnd allen andern Menschen zum be-
sten / dir aber vornemlich zu beforderunge
deiner ehre recht gebrauchen / dir dafür
herzlich danken / deinen Namen anruf-
fen / dich für alle deine milde wolthaten lo-
ben / ehren vnd preisen. Dir alleine sey eh-
re / lob / vnd danck in Ewigkeit. Amen.

Ein Gebet für die Christ- liche Gemeine.

Gütiger / Barmherziger / Hima-
lischer Vater / Dieweil die Kirche
deines Sons dein Acker ist / vnd
dein heiliges Wort der lebendige Same
ist / Bitte ich dich ganz herzlich / du wöllest
dem Sathan / der das Unkraut falscher
Lehre

Lehre vnd böser wercke mit vntermenget/
 strewen vnd wehren / Auff das dein Na-
 me bey den Gottlosen nicht verunchret vñ
 geschendet werde / Bawe deinen geistlich-
 en berg Zion / vñ dein heiliges Himlisches
 Jerusalem / Erleuchte aller menschen her-
 zen mit deiner erkendtnis / Regire vnser
 gedanken mit deinem Wort / Gib vns
 reine affecten / vñ gute gedanken / Bringe
 zu recht vnd regire aller menschen willen /
 Hilff inen / das sie sich alle für ergernis hü-
 ten / sich auff ware Gottseligkeit vnd brü-
 derliche liebe begeben. Vermehre in vns
 die hoffnung vnd das verlangen nach den
 verheissenen ewigen gütern. Hilff vns end-
 lich / durch Jesum Christum / zum ewigen
 vnsterblichen wesen. Amen.

Nun ist noch hinderstellig zu sa-
 gen / von dem gebet / welchs man
 thun sol nach gelegenheit der
 zeit / vñ nach dem sich die felle zutragen /
 darvon man denn keine gewisse art für-
 schreiben kan / Es sol ein Pastor auff sol-
 che gelegenheit selbst achtunge geben.
 Ist friede vnd gute zeit vorhanden / sol er
 Gott dafür hertzlich dancken / Ist aber
 I v vnfried /

vnfried / sterben / oder ein ander noth im
Lande / sol er Gott vmb abwendunge vñ
linderunge solcher straffen auch wissen
anzuruffen.

Wie ein Pfarherr für die ar- men Leute sorgen sol.

WAs einen Pfarherr dahin bewes-
gen sol / das er von seiner Habe
den Armen behülfflich sey / ist
droben angezeigt worden. Vnd solche
vrsachen sol er auch seinen Pfarkindern
fürhalten / vnd fleis anwenden / das sie
den Armen trewlich fürstehen / herzlich
für dieselbigen sorgen / das sie milde ges-
gen inen nach irem vermügen sich erzei-
gen / das eine rechtmessige austheilunge
des Almosens geschehe / das man die ge-
samleten Almosen nicht losen vntüchtig-
en personen gebe.

Sol derhalben ein Pfarherr hierinnen
fleissig sein / vnd bedencen / das es seinem
Ampte / nach dem Exempel der Apostel
gebühren wölle / für die Armen zu sorgen /
sonderlich aber für des Glaubensgenoss-
sen.

Es

Es sind aber viererley art der Armen/
für welche ein Pfarherr sorgen sol.

Die ersten/sind die Fratres vnd Christ-
liche Miterbeiter Gottes / die von wes-
gen der bekendtnis des Euangelij im elen-
de vmbher ziehen / oder sonsten aller irer
güter sind beraubet worden. Für solche
haben die Apostel gar trewlich gesor-
get/ wie es denn die Episteln an die Rö-
mer/ Galater/ vnd Corinthen genugsam
bezeugen.

Die andere/sind die armen Schüler/
welche auch stetiger handtreichunge be-
dürffen / auff das sie in jren studijs kön-
nen fortfaren / vnd zu gelegener zeit der
Kirchen Christi dienlich sein.

Die dritten/sind die Betler/so für den
Thüren vmbher nach brot gehen / derer
(leider) eine grosse anzal ist.

Die vierden/sind die arme vñ dürfftis-
ge Leute/welche/ob sie wol nicht offents-
lich betteln/ist doch jre gewerbe vnd nas-
rung so gar geringe / das sie sich darvon
zuerhalten nicht vermögen.

Wie mus man sich eben fürsehen / das
man nicht den Landtleuffern vnd faul-
en tropffen/die sich für Schüler ausges-
ben/ oder den starcken Betlern / die noch
wol

wol arbeiten können/oder den Senffern/
die das jenige/darmit sie Weib vnd Kind
erhalten solten / vmbbringen vnd ver-
schlemmen/Almosen gebe.

Zieher gehöret die Regel S. Pauli:
Wer nicht arbeitet / Der sol auch nicht
essen.

Sol derhalben ein Pfarherr seine Zu-
hörer gar fleissig vermanen / das sie fro-
men vnd veragten Christen mit wol-
that begegnen wollen / Vnd bedencen/
das es den fromen Christen vnd Gottes
Kindern / hie in dieser Welt also zugehen
pflege. Das sie auch armen Schüler be-
hülfflich sein sollen/ Aber denen vornem-
lich/die da gewisse Testimonia vnd Com-
mendationes haben/Das sie armen gott-
fürchtigen Leuten ire gaben gerne mit-
theilen sollen / Vnd auff die Hausarme
Leute / die sich irer arbeit halben nicht
ernehren können / sonderlich gedanken
haben.

Kürzlich/ Glaube vnd Liebe/sol eine
Richtschur sein aller vnserer Almosen
vnd Wercke.

Das

Das ein Pfarherr ein Vorbild der Herde sein sol.

Aulus erfordert von einem Prediger / das er ein fürbild der Gleubigen sein sol / in der Lehre / vnd in der Liebe / 1. Tim. 4. Tit. 2. Vnd der Apostel Petrus wil / das die Priester gute Exempel der Herde Christi sein sollen. Hieher gehört der Spruch Pauli: Seid meine Nachfolger / gleich wie ich Christi bin.

Da wird alsdenn (wie einer aus den Vetern gesagt hat) der same des worts leichtlich auffgehen vnd grünen / wenn die frömmigkeit des Predigers solchen im hertzen des Zuhörers begenst / vñ wartet.

Hieher gehöret auch der Spruch Seneca: Die machen keinem kein hertz / die selbst kein gut hertz haben.

Vnd der heilige Gregorius spricht: Weide die Schaffe mit dem wort / mit deinem Exempel / vnd mit deiner hülffe. Weide sie mit dem wort / gelet vnd geschicklich / Weide sie mit gutem exempel deines wandels / heiliglich vnd vnstrefflich / Weide sie mit der hülffe Christlicher liebe / frömllich vnd Gottseliglich.

Augusti

Augustinus spricht / Einen solchen Hir-
ten sol man erwehlen / gegen welchem die
andern als Schaffe zu rechnen sind.

Hieher gehöret alles von guten sitten/
eines Seelsorgers / daruon ich droben ge-
saget habe. Denn es sol ein Pastor ein
fürbilde der Herde sein / Das / gleich wie
die Lehre eines Pfarherrs eine Regel ist
des lebens seiner Herde / Also sollen auch
die sitten eines Pfarherrs ein Exempel
sein solcher Regel.

Sol derhalben sich ein Pastor darauff
befleissigen / das er den Glauben vnd
gut Gewissen behalte / Daser seine Zu-
hörer in schuldiger gebür vnd gutem
wandel erhalte / vnd sie mit dem Apostel
Paulo vermanen könne / vnd sagen / Lie-
ben Brüder / was warhafftig ist / was
ehrbar / was gerecht / was keusch / was
lieblich / was wollautet / Ist etwa eine
tugendt / ist etwa ein lob / dem dencket
nach / welches jr auch gelernet / vnd em-
pfangen / vnd gehöret / vnd gesehen habt
an mir / Das thut / so wird der Herr des
friedes mit euch sein. Philip. 4.

Da sihestu / mein lieber Pastor / das
Paulus der heilige Man / nicht allein mit
worten

worten lehre /
den er heisset
einigen exem-
plum vñ exem-
pligen Pau-
lusu auch
nd reichen

Wa

Wie
ein
gen
möchte / W
gewalt erst
kriechen / so
Doch sehe
anzuzeigen
rsfrecke / n
dem ich b
Menschen
im

Dem etli
walt gar vbe
en sie gar zu
mages.

worten lehre/was man thun solle/ Sonst
dern er heisset auch seine Zuhörer auff
sein eigen exempel sehen/ als auff ein für
bild/vñ exempel der Lehre. Wirstu dem
heiligen Paulo hierinnen nachfolgen / so
wirstu auch der mal eins ewigen Lohn
vnd reichen genies mit ime erlangen.

Was ein Pastor für ge- walt habe.

Wiewol aus deme / so vom Ampte
eines Pfarherrs geredt worden/
genugsam verstanden werden
möchte / Wie fern sich eines Pfarherrs
gewalt erstreckte. Den diese stehet in den
stücken / so zu solchem Ampte gehören/
Doch sehe ichs für gut an / jetzt kürzlich
anzuzeigen / wie fern sich solche Gewalt
erstrecke / wo sie auffhöre vnd sich ende.
Denn ich besinde / das zweierley art der
Menschen sich hierinnen sehr vergreiffen.

Denn etliche erheben die Kirchen ge-
walt gar vber die mass / Etliche verach-
ten sie gar zu sehr / vnd achten sie für gar
nichts.

Wir

Wir aber halten weder von dieser verachtung/ noch von jener hoffart etwas. Wollen derhalben etliche Lehre von der Gewalt eines Pfarherrs für vns nemen/ Verhoffen/ es sollen frome vnd gutherzige Pastores keinen misgefallen daran haben.

Paulus/ als er an die Corinthher schreibet/ spricht er/ 2. Cor. 10. Vnd so ich auch etwas weiter mich rhümete von vnser gewalt / welche vns der Herr gegeben hat/ euch zu bessern / vnd nicht zu verderben/ wolte ich nicht zu schanden werden.

Mit diesen worten bezeuget Paulus/ das zwar die Diener des Worts eine gewalt haben / Aber solche gewalt sey ihnen vom Herren gegeben. Darnach lehret er/ was das ende sey solcher gewalt/ nemlich/ die aufferbawunge der kirchen. Endlich restringiret er / vnd zeucht solche gewalt etlicher massen ein / darmit nicht jemand solche zur verstorunge misbrauche/ Denn es hat Christus den seinen keine gewalt geben / darmit sie sein Reich zerstören solten/ Sondern das Reich der finsternis zu zerstören / hat er ihnen befohlen.

Sol

Sol derhalben ein Pastor dis für das
erste wissen / Das jm Gott eine hohe gewalt
verliehen habe / Vnd das er solche
nicht zur zerstörung/ sondern zur auffers
barung der Kirchen Gottes brauchen
solle.

Es hat aber ein Pfarherr solche gewalt/
nicht als ein Herr für sich selbst/ der
darumb aller dñg frey / vñ vñ unpflìcht
tet sein wolte/ gleich als gieng in kein ge
bot Gottes an/ Sondern er hat sie als ein
Haushalter Gottes / der alles nach wil
len vnd wolgefallen des Herren Christi
fürnemen/ thun/ vnd ausrichten sol.

Weil denn nu die gewalt mancherley
ist/ so mus ein Pfarherr fleissig auffmer
cken/ welche jm zustehet oder gebüre/ vnd
welche jm nicht zustehet/ Auff das er sich
nicht irgends eines solchen rechts oder ge
walts anmasse / das jm nicht zustehet/
oder / das er die gewalt so jm zustehet/
nicht verlasse oder verseume.

Ist derhalben alle gewalt entweder ei
ne gewalt des rechten/ oder des Ampts/
oder des rechtmessigen vnd billichen/
oder der that vnd Handlung.

Die erste Gewalt / nennet man Pote
statem Iuris/ Das ist/ eine Gewalt/ die ei

a ner

ner hat von rechtes wegen / als da ist die
gewalt vber eigene güter vnd Habe / die
sonstē gegen niemands verpflichtet sein.
Als zum Exempel / Meine güter sind vn-
ter meiner gewalt / denn sie sind keinem
frembden / sondern meiner macht vnd
rechtem allein vnterworffen / Darumb so
bin ich vber solche meine güter ein Herr/
mag mit denselbigen meines gefallens
handeln.

Also hat ein Töpffer recht vñ gewalt
gegen dem Tohn. Rom. 9.

Also hatte Ananias gewalt vber seine
Ecker die er verkauffte / Actor. 5.

Tu fellet hie eine frage für / Ob ein
Pfarherr oder Seelsorger / solche gewalt
des Rechtes gegen der Kirchen habe.

Darauff spricht der Bapst / Ja. Die
heilige Schrift / spricht Nein.

Christus spricht Matth. am letzten :
Mir ist gegeben alle gewalt im Himmel
vñ auff Erden. Da spricht nu der Bapst /
Christus habe jm solche gewalt auch ge-
geben.

Hat der Bapst aber diese gewalt / so
hat sie auch Petrus / des Nachköm-
ling er sich rühmet / vor ime gehabt.

Was

Was sagt aber
sonst also. Die
sich. Vñ
2. spricht
vber ewe
nd Diener ei
Wer nu sol
er die kirche
het / die sind
des Herren

Die ander
testament offi
die einem p
dem / des Die
mag vñ kan e
andere gege
dem / der da
das ist / Er
hen oder ha
ne / der auch
hat gegen
ne.

Diese Ge
von zweyerle
Erstlich / d
ms Amptes t
herr befohlen

Was sagt aber Petrus hierzu? 1. Pet. 5.
spricht also: Nicht als die vber das volck
herrschen. Vnd der Apostel Paulus 2.
Cor. 2. spricht: Nicht das wir Herren
seyen vber ewern Glauben/ Sondern wir
sind Diener euch zur freude.

Wer nu solche macht vnd gewalt wi/
der die kirche Christi fůrnimpt vnd brau/
chet/ die sind des Antichrists / vnd nicht
des Herren Christi Diener.

Die andere Gewalt nennet man Po/
testatem officij / das ist/ Ampts gewalt/
die einem Pastori gegeben wird / von
dem/ des Diener er ist. Diese gewalt ver/
mag vñ kan einem Pastori von niemant
anders gegeben werden / denn allein von
dem/ der da hat die Gewalt des rechtes/
das ist/ Er kan sie von niemands empfa/
hen oder haben / denn von Christo allei/
ne / der auch alleine vollkomene Gewalt
hat gegen seiner Kirchen vnd Gemei/
ne.

Diese Gewalt erinnert einen Pastorn
von zweyerley dingen.

Erstlich/ das er nach erforderunge sei/
nes Ampts thue / das jenige / so im sein
Herr befohlen hat.

a ij Dar/

Darnach/das das jenige/ so der Pfar
herr nach der Regel seines Ampts thut/
für Gott thetig vnd krefftig sey.

Auff das aber desto bas möge verstan
den werden/ was das Pfaramt für eine
Gewalt habe / sol man folgenden vnter
scheid mercken. Die eine gewalt dieses
Ampts ist Determinirt abgemessen vnd
benennet / Die ander aber nicht. Die ge
walt so Determinirt ist/ist/ die ire gewis
ziel vñ mas hat/welches man nicht darff
vberschreiten. Als da ist die gewalt in
den dingen / welche mit klarem Gottes
wort ausgedrucket sein / Von diesem
wort darff kein Mensch etwas nemen/
noch etwas darzu thun. Vnd ist dis gar
eine hohe gewalt / von welcher Christus
selbst saget : Wer euch höret / der höret
mich/Wer euch verachtet/der verachtet
mich.

Den gleich wie ein Legat oder Gesand
ter / der von seinem Fürsten einen befelß
empfangen / was er thun / nachgeben/
willigen / vnd reden sol / seine Legation
nicht recht ansrichtet/wen er zu solchem
befelß etwas setzet / oder daruon nimpt/
Also ist es auch mit einem Diener des E
uangelij / Prediget er das Euangelium
nicht

nicht rein / so richtet er seines Herrn Chri-
sti befehl / vnd sein Ampt vbel aus.

Die gewalt des Predigampts so nicht
Determinirt ist / ist die / so in den dingen
steht / welche nicht mit klarem Wort
Gottes ausgedrucket sein.

Doch mus ein Pfarherr wissen / das er
nicht solle diese gewalt vbel brauchen /
etwas ordenen / anrichten oder gebieten /
so dem hellen wort Gottes entgegen sey /
es geschehe gleich solchs verdeckter oder
offenbarlicher weise.

Der Papst ordenet Messen für die
lebendigen vnd für die todten / Aber sol-
che ordenunge streitet wider den grundt
des Glaubens / vnd wider die sprüche der
Schrift: Vergeblich ehren sie mich mit
Menschen geboten. Gleicher weise mus
man auch richten vnd halten / vom meis-
ten theil der Ceremonien im Babst-
thumb / welche sie als besondere hohe
geheimnissen hoch achten / vnd viel dar-
von halten.

Darnach so sol alles was aus dieser ges-
walt geschicht vnd herkömpt / dienen zur
aufferbauunge der Kirchen / vnd nichts
zur zerstörung.

a iij Ober

Über das / hat diese gewalt raum vnd
stadt in denen Ceremonien / vnd andern
dingen / so zu guter Ordnungge / vnd zier
ligkeit der Religion / vnd des eusserlichen
Kirchenregiments / dienen.

Die dritte art der kirchen gewalt nenn
et man Potestatem iusti & æqui / Eine
gewalt des schuldigen vnd rechten. Dies
se gewalt brauchet ein Pfarherr in denen
dingen / die man im von rechts vnd billig
keit wegen zu geben schuldig ist. Darumb
so kan vn̄ mag ein Pfarherr wol fordern
dasjenige so im gebüret / vn̄ zu seiner vn̄
terhaltungge verordnet ist.

Diese gewalt wird durch viel sprüche
der Schrift bezeuget vnd bestetiget.

1. Timoth. 5. Ein Arbeiter ist seines
Lohns werdt.

1. Cor. 9. Der Herr hat befohlen / das
die / so das Euangelium verkündigen /
sollen sich vom Euangelio nehren.

Diese gewalt henger an der gewalt
des Ampts / Denn welcher sein Ampt
nicht recht ausrichtet / der kan auch nicht
billich seinen lohn fordern / vnd wenn er
in gleich fordert vnd nimpt / so nimpt
er in doch mit vnrechte / Darumb wird er
auch

noch wenig
empfehen.

Wogen de
und alle / so
ge Pfaffen
wissen sie ja
der Kirche
fressen.

Doch so
wiewol es
Pastor sein
dunge von
ist gleich
het in seiner
rechten na
solches im
ersehen.

Die vier
nennet ma
ne solche g
zu verrich
gehört. I
ner / so sich
lens / auch d
er wisse vn̄
ten / vnd rich
hieber gel
der Bischof

auch wenig Segens von Gott hierüber
empfaben.

Mögen derhalben die faule Papisten/
vnd alle / so faule verdrossene vnd müßis-
ge Pfaffen sein / wol zusehen / mit was ge-
wissen sie ihren lohn nemen / vnd die scherze
der Kirchen hinweg nemen / vnd auff-
fressen.

Doch sol auch hie gemerckt werden /
wiewol es billich vnd recht ist / das ein
Pastor seinen gebürlichen lohn vñ besol-
dunge von seinen Zuhörern fordere / So
ist gleichwol im auch vergünnet / vñ ste-
het in seiner gewalt / etwas von solchem
rechten nachzulassen / oder nicht. Wie
solches im Exempel Pauli genugsam zu
ersehen.

Die vierde vnd letzte art der gewalt/
nennet man Potestatem facti / Das ist / ei-
ne solche gewalt vnd geschicklichkeit / so
zu verrichtunge des Ampts dienet vnd
gehöret. Diese gewalt erfordert / das ei-
ner / so sich ins Pfarampt zubegeben wil-
lens / auch darzu tüchtig sey / das ist / das
er wisse vnd könne sein Ampt ausrich-
ten / vnd richte es auch aus.

Zieher gehört das Ampt vnd der fleis
der Bischoffe vnd Superintendenten.

a iiii Denn

Dem sie sollen gar ein fleissiges auff se-
hen haben / auff die / so man zum Pres-
digamt wil annemen / oder schon ange-
nomen hat / Ob der / so angenommen wer-
den sol / zum Ampte tüchtig / vnd dassel-
bige recht ausrichten könne / oder nicht /
Vnd ob die / so allbereit im Ampt sein /
dasselbige jr Ampt trewlich ausrichten
oder nicht.

Dieweil aber ich jzt des Ampts der
Superintendenten bin ingedenck wor-
den / wil ich von zweien dingen meldunge
thun / Wie man die / so zum Predigamt
sollen auffgenommen werden / verhören vñ
examiniren sol / Vnd wie man sie visiti-
ren vnd besuchen sol.

Das Examen / derer / so sich ins Pres-
digamt begeben / sol dreyerley sein. 1. Ob
sie gelert sein oder nicht. 2. Ob sie sol-
chen wandel gefüret / oder solche sitten
an sich haben / die dem Ampt förderlich /
vñ nicht nachtheilig sein köndten. 3. Ob
sie auch tüchtig sein zur verwaltung sol-
ches Ampts.

Welcher sich ins Predigamt begeg-
ben wil / der mus einen ordentlichen be-
griff / vnd grund der Lehre bey sich ha-
ben. Er mus wissen die vornemsten stü-
cke

Die Christlicher lehre/sampt iren beschrei-
bungen vnd theilungen/ vnd ein igliches
mit sprüchen vnd exempeln der Schrift
zu bekrefftigen. Auch sol er ordentlich
nach einander wissen die Historien der
heiligen Schrift/ vnd eines jden Buchs
inhalt im Alten vñ Newen Testament.

Würde jemand sagen/Wenn man dis
alles bey einem/so sich ins Pfar ampt be-
geben willens/erfragen wolte / so würde
es gar zu ein scharff Examen sein. Ant-
worte ich : Man sol in ein solch hoch vnd
heiliges Ampt nicht grobe vnd vngeler-
te Eselsköpffe setzen / die nichts wissen/
nichts gestudiret oder gelernet haben /
wie wir/leider/ sehen/ das solches an vie-
len orten geschicht/ vnd das solche grobe
stolze tropffen die besten vnd vornem-
sten Pfarren inne haben.

Was seinen wandel vnd sitten an-
langet/ sol man sehen/wie er erzogen/wie
er sich in seinem leben bis anher gehal-
ten / vnd was jm andere Leute für lob
vnd zeugnis geben. Kürzlich / Solche
sitten vnd tugenden sol er an sich ha-
ben/wie solche Paulus von seinem Timo-
theo vnd Tito erfordert.

a v Darmit

Darmit auch keiner für vntüchtig ges
scholten werde / sol man sehen auff sein
alter / vnd auff die gabe zu lehren. Denn
solche gabe haben nicht alle.

Wie man die Pastores visitiren
solle / wird in folgender anleitung
kürzlich gemeldet.

1. Ob die Pfarherrn irem Ampt genug
thun / vnd dasselbige trewlich aus
richten.
2. Das volck sol vermanet werden zum
gehorsam gegen dem Euangelio.
3. Sol man nachfragen / vnd fleissig
achtung drauff geben / wie die
Kirchengüter gebraucht / vñ wie
denen vorgestanden werde.
4. Sollen die armen Lent dem Volck
trewlich befohlen werden / das ein
jder nach seinem vermögen etwas
gebe zu irer vnterhaltung.
5. Sol das Volck vermanet werden /
das ein jder seinen beruff bedens
cken / vnd demselbigen recht nach
setze / in Gottes fürcht / im Glau
ben vnd in der gedult.

Was

Was vnser Herrgott einem Pa-
stori/ so sein Ampt trewlich ausricht-
tet/ zu lohn geben wölle.

In Seelsorger der sein Ampt mit
ernst vnd trewen ausrichtet / hat
zweyerley belohnunge. Der eine
lohn / so im hie in diesem Leben gegeben
wird. Der ander lohn / welcher ime im
künfftigen Leben zugesaget wird. Der
leibliche lohn / weret hie auff Erden eine
Kleine zeit / Aber der Geistliche lohn wer-
ret ewiglich.

Der zeitliche lohn ist viererley / Denn
Gott gibet im das er habe seine Klarun-
ge/ Ehre/ gutes Gewissen / vnd vermeh-
rung der Gaben.

Von diesen vier belohnungen wil ich
ordentlich sagen / vnd mit Schrifften
bekrefftigen / auff das ein Pfarherr (wie-
wol er vornemlich durch betrachtunge
der ehre Gottes/ vñ aus liebe gegen Chri-
sto seinem Herren/ zu verrichtung seines
Ampts sol beweget werden / wie droben
gesagt ist) dardurch gereizet werde/ sein
Ampt rechtschaffen auszurichten. Wil
derhalben erstlich sagen von der Kla-
rung. Das

Das man die Pastores zu ernehren
schuldigh sey / bezeuget Paulus an vielen
orten / Den er spricht / das der Herr selbst
solchs also geordnet habe / das die so dem
Euangelio dienen / sich vom Euangelio
nehren sollen.

Vnd Christus spricht / Matth. am 10.
Ein Arbeiter ist seines lohns werdt.

Vnd Paulus zum Galat. am 6. spricht /
Der vnterrichtet wird mit dem Wort /
der theile mit allerley gutes / dem / der in
vnterrichtet.

Hieher gehöret auch der Spruch /
Deut. 12. Hüte dich / das du den Leviten
nicht verlassest / so lange du auff Erden
lebest.

Solcher Zeugnis sind viel in der
Schrift / die da eigentlich bezeugen / das
man die Diener des Euangelij ernehren /
vnd ire gebürliche besoldunge inen ge-
ben sol. Es lehren aber diese zeugnisse
von dreyen dingen. Erstlich / das der
Christlichen Oberkeit ires Ampts hal-
ben gebüre vnd zustehet / den Dienern des
Euangelij ire gebürliche vnterhaltunge
zuordnen / vnd zugeben. Zum andern /
das die Zuhörer von wegen des natürli-
chen vnd Göttlichen Rechtes schuldigh
vnd

vnd pflichtig sein iren Predigern gebür-
lichen lohn zureichen. Zum dritten/ Das
die Diener des Worts wol befüget sein
iren lohn vnd besoldunge zunemen / vnd
denen / so nicht von guten willen geben/
was sie zu geben schuldig sein / abfor-
dern / Wie wir denn droben / da wir von
der gewalt eines Pfarherrs gehandelt /
angezeigt haben.

Nu begibt sichs aber / das die / so den
Pfarherrn vnd Predigern nicht gut sein/
inen das Gebot Christi / das Exempel
Pauli / vñ die scheltwort des Propheten
Micheae fürwerffen.

Das Gebot vnd befehl Christi lautet
also / Vmb sonst habt irs empfangen/
vmb sonst gebet es auch / Matth. 10. Das
her wollen sie schliessen / das den Dienern
des Worts nicht gebüren wölle lohn vñ
besoldunge zu fordern. Aber solches für-
geben ist vnrecht / wie denn aus andern
Sprüchen der Schrifft genugsam ers-
scheinet. Denn das die diener des worts/
vñ Lehrer der Kirchen / das ire fordern/
vñ von gemeiner anlage oder hülffe er-
halten werden / doch mit dem bescheide/
das sie auch willig / gerne / vnd gehorsam
lich Christo vnd seiner Kirchen dienen / ist
solchs

solchs dem worte (Vmb sonst gebet es
auch) gar nicht zu wider. Die narunge
aber sol sein gleich als ein zugang / vnd
handtreichung in der arbeit. Es zeigt
zwar Christus an / das keiner nicht ein
rechtschaffener Diener Gottes sein könn
ne / der nicht gesinnet sey / seinen fleis den
Leuten vmb sonst mitzutheilen. Idoch
hebet er nicht auff das Wort / da die
Schrift saget : Ein Arbeiter ist seines
lohns werdt. Vnd Paulus / da er an die
Corinther schreibt / spricht er : Welcher
reiset jemals auff seinen eigenen Soldt ?
Welcher pflanzet einen Weinberg / vnd
isset nicht von seiner frucht ? Oder wel
cher weidet ein Herde / vñ isset nicht von
der milch der Herde ? Vnd balde her
nach spricht er : So wir euch das Geis
liche seen / ist es ein gros ding / ob wir ewer
leibliches erndten ? In der ersten Epi
stel zum Corinth. am 9.

Wenn man diese Sprüche also gegen
einander helt / wird sich klerlich befin
den / das Christus den Dienern des worts
nicht iren gebürlichen lohn verbiete / son
dern das die ehre Gottes in allen dingen
sol gesucht vnd fürgezogen werden.

Das

Das Exempel Pauli / des er selbst ge-
dencket / 1. Cor. 9. vnd Act. 20. bringen
sie auch herfür / vnd sagen / Das Paulus
von den Corinthern vnd Ephesern kei-
nen lohn hab nemen wollen / sondern mit
seiner eigenen handt sich vnd seine mit-
gesellen ernehret. Der heilige Paulus
lehret zum Corinthern gar klerlich / Das
man den Dienern des Worts ire Besol-
dunge / vñ vnderhaltung zugeben schul-
dig sey. Warumb aber er nichts genom-
men / zeigt er daselbst vrsachen an / vnd
spricht : Wir vertragen allerley / auff das
wir nicht dem Euangelio Christi eine
hindernis machen. Denn wenn die Wi-
dersacher des Worts gesehen haben / das
Paulus vmb sonst predigte / vnd auff kei-
ne belohnunge wartete / so bename er jnen
hiermit vrsache zu lestern. Denn sie het-
ten mögen sagen / Es hette Paulus das
Judenthumb von genies wegen verlas-
sen / vnd predigte das Euangelium auff
gewinst. Darnach / so sind zur selben
zeit den Predigern noch keine bestimpte
besoldunge oder lohn ernennet gewesen /
als wie itzunder / Drum mus man auch
der zeit gelegenheit ansehen. Den Apo-
stel ist gesagt / Gehet hin in alle Welt.
Den

Den Pastoribus ist gesaget / gehe hin an
den oder den ort / da wirstu auch Welt
finden / da solstu predigen / vnd deinen
enthalt haben. Wenn nu ein Pastor jme
wolt fürnemen / in alle Welt zugehen/
vnd allenthalben das Euangelium zu
predigen / seine enthaltung hierdurch zu
suchen / der thete vnrecht. Vrsach / Es ist
jm nicht befohlen / Er sol auch keinem in
sein Ampt greiffen / Es sind hin vnd wis
der die Kirchen mit Seelsorgern bestel
let / die da wol werden predigen / vnd die
Leute vnterrichten / was jnen zur Selig
keit dienlich / Denen sol er nicht das brod
für dem maul abschneiden. Würde jn
Gott aber sonderlich beruffen / so hette
es ein ander gelegenheit. Die schwerme
rische beruffung ist schedlich / vnd Gott
zum höchsten misfellig / daruon er im
Propheten selbst saget / Sie lieffen / aber
ich sandte sie nicht. Vnd das jtziger zeit
die Prediger jren jerlichen vnbenandten
lohn haben / hat trawen solches alles
auch seine besondere vrsachen / Denn wie
willig vnd geneigt die Leut jtziger zeit
dem Euangelio vnd Dienern desselbi
gen sein / ist offenbar vnd für augen / Wie
gerne sie den Dienern des Worts / Kir
chen

den vnd Sch
holffen sein /
unge / Ja sol
was geben /
schuldig vn
Dorfahren
ren / so wür
ren im Lan
der fünff
herrn ernel
sie / vn hat
vnd haben
nichts / auf
werde : D
wird euch
bet jr nicht
geben wen
Das de
Priestern
Ire Prie
Prophete
zeiget bal
am / Daru
len / wie ein
lem zum S
des Tempe
den. Weld
bringen / di

chen vnd Schulen etwas geben oder bes
holffen sein / das lehret die tegliche erfas
runge / Ja solten sie aus gutwilligkeit et
was geben / sie geben nicht gerne was sie
schuldigh vnd pflichtig sein. Wenn vnser
Vorfahren einen solchen sinn gehabt het
ten / so würden wenig Schulen vnd Pfar
ren im Lande sein / Ja es würden zehen
oder fünffzehen Dörffer nicht einen Pfar
herrn ernehren können / vorzeiten gaben
sie / vñ hatten auch / izt geben sie nichts /
vnd haben die Leute doch gleichwol
nichts / auff das der Spruch Christi war
werde : Date & dabitur vobis. Gebet so
wird euch wider gegeben werden / Ges
bet jr nicht / so wird euch auch nichts ge
geben werden.

Das der Prophet Micheas am 3. den
Priestern fürwirfft / sie schilt / vñ spricht:
Ire Priester lehren vmb lohn / vnd ire
Propheten warsagen vmb geldt. Vnd
zeigt bald hierauff die straffe Gottes
an / Darumb wird Zion vmb ewren wil
len / wie ein Feldt zupflüget / vnd Jerusa
lem zum Steinhaußen / vnd der Berg
des Tempels zu einer wilden höhe wer
den. Welche nu diesen Spruch herfür
bringen / die solten billich auch ansehen /

b

was

was im selben Text fürher gehet / Ihre
Zeupter / spricht er / richten vmb ge-
schencke. Zeiget derhalben der Prophet
an / das nicht allein die Priester / sondern
auch die Weltliche Herren sich den geiz
hatten einnehmen lassen / vnd von Geldes
vnd geschencks wegen viel vnrechts vbe-
ten. Gleich wie nu fromme Herren vnd
Christliche Oberkeit ire gebürliche Zin-
sen vnd vnterhaltunge fordern mügen /
Also können solches auch die Prediger
vnd Seelsorger thun mit gutem gewis-
sen. Doch sollen sie sich beider seits / Welt-
liche vnd Geistliche hüten / das sie nicht
mehr das Geldt / denn die Gerechtig-
keit suchen. Werden in solchem Spruch
des Propheten verdampt / beide Pries-
ter vnd Fürsten / die ires Ampts nur
zum genies vnd gervinst misbrauchen.

Die andere belohnunge eines Pasto-
ris vnd Seelsorgers ist Ehre. Denn es
spricht Paulus Clerlich / Die Eltesten /
die wol fürstehen / die halte man zwifas-
cher ehren werdt / Sonderlich die da ar-
beiten im Wort / vnd in der Lehre. Dar-
nach so werden sie von iren Zuhörern ge-
ehret als Geistliche Veter. Vber das /

so

so kan ihnen keine grössere ehre begegnen/
denn das sie Mitarbeiter Gottes / vnd
Haushalter der geheimnis Gottes ge-
nennet werden.

Da sol sich nu ein Pfarherr fürsehen/
das er nicht rhuusüchtig vnd ehrgeis-
zig werde / das er nicht andere verachs-
te / vnd vernichtige / vnd also ime selbst
eine ehre erlangen wolle / Wie denn etliche
eine solche böse art an sich haben. Denn
die ehre / so man dem Predigamt schula-
dig ist / folget von sich selbst / vnd gehet
dem nach / der auch gleich willig dafür
fleucht. Der Papst setzet sich allen für /
Kaisern / Königen / Fürsten / vnd Her-
ren / Darmit er dem genugsam zuver-
stehen gibt / das er nicht ein Apostel Chri-
sti / sondern ein Abtrünniger vnd Wider-
christ sey. Es wil Christus nicht / das
seine Diener Herrschafft / gewalt / pracht
vnd ehre suchen / Sondern das sie dies
nen sollen / vnd einem jglichen sich Christ-
lich vnterwerffen. Sol derhalben ein
Pastor sich fürsehen / solchen seinen lohn /
nemlich die Ehre / so seinem Ampt gebü-
ret / nicht mit jrgend einem unreinen Af-
fect zubeflecken.

b ij Der

Der dritte lohn eines Seelsörgers ist/
ein gut gewissen/das findet sich bey dem
der glauben helt vnd behelt/der in warer
furcht Gottes sein Ampt ausrichtet/der
nur alleine auff Gottes ehre/vnd erbaw-
unge der Kirchen Christi sihet.

Das ist vnser rhum / spricht Paulus/
2. Cor. 1. das zeugnis vnser gewissens.
Denn da redet Paulus von seinem Mini-
sterio vñ Ampte. Vnd anderswo spricht
er/Das er Gotte diene mit gutem gewis-
sen. Vnd vermanet die Diaconos vnd
Mithelffer. 1. Tim. 3. das sie das geheim-
nis des Glaubens in reinem Gewissen
haben sollen. Vnd seinem Jünger Timo-
theo gebent er / das er eine gute Ritter-
schafft vben / den Glauben vnd gut Ge-
wissen haben solle/1. Tim. 1.

Dieses reine vnd gut Gewissen behelt
ein Seelsörger/wenn er/wie gesagt/glau-
ben hat vnd behelt / vnd seinem Ampt
trewlich vnd mit höchstem fleis nachse-
tzt / auff das allezeit Gottes ehre beför-
dert / vnd der nutz seiner Kirchen gesun-
dhet werde.

Solch gut Gewissen aber verlieren
vnd könnens nicht haben alleine die / so
one ordentlichen beruff sich in die kirche
ein

bringen/so
selbst w
söhne 2.
und fleissig
ge/das C
von ge
fahren lass
beruffung
grosse vñ
Die v
Pfarherr
tig vñ treu
lich/verm
Spruch C
sol gegeb
nen vnd
hat bega
wendet/
gen diese
vnd sterc
fahren ee
lich an sic
mus rech
viel aussch
viel empfa
Der aus
ctor Mart
fang des

eindringen/sondern auch die/so viel mehr
sich selbst weiden vnd mesten / denn ire
befohlene Herde / vnd die da viel mehr
vnd fleissiger das ire suchen/denn das je-
nige /das Christi ist. Als da sind alle die/
so von geitzes wegen geringe Pfarren
fahren lassen/ vnd one erfoderunge vnd
beruffunge irer Oberherren / sich auff
grosse vñ wichtige Pfarren begeben/etc.

Die vierde zeitliche belohnunge eines
Pfarherrs / der seinem Ampt auffrich-
tig vñ trewlich nachkömpt/ ist die/nem-
lich / vermehrung der Gaben / wie der
Spruch Christi lautet: Der da hat/dem
sol gegeben werden/das ist/Wer die klei-
nen vnd geringe Gaben / damit in Gott
hat begabet/recht brauchet/vnd wol an-
wendet/dem wird Gott durch seinen Se-
gen dieselbige von tag zu tage mehr
vnd stercken. Vnd das dem also sey/so er-
fahren es alle trewe diener Christi teg-
lich an sich selbst. Darumb hat Augusti-
nus recht gesagt: Wer in seinem Ampt
viel austheilet/der wird auch widerumb
viel empfahen.

Der auserwelte rüstzeug Gottes Do-
ctor Martinus Lutherus/ der ist im an-
fang des Euangelij/nicht so fürtrefflich
b iij gewes

gewesen / als hernach / Es ist erstlich et
was gering vmb in gewesen / Er hat ge
sehen vnd vermercket / wie ein eitel vnd
erdichts ding es were vmb die Papistis
schen Indulgentien / wider solche leges
te er sich gewaltiglich / vnd dachte das
zumal nicht an die verstorunge des
Bapstumbs. Sihe / da er nu in solchem
Kampff stunde / da mehrten sich die Ga
ben Gottes von tag zu tage in im / Also/
das er endlich gar ein edeler Werck
zeug Gottes worden ist / durch welchen
Gott seine Kirchen von den gewulichen
vnd schrecklichen Irthumen des Babst
thumbs gereiniget / vnd erlöset hat. Die
sen heiligen Man Gottes sollen fromme
Pastores inen als ein Exempel fein vor
bilden / vnd in warer fürcht Gottes ir
Ampt ausrichten / Werden sie das thun/
so sollen sie befinden / das die verheissun
ge Christi / in welcher er denen / so ire Ga
ben recht brauchen / vermehrung solcher
Gaben zugesagt hat / nicht vmbsonst vn
vergeblich sey.

Ich habe bisanher gesagt von der
zeitlichen belohnunge / so einem fleissig
gen Gottseligen Seelsorger widerfah
ren sol/

rensl. Folge
welche er im
verheissunge

Von die
Postel Petrus
ger vnd See
auszurichten
williglich/
winstes wi
gründt / A
wird der E
liche Kron
gen.

Von die
lus / da er spr
be einen gut
habe den la
ben gehalten
die Krone d
der Herr an
Richter / ge
allein / sonder
munge lieb ha

Vnd Dami
re aber werde
glantz / vnd de

ren sol. Folget nu von der belohnunge/
welche er im künfftigen leben / lauts der
verheissunge Gottes erlangen sol.

Von dieser belohnunge redet der Ap-
postel Petrus / 1. Pet. 5. Da er die Predi-
ger vnd Seelsorger vermanet / jr Ampte
auszurichten / nicht gezwungen / sondern
williglich / Nicht vmb schendliches ge-
winstes willen / sondern von Herzen
grundt / Auff das / wenn erscheinen
wird der Erzhirte / sie die vnerwelck-
liche Krone der Ehren empfangen müs-
sen.

Von dieser Krone redet auch Pau-
lus / da er spricht / 2. Timoth. 4. Ich ha-
be einen guten Kampff gekempffet / ich
habe den lauff vollendet / ich habe glau-
ben gehalten / Hinfurt ist mir beygeleget
die Krone der Gerechtigkeit / welche mir
der Herr an jenem tage / der gerechte
Richter / geben wird / Nicht mir aber
allein / sondern auch allen die seine erschei-
nunge lieb haben.

Vnd Daniel am 12. spricht / Die Leho-
rer aber werden leuchten wie des Himmels
glantz / vnd die / so viel zur gerechtigkeit
b iij weisen/

Diner Christi
 inderwertigste
 vorgelegt we
 uns brauche
 in hertz und
 in Christ
 vrende. Da
 das er seine
 tein scheint
 fleissig thue
 seinem Herr
 geleyet ist.

Dis sey
ne den ein r
warten/ mit
zeit selbst a
sig zuueric
Was die
vnfleiss
hen

Auff
ger
desto
den / sol er in

Auff

Auff das nu ein getrewer vnd fromer
Diener Christi durch die manigfaltige
widerwertigkeit nicht vberwunden vnd
nidergelegt werde/ sol er dis einige mittel
stets brauchen/nemlich/ das er seine Aug
gen/hertz vnd alle gedancken auff die zus
kunft Christi seines Herren richte / vnd
wende. Da wirds endtlich geschehen/
das er seine arbeit / welche bey den Leu
ten scheint verloren sein / gar gerne vnd
fleissig thue/sonderlich weil im bey Gott
seinem Herren so ein trefflicher lohn bey
gelegt ist.

Dis sey kurtzlich gesagt von dem lohn
ne den ein rechter Seelsorger hat zu ge
warten/ mit welchen Worten er sich ieder
zeit selbst anreizen sol / sein Ampt fleiss
ig zuerrichten.

Was die Pastores/so irem Ampt
vnfleissig vnd vntrewlich vorste
hen / für straffe haben zu
gewarten.

Auff das nu ein Pastor zu fleissig
ger verrichtunge seines Ampts/
desto mehr möge gereizet wer
den/ sol er im selbst für die Augen stellen
b v den

ben zorn vnd die straffe Gottes / welche
auff den vnfleis erfolgt / vnd sind solchs
ewige vnd zeitliche straffen.

Die zeitliche straffen sind mancherley /
Etliche gehen des Pfarherrs Person
selbst an / als da ist / böse geschrey bey fro-
men Leuten / Etliche aber rüren im sein
Gewissen. Denn welcher sein Ampt
schalckhafftig vnd vntrewlich ausrich-
tet / der verletzet sein eigen Gewissen /
welches er hernachmals jder zeit vnd al-
lenenthalben mit sich vmbher treget / als ei-
nen vnablassenden vnd gewissen zeugen
aller seiner böberey / Sünden / vntrew / vñ
mishandlung.

Etliche straffen gehen seine Gaben
an / nach dem Spruch Christi / Luc. 19.
Von dem aber der nicht hat / wird auch
das genommen werden / das er hat / Das
ist / Wer die Gaben Gottes nicht brau-
chet zu aufferbawung der Kirchen / der
wird allgemach / vñ ehe ers vermercket /
seiner Gaben beraubet / er wird verstockt
vñ verblindet werden / das er weder nach
seiner / oder nach anderer Leute Seelen
seligkeit fraget / er achtets gar nichts / bis
er endlich nach dem gerechten Urteil
Gottes / in einen verkerten Sinn dahin
gege

geben wird /
vñ solch / vñ
die.

Etliche straffen
den G
rediger G
en Weib
wie solchs an
ders Heil

Bisher
lichen straffe
gen zu rechen

Der Pro
48. Cap. De
verck leig
für eine stra
nd mehr für
re Gottes.

Es ist ein
3. Cap. I
Du mußt d
narnest in m
damit sich de
sen wesen h
laube / so wird
Sünden wollen
vñ ich vonden

gegeben wird / das er lobet / was er schelt
ten solte / vnd schilt / das er billich loben
solte.

Etliche straffe treffen sein Hausgesin
de. Denn Gott der Herre straffet der
Prediger Gottloses wesen / an iren eige
nen Weibern / Kindern / vnd Gesinde /
wie solchs am Exempel des Hohenpries
ters Heli klerlich zu ersehen ist.

Bisher habe ich gesagt von der zeit
lichen straffe / welche zwar gegen den ewi
gen zu rechnen gar gering ist.

Der Prophet Jeremias spricht am
48. Cap. Verfluchet sey / der des Herren
werck lessig thut. Lieber sage mir / Was
für eine straffe solte einer doch billicher
vnd mehr fürchten / denn die verfluchun
ge Gottes?

Es ist ein bekandter Spruch Ezech.
am 3. Cap. Wenn ich zum Gottlosen sag
ge / Du must des Todes sterben / Vnd du
wardest in nicht / vnd sagest es im nicht /
darmit sich der Gottlose für seinem gott
losen wesen hute / auff das er lebendig
bleibe / so wird der Gottlose vmb seiner
Sünden willen sterben / Aber sein Blut
wil ich von deiner Hand fordern.

Sihe

Sihe zu / was für schreckliche straffe ein
Prediger zugewarten hat / der sein Ampt
nicht treulich verweset. Sein Blut /
spricht Gott / wil ich von deiner Hand
fordern / das ist / Sein Todt sol dir zuge-
rechnet werden / vnd dich wil ich straf-
fen / darumb / das du seines sterbens vnd
verderbens eine vrsache bist.

Hieher gehöret der Spruch S. Gre-
gorij / der also saget : Ober die straffen /
vnd das vbel / das wir für vnser Person
selbst verdienen / vnd vben / bringen wir
noch mehr vbels darzu / nemlich den tod-
t anderer Leute / Denn also viel leute töd-
ten wir / soniel als wir irer teglich zum
tode sehen eilen / vnd doch gleichwol still
schweigen / vnd sie nicht erretten. Vnd
weiter spricht S. Gregorius : Das blut
des sterbenden Sünders / wird von der
Hand des Wechters erfordert / Denn so
der Oberherr still schweiget / so wird ime
die Sünde des vnterthanen zugereche-
net.

Hieher gehöret auch der Spruch E-
zechielis am 34. Wehe den Hirten Isra-
el / die sich selbst weiden.

In den Bepflichen Decreten stehet
ein Spruch eines Vaters / also lautende /
Der

Der / so da im Wort fürstehet / wenn er
wider den willen / oder wider das / so in
der Schrift klerlich geboten ist / etwas
saget / oder gebeut / der sol für einen fals
schen Zeugen Gottes / vnd für einen
Kirchenreuber gehalten werden. Was
für eine straffe nu ein solcher falscher zeug
ge / der felschlich wider Gott zeugnis
gibt / vnd stilet gar reuberisch / das jeni
ge / so Gottes ist / verdienet habe / ist gar
leicht zuermessen.

Solche straffen Gottes sol ein Predi
ger gar fleissig bedencken / auff das er in
seinem Ampt fleissig vnd wacker sey / vñ
das er meide alle faulheit vnd nachlessig
keit / das er auch nicht einige lust oder
fürcht / sich lasse abwendig machen.

Es sein die Pastores vnd Prediger / so
den Schaffstall Christi helffen auffers
bawen / vnd sich doch nicht dermassen
halten vnd fürsehen / als wie sie billich
thun solten / gar deutlich abgemahlet / an
den Zimmerleuten / die Noe holffen sei
nen Kasten auff bawen / Den Kasten /
oder die Archen haben sie zwar meister
lich erbawet / Aber in den Kasten sein sie
selbst nicht komen / sondern in der Sinds
flut allesampt ersoffen vnd verdorben /
vnd

vnd nur Notha mit den seinen erhalten
worden. Sollen derhalben sich die Pas
stores fürsehen/auff das nicht sie / alldies
weil sie mit irer arbeit an der Kirchen
sein/vnd dieselbige bawen /sich selbsts von
wegen ires vnfleis / oder vnchristliches
wandels halben/des fluches vnd ewiger
verdammis schuldig vnd theilhaftig
machen.

Das ist nu / das ich meinen Brüdern
jtziger zeit / von einem guten Hirten
habe sagen vnd mittheilen wollen / Auff
das sie sehen vnd lerneten/Wie ein Pfar
herr bey sich selbst/wenn er alleine ist/sol
le geschickt sein/wie er sich in seinem hau
se/gegen seinem Weibe/Kindern vñ Ges
sinde halten solle / Wie er sich in gemein
nem wandel / so oft er mit andern Leu
ten umgehen mus/ Auch in seinem Kir
chenampt verhalten solle.

Ich bitte den Allmechtigen ewigen
Vatter vnseres obersten Erzhirten Ihes
su Christi / das er vns zu heilsamen / vnd
nützlichen Werckzeugen seiner Kirchen
mache/vñ vns mit seinem heiligen Geist
regire/auff das wir thun/ was im gefel
lig

lig ist/ Das bei
aus sind in dem
vnd verein
liche/ Das wi
vnd gut
ur hie in die
sich aus d
en/zur ewig
omen müge
mfern Herre
heiligem
herrsche
re/

Glor

lig ist / Das beide Hirten vnd Schaffe
eins sind in dem Herren / zusammen gebun-
den vnd vereiniget / durch das bandt der
Liebe / Das wir also allesamt den glau-
ben vnd gut gewissen behalten / so lang
wir hie in dieser Welt sein / vnd endlich
frölich aus diesem Jamerthal abschei-
den / zur ewigen freud vnd vnsterblichkeit
kommen mügen. Durch Ihesum Christum
vnsern Herren / der mit dem Vater vnd
heiligem Geiste regiret / lebet / vnd
herrschet warer Gott vn̄ Herz
re / von Ewigkeit zu
Ewigkeit.

A M E N.

Gloria Deo Vni & Trino.
A M E N.

Faint, mostly illegible text in a Gothic script, likely a continuation from the previous page. The text is arranged in several lines across the upper half of the page.

Glans Deco / nicht Tribo
A M H N

Folge
positio
warh

Sye
dig
het
ner Bisse /
im Namen
newgeboren
lichen Gott
niemands
hen / vnd

Es hab
zeiten gar h
rechtschaffen
zuschreiben /
tes / Plato /
zwar ganz se
lassen / Doch

Folgen 37. Pro- positiones vom rechten warhafftigen Gottes- dienste.

I.

Die Menschen / so durch die Pre-
digt des Euangelij (welche da ste-
het in der Lehre von rechtschaffe-
ner Busse / vnd vergebung der Sünden
im Namen Christi) bekeret / vnd Geistlich
newgeboren sein / die sind Gott einen geist-
lichen Gottesdienst schuldig / welchen denn
niemands / denn nur die gleubigen verste-
hen / vnd Gott leisten können.

II.

Es haben sich die Philosophi zu allen
zeiten gar hoch bemühet / den Leuten eine
rechtschaffene art solchs Gottesdiensts für
zuschreiben / Als da gewest sind / Socra-
tes / Plato / Xenophon / etc. Die haben
zwar ganz schöne Sprüche hinder sich ge-
lassen / Doch hat jr keiner den rechten
c weg

weg solches Gottesdiensts getroffen oder
wissen anzuzeigen.

I I I.

Denn ob gleich etliche durch hülffe des
eingepflanzten natürlichen Liechtes / et-
was von solchem Gottesdienst erkent vnd
geschrieben haben / sind sie doch / ehe denn
sie recht zum Handel komen / in grewliche
Finsternis gefallen / vnd haben beide sich /
vnd ire Nachfolger jemmerlich betrogen /
haben des rechten warhafftigen Gottes ge-
fehlet / vnd an statt desselbigen die Creatu-
ren vnd die Teuffel verehret / vnd ange-
bettet / wie Paulus mit der Historien der
ganzen Welt solches bezeuget.

I I I I.

Aber vnser Herrgott reisset seine kirche
aus solchen tieffen vnd dicken Finsternis-
sen / vñ zündet an die Lucerne seines worts /
Wie der heilige König David solches be-
zeuget / da er spricht : Dein wort ist meiner
füsse Leuchte / vnd ein liecht auff meinem
wege.

V.

Durch den glanz dieser leuchte mus man
suchen vnd finden / was zu diesem ganzen
Gottes-

Gottesdienste
mit im Philo
möglich grei
solcher Hi
München vo
ern gerhate

Es sind
Gottes wor
man eine r
ren Gottes
ste ist die Ne
Gottesdien
prüfen vnd
das fundar
ist die Defi
vierde ist di
in etliche ge

Die gem
ist diese. Es
geffellig / den
seinem eigen
Menschen be

Ps. 119.

Gottesdienste gehöret / Auff das wir nicht
mit den Philosophen nach dem schatten
vergeblich greiffen / oder durch verachtun-
ge solcher Himlischen Leuchte / mit den
München von einem Irthumb in den an-
dern gerhaten.

V I.

Es sind aber vier dinge / die man aus
Gottes wort eben mercken mus / auff das
man eine rechte vollkomene art eines wa-
ren Gottesdiensts wisse vnd habe. Das er-
ste ist die Regel / nach welcher man allerley
Gottesdienst / als auff einem Probirstein
prüfen vnd beweren mus. Das ander ist
das fundament vñ der grundt. Das dritte
ist die Definition / die beschreibunge. Das
vierde ist die theilunge solchs Gottesdiensts
in etliche gewisse art vnd stücken.

V I I.

Die gemeine Regel aller Gottesdienste
ist diese. Es ist Gott kein werck oder dienst
gefellig / denn allein der / den er selbst mit
seinem eigenem wort geordnet / vnd dem
Menschen befohlen hat.

c ij Diese

Diese Regel befreystiget Gott mit eigener stimme / vnd Christus im Euangelio / da er spricht / Vergeblich dienen sie mir / dieweil sie lehren solche Lehre / die nichts denn Menschen gebot sind. Vnd Paulus verdampt klerlich allerley frembde Gottesdienste / das sind solche wercke / welche die Menschen aus eigenem gutdüncken fürnemen. Daher gehört auch das Paulus ferner sagt / One den Glauben ist vn- möglich Gotte zugefallen. Item / Was da geschicht one den glauben / das ist sünde.

IX.

Sollen derhalben frome Christen diese Regel mercken / vnd viel lieber alles leiden was inen zu handen kömpt / Denn das sie durch einige des Teuffels / oder der Menschen Tyranny / Heuchelei vnd Sophistery inen solche wolten nemen lassen. Denn so man diese Regel verleuret / so wird das Reich Christi angegriffen / vnd eine weite Thür zu aller Abgötterey vnd Aberglauben eröffnet.

Der

Der muß die
Denn erstlich
aus ansehen
erfettiget.
meine / da e
vnd gefallen
das ansehen
ret vnd zu
der Kirche
verachtet /
ordnet v
ersten Geb
ime alleine
hat / So se
fleißig hü
vnd herrli
gebürt v

Darna
von Heide
stischen Ir
zugleich all
de Gottesdi
helffen.

Der nuß dieser Regel ist manigfaltig.
Denn erstlich / so wird die Autoritet vnd
das ansehen des Gesetzgebers hierdurch
bestettiget. Denn gleich wie in einer Ge-
meine / da ein jglicher nach seinem willen
vnd gefallen sezet vnd ordenet was er wil/
das ansehen des Oberherren sich verleu-
ret vnd zu nichten wird. Also wird auch in
der Kirchen Gottes/die Autoritet Gottes
verachtet/wenn einer dis / der ander jenes
ordenet vnd stiftet. Weil denn Gott im
ersten Gebote solche Autoritet vnd gewalt
jme alleine zueigenet / vnd vorbehalten
hat/ So sol sich der arme staub vnd asche
fleissig hüten / das er sich nicht der ehren
vnd herrligkeit anmasse / die Gott alleine
gebürt vnd gehört.

Darnach / so entledigt vns diese Regel
von Heidnischen/Phariseischen vnd Bepa-
stischen Irthumb / das wir nicht mit jnen
zugleich allerley Aberglauben vnd fremb-
de Gottesdienste annemen/oder befördern
helffen.

Über das machet vns diese Regel mu-
tig vnd geherst zuuerachten vnd zuuer-
dammen alle des Papsts vñ der Münche
Regel vnd Geseze/welche sie der Kirchen/
als nötig eindringen wollen/neben vieler-
ley vnd gar mancherley art der Gottes-
dienste / darnon in der heiligen Schrift
nicht ein wort stehet. Derhalben sollen al-
lerley Gottesdienste / so in Gottes Wort
nicht gegründet/noch befohlen/siescheinen
gleich so schön/köstlich vnd gut/ als sie im-
mer wollen/von den rechten Christen kün-
lich verachtet/vnd gemieden werden/nicht
anders als die Schlange vnd der Teuffel
selbs /der Eram vnd Adam im Paradies
betroge.

Denn so lang als Gottes wort da ste-
het / vnd so lang wir dieser Regel folgen/
kan vnd mag es nicht anders sein / denn
das alle Gottesdienste/die Gott in seinem
Wort nicht befohlen / nichts anders sind/
oder sein können / denn ein dienst vnd ver-
ehrung

ehrmag des lei-
Phyllus solches

Folget nu
vnd grunde
welcher in
gründet vñ
anders G
gründet hat
nis Gotten
selbst.

Die e
durch zwe
vnd Geze
lehren vns
vnd Quel
keit/Wei
von Natu
Das man
geben solle.

ehrunge des leidigen Teuffels / Wie auch
Paulus solches bezeuget.

X I I I I.

Folget nu zum andern vom fundamene
vnd grunde solchs rechten Gottesdiensts/
welcher in eines iden Menschen Herz ge-
gründet vnd feste geleyet sein mus / der
anders Gott recht verehren wil. Dieser
grundt hat zwey stück / nemlich / Erkend-
nis Gottes / vnd die Erkendnis vnser
selbst.

X V.

Die erkendnis Gottes erlangen wir
durch zwey ding / nemlich durchs Wort/
vnd Bezeugnis. Denn diese zwey stücke
lehren vns / das Gott sey der rechte Born
vnd Quelle / aller Tugenden / Gerechtig-
keit / Weisheit vnd Seligkeit / Das Gott
von Natur geneigt sey vns zu helfen /
Das man Gott alleine alle ehre vnd preis
geben solle.

c iiii Das

XVI.

Das aber solche erkenntnis Gottes ein
stück sey des rechten grundes vom Got-
tesdienste/bezeuget Gott selbst Esa.am 19.
Denn der Herr wird den Egyptern be-
kandt werden / vnd die Egypter werden
den Herren kennen zu der zeit / vnd wer-
den im dienen mit Opffer vnd Speisopf-
fer/vnd werden dem Herren geloben vnd
halten.

XVII.

Die erkendnis vnser selbst/darvon ge-
meldet / das sie das ander stücke des Fun-
daments vom rechten Gottesdienste sey/
mus man nemen vnd erlangen/ durch be-
trachtunge dreierley dinge / Nemlich/aus
dem ende der erschaffung / aus erach-
tunge gegenwertiger vnser freffen / aus
vnser leichtfertigkeit/wie gar leichtlich wir
in Sünde fallen.

XVIII.

Aus dem ende vnser erschaffung lern-
en wir/was vns gebüren wölle/nemlich/
Dem ebenbilde Gottes gleich zu sein / in
warer

warer Gottfeli-
gkeit/Unsere
ermägen lehr-
und vollkommen
zu vnuern
Das wir teg-
gen/das lehr-
geborne schen

Wenn
vnd nicht
kömpt es/de
vnd preisvor
die bloße güt
alles heil v
suchen im v
sum vnsern
ame gnader
ische Vater
iligkeit schen

Zum dritten
ne rechte vnd
Gottesdiensts

warer Gottseligkeit/frömbkeit/vnd gerecht
tigkeit/Vnsere gegenwertige krefftien oder
vermögen lehren vns/ das wir schuldigen
vnd vollkommenen gehorsam Gott zu leisten
viel zu vnuermöglich vnd zu schwach sein.
Das wir teglich vnd gar leichtlich sündi-
gen/das lehret vnd erinnert vns vnser an-
geborne schwachheit vnd vnuermöglichkeit.

X I X.

Wenn man diese ding rechtschaffen
vnd nicht Heuchlischer weise betrachtet /
kömpt es / das wir allerley eigenen rhum
vnd preis von vns thun/vnd vns alleine in
die bloße güte vnd gnade Gottes ergeben/
alles heil vnd alle seligkeit erwarten vnd
suchen im vertrauen auff Ihesum Chri-
stum vnsern Herren/ Denn er ist der heil-
same gnadenborn/aus welchem der Him-
lische Vater vns das Wasser der ewigen
seligkeit schepffen heisset.

X X.

Zum dritten hab ich gesagt/das man ei-
ne rechte vnd gewisse beschreibung des
Gottesdiensts haben müsse / Als diese ist.

c v

Gottes

Gottesdienst ist ein werck von Gott geboten / welches da geschicht aus dem Glauben / vornemlich Gott dem Herren zu lob / ehre / vnd preis.

X X I.

In dieser beschreibung finden sich drey stücke / welche in leistung eines waren Gottesdiensts notwendig beyeinander stehen / nemlich / Das werck so von Gott geboten ist / der Glaube / vnd die ehre Gottes. Denn so du dieser dreyer eins daruon thust / Es mag der handel scheinen so köstlich / als er immer wölle / so hat er doch keine art eines rechtschaffenen Gottesdiensts.

X X I I.

Das werck von Gott geboten / ist die Materia des Gottesdiensts / one welche kein Gottesdienst sein kan / oder bestehet. Wenn aber jmands eine frembde Materien herfür bringen wolte / So ist kein Gottesdienst / Als zum Exempel / Die anrufung der verstorbenen Heiligen ist ein werck / Messe halten ist ein werck / Rosenkrenze

fruchtbar ist
werck aber von
können sie nicht
Gottesdiensts
Überglauben

Das ar
bey rechtem
der Glaube
Gott geboten
geschehe dem
crates war ke
vnd ist die ke
Weil aber
mangelt / ist
dienst gewis
Glaube in je
vorleuchtet /
Gotte gar ei
der vnserm
langte / durch
Also ist auch
dienst gewis
mit nichts.

werck von Gott ge-
schicht aus dem Glauben
ott dem Herrn zu lob
x x l.
reihunge finden sich
leistung eines von
twendig beeynander
s werck so von Gott
ube / vnd die ehre
fer dreier eins dar
andel scheinen so köp
volls so hater doch kei
offnen Gottesdiensts.

frenke beten ist ein werck. Dieweil solche
werck aber von Gott nicht geboten sein / so
können sie nicht sein die Materia eines
Gottesdiensts / sondern eines Gottlosen
Aberglaubens.

x x i i i.

x i l.
m Gott geboten / vnd
ttesdiensts / onerlich
sein kan / oder köp
ds eine fremde Man
en wolte / Eris kei
zum Exempel / Zu
eben Heiligen
ist ein werck / vnd
kei

Das ander welches auch notwendig
bey rechtem Gottesdienste sein mus / ist
der Glaube. Denn das werck / so von
Gott geboten / ist kein Gottesdienst / es
geschehe denn aus dem Glauben / Zeno-
crates war keusch / Joseph war auch keusch /
vnd ist die keuschheit allen beiden geboten.
Weil aber Zenocrates des Glaubens
mangelt / ist seine keuschheit kein Gottes-
dienst gewesen. Aber Joseph / weil der
Glaube in ihm ist / vnd allen seinen wercken
vorkleucht / erzeiget mit seiner keuschheit
Gotte gar ein wolgefelliger Gottesdienst /
der unserm Herrgott zu grossen ehren ge-
langte / durchs ganze Landt Egypten.
Also ist auch des Dauids krieg ein Got-
tesdienst gewesen / Des Scipionis aber
mit nichts.

Das

4
10 11 1

Das aber der Glaube notwendig erfordert werde / als der dem werck seine gestalt vnd art gebe / sind des viel wichtige vrsachen. Die erste ist / Es kan Gott kein werck gefallen / es gefalle im denn zuuor die Person / Sie gefellet im aber durch den Glauben. Die ander / Das werck gefellet Gott nicht / es sey denn gerecht. Wie aber nu die Person durch den Glauben gerecht wird / Also werden auch des gerechtfertigten Menschen werck gerecht geschazet / von wegen des Glaubens. Die dritte / Der Glaube bringet zu wegen / das vnser gehorsam willig sey / vnd nicht gezwungen oder gedrunken durch die drawungen des Gesetzes / Vnd solche willigkeit wird auch in einem Gottesdienste erfordert. Die vierde / Der Glaube machet / das das eusserliche werck ein Geistlicher Gottesdienst wird / Denn es mus aller Gottesdienst Geistlich sein. Die fünffte / Der Glaube machet einen rechten vnterscheid zwischen warem Gottesdienste / vnd allen anderm misglauben. Die sechste / Der glaube bedecket den mangel der wercke / vnd

und andere
welche sonsten
würde.

Derhalb
schicht aus
oder stehet
bisch / vnd
kömpt aus
glaubisch ist
giret durch
Denn es m

Der Ph
weist gegen
tern / vnd b
du in diese
sichst / so ist
er aber ist
vnrrein / vnr
beflecket / v
d. Dargeg
Almosen / Fe
keit / vnserm
Gottesdien

111.
vnd andere vielfeltige gebrechen / durch
welche sonsten der Gottesdienst besfleckt
würde.

x x v.

Derhalben ein jedes werck / so nicht ge-
schicht aus dem glauben / es sey geboten/
oder stehe frey / das ist vnrein / abergleu-
bisch / vnd fleischlich. Vnrein ist es / denn es
kömpt aus einem vnreinen hertzen / Aber-
gleubisch ist es / Denn es wird nicht gere-
girt durch den glauben / Fleischlich ist es /
Denn es mangelt des geistes Christi.

x x v i.

Der Phariseer Luc. am 18. ist milde ge-
west gegen den Armen / Item / keusch / nüch-
tern / vnd benüget mit dem seinen. Wenn
du in diesen dingen nur auffß gebot alleine
siehest / so ist es alles gar köstlich ding / Weil
er aber ist one glauben / so ist solches alles
vnrein / vnd mit dem vnflat seines hertzens
besfleckt / vnd derhalben für Gott ein grew-
el. Dargegen aber / haben des Cornelij
Almosen / keuscheit / nüchterkeit / gerechtig-
keit / vnserm Herrgott / als ein geistlicher
Gottesdienst / gar wol gefallen.

Daher

Daher kan man leichtlich vrtheilen/
was von denen wercken zuhalten sey/ wel-
che der Papsst als einen rechten Gottes-
dienst versichert vnd beschirmt mit Ty-
ranney/ Sophisterey/ vnd Heuchelei/ Als
da sind/ Ir Kloster vnd Mönchleben/ die
gelübde ires unreinen Celibats / sich be-
sprenghen mit Weichwasser / sich vom
Papsst lassen ölen vnd schmiren / die ver-
storbene Heiligen anrufen / lange reisen/
vnd weite walfarten von wegen eines be-
sondern Gottesdiensts auff sich nemen /
das Heilighumb anbeten / Messe halten
für die lebendigen vnd todten/ Die Mon-
stranzen umbhertragen / das Brot ein-
schliessen vnd anbeten/ vnd des dinges vn-
zählich viel / welche alle miteinander ge-
wisse zeugnis vnd zeichen sind des Anti-
christis.

Wer solche Pepsstische werck für einen
Gottesdienst achtet / der verstehet nicht/
hat auch nie nicht gelernet was Gottes-
dienst sey / Denn in solchen wercken ist gar
nichts/

nichts/ das ei-
an sich hette.
harlich wide-
Mangeln für
im Gottes-
wollen wir
ter/ das ist/ i-
sen. Wir
Göttliches
lein den rech-
leben weisen

Das dr-
des Gottes-
botene wer-
schicht/ ger-
Denn glei-
dem Glaubt-
von nöten/
Göttliches
die ehre G-
schlus sey vn-

Dieses wir-
Jeremiae an-
anrufen/ di-

711.
an leichtlich irren
tzen zuhalten / wo
einen rechten Gotes-
nd beschreiben in Ap-
ren vnd Heiligen / la-
t vnd Mönchen / die
einen Eelbas / sich be-
Reichwasser / sich von
t vnd schmiren / die von
anrufen / lange reisen
n von wegen eines he-
nits auff sich nemen
n beten / Wesse solten
vnd toden / Die Mon-
ragen / das Zwei ein-
ten vnd des dings ma-
e alle miteinander ge-
zeichen sind die Am-
VIII.
epistliche werck / so
t / der versichert nicht
gelernt was Gutes
schon verachten / so
nicht

nichts / das eine art eines Gottesdiensts
an sich hette. Ja sihe / Ob sie nicht offen-
barlich wider obgesetzte Regel streiten &
Mangeln sie nicht aller stücke / so zum wa-
ren Gottesdienst gehören & Darumb
wollen wir solche des Teuffels Stadthal-
ter / das ist / dem Antichrist vnd Papst las-
sen. Wir aber wollen dem hellen Liechte
Göttliches worts folgen / welches vns al-
lein den rechten weg zum heil vnd ewigem
leben weist.

X X I X.

Das dritte stücke in der beschreibung
des Gottesdiensts / ist dieses / das das ge-
botene werck / so aus dem Glauben ge-
schicht / gereiche zu Gottes lob vnd ehre.
Denn gleich wie aller Gottesdienst aus
dem Glauben sol herkommen / Also ist auch
von nöten / das er vornemlich auff die ehre
Göttliches namens gerichtet sey / also das
die ehre Gottes das letzte ende vnd der be-
schluss sey vnser gethanen wercks.

X X X.

Dieses wird bestetiget durch den Spruch
Jeremiae am 43. Alle die meinen Namen
anrufen / die habe ich geschaffen zu mei-
ner

ner herrligkeit / vnd sie zubereitet vnd ge-
macht. Vnd Christus spricht Matth. 5.
Also lasset ewer Liecht leuchten für den
Leuten / das sie ewre gute werck sehen / vñ
ewren Vater im Himmel preisen. Hieher
gehöret der Spruch Augustini wider den
Julianum. Derhalben soltu wissen / das
man die tugenden nicht nach iren officijs /
sondern nach irem finibus vnterscheiden
sol. Officiū ist das / das man thun sol.
Finis ist das / darumb man ein ding thut.
Wenn derwegen der Mensch etwas thut /
welches an sich selbst nicht für sünde oder
vnrecht möchte gehalten werden / Wenn
ers aber nicht darumb thut / darumb ers
billich thun sol / der wird vberzeuget / das
er vnrecht thue / vnd sündige.

X X X I.

Wiewol aber die ehre Gottes das letzte
vnd fürnembste ende eines Gottesdiensts
sein sol / idoch hindert es nichts / das auch
andere endtschafften sein / welche hie für
das letzte gesehet werden. David führet
Priege / das er seine Bürger vnd Vnter-
thanen beschütze / Er beschützet die Vnter-
thanen

haim / das der
vorgesehet werde
wes fromen / o
richte Religio
reitet werde.
ndlich daru
gepreiset wer

Das letzte
in dem Got
lung solchs
vnd weise.
fleissig gem
nicht allein
dienst erst
den Jethur
müssige Le
als wie and
siggange a
leisten / Gle
ger Kriegs
Handtwerc
eben so wol
ten / als eben
die doch nicht

thanen / das der gemeine nutz wachse vnd
fortgesetzt werde / Er sucht des gemeinen
nuzes fromen / auff das die ware lehre vnd
rechte Religio erhalten vnd weiter ausge-
breitet werde. Vnd solches alles thut er
endlich darumb / das Gott geehret vnd
gepreiset werde.

X X X I I.

Das letzte / daruon gesagt / darauff man
in dem Gottesdienst sehen sol / ist die thei-
lung solchs Gottesdiensts in gewisse form
vnd weise. Diese theilunge sol darumb
fleissig gemercket werden / Denn sie zeigt
nicht allein an / wie weit sich der Gottes-
dienst erstrecke / Sondern verwirfft auch
den Irthumb derer / so da meinen / das die
müssige Leute / die nicht in der Gemeine /
als wie andere leben / in solchem irem müs-
siggange allein den rechten Gottesdienst
leisten / Gleich als köndte ein Gottfürchti-
ger Kriegsman / Richter / oder Oberkeit /
Handwercksman oder Hauswirt / nicht
eben so wol Gott dienen / ehren vnd anbe-
ten / als eben solche faule müssige beuche /
die doch nichts anders sein / denn vnnütze
D thier /

thier / die den schaum für Goldt / vnd Bley
für Silber verkauffen.

X X X I I I.

Ist derhalben in gemein daruon zure-
den / der Gottesdienst zweyerley / Inner-
licher vnd Eusserlicher / Der Eusserliche
kan ohne den Innerlichen kein Gottes-
dienst sein / Der erste geschicht mit dem
Hertzen vnd Gemüte / der ander mit dem
Leibe.

X X X I I I I.

Beiderley Gottesdienst ist man Gott
zu leisten pflichtig vnd schuldig. Denn so
viel die Seel belanget / hat Gott den men-
schen nach seinem Bilde geschaffen / vnd
den Leib aus einem Erdenklos / vnd alle
Krefft die der Mensch hat / die hat ime
Gott geben / vnd erhelt sie auch. Hierher
gehört der Spruch S. Pauli / 1. Cor. 6.
Darumb so preiset Gott an ewrem Leibe /
vnd in ewrem Geist / welche sind Gottes.

X X X V.

Wie nu der inwendige Gottesdienst ei-
ne bewegung ist des Hertzens / so durch den
Glaub-

Glauben ge-
liche eine eu-
welches dur-
regin. wir-
gel Göttlich-
licher / nem-
che Gottes-
solches alle-
geboten Ge-
eines iden G-
Gott geord-
regiment /
ment. De-
gefallen Ge-
vnd arbeit /
cher stende.

Diese
diensts / ist
wir droben
Gottesdienst
unterscheid
in des werck-
vnd geschick-
durch den geist
von wegen sol-

Glauben gereiniget ist / Also ist der eusserliche eine eusserliche handlung vnd werck / welches durch die bewegunge des Herzens regiert wird / vnd ist gerichtet nach der Regel Göttliches willens. Es hat aber ein iglicher / nemlich der innerliche vnd eusserliche Gottesdienst / seinen vnterscheid / vnd solches alles nach den gradibus der Zehen geboten Gottes / vnd nach dem vnterscheid eines iden Standes vnd Beruffs / so von Gott geordnet sind / als da ist / das Hausregiment / Weltlich vnd Geistlich Regiment. Denn diese drey Stende alleine gefallen Gott mit iren künsten / emptern / vnd arbeit / so da dienen zu erhaltung solcher stende.

x x x v l.

Diese manigfaltigkeit des Gottesdiensts / ist dem nichts entgegen darvon wir droben gesagt habē / nemlich / das aller Gottesdienst Geistlich sey. Denn solcher vnterscheid kömpt nicht her aus der qualitet des wercks / sondern aus der qualitet vnd geschickligkeit des gemütes / welches durch den geist Gottes getrieben wird. Vñ von wegen solcher bewegunge des geistes /

d ij wird

wird ein igliches werck so da geschicht aus
dem Glauben zu Gottes ehre / ein Geist-
licher Gottesdienst genennet.

X X X V I I.

Solche Verehrer vnd Anbeter alleine
wil der Himlische Vater haben / wie sol-
ches der Son Gottes selbst bezeuget / die
in ehren vnd anbeten im Geist / vnd in der
warheit / Das ist / die durch rechtschaffene
erleuchtunge vnd bewegunge des heiligen
Geistes getrieben werden / Gott irem Her-
ren gehorsam zu leisten / beide in gemein
mit allen fromen Christen / Darnach
in sonderheit nach erforderunge
eines iglichen Berufs
vnd Standes.

E

Folget

Folget
aller st

Unter
in i

Vom wand
vnd ein
Von notw
wande
Die reinigk
Leibes

Was
höre.

i. Was die
ein gen
Das wörtle
Der Spruch
Unreinigkei
Reinigung de
Ordnunge de
der Kirc
Frucht vnd nutz
Basilus Ma
den ander
Nutz der Pfalt

**Folget ein kurtz Register/
aller stücke/so in diesem Büch-
lein gehandelt werden.**

**Unterrichtung eines Pfarherrs stehet
in dreyen stücken.**

Das erste stücke.

**Vom wandel eines Pastoris /welchen er sonderlich
vnd einsam führet.**

**Von notwendigkeit des Christlichen vnd reinen
wandels in einem Pastore.**

**Die reinigkeit ist zweierley/ des Gemütes vnd des
Leibes.**

I.

**Was zur reinigkeit des Gemütes ge-
höre.**

**1. Was die / so noch nicht Newgeboren sein/ für
ein gemüth haben.**

Das wörtlein Gemüth begreiffet dreyerley.

Der Spruch S. Maximi.

Unreinigkeit des Hertzens wie vielerley.

Reinigung des Gemüts.

**Ordenunge der Lection aus heiliger Schrift in
der Kirchen.**

Frucht vnd nutz solcher Lection.

**Basilius Magnus hat geordnet einen Vers vmb
den andern zusingen in den Psalmen.**

Nutz der Psalmen.

d iij

Ein

Ein fürschlag von Psalmen lesen.

Von der Version D. Georgij Matoris.

Von den Büchern des Newen Testaments / welche
man vornemlich lesen sol.

Von den Büchern des alten Testaments / welche
man vornemlich lesen sol.

Vom Corpore doctrinae Christianae Philippi Me-
lanch.

Von andern des Philippi Commentarijs.

Von anderer gelehrter Leute Commentarien / wel-
che man lesen sol.

2. Von anfang vnd vrsachen der gedancken.

Von notwendigkeit böse gedancken zuuermeiden.

Bernhardi Lehre von den gedancken.

Von etlichen vrsachen böser gedancken.

Ergney wider die versuchunge/die der Sathan für-
nimpt in der Lehre.

Die gedancken so von den Sinnen herkommen.

Die Sinnen sind fenster zum tode.

Das Gesicht/was für ein fenster es sey.

Wie man dis fenster zuschliesse.

Das fenster des gehörs.

Wie es verschlossen werde.

Die gedancken so vom gedechtnis herkommen / vnd
Ergney wider dieselbigen.

Die gedancken / so von der Complexion des Mens-
schens sich verursachen/vnd von Ergney dar-
wider.

Eine gemeine Ergney wider böse gedancken.

3. Von den Affecten vnd irem vnterscheid.

Vrsprung vnd Effect der leiblichen gedancken.

Dreyerley ende des geitzes.

Das erst/ ist wollust/vnd von Ergney darwider.

Das

Das ander

Das dritte

Von den 2

etus/

Der zorn i

Ergney wi

Von der 2

Macarij

4. Vort

5. Vort

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Von

Das ander ist chrsucht/ vnd von Erzney darwider.
Das dritte ist furcht der künfftigen armut.
Von den Affecten / die man nennet Animales affe-
ctus/ Vnd von iren geschlechten.

Der zorn ist dreyerley.

Erzney wider den boshaftigen zorn.
Von der Begirde/ vnd iren Geschlechten.
Macarij Spruch von der begirde.

4. Vom willen vnd weise des willens.
5. Vom Studio vnd fürnemen eines Pastors.

I I.

Von Disciplin vnd zucht des Leibes.

Übunge des Leibs.

- | | |
|-----------------|-----------|
| 1. Epicurische | } übunge. |
| 2. Phariseische | |
| 3. Eusserliche | |
| 4. Christliche | |

Ein Gebet vmb erhaltung eines vnschuldigen wan-
dels vnd lebens.

Das ander Theil dieses Büch- leins begreift in sich acht Capitel/ von der Hauszucht.

1. Was ein Pfarherr für ein Weib nemen sol.
2. Wie ein Pfarherr gegen seinem Weibe sol gesinnet sein.
3. Von vnterrichtung des Weibes.
4. Von Kinderzucht.

8 iiij

5. Wie

5. Wie er sein Gesinde / Knecht vnd Negde halten sol.
 6. Von sorgfältigkeit der Narunge/ vnd anderer notwendigen dingen.
 7. Von mildigkeit gegen den Armen.
 8. Wie vnd wenn ein Pastor mit seinem ganzen Hausgesinde beten sol.
- Form eines Gebets.

Das dritte Teil.

Von eusserlichem leben vnd wandel eines Pfarherrs.

1. Warauff ein Pfarherr in gemeinem Leben sehen sol.

Wie er mit alten/vnd Jungen vmbgehen sol.

Wie er sich halten sol/mit kleidunge/mit geberden/
im reden/in gasteren.

Von aufrichtigkeit in hendeln.

Warauff in gemeiner Kirchen versamlunge zusehen sey.

Warauff man in Anschlegen vnd Rethen sehen solle.

Von zwispeltiger Lehre.

Vom Ministerio vnd Predigampte.

Von denen dingen /so zu beiden gehören.

Das vierde Teil.

Vom Ampte die Schefflein Christi zu weiden.

Was eines Pfarherrs Ampte sey.

1. Die Here

1. Die H
2. Die S
3. Sie in
4. für di
5. für di
6. Ein vo

Was ein P
Das diesel
Was ein P
tet/zu
Der lohn i
Was für
vnst

1. Die Herde Christi mit Gottes wort weiden.
2. Die Sacramenten reichen.
3. Sie in guter zucht halten.
4. Für die Herde Christi bitten.
5. Für die Armen sorgen.
6. Ein vorbildt der Herde sein.

Was ein Pfarherr für gewalt habe.

Das dieselbige gewalt viererley sey.

Was ein Pfarherr/der sein Ampt recht ausricht-
tet/zu lohn empfahe.

Der lohn ist zweierley/ zeitlich vnd ewig.

Was für straffe erfolge auff nachlässigkeit vnd
vnfleis/nemlich/ ewige vnd zeitliche.

E N D E.

Hc 596.

Leipzig
Bey M. Ernesto Bögelein.

M. D. L X V I.

fig
ffio Bögelein.

LXVI.

